


**JOHANNIS
LOCCENII RERUM
SUECICARUM
HISTORIA A REGE
BERONE TERTIO...**

Johannes 1598-1677
Loccenius



11



JOHANNIS LOCCENII
RERUM SVECICARUM
HISTORIA

A Rege Berone tertio usque

ad Ericum decimum quartum de-
ducta, & pluribus locis, quam
antehac, auctior edita.

Accedunt

ANTIQUITATES
SVEO-GOTHICÆ.



H O L M I Æ,

Ex Officinâ JOHANNIS JANSSONII,
Regii Typographi. 1654.



SERENISSIMÆ. AC. POTENTISSIMÆ.
REGINÆ. AC. DOMINÆ.
DOMINÆ.

CHRISTINÆ.
SVECORVM. GOTHORVM.
VANDALORVMQVE. REGINÆ.
MAGNÆ. PRINCIP. FINLANDIÆ.
ESTHONIÆ. CARELIÆ. BREMÆ. VER-
DÆ. POMERANIÆ. DUCI. DOMINÆ.
INGRIÆ. VVISMARIÆQVE. PIÆ.
FELICI. AVGVSTÆ.

Serenissima & Pötentissima Regina ,
Domina Clementissima.

Quemadmodum de quamplurimis bene mereri
non cessas , ut inde Beneficæ cognomen optimo
jure merearis , ita quoque literarum & qui eas amant
curam ac favorem haud unquam ex animo Tuo de-
ponis. Iucundâ sanè recollectione horam istam repeto,
quâ Tua Majestas hic in arce Upsaliensi aliquando de
veteri Sueonum historiâ recognoscendâ & ex Anna-
libus patriæ manuscriptis supplendâ mecum verba fa-
ciebat.

ciebat. Quæ cura quum me propius tangeret, & jam ante aliquot annos mentem meam seriò agitasset, eam explendi desiderium acrius incescit, nec prius conquievit, quam destinata pro viribus elaborassem. Hoc meum institutum postquam Majestati Tuæ exposueram, illud tam clementer acceptum habuit, ut accessione quadam salarii munus meum ornaret. Eo Regiæ Beneficentiæ authoramento deinceps novi quasi stimuli accesserunt ad labori contentius instandum, & ad præfixam mihi metam ulterius deducendum. Quem Majestati Tuæ summâ animi demissione nunc sisto, bonæ spei certus, si non alio, saltem hoc nomine probatum iri, quod Maj: Tuæ Majorum & inprimis magni Proavi GUSTAVI I. gesta complectitur. Deus Majestatem Tuam, quæ ejusdem beneficio, magnanimitate Semiramis, prudentia Amalasuentham, pacis studio Placidiam superat, imò regnandi arte multis retrò Regibus palmam præcipit, regno, patriæ, subditis incolumem & superstitem quam diutissimè præstet.

Vpſaliæ a. d. 30.

Nov. A. C. MDCLIII.

MAIESTATI TVÆ

subjectiss. & devotissus.

JOHANNES LOCCENIUS.

PRO-

P R O O E M I V M.

Historiam Sueticam, hætenus in lucem emissam, accuratius evolventi, & aliis manu exaratis nondumque editis patriæ annalibus componenti liquidò patebit, non pauca adhuc in ea desiderari: quum unus omnia videre nequeat, & aliis quædam etiam post se memoranda relinquere soleat. Quâ caussa, quum mihi veteris Sueconum historiæ suæ integritati, quâ datur, restituendæ scribendæque partes ex autoritate publicâ impositæ essent; ab illis temporibus ordiri visum est, quibus plura & expertæ fidei documenta in subsidium vocari possent. Ea verò non facile reperias, ultra Christianæ religionis hîc ope divina instauratæ primam ætatem. Quod Ericus Vpsal. etsi incultæ pro isto ævo dictionis, tamē incorruptus & fidus patriæ rerum, suę præsertim ætati propiorum, scriptor conceptis verbis adfirmat; nec istius rei causas dissimulat. Plerisq; enim majorum bello intentis, paucissimos fuisse fatetur, qui, quo par erat, labore & industria res in patria gestas memoriæ consecrarent; utut exterorum gesta scriptis famaq; extollerentur. Si quæ verò quocunq; modo scripta ad hæredū manus pervenissent, non pari fide, qua consignata erant, à posteris illorum adservata fuisse, in otio tunc voluptati magis & genio, vel aliis quibuscunq; negotiis, quam literarum & ingeniorum cultui deditis. Atque sic cum blattis & tincis certantes annales adversus ævi injuriam stare non potuisse. Successit & hoc cum annis malum, ut divisis olim intestina dissensione populis eorumq; imperiis, modo hic modo ille rerum potiretur; instabili tamē sede, inclinantibus subinde in has aut illas partes animis. Vnde scriptori fuit arduum, vagâ & incertâ regni administratione, continuam & exploratam rerum seriem ad posteritatem transmittere. Denique exacto sanguine regio in patria orto, aut rempubl.

mis-

miscente discordia, extraneos regno admotos, refert: quibus, si malus animus esset, ut nomen Sueticum, quantum in ipsis erat, à stirpe delerent, annales patriæ vel suppressisse, vel extra regnum deportatos situ & tenebris damnasse, ne unquam lucem adspicerent. Hoc, quod author ille, ut ingenuum de-
cet, candidè profitetur, ipsa re comperi, postquam annales regni, quotquot adhuc existant, replicare cæpi. Quæ enim ante Christianos Sueciæ reges gesta legimus, non per omnia fidem omni exceptione majorem, aut temporum rationi ubique consentaneam mereri, non ego solum, sed alii ante me dudum cognoverunt; & res ipsa satis loquitur. Proinde à primo Christiano rege, Berone tertio auspicatus, per subsequentes ordine deinceps ivi, usque ad Ericum decimum quantum: de quibus & certiore & multis partibus locupletiore rerum memoriam in regni annalibus invenire est. Equidem si nihil aliud, vel hoc satis ingens ad edenda istæ incitamentum fuerit: dum inde non pauca supplevi-
mus loca, quæ hætenus integræ historiæ corpori deerant. Præterquam quod illorum plerumque Principum tempora variis mutationum vicibus & ancipitibus fatis maxime insignia fuere: quorum causas & momenta, quotiens ad ea viam res ipsæ aperirent, explicare non intermisi. Nec satis habui nostros adire scriptores, sed etiam exoticos, qui ex occasione bellorum, pacis aut fœderis cum Sueonum gente, in rebus domesticis exponendis, etiam nostras non prorsus intactas dimittunt, eâ qua debui curâ contuli: ut consiliorum & eventuum, nec minus incorruptæ confirmatæque fidei vestigia, quacunque possem semita, propius deprehenderem atque observarem. Si autem non omnia pro meo voto & diversis lectorum judiciis adsecutus sum; & quis hoc queat in quacunque historia, præsertim in remotiori a suo seculo gestorum commemoratione? tamen apud æquos rerum aestimatores veniam mihi paratam esse confido.

IOAN-

CVM DEO.

JOHANNIS LOCCENII HISTORIÆ RERUM SVECICARVM

LIBER I.

BERO vel BIÖRNO III.

ALarici filius, si non ceteris fuisset, hoc satis felix imperii erat, quod ætas ejus illa contingebat tempora, quibus ex Germaniâ Gallisque vera religio in Svediam quoque migrare cæpit. Quippe Carolus Magnus Francorum rex Teutonumque imperator, pius & Dei amans Princeps, divino haud dubiè instinctu exterorum & borealium amicitias appetebat: ut illos à spissis errorum tenebris ad veram Dei cognitionem alliceret, aut saltem Christianos illos, qui sub eorum imperio & persecutione degebant, quâ posset ope sublevaret. Eadem præcipuè cum hoc Biörnone Svecorum rege foedus ineundi causa fuit; & ut ipso amico socioque, si usus foret, adversus Gottricum Daniæ regem, sibi, religioni & Saxonibus, nuper ab ipso ad fidem Christianam conversis, infestum niteretur. Religionis tamen negotium initio morabatur bellum Gotrici cum Svedis, inde ortum, quod ille non solum Germaniæ armis oppressæ imperium quærebat; sed Svediam quoque intestino motu agitatam, tentavit. Hoc animo Resonem legatum suum ad Biörnönem avunculum misit, eique dedit negotium componendi domestici tumultus; amicitiae & proximæ conjunctionis obtentu. Sed istum Resonem nonnulli Danicæ Historiæ scriptores, quod isti negotio esset impar, eoque invisus; noctu ex insidiis devoluto in dormientem ingenti saxo, à Sueonibus obtritum atque interemtum perhibent. Inde Gottricum armis hanc vim ultum; nostros uno prælio victos deditosque benignè tamen habuisse, sex auri librarum multa facinoris

A

autho-

authoribus, unâ unciâ reliquis consciis imposita, quam *vulpeculæ pensionem* vocarint. Ceterum nostri annales Resonem transfugæ titulo Suediam ingressum, in prodicionis crimen vocatum, appenso ad collum saxo undis submersum ferunt. Quamvis autem anceps & temerarium sit in dubiis certi quid affirmare; accuratius tamen rem pensitantibus, vero propius videtur, non privato odio interfectum Resonem, sed quod nomine & reapse vulpes dolo ageret. Siquidem uti Suedica historia memorat, simulatione injuriarum à Gotrico acceptarum, & specie integritatis ad interiora animumque Biörnnonis admissus, arcana ejus elicuit & proceribus prodidit. Inde dissidium inter illos & regem excitatū, non alio fortè proposito, quam ut distractis animis & viribus vel seipso conficerent, vel ille regi suo viam turbatos & discordes opportunius invadendi patefaceret. Hujus rei fidem ipse Saxo non obscuris verbis adfirmare videtur: *Nec Germaniæ quidem oppressione contentus, per Resonem legationi additum, Sueoniam tentat.* Hæc quis aliter accipiat? quam quod oppressā magnam partem Germaniā, etiam Sveones Carolo Germanorum imperatori scedere junctos adoriri voluerit; prætentatis per artes Resonis eorum animis & consiliis. Nec consentaneum existimatur, adeo juris gentium & naturæ vel oblitos vel negligentes fuisse, etsi isto seculo non satis culto, Suedos, ut Legatum ex solo contemptu, & qui pacis ac concordie arbiter venerat, per insidias trucidarent. Nisi forte quidam ex vulgo, quibus Resonis nomen & fides suspecta esset, per insolentiam inscio rege, vim & manus ei intulerint. quod tamen non impune fuisset. certe non oportuisset esse. Quanta autem ista immanitas fuisset, legatum, tanquam isti negotio, cui missus erat, haud parem interimere. Si parum idoneus ei muneri fuisset, magis mittenti, quam suscipientibus legatum, in dedecus vertisset. Sed hæc lectori integrè judicanda relinquimus. Post hæc pace inter Carolum & Hemmingum Gotrici vita functi sive filium sive nepotem facta, turbis in Svediā compositis, ex voto Biörnnonis & lege fœderis Carolus Magnus huc misit Herbertum, primum Ecclesiæ Gothicæ plantatorem. His initiis animæ regis ac subditorum, hætenus diabolo horrendæque superstitioni mancipatæ, in veram libertatem Deo & cœlis adsertæ sunt.

quod

quod ante omnia bona humana æstimandum erat. Ab excessu Caroli, Ludovicus ejus filius, ceu hæres paternæ pietatis & amicitiae erga Biörnum Syedorum regem, huc Anscharium mittebat, cui Bircæ ad sesquiannum verbum Dei cum fructu docuit & propagavit. Quæ fufius hic exsequi, mei non est instituti, sed ad annales Ecclesiasticos remitto, quibus hoc argumentum proprium est. Cum Berone autem vel Biörno fatis functo extinctus jacuit Christianæ religionis ardor usque ad Stenchillum regem. Etenim pagana superstitione tam altas radices egerat in animis hominum, ut ad eam extirpandam præsentiori numine opus esset. Sunt qui perhibent, Biörnum hunc cum Gotrico junctis viribus Vinetam Vandalorum aut Vendorum olim principem urbem, ob vim ab incolis & Saxonibus istis commercantibus tunc Svedis & Danis illatam, exscidisse atque Vandalorum gentem sibi subiecisse. Vnde in eos & hoc & alio tempore debellatos imperii quoque titulum reges Svedix & Daniæ deinceps usurpare ceptarunt. Alii ad Herotum (quidam Haraldum vocant) Syedorum, & Hemmingum, nonnulli Gotricum, Danorum reges, huius facti famam referunt.

BRAUTAMUNDVS

PRIMUM Amundi gentile habuit nomen, sed imperio positus, id pacis ornamentis augere, patriamque terram cultu agrorum & annonæ ubertate locupletare studuit. Vnde à succisis nemoribus & in satorum viarumque usum eradictis, postea Brautamundi cognomen patria lingua accepit. Quidam etiam cognomento Froum dictum volunt, quod ex veteri Froi, quem inter deos suos olim pagani Sucones retulerant, ortu esset. Nonnulli Freierum, alii Frotonem appellant. Non diu verò pacatum tenuit imperium. Inter ipsum & Sivardum fratrem grave de regni jure certamen exortum est. Sivardus imperii æmulus regnum sibi ætatis an virtutis opinione præ Brautamundo deberi volebat. At hic liberam ex more majorum eligendi facultatem, nec irritam populi de se existimationem urgebat. Inde fratres & per eos subdiri mutuis odiis & tandem in arma concitati sunt. Ut verò rex majoribus copiis & animis rebellem fratrem aggrediretur,

retur, Sivardum Norvegiæ regem in auxilium evocavit. Ille promptus subveniendi amico & vicino, cohortes aliquot ei subsidio mittit. Quibus domestico militi mixtis, & collatis signis, acre prælium utrinque commissum est in campis Nericiæ editioribus, quos Höghaheed vulgò vocant. Irritatis semel bello animis offensæ non expiari, nec arma prius deponi potuerunt, quam Brautamundus à fratre Sivardo victus cæsusque, vitâ pariter ac regno exueretur. Huc nimirum proficit intestina discordia vires nata, in mentium distractionem, sanguinis effusionem, & tandem victoris dominatum; si ei parum sit vicisse.

SIVARDVS cognomine FROUS

NON contentus per necem fraternam sibi viam regno fecisse, Sivardum Norvegiæ regem, ob latam Brautamundo adversus se opem, in Norvegiam usque armis persequitur. Conferta manu victor, eundem cum suis internecioni dat, regnique Norvegici possessionem suo adjungit. Verum successu elatior, animum libidini totum permisit, & regias nobilesque istius gentis fœminas propriæ militumque suorum contumeliæ subjecit. Gens Norvegica tantæ ignominiae vindicandæ magis animum quam facultatem habens, auxilium Regneri Daniæ regis, factis clari, exposcit. Ille nihil cunctatus, suppetias venit. Sed in ingressu obvias habuit instructas duce Laathgerta generosarum fœminarum acies: quod à Scandianis moribus eâ tempestate non abhorrebat. Has iusta armarat indignatio, & dolor ignominiae vim passis illata; reliquo etiâ sexui, nisi armis occurreretur, metuedæ. Itaque excluso pudore ac metu, muliebres animos debilitare fuetis, sua cum viris arma conjungunt; eligentes aut fortiter occumbere, aut tam gravem injuriam haud inultam ferre. Nec instituto defuit fortuna. Quippe hostili odio & virtutis æmulatione, quæ vires & animos æqvabant, accensæ junctim ita pugnarunt, ut Sivardus succumbens, iustas læsæ pudicitiae pœnas fœminis solveret.

HERO-

HEROTVS

Sivardi filius, vel, ut quidam volunt, frater folio imposi-
tus, vetus de limitaneo Scaniae principatu bellum cum
Regnero Daniae rege instauravit. In eo diu & ancipiti for-
tuna depugnatum, & utrimque limites sanguine signati sunt;
donec tandem indutiae convenirent: ut interim utriusque
jus amicè dijudicaretur. Quum autem verbis multum & in-
cassum disceptatum esset, Regnerus rationem ineundam
putavit, quia absque rixis & dubiis belli tutò retineret istam
provinciam, offensasque placaret. Ambit ex consilio ami-
corum Thoræ Heroti filiae matrimonium, quod parens ini-
tio denegavit: ratus Regnerum filiam regiam non ut ux-
orem, sed pellicem petere; dum Laathgertam (Lantgertam
vocat Iohannes Magnus) ante in matrimonio habebat. At
rex Daniae, ut ipsa re ostenderet, se conjugem illam, &
dignitatis non voluptatis solum nomen quærere, repudiata
sub prætectu insidiarum Laatgerta, denuo expetit nuptias
Thoræ. Pater tandem etsi ægrè assentitur, eique promittit
filiae matrimonium, sub gravi tamen conditione. Mos in
boreali gente tunc invaluerat, ut illustres juvenes præsertim
regii sanguinis, non externo decore, turpive lascivia aut
ingenti vi pecuniae, sed dote animi, pulcro facinore spe-
ctata, sibi regiarum & generosarum virginum nuptias con-
ciliarent. Eum morem intuens Herotus, duas immanes bel-
luas Regnero debellandas objecit. Quidam ingentes angues,
alii sævos ursos fuisse tradunt. Meursius Historiæ Danicæ
scriptor, geminos Heroti alumnos; ingenio præferoces,
vitæ bonorumque alienorum insidiatores & raptores, ipsi
tandem regi graves, eoque proscriptos fuisse testatur. Quod
a vero non alienum videtur; quum angvium, ursorum,
luporum nominibus feros sævosque hominum sola figura ta-
lium mores adumbrare, priscis haud insuetum fuerit. Reg-
nerus amoris nihil arduum, virtuti nihil inexpugnabile cre-
dens, accipit conditionem, & pugnae se accingit. Ut au-
tem expeditior luctæ esset, & impetentium ictibus minus
penetrabilis, vestem villosam & gelu duratam induit, duo-
bus solum spiculis armatus. Hoc habitu cum monstris illis
congregitur. Quæ licet primo impetu periculum adversario

non leve intentarent, animosè tamen Regnerus excepit, & telis suis feliciter confecit. Fervente pugna, ex aula sua prospectasse fertur Herotus, percontatus; quisnam esset ille hirsutus monstrorum domitor; inde villosarum braccarum cognomen ei inditum est. Quod ille non invitus admisit; quum virtutis & regię sponsę, quę optata laboris ac fortitudinis merces obtigerat, jucundam subinde memoriã animo redderet. Ut autem hoc matrimonio felix fuerit Regnerus, ex quo septem liberos masculos tulit; regno tamen Svedię infauftum accidit, uti annales nostri ferunt: dum neglecto proximiori sanguinis & maximè electionis jure, tot annos integro, suos filios regno obtrusit. Quod non unius belli materies erat, quo cives liberam & antiquam cooptandi reges, quos vellent, potestatem sibi tuebantur, ille novo more turbare conabatur. Scäniam verò, quam velut alteram sponsam adfectarat, & ipse & successores ejus usque ad Ericum Victoriosum possederunt.

CAROLVS VI.

QVem Saxo Sorlum, Gallici scriptores Arlum appellant, Heroto ingenti procerum consensu suffectus est. Regnerus autem indignum existimans hęc postponi Heroti familiam, quacunque arte Carolum regno expellere aggressus est. In mutuum odium, subornatis callidis consultoribus, exstimulat potentiores. ex quibus cum non paucos in suas partes traxisset, lectis in militiam justis copiis & tribus filiis expeditionis sociis, dissidentibus se superfundit, & Carolum primo congressu, ut nonnulli volunt, regno dejicit, atque Heroti filiis illud restituit. Ut alii referunt, Regnerus externa quidem specie pro Heroti primogenito filio, revera pro filio suo Biörnone laboravit, de quo postmodo in ejus vita plura. Ante prælium ad velitationes, ab his ad singularem selectorum aliquot dimicationem, incolumi adhuc regis dignitate, deventum esse, nostri memorant annales. Enimvero bellum in compendium mittere, reique eventum paucorum potius quam tot capitum discrimine periclitari, minus anceps alea videbatur. Regnerus ipse in campum duello designatum cum suis procedit. Cui Carolus Scardum, experti

experti roboris & audaciæ pugilem, cum septem ejus filiis adversum ponit. Ipse Carolus absque vecordiæ nota hîc abfuit, & universæ rei se servans, singularem pugnam aliis delegavit. Suam enim & per eam subditorum salutem temerè in discrimen vocare nolebat, in eo præferrim certamine, cujus victoria sæpius fortunæ quàm virtutis esse solet. Singuli cum singulis ex veteri duelli lege congregiebantur, & quidem ante oculos utriusque exercitus: quò testatior eorum virtus esset, atque tot mille spectatoribus acrius incitarentur. Regnerus cum suis superior exstitit. Nullus tamen hac pugna integer & incruentus excedebat, præterquam Biörnus Regneri filius, cujus corpus a vulnere invictum fuit; indeque *Ferrei lateris* cognomen accepit. Invidia ex adversis gliscente in Carolo & fortunæ fiducia in Regnero, hoc singulare certamen tandem in apertum prorupit bellum, quod prope Vpsaliam in vicino agro (Vlleråker dicto) stetisse, ex veterum annalibus observamus. Iste campus hodieque id nominis retinet, non a lana, ut vult Saxo, qui lancum campum nuncupat, sed, ut videtur, ab Odini vel filio vel socio Vllero, insigni Mago, cujus hæc olim possessio forsan fuit. Istius conflictus eumque sequutæ stragis adhuc vestigia, ut videntur, tot tumuli, in eodem loco prope arcem exstant. In hoc prælio Carolus occubuit, relictus a suis, in partes astu Regneri, ut ante dictum, discedentibus. Hoc tamen pro strenuo viro fecit, quod a suis desertus se ipsum deferere noluit, turpique fuga se eripere; sed animosè concertando, potius per virtutem cadere, quam indignè superesse, uti existimabat, voluit.

BIÖRNO IV.

Regneri filius, Heroti nepos, ex conspicuæ fortitudinis merito Suediæ regno admotus est, ut Saxo tradit. At nostri annales eum potentiorum quorundam studio, qui Regnero factum volebant, eò evehitum memorant, idque dolo Regneri. Quum enim arma strueret in Carolum, per clam emissos in Suediam civibus fidem dedisse fertur, se pro legitimo successore Ingevallo Heroti filio contra Carolum injustum alieni regni possessorem connisurum. Ea fidei si-

mulatione non paucos ad partes suas adjunxit, quorum subsidio quum Carolum devicisset, non Ingevallum sed Biörnnum filium suum regno imponi effecit. Ita cupiditate regni quidvis promittens, postquam occasio quærendi filio imperii se dabat, fidem violare tanto scilicet pretio, nullum apud eum nefas habuit; quasi regnandi gratia fallere justum esset. Hac verò fraude, cui postea accessit improba Regneri libido; dum habitu scæmineo se insinuans familiæ Esbernii primarii hîc viri, ejusdem filiæ forma insigni stuprum intulit; animos civium a se & filio suo penitus avertit. Itaque filius imperii præsidio, amore civium destitutus, ad patrem in tutiora se recepit, & aliquamdiu piraticam sed infeliciter faciens, tandem Norvegiæ a patre præfectus, ibi consenuit & obijt. Quidam verò, quum aliquot annis Suediæ præfuisset, in fata hîc concessisse perhibent, inglorio excessu: quum pravis artibus ingressus fuisset.

INGIÄLLDVS

VEL, ut aliis placet, Ingevaldus Herothi sive filius sive nepos fuit: utrumque enim traditur. Quidam tamen Brautamundi filium faciunt. Ut erat erectioris indolis, ita non exiguum de se spem subditorum animis fecit. Adolescens ab Alphi Inguardi in lucta superatus, hoc tam ægrè tulit, ut ubertim ei lacrumæ præ dolore manarent. At Suibdagerus, sub cujus oculis & cura educabatur, hoc mollioris animi signum interpretatus, tosta luporum corda ipsi comedenda sæpius dedisse fertur, ut ferox animi evaderet. Nonnulli tamen alium hîc Ingellum ponunt. Regno præpositus, non paucos intra patriam deprehendit, qui partibus Biörni adhuc vivi, eoque defuncto, reliquis Regneri liberis occultè faverent. Quapropter arduum erat, hostibus clandestinis in sinu patriæ latitantibus, imperii statum in tutum redigere. Intendebant difficultatem externi belli minæ parati a Biörni germano fratre Ivaro VVidfäril vel vvidfaren, ita dicto, quod per Galliam, Britanniam, & per omnes occidentales regiones latè peregrinatus, & isthic fama rerum præclare gestarum illustris erat. Iste proximum à fratre successionis gradum nequidquam postulans, conductis in Anglia

glia copiis, moliebatur adversus Ingellum arma: vi tentaturus, quod jure non poterat. Ingellus, hoste citius quam crediderat advolante, subito cogit exercitum, quo occurrat Ivaro. Dum in eo est, & cum amicis ulterius de summa rei consultat, facibus per occultos proditores aulae immisissis, cum cum suis & omnibus proceribus incendio oppetiisse memorat Iohannes Magnus. Ericus Vpsaliensis famâ potentiae & crudelitatis Ivari nimioque terrore perculsum, sibi mortem incendio conscivisse scribit. Cæterum alia præter isthæc mali causa ab annalium Norvegicorum authore veteri Snorrono Sturæ F. refertur, & quomodo sublati principibus, vacuum regnum nefandis homicidiis fecerit. Quæ à nostris historicis ferme omnia prætermisâ sunt, sive quod annalium patriæ, quos habebant, aliquod hîc deliquium fuerit; sive studio ceu ingens dedecus olim suppressum; vel si quid aliud rei suberat. Res autem ita se habet. Quum regnum hoc initio ab vno rege, postea à pluribus æmulis exsurgentibus administraretur, & à singulis per singulas provincias in partes diductis, quorum tamen princeps erat rex Vbsaliæ, uti tum a sede regni adpellabatur; atque ob multorum imperium crebris motibus affligeretur patria; ille sub vnius imperium reduci, magnum ad concordiam momentum arbitratus est. Consilium equidem salubre, modò recta via exsequi decrevisset. Sed ille dolo & per insidias implevit. Quo tempore solennia regni novo regi capienda erant, regulos omnes eò invitavit, & quotquot advenere, nonnulli quinque, alii septem fuisse ferunt, in conclavi splendide instructo sellas regias singulis adornari fecit: in quibus, dum inaugurationis pompa celebratur, ordine confederunt, & solennia spectarunt. Ipse verò Ingellus in subsellio infra solium regis seorsim desedit, donec ei patrio tunc more poculum è cornu vino plenum adferretur. Eo porrecto surrexit, illudque coram solio, quod mox adscensurus erat, libavit, cum voti nuncupatione & juramenti fide, se insigni facinore edito, regni fines prolaturum. Mox solium adscendit & solennibus expletis, hospites opiparè accepit, hilaritate ad multam noctem tracta. tandem vino somnoque graves, igne tricliniis subiecto, ad vnum combussit, eorumque ditiones suas fecit. Hoc dominationis flagitium ut impetu cœperat, ita successu

successu valuit : dum regni fines ex promisso dilatavit, & solus rerum potitus est. Sed a bonis omnibus damnatum, cum tot capitum humanitatis specie deceptorum exitio ad imperium grassari. Absentes tunc principes, inter quos primus refertur Grainus Sudermannia dux, istud perquam indignè tulerunt, & in Ingellum collectis viribus euntes, armis eum profligarunt. Sed ille ad suas artes reversus, cos imagine pacis & ficta circumscripsit amicitia, securosque & imprudentes pari flammarum fato perdidit. Ita cumulabat scelere scelus. Hoc solum laude dignum fecisse memoratur, quod leges æquas condidit, quo facinorum invidiam mitigaret. Eas leges Vigerus Spa recensuit, & in unum volumen contraxit. Nonnulli eum vocant Vigerum Spake. sed in præmio legum Vplandicarum Birgeri regis Spa cognominatur, tanquam sagax rerum & prudens. Liberos Ingialdus ex matrimonio suscepit duos Olauum & Asam, truce natura foeminam. Hæc Gudroto, Scaniae principi, in matrimonium data, maritum & levirum è medio sustulit, eorumque terras hosti prodidit : ut suæ securitati consulere. Inde profugam in hoc regnum Ivarus Regneri filius vestigio insequutus est, ad ulciscendam cognatorum cædem. Ingellus verò metu virium animique Ivæ, sive conscientia scelerum territus, impiæ filia hortatu flammæ regis subdit & se cum tota familia cremat : divinâ haud dubiè vindicta, ut, quo peccarat, idem ipsi supplicio esset.

OLAVS cognomento ARBORUM CÆSOR

ANte Vermiorum princeps, ad quos, fugiens patris Ingelli & hostium vim, evaserat. Rex factus, principia imperii aspera habuit, tres graves adversarios Regneri regis Dania filios, Biörnnum, Ivarum & Agnerum regni æmulos, eoque hostes nactus. Sed has ille difficultates animi constantia superavit. Ut tamen cives ad imperata promptiores haberet, onera ab antecessoribus imposita illis levavit. Quod populo non potuit non acceptissimum esse. Quippe tributorum graviorum, quæ temporum necessitas imperavit, extra
cam

eam relaxatio quædam, est gratum, ut quod unquam maximè, populo beneficium: quod amica vi principi obnoxios facit animos, manus & fortunas subditorum; quibus pars libertatis est, si sit usu necessarium, a volentibus impetratum, non vi expressum servitium & onus. Certè Olaus statum reipub. nutantem eo erexit, & civibus belli nervum, viros & comineatum subministrantibus, hostes ex sententia fudit omnes. Postmodò pacem consequutus, ordinavit collapsum inter arma legum & justitiæ vigorem. Superfluas in vastis locis silvas a radicibus evelli, & ad cultum segetis parari curavit. Inprimis Vermelandiam, densis horrentem nemoribus & informem adspectu, ad meliorem faciem redegit & coloniis instruxit. Vnde populus a succisis arboribus ei cognomen sua lingua fecit. Quæ etsi vilis appellatio videri poterat, ille tamen sibi honori meritò duxit: è re regni fore videns, ut otiosis & superfluis silvis extirpatis, urbes, pagi & recta eorum vicem existerentur: in quibus cultui victuique dediti cives silvestrem discerent exuere animum, ingenioque & artibus ad civilem habitum componi. Authores habemus, hunc Olaus Christianam fidem amplexum, in ea non perseverasse, metu periculorum a subditis adhuc ethnicis impendentium. Vnde offensæ divinæ reus, in varias belli tempestates inciderit, maximè cum Vitservo regis Danorum Regneri filio, qui jus regni in Svedia ex materno genere ad se vindicatum ibat. Hoc bellum Iohannes Magnus & Danici historici fusè describunt. Tandem Olaus imperii & vitæ satur, Vpsaliæ decessit, regiis isthic monumentis illatus, jam pater plurium liberorum, imprimis Haldani Huitbeenii, a cujus sanguine reges Norvegiæ descendunt, & Ingonis, qui patri in regnum surrogari meruit. Nonnulli scriptores hîc alium inserunt Olaus ab hoc nostro diversum; de quo ipsi viderint.

I N G O II

Olai filius(: quidam Ingellum vocant:) ingenio pacis amans, in eo totus fuit, ut diuturnum inter Suedos & Danos bellum tandem amicè componeretur, & publica tranquillitas velut ab exilio restitueretur. Ei rei opportunum visum

sum est, Regneri Danorum regis filiam matrimonio sibi iungere, & pacem hoc sacro foedere stabilire: non absque superiorum temporum experimento, ingens fuisse securitatis publicæ firmanentum, aut fidam vicinorum Principum amicitiam, aut æquam fortunam. Cæterum quum Suedi Gothique belli studiis adſveti, pacis ferme insolentes, otium ægrè tolerarent; ne prius imbellè agerent tempus, aut domi quieta turbarent: quod illis maiori periculo, quam externum bellum foret; ab Ingone emissi sunt adversus Russos, quorum terram effusè ferro & flammis populabantur. Illo quippe hoste ad interiora recedente & copiam prælii non faciente, agris & testis inimicam vim intulerunt. Cetera Ingonis gesta quæsi cum ipso sepulta silentur.

ERICVS INGONIS, cognomento VENTOSI PILEI,

quod in quæcumque plagam protenderet pileum, ventum sibi obsequentem & secundum haberet. Populus superstitione cæcus sibi regnoque maximè utilem fore credebat eum regem, qui, si æris potens, etiam prosperitatis compos esset. Illi enim nihil arduum adversumque terra & mari fore, qui tempestates ad nutum & arbitrium suum regere posset. Nec ferme speciosiori fucō vulgi mentes deludere diabolus poterat. Ille verò piraticâ exercitus & suis veneficiis operatus, regni rebus parum intendit. Tandem ab Ostano quodam regii sanguinis per insidias trucidatus est, si Saxoni & Cranzio fidem habemus. Ericus Upsaliensis vitam naturali morte finisse author est; licet nihil nisi ventosum nomen ex maleficis artibus apud vanos sui admiratores reliquerit.

ERICVS VICTORIOSVS

perpetuâ in armis felicitate utebatur. Raro utique exemplo: quum fortunæ belli vices haud ignoremus. Quam tamen cum cura habuit: nihil apud suos remissum, neque apud hostes quietum passus. Agnerum Regneri filium in Anglia adverso fato militantem, & postea regno Syedixæ materni sanguinis

sanguinis obtentu imminentem, publico & belli momentis sedulo invigilans; duce Ostano prosperè debellavit. Quum Finnonēs, Livoni, Esthones, Curetes, Borussi pergerent in Daniam ad ulciscendum Danorum in mari prædationes, ex quibus non levia damna illis inlata erant; & vi tempestatis in litora Gothica ciecti deprædarentur Gothiam, prætextu auxilii à Gothis Dano in piratica lati; Ericus contractis in classem copiis, eosdem ne ultra tenderent, repressit. In illorum insuper regiones, quas à tergo viribus vacuas incautè reliquerant, excursionem faciens, eas intra breve temporis spatium diripuit & sub suam potestatem redegit. Velut autem fortunæ militaris fama plurimorum, & ipsorum potentium amicitias allicere solet, ita Otho Saxonix dux, imperator Germaniæ postea factus, Erici societatem adsecutus est. Quam Haraldus rex Daniæ, ut sibi regnoque gravem suspectans, omni studio dissolvere conabatur. Mox velut Störbiörno, Biörni quarti filio exuli, & querenti se regno & hæreditate paterna injustè ab Erico deiectum opitulaturus, ad limitem Suediæ cum exercitu accessit. Sed Othonis in Daniam impressione subito revocatus, inceptum omisit. Störbiörno ignovit, & ut in posterum in fide esset, beneficio donatæ provinciæ sibi hominem obstrinxit. Svenonem Danum, impium regni possessorem, quo patrem Haraldum expulerat, iterum deiecit, idque ad septennium obtinuit, recuperata simul Scaniæ provincia, quam Regnerus beneficio matrimonii tenuerat. Imperium victoriis & opibus auctum quum bene administrasset, vita excessit, constanti fortunæ, sed meliori virtutis famâ.

ERICVS cognomento FELIX ANNONÆ, alias STENCHILLUS I.

Etiam si sub ejus imperio fluerent ubere agri sæcunda optataque messis tempora, unde Aarsel, felix annonæ dictus est; optima tamen messis erat, verbi divini fructus tunc renascens: qui superstitionis & dominantium vi à tempore Beronis tertii suppressus iacuerat. Sed præsentē Dei ope gratiaque nunc resuscitatus, singulari miraculo crevit: quod huiusmo-
di

di est. Sacrificulus paganus dum cultui idolorum operatur, subito oculis captus est. Quum verò suos deos incassum opem & cæcitatæ remedium rogasset, domum se deduci iubet, ut vitæ reliquum in tenebris & miseria exigat. Isthic in somnum delapsus viso quodam admonetur, firma Christum Servatorem fide amplecti, populoque prædicare. Ille hac fiducia erectus, non modo visum suum, sed, quod longè præstantius erat, cœlestè lumen mentis, expulsa inde diabolici cultus & superstitionis caligine, recepit. Idem pluribus feliciter propagavit. Rex etiam exemplo suo singulare religionis incrementum erat. Quum nomen Christo dedisset, aqua sacri lavacri adpersus, inde lingua Svetica Stenkil nominatus esse creditur. Multitudine ob nimium religionem instaurantium rigorem tumultuante, quidam regem iterum ab agnita veritate descivisse memorant, populo placendi & motuum sedandorum studio. Sed non facile adfirmatum est, regem tam levem fuisse in deferenda vera religione, quam tam avidè amplexus erat. Hoc tamen haud negaverimus, temporis causa furori civium aliquantum cessasse, donec molliori ratione & tutiori viâ ad sanitatem eos reduceret. Hinc, ut videtur, suspicio orta est, quasi in religione claudicaret. Alii contra Vpsaliæ ab factiosis, obtentu admissi contra leges pub. & fidem datam de recepta religione servanda, trucidatum, sanguine suo religionis & fidei professionem obsignasse perhibent: quum Adalvardo & Stephano, qui verbum Dei in Suedia disseminarant, hîc concedere nollent. Illum in urbe Birca, hunc in silva Helsingiæ O'demotia a seditiosa plebe interfectum, utrumque martyrio coronatum in comperto est.

OLAVS cognomento TRIBV- TARIUS REX Sveticè SKOTKONUNG

Erici modo dicti frater (quidam filium eius fuisse volunt) primus Christianus Svedorum rex in quibusdam annalibus laudatur, non quod ordine primus fuerit, quem fuisse Beronem tertium, suo loco diximus; sed quod principem locum inter eos Sveonum reges habere meruerit, qui Christianæ religioni se tunc devoverant: tam fideliter in ea per-
stitit,

stitit, & tam serio in populum eam proferri laboravit. Quippe ad Angliæ regem Mildredum, alii rectius Ethelredum vocant, amicitiae foedere sibi coniunctum misit, ut quosdam ex suis huc destinaret, vero Dei cultu Sueconum animis imbuendis habiles. Illius iussu advenērunt Sigfridus, Eschillus & David. Ab Sigfrido, qui postea episcopus VVexionensis fuit, rex sacrae lotionis aqua tinctus est in fonte VVestrogothiae prope Husabyum, qui morborum curandorum mirabilis clarus, fontis Sigfridi nomen accepit. Inde rex idolorum delubrum Vpsaliae destruere conabatur. Sed obstitere non pauci, verae religionis alieni: in quorum animis superstitio prius destruenda erat. Inter illos & regem haec pactio convenit, ut nemo vi ad suscipiendam veram religionem adigeretur, sed probe informati & volentes in Christianorum ordinem reciperentur. Ista lenitas ad instillandam populo veram Dei notitiam severitate plus valuit: quod syderi religio magis, quam imperari vellet. Circa idem tempus Olaus hortatu praesulum Romam ad Benedictum VII. pontificem misisse tributum dicitur. Hoc inde censum Romanum, vel S. Petri denarium, item votum Olai nuncupatum aiunt. Ille verò hinc nomen *tributarii regis* sua lingua traxit, velut insolitam istoque fastigio indignam appellationem. Alii verò Imperatori Ro. Cunrado II. censum istum subsidio missum volunt, adversus Saracenos, ecclesiam Dei in oriente tunc divexantes. Inter civilia ab hoc rege Olao hoc institutum est, ut potissimum reges eligendi arbitrium penes Sveones esset, & de illis imperii titulum reges praecipue usurparent. Idem hic instituisse fertur probationem rei dubiae per candentis ferri gestationem, de qua alibi plura. In bello contra Olauum Tryggonis Norvegiae regem Svenoni Daniae regi suppetias tulit. Ansam bello dederat a parte regis Norvegorum, intercepta ab Svenone Sigrita (Syritham Saxo vocat, Sigridem Ericus Vpsal) Erici Victoriosi olim conjunx, Olai mater, tunc vidua. A parte Danorum regis, illatae uxori ejus sibi que a rege Norvegorum injuria. Ut rem a principio majoris lucis causa arcessam, ita se habet, uti annales veteres Norvegici ferunt. Nuptias Sigritae per legatos ambit Olaus Tryggonis, animo firmandi suas opes & regnum, adversus Svenonem regem Daniae, societate regis Sueconum. Quum intellexisset, suum

deside-

desiderium reginæ non planè displicere, dono ei misit ingentis ponderis annulum; quem Nidrosiæ valvis templi paganorum a se diruti detraxerat. Hoc munus Sigritha magni initio fecit. Ast ubi deprehensum est ab aurifabris, auream tantum laminam, vel tenuem ex auro bracteam æreo crassoque annulo intus abdito superinductam esse, non parùm indignata, se isto dono circumventam, Olaum Trygggonis plures sibi dolos structurum dixit, si copia sit. Ille verò animum ejus utcumque sibi placatum & restitutum, pergit ad matrimonium pellicerè, hac tamen lege, si ethnica religione deserta, nomen suum inter Christianos profiteri velit. Quod illa prorsus abnuit, negans se discessuram ab illa religione, quam majores ejus tamdiu coluerant; quasi sola ætas aut majorum exemplum auctoritatem religioni faceret. At rex negabat sibi placere matrimonium paganæ vxoris. Inde verbis & iurgiis procedentibus Olaus commotior, chirotheca os Sigrithæ percussit. Illa hac contumeliâ adeo accensa est, ut istam alapam ipsi vitæ impendio constituram increparet. Nec minas planè muliebres fuisse, eventus ostendit. Olaus enim rege Norvegiæ repudiato, Svenonis Daniæ regis coniugium prætulit, eumque instigavit in Olaum, & ad istam contumeliam armis ulciscendam. Quam asperabat illud quoque, quod Olaus postmodò sororem, vel ut alii, filiam Suenonis ipso inconsulto & invito, duxerat in matrimonium. Nec melior belli fortuna fuit Olao regi Norvegiæ, quam quod in eo cæsus ac superatus, ne vivus in hostium manus veniret, è navi in mare se proiecit, atque undis haustus interiit. Regnum verò Norvegiæ iustis præsidiiis firmatum aliquvandiu Olaus SKotKonung, forè in remunerationem auxilii Dano præstiti, possedit. Progressu temporis aliud Olao Sueonum regi bellum cum Olao Haraldi rege Norvegiæ, à morte sua inter sanctos relato suscitatum est. cuius causa hæc erat: quod pater Olai Haraldus Gröns-Kius opprobrio contemti sui regni præ regno Suetico, dum Sigritha negarat se possessiones suas proprias & hereditarias cum toto Norvegiæ regno permutaturam, aliisque contumeliis ab ea laceratus, vindictam meditabatur. Sed festinata nece à Sigritha præventus & sublatus dicebatur: quum dolis ejus, bene potus ad Vpsaliam incendio periisset.

Istud


Istud bello ultum venit Haraldi filius S. Olaus , & ut reciperaret , si posset , Norvegiam à rege Sueonum , ut ante diximus , occupatam. Classe Suediam ingressus , magis cum agris , pecoribus & villis , quam hominibus bellum gessit , omnia circumquaque depopulatus ad lacum vsqve tunc Logen , nunc Melerum dictum. Inde Sigtunam progressus , ponte amnem stravit , per qvem traduceret exercitum. Sed rex Svediaë contra eum iusto cum exercitu egressus , catena ferrea per lacum Stocfundium trajectâ præsidiisque positis , ei interclusit reditum ac tutum receptum. His angustiis circumventus Olaus Haraldi , consilium quod præsens necessitas subjecit , ex tempore capit , & ad Agnistiam ab Agno Dageri filio ita dictam , postea Stocholmiam à Stocfundio adpellatam , depressiori solo , vbi nunc flumen est australe , noctu magna suorum industria & celeritate perosso , & aqua denso imbre adauctâ , extraxit se cum classe sua , salvusque hinc evasit. Lacui isti postea regii freti nomen ex ista occasione fuit. Ita ex manibus & insidiis hostium prorsus inopinantium elapsus , qvum Gothiam , Finnoniam , Frisiam , Angiam , aliasque peregrinas oras peragrasset , tandem ad suos in Norvegiam reversus est. Illos ad suum imperium revocare aggressus , persvadet amicis & propinquis , sibi auxilio esse : ut regnum exterorum manibus eripi , & in pristinum libertatis decus regique indigenæ restitui possit. Inde collectam multitudinem , renunciata regi Sueonum fide , in sua verba tanquam veri regis jurare voluit. Anteqvam id præstarent , pro populo Brynolfus Elephantus in hanc sententiam verba fecit : *Satis indigenas perspectos habere veros & veteres inter Norvegiam & Suediam limites , ex quo Gotolphus eos distinxerit , usque ad Vennerum , & inde versus boream usque ad nemus Eidaa' , & inde per campos Kyllenses usque ad Finmarchiam. Hodie Olauum Sueonum regem Norvegiæ fines ad Suinesundum possidere. Se quidem inficias ire non posse , quin plerique animi subditorum imperio Haraldi filii regis patrii , quam extranei sint promtiores. Sed haud satis virium in promptu esse ad tuenda regnum & libertatem adversus potentiores & tã propinquos hostes : qvum rex Norvegiæ sedem imperii longius ad aquilonem positam , & à subsidiis regni remotiorem habeat. contra regis Suediaë ditiones Norvegos proximè contingant , ad orientem & septentrionem. Id-*

circo ipsius esse providere, quam insistat rationem illos jugo regis Sueonum quam commodissime eximendi. Quod si possit, ipsos ultro ad regis imperium & obsequii sui fidem redituros. Olaus Norvegus eorum animos approbat, & copiis ac pecuniis, quotquot in præsens potest, apparatus, præsidia Suedica regno expellere conatur. Ceterum quum rex Svediae Suenonem Comitem præfecisset illis ditionibus Norvegiæ, quas adhuc imperio tenebat; ejusque fidem sibi affinitate obligasset, sorore sua Holmfrida ei in matrimonium elocata; hunc debellare satis arduum factu fuit Olao regi Norvegorum. Quippe cum viro, vitam potius quam arces & propugnacula sibi commissa deserturo, ipsi res erat. Interim rex Svediae per suos procuratores Torgoterum Scardium & Asgoterum censum annum imperabat Norvegis: quem Olaus Haraldi jam exegerat. Ideo duplex onus, ut intolerandum, subditi detrectabant. Sed & rex Norvegiæ regi Suedorum ullum tributum à Norvegis, in quos nihil juris haberet, deberi negabat. Quin Asgoterum domum abire & regi suo nunciare jubet, ut ipsi in confinibus regnorum occurrat. Ibi se cum illo experturum, utri major in regnum Norvegiæ potestas esset. Asgoterus autem pertendit in Norvegiam ad Guledalios & Orcedalios, exigendi tributii causa. Sed quum conatu excidisset, motusque insuper graves in plebe concitasset, regis jussu captus & in crucem actus est. Paucis interpositis diebus in tumultu itidem trucidatur Eilifus Gothus, regis Sveonum ibidem præfectus. Torgoterus verò quum exspoliasset naves Eivinderi Vrarhornii, primi nominis apud Norvegos viri, tunc absentis, & prædam secum abripuisset; mox re cognita, Eivinderus eum vestigiis insequitur, ad limites usque & promontoria Sveciæ: ubi collato pede, occubuit in pugna Torgoterus. Ob has acceptas injurias & damna Olaus tanto adversus regem Norvegiæ odio ferebatur, ut, quotiens ejus mentio incidebat, nollet eum dignari nomine regis, sed crassum hominem per ludibrium appellaret: erat enim obesitate corporis prætumidus. Nec aliquem ex suis ipsum aliter nominare æquo animo patiebatur. Insignis verò ultionis occasionem animo secum peregit. Quod prævidens populus Norvegicus, ne grave bellum adversus ipsos viribus minores oriretur, malum amica

amica conciliatione declinandum, & pacis fidum pignus regis Suediæ filiam Ingridem Olao regi Norveg. in matrimonium petendam decrevit. Populi mentem Biörnus Satrapa regi exponebat, qui ab hoc consilio quoque non alienus fuit. Itaque de communi sententia Biörnus in Gothiam mittitur, ad dispensandum ibi Ragvaldi Comititis & civium animos ad pacem. Hialtus Comes emittitur in Suediam, pro sollicitanda ipsa pace & regiæ filiæ nuptiis. Sed ut facilius aditum commendationis sibi ad regem hîc valde difficilem quæreret, usus est duorum parariorum Gitzuri & Ottonis Suartiorum opera: qui ambo Islandi apud regem gratiosi erant. Quum enim professione Scaldi essent; ita Scandianis olim poëtæ dicebantur; & regis gesta carmine decantarent, ob istud humanitatis studium rex eos dignè æstimavit & liberaliter fovit. Inprimis regis filiam Ingridem causæ suæ patronam nactus est Hialtus. Nec illa patri suo istud negotium pacis, uti rogata erat à legato, commendare, occasione intenta, neglexit. Sed quum istam commendationem neutiquam in gratia rex haberet, malè accepta est à patre filia, & quidem hoc responso: *Video quid moliaris Ingris, ut possessione Norvegiæ dimissa, te collocem Olao crasso. Sed hoc frustra speras. Aliud ego cum mente mea volvo, ut nimirum proxima hyeme in judicio Vpsaliensi edicam expeditionem militarem. Enimverò simul ac remiserit frigus, & glacies aquis decesserit, classem armis & milite instructam in Norvegiam ductabo, & ferro flammisque istorum hominum perfidiam, uti merita est, ulciscar.* Sic illa spe decedentes legatus & Ingris, re irrita abierunt. Nihilominus denuo rediit in Sveciam Hialtus cum Biörno, ejusdem negotii aleam secundum experturus, si forte iterata v. feliciter caderet. Sed præmisit quosdam suorum Vpsaliam ad Ingridem, eamque evocavit ad colloquium in proximo agro Vlleriano: ut exploraret, quo pater ejus animo in regem suum esset. Nam virginem non abhorreere ab Olai nuptiis, jam ante compererat, si modò pater ejus flecti posset. Quem quum immotum cernerent, satagentibus amicis, Ragvaldi Gothiæ occidentalis Comititis, cui ob sanguinis conjunctionem propior cum Rege usus erat, autoritate, regium tentare animum atque, si posset, expugnare è re visum est. Ille ad hoc inductus quidem, sed sibi soli non satis fidens, cum Torgnyo agnato & educatore suo,

suo, iudice provinciali Vplandiæ, magnæ existimationis
 & fidei apud suos, expertæque prudentiæ viro, rem tantam
 communicat, & quid rex Norvegiæ per legatos suos petat,
 & quam indigno responso rex Sueonum eos repulerit.
 Consultatione ultrò citroque habita, rem vtrique regno ex
 usu futuram in foro & conventu Vpsaliensi serio tractare
 complacet. Itaque frequenti istic populo, consilium habe-
 tur. Primus surgit Biörnus legatus, & cuius rei causâ ad-
 sit, exponit: *ut nomine sui regis quærat pacem, & descrip-
 tionem terminorum utriusque regni regiæque filiæ nuptias.* At
 nihil horum Olao placet. Omnia cum stomacho sævisque
 dictis rejicit. Mox Ragvaldus comes Vestrogothorum suo-
 rum promittit sententiam: *Quod illis videatur prestare pace fa-
 cta, quantacunque regni Norvegici possessione cedere, quam in
 perpetuo metu ac periculo propinqui belli & excursionum hostilium
 versari. Pacis autem fidum vinculum fore matrimonium In-
 gridis cum rege Norvegiæ.* Sed & Comitem rex asperis
 verbis excepit; cum ab imperio Ingeburgis vxoris pendere
 exprobravit; in cuius officina hæc consilia fabricata essent.
 Tandem cum senex Torgnyus ad dicendum surrexisset, uni-
 versa se multitudo movit: ut, quod ille in medium consul-
 turus esset, intentis animis & auribus acciperet. Ille verò
 regis fastum & pertinaciam acrius increpabat: *quod contra
 morem antecessorum suorum populi & amicorum consilia sper-
 neret, & neminem nisi se dignaretur audire, quodque sibi soli
 placeret. Si ejus voluntas populi sententiæ congruat, eos in
 omnibus, quæ erant regni, regis virtute & sua fide digna sint, ultrò
 regi præsto futuros. Si secus fecerit, contemtoris animi atque
 fastus non ferendi pœnas daturum.* Ad dicta plebs, quæ ar-
 mata in concionem prævo istius seculi more venerat, scu-
 tis concrepans, animorum & indignationis consensum osten-
 dit, & nisi rex eorum sententiæ accedat, vim haud ab-
 futuram. Rex ne populi furorem in se concitaret, offen-
 sam celavit, & se in plebis sententia fore, verbis & re, ut
 videbatur, adfirmat: dum pacis fœdus, & filiæ nuptias
 per amicorum principes legatis regiis & per hos ipsi regi
 solenni ritu pactus est. Vtriusque hîc peccatum, pror-
 sus haud excusandum agnoscimus, regis & populi. Rex
 enim licet haud injustas vel negandæ vel differendæ pacis
 causas,

causas, nullâ vel incertâ Norvegorum satisfactione, habere videretur, nec absque illâ regno Norvegiæ concedere fas duceret: nimis tamen pervicax animi erat adversus amicos & plebem haud absurda consulentes, atque retinens odii in hostes pacem & amicitiam efflagitantes, nec indignis forte legibus, si pacem inire placuisset. Populus verò immodica ostentatione libertatis & virium in regem palam ferox, violenta auctoritate, licentia, minis & manu extorquere conatur, quod modestia & ratione obtinuisset. Itaque res eò tandem evasit, ut rex qui cogi volebat, quiescentibus turbis, quod promiserat, rescinderet. Plebs contra niteretur, & sententiam suam contumaciter urgeret. Quod non nisi motus & offensas alebat, atque extrema mala reipub. minabatur. Proinde successores reges & rerum prudentes utrumque abruptum ita temperarunt, ut in gravioribus regni negotiis reges etiam amicos audirent: quum oculi plus videant, quam oculus. In illis verò quæ ad commune bonum vel univ[er]sos spectarent, non unius, nec paucorum aut plebis arbitrium solum esset, sed ex omni ordine ad statum locum à supremo magistratu convocati, cum iudicio, unanimiter & maturè in rem patriæ discussa, tandem rata haberent. Nimia verò plebis potestas justo deinceps imperio cohibita est, & effræni libertati leges modum posuerunt: ut subditis magis utilis, nec Principibus esset formidanda. Sed ad rerum seriem redeamus. Aliquando rex primo mane quinque perdices facili certoque ictu feriens, filiam Ingridem rogabat, num alium quemquam tantillo temporis spatio tot aves cepisse fando audivisset. Illa verò Olaus Crassum uno mane quinque regulos in Norvegia cepisse, & ditionibus exuisse respondit. Quod filia amorem erga speratum adhuc sponsum tegendi imprudens, supra patrem efferret Olaus Crassum, quem ille habebat inimicum: quum Principes ne amicos quidem ejusdem gradus sibi gloriâ præferri, quia antistare cæteris volunt, æquis animis ferant: pater vehementem in modum excandescens, negavit se permissurum, ut Ingridis in manum ac matrimonium istius Crassi, cujus amore nunc stolidè duceretur, unquam deveniret. Ita utrinque discessum est. Interim Olaus Ingridis



adventum in Norvegiam, & novum matrimonium ex pacto, sed frustra præstolatur. Quippe Iarislavus Russiæ Princeps postmodum Ingridis nuptias per legatum expetit, atque ex animi sententia potitur. Rex Norvegorum hanc repulsæ injuriam armis vindicare cogitabat. Et novi motus exorti fuissent; nisi remedium expiandæ offensæ oportundè repertum esset. Inter Sigvaterum Scaldum, qui ad Comitem Ragvaldum eo nomine in Gothiam occidentalem profectus erat, & ipsum Comitem convenit de Astride altera Olai regis Sveonum filia, sed ex Vendica uxore progenita, Ingridi subroganda, & Olao Crasso in certam matrimonij spem offerenda. quod ipsa quoque virgo non nolebat, etsi inscio tunc patre: quem Ragvaldus, ut obstinatum, hic præteribat. Hac de re postquam Olai Crassi animum per suos excussisset Ragvaldus, in Norvegiam iter facit. Vbi humaniter exceptus ab Olao rege, cum eo Astridis nuptias solenniter paciscitur, hac conditione: ut tantundem dotis Astridi tribuatur, quantum Ingridi destinatum fuerat. Et quæ erat Olai regis Norvegorum animi moderatio, prompto affectu conditionem accipit, & cum ea Astridem, quamvis succedaneam; mansuetam tamen, disertam, decoris & regis planè moribus virginem. Sequenti vere advenerunt legati Iarislavi, ut ex lege pacti domum ducerent Ingridem. Hæc constituta sibi dote, quum pararet discessum, à patre rogatur, quem sibi præcipuum itineris comitē adiungi velit. Illa Ragvaldum Vifonis agnatum suum desiderat. Hic rex offensus, se aliud Ragvaldo iter parasse ait, nempe in gabalum: quia ipsum circumvenisset in filia Astride Olao Crasso inimico suo clam despondenda. Supplicium istud Ingris deprecata, obsecrat parentem, ut maiori incommodo vitando & regiæ existimationi tuendæ fidem servare velit: qua regio nomine regi desponsata sit Astris. Rex aliquanto mollior precibus Ingridis excedere regno Ragvaldum iubet, nec unquam in conspectum suum redire. Quod Ingris Ragvaldo per suos significat, & locum ubi convenirent. Ille in Gothiam orientalem concedens, ibi cum instructa classe obviam procedit abeunti virgini, atque in Russiam comitatur. Vbi à regina bene habitus, odio metuque regis procul, tranquille

qvillè vixit. Post discessum Ragvaldi, conquesti sunt Gothi de difficili duroque regis animo adversus ipsum aliosque qui cum eo fuerant, in amicitia cum rege Norvegia contrahenda. Querelæ, sermones & fremitus vulgi ita creverunt, ut jam nutantes, in regem Norvegiæ ejusque imperium inclinare viderentur. Sed huic & aliis incommodis saniores Emundum Gothiæ occidentalis judicem, virum prudentem, facundum & egregiæ dignationis apud regem, moderato salutarique consilio præstruere orarunt. Quod ille, ut bonus patriæ civis, in se recepit, & ad regem ea causâ ivit. Postquam Vpsaliam venit, ingressus aulam, regem debito officio colit. Rex comiter eum excipiens, quæsit, Ecquid novi? Respondit Emundus: Nihil apud nos Gothos novi jam occurrit, nisi quod Otto stolidus Vermelandus, bonus alioqui venator, proxima hieme feras insectatus, tot corpora percussit, ut traba vix caperet exuvias eorum. Cum hac præda dum domum pergit, in viâ incidit in sciurum: quem relicta traba insequutus, frustra sagittis petebat. Vbi enim densissimum nemus erat, ab una arbore in aliam modò transiliens, modò defiliens, ictus petentis subinde eludebat. Hoc ipsi bilem movit, certo non prius quieti se dare, quam vile illud animalculum, quod tantum ipsi negotium faciebat, neci dedisset. Idcirco noctem diei addit, indefessus persequendo; & tamen frustra fuit. Tandem spissioribus tenebris obortis, reliquam noctem in nive decumbit. Altero mane repetitum veniens relictam trabam, nuspiam reperit. ita vacuus domum revertebatur. Hujusmodi nova habeo, Domine. Ad quæ Rex: Hæc non sunt tanti. Reposuit Emundus: Aliud nuper accidit, quod est commemoratione dignum. Gotho Tosuesonius cum quinque navium bellicarum classe enavigabat ad Gothelsum; quæ cum ad anchoras starent in Ekerôd, totidem ingentes naves Danicæ obvias habuere. Cum his in conflictum descendens Gotho, quatuor illarum expugnavit, agmen hostile fudit, & insignem prædam fecit. Quintæ tamen navis vela dâns ventis, evasit. Hanc, reliquis missis factis, subsequitur Gotho: & propius premens, jam in potestatem suam accepisset, nisi subito exorta procella ei remoram injecisset. Interim ista quinta navis, adspirante vento citatæque cursu elabitur. Sed Gotho vela retro vertens, procella ingravescente naufragium patitur, rerum & hominum in Læsø jacturam facit. Reliqui socii a tergo relictæ, dum opperiuntur, a superveniente ho-

stili classe numero ad quindecim aucta, exuuntur navibus, praeda, milite. Sic ipsi profuit habendi studium: dum aqua parte non contentus, omnibus inhiat, omnia perdit. His auditis rex: Hæc inquit, narratio est memoria digna. Sed quid hic negotii habes Emunde? respondit Emundus: *Ve tuam rex sententiam & legis Vplandicæ mentem accipere liceat de intricata lite, quæ bujusmodi est: Duo nobiles pares ortu, sed diffares opibus contendebant de bonis suis, & jurgia ad rem conferentes, non levem sibi noxiam intulerunt: maiorem tamen dives tenuiori. Hinc lite in forum delata, caussi dicta & cognita, secundum egenum pronunciatur: ut ei dives æstimationem litis præstet. Locuples autem non ex præscripto sententiæ ipsi satisfacit; sed animo morem gerens, anserem pro fœmina, porcellum pro porco, pro una uncia auri dimidium marcæ, pro altera lutum & pulverem reddit; additis insuper duris increpationibus. Quid iudicii fers de isto negotio? Rex lite strictim inspecta, sic iudicabat: ut sententiam calumniatus, integram dependeret multam, uti iudicatum erat & regi triplum: quod nisi intra præfinium tempus faceret, proscriberetur, & publicarentur ejus bona, dimidia parte fisco, altera actori addicenda. Super hac regis sententia Emundus appellatis testibus, discessit. Ad vesperam in cœna secum esse Emundum rex volebat, sed progrediente lætitiâ in mensâ, intervenit ejus oblivio. Postero die rex ad eum misit. Sed jam abierat. Hæc ex annalibus Norvegicis S. Olai nondum editis, veteri Norvegica lingua scriptis, qui nobis istud colloquium primo intuitu simplex, sed sensu reconditum & prudens, microsq; Emundi apologos redolens servarunt, ex fide retuli. Equidem interesse credebam & posteritatis memoriæ, & majorum laudis: qui, quotiens usus erat, non solum animum liberè quod sentirent dicendi, sed etiam ingenium habuerunt, è re moderandi orationem ad potentes: præsertim ad pertinacium & offensioni proniorum aures. Nec interim tamen servili adulatione fraudem veritati fecerunt; etiamsi eam non nudam, sed quadam verborum veste tectam proposuerint. Quod nec vetustioris ævi piis & sapientibus inusitatum fuisse accepimus. Etenim quod Torgnyus mordaci vero horridè prolato non potuit apud contumacem regem, hoc quadam dictionis pictura & non ingrata illecebra persuasit Emundus: uti even-*

tus,

tus, explicatis & detectis exemplis, fictis quidem sed ad veri imaginem compositis, edocebat. Inter duodecim amicos regis vel senatores regni tres erant germani fratres, Arvidus, Torvidus & Freivodus; qui singuli aliquo corporis vitio insignes, mentis tamen donis præstabant: iisque æstimati à rege, ipsi regnoque ornamento & usui fuerunt. Arvidus erat cæcus, & tamen disertæ liberæque linguæ. Torvidus balbus, vix duo verba citra hæsitationem pronunciare poterat, & tamen fortis & prudens erat. Freivodus surdaster, qui nihilominus ingenio valebat. Ita Deus damna corporis animi bonis abunde pensarat. Ex his postero die rex quæsiuit, quorsum pertinerent istæ narrationes Emundi. Illi regem secum ipsum meditari & investigare rogant. Et quidem, dum oculos & mentem ad eruendum eorum sensum paulò longius mittit, inde inquit: *Per binos istos nobiles divitem & tenuiorem quos de facultatibus suis litem movisse aiebat, ego forsant & Olaus Crassus tangimur. Respondent amici, se quod res erat, divinasse. Sed quid hoc, inquit, quod à lite victo anserem marem pro sæmina, porcellum pro porco, lutum pro auro victori redditum dicebat?* Ad hoc Arvidus cæcus: *quam disparia hæc omnia sint, vides; magis tamen rex & subditus, dominus & servus. Tu promiseras Olao Crasso in matrimonium filiam tuam Ingridem, regio sanguine tam materno quam paterno nobilem: nunc contra fidem datam ipsi nuptui das Astridem: quæ licet sit regis filia, tamen ex humiliori & Vendica matre nata est. Ingenium quoque tuum & Olai Crassi non parum discrepant. Tu audes ipsum fallere promissis & inæqualibus nuptiis; ille tamen hoc æqua fert mente & se minorem te agnoscit. Rex instabat sciscitando: quid tandem denotaret Otto stolidus?* Hic pro se quisque in adstantes cum silentio oculos coniiciunt. Sed rex urgebat responsum. Itaque Torvidus balbus raptim protrudit verba in hanc sententiam: *Otonem esse cupidum, avarum, ulciscendi promptum, dissimulatorem & callidum. Rex quò hæc valerent, interrogat. Inde Freivodus: citò hoc effabimur, modò pace tua fiat. Rex liberè illum dicere jubet. Tum ille: Frater meus Torvidus, qui est sapientissimus nostrum, illum vocat stolidum, cupidum, aliisque dictis, qui non potest tolerare pacem & quietem. Qui appetendo parvum, quod adipisci nequit, perdit majus meliusque, quod ante possidebat. Etsi vero audiendi sensu parum valeo, intellexi tamē id multos ex amicis & subditis tuis agrè habere,*

quod non servasti fidem regi Norvegiæ, & venisti contra populi sententiam. Quamdiu amicos & fidos habes subditos, non est quod metuas vicinos aliosque reges, aut regno tuo. Sed si graviter offensi cives adversus te exsurgant, inopes consilii erimus. Hic rex interpellans quærit, quinam sint authores seditionis. Freividus: Omnes, inquit, idem volunt: nimirum prisca ac recepta lege ac libertate uti. Ex duodecim Senatoribus tantum sex vides adesse: reliqui abiere ad ciendam multitudinem. Qui & nos in partes secum vocare conati sunt; sed nobis mentes more majorum recte stant, abhorrentium regis proditionem. Rex, quid consilii in isto rerum discrimine capiendum sit, percuntatur. Datum est consilium: ut in Melero se classi committat, eique tot viros imponat, quot cum sequi velint. Et sic emissis ad subditos fidissimis amicorum & conspicuis, offensorum animos demulceat, nec superbia & contemptu, sed moderatione animi adversus collectam multitudinem utatur, & regia comitate accipiat, eamque confirmet de juris & legum custodia, atque libertatis tutela. Hoc consilium amplexus, ejus exsequendi negotium dedit dictis fratribus, quos maximè fidos noverat. Ipse navim ingreditur cum suis. Sed Freividus & Arvidus excurrentes in agrum Vllerianum, secum ducunt Iacobum regis filium; quod nomen, S. Iacobi die nato inditum erat. Verum Sveonum regibus inusitatum, postea in Amundi nomen commutarunt. Vocata in concionem multitudo, legati præ se tulere, quasi cum populo contra regem facerent: eâ ratione facilius invaserunt eorum animos, & Vplandos cum reliquis in unum consultare, rogarunt. Non enim necesse esse prius corrogare sententias Gothorum, sed ex more primas dicendi partes esse judici provinciali Vplandiæ, posteriores reliquis. Quum Vplandi consilio habito rogarentur sententiam, initio plerique clamabant, imperio regem abdicandum, quod verum audire ab amicis noller. Emundus rogatus, quem ille cum suis Gothis vellet regem, aliquem ex ordine præfectorum eligendum, respondit. Sed medium consilium tandem placuit, decretumque est, ut Amundus cum Olao patre divisum imperium teneret; at si quid Olaus hostile machinaretur, cives adversus vim ejus Amundus defenderet: ut pax itidem & concordia cum rege Norvegiæ sanciretur.

retur. Ita turbæ componebantur , & à periculo capitum fratrum prudentia & fide rex liberabatur. Olauus verò cum bene longum tempus patriæ præfuiſſet , rebus humanis exceſſit , corpore ejus monumento ædis Lincopiensis illato. Rex cetera animo magnus , in hoc ſe minor fuit , quod præceps ad animi motum & vindictam , impotenter irasceretur , atque implacabilioris animi eſſet.

AMVNDVS cognomento AN- NOSUS, aliàs CARBONARIUS

OLai SkotKonungs filius, diu vitam produxit. Carbonarii cognomen naſtus eſt , quod legem tulerat de incendienda parte domus aut totis ædibus delinquentis , pro noxa damniſſe dati portione. Quæ tamen pœna plus ſeveritatis quam rationis habuit : quum noxa non ex æquo reſponderet , nec aſtoris vel alterius commodo cederet ; ideo non diuturna fuit. Juvenis à patre & Olao Haraldi rege Norvegiæ in Chriſtiana fide & regiis virtutibus ſedulò educatus , florentem & tranquillum imperii ſtatum habuit. Niſi quod adſinis ſui Olai Haraldi armis , ex lege ſcøderis , adiutandi cauſſa , bello ſimul implicatur cum rege Daniæ Canuto ; qui à Norvegis auxilio vocatus erat , in bello contra regem ipſorum ſuſcepto : quod in exſtirpanda idololatria & vera religione inſtituenda , eos durius ac ſtriſtius , publicatis eorum bonis , habere videretur. Hoc quum accepiſſet Vlſo Torchilli Språkaleghi filius , quæm noſtri annales Svedum , Pontanus & Meurſius hiftoriæ Danicæ ſcriptores Anglum fuiſſe volunt ; fama fortitudinis & ingenii facilem ſibi acceſſum ad amicitiam Canuti , qui tunc in Anglia erat , fecit. Ab eo ſimulatione obſequii & promiſſa opera in bello contra Svedos & Norvegos navandâ , etiam in intimæ conſuetudinis uſum receptus , commendatur Eſtridæ ſorori regis in Sialandia degenti , cum expreſſo mandato ad eandem , ut quidquid Vlſo deſideraturus eſſet , illa non abnueret. Idque ſpeciem promovendi ejus inſtituti in belli apparatu , habere videbatur. Sed ille literis pro nuptiarum conciliatione abuſus eſt. Dum enim percon-

tatur

tatur virgo, quid peteret; conjugium ejus se velle indicat. Quod haud magno negotio impetravit à virgine, sic tacitè à fratre jussam existimante: aut facile credente, quod non ingratius faceret. His peractis, transit cum nova conjuge in Sueciam. Consilia Canuti detegit Amundo, quem junctis cum Olao viribus, suâ itidem operâ sociatâ, Daniam absente Canuto rege, & imparatis civibus, opportundè petere monet & persvadet. Nec mora, paratur classis, exercitus, commeatus. Expeditio hoc ordine præfinitur, ut Olaus in Sialandiam moveat, Amundus terra Scaniam, Vlfo mari invadat. Hi si impetum subitò in Daniam fecissent, & tempore ac fortunâ uti scivissent, quid non diripuissent, & quam prono successu bellum patrassent? Sed dum Olaus in Sialandia spe deditionis hostium & promissis attinetur, donec classis Canuti ex Anglia adventaret, occasio ab illis ad hostes abijt. Inter hæc, ubi Canutus cum instructissima classe adest, Amundus in Scaniam pergit, eamque terrestribus copiis occupat. Quod ubi comperit Canutus, recreato exercitu navali, Amundum petit, & instructâ acie collarisque signis ad Stangam montem cum profligat. Quidam, æqua manu prælium commissum tradunt. Reliquum agmen adversus Vlfonem mittit, qui Helgam flumen tenebat. Hic in conflictu navali non procul Calmariâ Vlfonem objicibus & aggeribus aquam stitisse, & instante hostili classe, iisdem solutis & fluxu undarum laxato, partem navium hostilium depressisse; partem igne perdidisse quidam produnt. Annales autem Norvegici hujus consilii & insidiarum auctores ferunt Amundum regem Svedię & Olaum regem Norvegię. Vlfonem verò suum exercitum hosti supersudisse, eumque in fugam vertisse. Alii contra memorant, Vlfonem in adversâ Helgæ insula, ubi naves hostiles aditu prohibebantur, cum suis copiis confedisse. Danos verò alveum vicinum, per quem adversus Vlfonem traducerent exercitum, ponte junxisse. Quo ferme confecto, Vlfonem cum suis procurrisse, simulando subitam in castra hostium irruptionem. Danis autem animo defendendi pontis & castrorum suorum occurrentibus pontemque insidentibus, Vlfonem studio cessisse: ut destinato eos exitio daret. Mox enim subruto arte pontis fundamento, prolapsos ac submersos

fos fuisse. Nonnulli, non ferente onus ponte ac interciso periisse, memorant. Tam diversè diversi referunt. Post hæc Canutus redintegratis copiis, & adversæ partis navium militumque pluribus ad defectionem largitione tractis, universam belli molem in Norvegiam vertit. Eam viribus destituto rege, & incolarum ancipiti fide, non difficulter occupat. Hic Amundus in adversis Olai, nec ipse ei opitulando damnorum planè expers, fidei tamen constans, eum, si placeat, regio apud se cultu habere velle, vel partem ditionum suarum, ad vitæ aulæque subsidium ipsi offerre. Sed Olaus laudata ejus benevolentia, fortunam denuo tentat, etsi irritò conatu. Proinde tandem profugus huc in Nericiam, uxore & filia Vlfida apud Amundum relictis, inde in Russiam ad Iarislavum affinem suum, suppetias petitum cum filio suo Magno se confert. Ab eo, nec minus Amundo, & fratre Haraldo aliisque exercitu & pecunia adjutus, recipit se in Norvegiam. Interim dum ambiguus Norvegorum sententiis de restituendo in regnum Olao certatur, a Canuto Norvegis auro corruptis, quorum principes erant Torstanus, mercator simul & architectus nauticus, homo ferox & audax, Toro, cognomento Canis, & Enerus cognomento Vitulus, quibus pecunia fide carior erat, in domestico tumultu ad Stiechelstadium opprimitur, nec tamen inultus cadit. Hoc ex occasione tangere visum, quod annales Norvegici fusiùs memorant. Istum Olai excessum tanto mœrore adfecisse Amundum, ut mortem ejus haud longo intervallo subsequutus sit, nonnulli volunt: quod amicè adeo in vita conjunctos vix ipsum fatum divideret. Alii verò longiùs extendisse vitæ spatium produnt.

AMVNDVS vel EMVNDVS secundum quosdam, cognomento VILIS

Ob illegitimos natales, ut nonnulli autumant, ut alii, ex ignavia & imprudentia dictus: quod Scaniam à Gothia tam imprudenter distinctis limitibus secrevit. Nonnulli *Slemma* quasi dissipatorem cognominatum volunt, aut dilapidatorem: quod iniquæ limitum distinctioni subscribendo,
Scaniam,

Scaniam, Blekingiam & Hallandiam regno Gothorum avulserit: quæ ei antea conjunctæ fuerant, regnique Svedici termini se olim, ut perhibent annales patrii, ad medium fretum Öresundæ porrigebant. Hanc limitum designationem quamquam pro fabula habet Iohannes Magnus, ubi de hoc rege agit, tamen non solum leges Scaniæ, sed etiam occidentalis Gothiæ, aliique scriptores eam constanter adfirmant. Et ne dubitationi locus ultra sit, nomina eorum, qui finitores limitum fuere, in dictis legibus ordine recensentur. A parte Suedorum delecti sunt Takaldus ex Tiindelandia vel Tiindhundria, gentis appellatione, quæ sunt decem præfecturæ Vplandiæ septentrionalis. Botvidus ex Fiedundria (in qua est Ene-copia) à quatuor præfecturis nomen nata. Gasto ex VVest-mannia. Grimaldus ex Gothia orientali, Nannus ex Smalandia, Toftanus ex Gothia occidentali, Tolo ex Vplandia. Danorum à parte lecti Toto & Tocho ex Iutia, Gymkillus ex Sialandia, Dano ex Scania, Grimito ex Hallandia. Nec minus finita ab illis loca exerrè ponuntur. Primum in Suntruasi saxum, limitum distinctorem collocarunt, alterum in Danebeckia, tertium in Kinnastenio, quartum in Iuraesnäsi, quintum in Huitstedio, sextum in Brimsästenio, inter Blekingiam & Moringiam, non Norvegiam, ut Iohannes Magnus existimabat. Ex ista limitum positura, Canutus rex Daniæ Scaniam suo regno vendicandi occasionem sumsisse memoratur. Quod regni Suediæ ordines non ferendum judicantes, Amundo authores fuerunt, ut armis eam ex lege regni repetitum eat, quam sua temeritate à regno Suediæ divelli passus sit. Ille quidem eorum consilio cogit exercitum & in Scaniam traducit. Sed Canutus ei obviis in ponte Stångapelle cum toto ferme exercitu eum fundit ac fugat. Ita non meliori fortuna in recuperando, quam prudentia in perdendo Amundus utebatur.

HAQVINVS RVFVS.

ET si capillis ruber, candidis tamen moribus erat. Gothiæ occidentali suos natales debet, in villa Levenensi, territorii VVista, nobili isthuc stirpe. Quum à Gothis regno designatus, sed à Sveonibus, quibus potius eligendi jus ex lege Olai

Olai erat, Stenchillus antehabitus esset: ne novis motibus materia præberetur, unius tamen regni corpus unius animo regi, publico conduceret; cum Stenchillo egit, ut tantisper privatus degeret, donec ipse jam ad extremum ætatis vergens, morte suâ locum ipsius successioni fecisset. Et quæ erat modestia Stenchilli, incruentum expectare, quàm cum civium sanguine imperium quærere maluit. Agebat Haqvinus vitam & regnum pacificum: cum Scipione & Antonio præoptans unum civem servare, quàm centum hostes occidere. Quum tredecim annos imperium benignè moderatus esset, consentaneum vitæ placidumque excessum habuit; eandem post factum quietis, quam ortus sedem nactus.

STENCHILLVS II.

Olai nepos cum omnium applausu regiam functionem suscepit, altiori fortuna vel ob modestas cupiditates dignus. Ut à puero ad sincerum Christianæ religionis amorem eductus erat, sic in virili ætate ipsa re cum profitebatur. Adversus imminentes persecutionum tempestates, ingenuis Christi confessoribus aulam suam velut portum & calamitatis publicæ receptum aperuit. Quando sereniora redibant tempora, ad suos cum regio munere eos dimisit. Non autem satis habuit, pietatis & religionis studio aliis exemplo esse, sed illud ad omnes subditos felici auctu diffundi connisus est. Eo animo ab Adalberto archiepiscopo Bremensi viros doctrinâ & integritate vitæ conspicuos expetivit, qui rudes rectè de Deo docerent, errantes in viam reducerent. Quod huc missi, Deo vires & incrementum largiente, non absque singulari fructu præstiterunt. Quum huius Stenchilli imperium in quieta ferme tempora incidisset, reliquas pacis artes pro viribus procuravit. Utiles reipub. leges condidit, nervum autoritatis illis addens, ut servarentur. Hoc religionis & iustitiæ cultu se venerabilem omnibus, & charum bonis fecit. A suis, maximè VVestrogothis, amabatur: dum apud eos majorem ætatis partem agebat; ut si ex propinquo bellum ingrueret, ad illud repellendum in procinctu esset. Vtpote Scanix possessio non semel armis tam à nostratibus, quàm à Danis disceptata est.

Nostri

Nostri tamen auspice simul & bellum administrante Sten-chillo, tribus præliis superiores, ius suum etiam fortuna faultrice adseruerunt. Hunc regem corpore validum, jaculandi perquam experientem fuisse annales testantur. Ejus rei monumenta in Levena VVestrogothiæ exstare, regium saxum & fulcrum, ita dictum, aliaque huiusmodi Stadzbergæ. Ceterum corporis robur & iaculandi peritiam in hoc rege extollere, iniuria quædam maiorum animi bonorum fuerit. Et nos regem, non pugilem aut sagittarium narramus.

INGO III

Regis animi dotibus excellens, titulum & honores regios ante promeruit, quam accepit. Vbi vero accepisset, cum fortuna, ut multi solent, non mutavit mores, sed ornatiores reddidit. Illos equidem ad leges divinas & humanas ita componebat, ut vivendi disciplinam à seipso non minus quam ab aliis exigeret. Testimonium à toto regno habuisse, author est Ericus Vpsaliensis, quod nunquam contra leges patriæ deliquisset. Qui subditorum magis sequi quam trahi volebant, eos ne rigore asperaret, verbis & meritis flexit. Quos verò beneficiis non poterat, metu non tam sui quam legum, probos & obsequentes efficere laborabat: ne & hos coegisse videretur. Errore aut imbecillitate lapsis clementiam, graviter aut obstinatè delinquentibus severitatem accommodabat. Bellum ipsi non unum fuit cum vicinis Danis & Ruthenis: quod tamen felici exitu terminabat. Scaniam toties armis vexatam, Gothorum regno recuperavit. Cum Danis pacem adfinitate firmavit: dum Svenoni regi Daniæ sororem suam Giutham, vel ut alij, Gudam castitatis voto & monasterii à se dicti Gudhemensis in VVestrogothia exstructione claram, nuptum dedit. Post annorum quinque ferme imperium, de subactis Scanis securus, nocturnis insidiis in strato peremptus est. Funus eius, quasi cum ipso respublica efferretur, publico omnium luctu in monasterium VVarnhemense ductum est.

HALSTANVS

Ingonis frater præter alia decora, hoc præcipuum habuit, quod mitis ac sedari erat ingenii, facilis erga subditos. Aspera populi dicta, quæ ex imprudentia seu levitate potius, quam malitia temerè effusa videbantur, vel molliter interpretando, vel prudenter dissimulando ac contemnendo retundebat. Plura vidit quam vindicavit, plura pœnæ formidine quam pœna coercuit. Unde minimum de eo querebantur subditi, de quo majorem querendi licentiam quam materiam habebant. Observans amicitia fideique, maxime in adversis, Canutum regno Daniæ pulsum & ad se profugum, copiis adversus Ruthenos iuvit. Civibus suis in deliciis & honore erat, qui suos adeò amabat. Quum post sedecim annorum imperium terris excessisset, instar publici patris à civibus defletum annales perhibent. Quare minus fidei mereri videntur, qui populari tumultu regno dejectum memorant. Quibus enim animis regem tam humanum expellerent? nisi forte nimia ipsi facilitas apud perditè improbos fraudi fuerit: quum mallet non delinqui, quam satis animi ad plectenda delicta haberet.

PHILIPPVS.

Illud tamen non exiguum publici desiderii partem levavit, quod pater in hoc filio quasi revivisceret: qui famam avitam probitate & prudentia tueri nitebatur; magis verum decus ex publici cura, quam speciem inanum quærens. Ejus imperio pax & solida quies rerumque copia ad invidiam usque viguerunt. Ætate ejusdem vixit Folco crassus, vir illustis, domi militiaeque tunc ante alios clarus. Erius Upsaliensis virum totius Svedia nobiliorem fuisse tradit. Ille celebris FolckKungorum familiae author nonnullis existimatur. Rectius tamen à Folcone Fylbitero deducas. Unde & Folckungi dicebantur, quod Folconis nepotes ac posterii essent. Sed ut hoc liquidius pateat, operæ visum, nobilem illam FolckKungorum familiam ex annalibus veterum paucis repetitam hic posteritati reddere: ne, cujus propago nunc exspiravit, ipsa tandem memoria cum tempore effluat.

effluat & intercizat. Præsertim quod frequens ejus occur-
rat memoratio in priscis Sveonum annalibus, seriem gentis
scire refert, quæ talis est. Folko Fylbiter ethnicus tres ex
matrimonio suscepit liberos, qui Christo nomen dederunt,
Ingemundum, Halstanum, & Ingevaldum. Reliquis fra-
tribus absque prole mascula decedentibus, Ingevaldo uni-
cus fuit filius nomine Folcho, cognomento Crassus, cujus
supra mentio allata est. Hic ex Ingride S. Canuti regis
Daniæ filia duos tulit filios, Benedictum Sinuils & Canu-
tum. Suam Canutus itidem propagavit domum tribus
illustribus filiis, Birgero, Carolo & Magno Minnisciöld-
dio. Birgero filius fuit Philippus, Carolo Vlpho. Sed Ma-
gnus Minnisciöldius Birgeri lerli, postea proregis genitor
erat; maritus Ingridis cognomine Ylsuæ Sunonis Siikii
Ostrogothorum ducis filiæ, rarâ sapientia scæminæ. Ejus-
dem Magni filius erat AEschillus, decimus septimus ordi-
ne Iudex provincialis VVestrogothiæ, vir prudens &
justus; cujus memoria extat in serie judicium provincialium
occidentalis Gothiæ, veteri codici manuscripto legum
VVestrogothiæ adjecta. Quamquam verò familia Fol-
chungorum fortes olim præstantesque viros & de patria præ-
clarè meritos, tamen inter illos quosdam etiam degeneres
tulit. nec id insolito exemplo. Vix enim ulla clara domus
existit, quæ non habuerit aliquid labis aut vitiosi generis,
velut bona seges nullam non fert spicam nequam, aut gene-
rosa stirps aliquando inutiles stolones.

I N G O IV.

Ex Philippo natus, aviti decoris retinens, ad regni fa-
stigium summis omnium studiis adscendit. Huius au-
lam fuisse veluti officinam pietatis aliarumque virtutum, ar-
gumento sit insignis educatio duarum filiarum (filios enim
nullos habuit) Christinæ & Margaretæ. Christinam sustu-
lit ex priori matrimonio Ragnildis, cuius ossa Telgensis
ædes servat. Ista Christina postea S. Erico nupsit. Ex poste-
riori matrimonio Helenæ habuit filiam Margaretam, aliàs
AEstridem dictam, quæ Magno regi Norvegiæ, quocum
ipsi bellum fuerat, pacis conciliandæ causa nuptu collocata
est:

est : unde dulcem appellationem *Gridfusse* quasi *pacis uxoris* tulit : quod imbellis & purus amor armatâ vi potentior ac felicior esset. Magno tamen sobolem nullam dedit, pacis partu solum ei sæcunda. Exstincto Magno, ad secundas nuptias Nicolai regis Daniæ transiit. Ex eo procreavit filium Ingonem, qui in puerili ætate effusus equo, pede adhæsit stapiæ, ut vocant. Dum verò continuo pedis calcariisque ictu latus percurrenti equo foditur, inde irritatus dependentem puerum præcipiti cursu ad necem rapit, excusso capitis identidem terræ allisi cerebro. Saxo ungulis equi obtritum author est. Filium itidem Magnum ex eodem matrimonio in lucem protulit. At Ingo rex dum munia sua exsequitur, atque provincias ordinandi status publici causa circuit, qui ab externis hostibus tutus fuerat, domesticis insidiis venenoque in valle Vretensi sublatus est, vel ab æmulis imperii, vel ab aliis omni facinore coopertis; quibus per justam regis severitatem sceleratis esse & impune grassari non licebat.

RAGVALDVS cognomento CEREBROSUS, Svecicè *Knaphöfde*.

Hunc irato Deo subditis in vindictam occisi Ingonis contigisse volunt. Quod & discrepantes animi civium in electione haud absurde signabant : dum Gothis Magnum Nicolai regis Danorum filium successorem destinantibus, Suecones hunc Ragvaldum ejus avunculum anteposuerunt. Inde fit, ut Magnus in veterum annalibus in censum regum Suediæ non veniat. Velut autem Ragvaldus torvo & minace vultu, incessu superbo & alloquio ferox fuit; ita multum audaciæ, prudentiæ parum inerat. Et tamen de suo unius arbitrio omnia geri volebat. Fidos consiliorum ministros & prudentes rerum aspernabatur. Quidquid ipsi præceps cerebrum animique tumidi impetus syadebat, id in vim edicti protinus valere jussit : cupiditatem & licentiam pro jure habens. Sæpe se more insanientis circumagebat, evidenti turbatæ mentis argumento. A civibus magis metui, quam amari expetebat. Quo effecit, ut difficiles & aversos

civium animos experiretur. Frustra enim ex terrore speratur, quam benignitas imperii præstat, veneratio. Tandem ipsas patriæ leges & morem majorum conculcare non est veritus. Quippe dum provincias obit, contra priscam regni legem & consuetudinem tunc solennem, absque securitatis publicæ vadimonio ad Gothos occidentales arroganter accessit. Hoc illi prorsus indignè tulerunt, contemptum sui, præsertim legum, servitute pejorem ducentes, subitoque & inconsulto animi motu manus ei attulerunt, & prope Scaram in prædio Carlabyensi occiderunt. Sed ut ille modum in migrando leges regni, sic isti in ulciscendo excedebant.

SVERCHERVS II

ex illustri Comitum familia oriundus, Sveconum Gothorumque conspirantibus suffragiis rex electus est. Initia imperii satis pacata & quieta habuit. Et reliqua optatò processissent, nisi ipse filiusque ejus bello Danico se suâ culpâ involvissent. Quum enim Nicolaus rex Daniæ, defuncta conjuge sua Margareta, aliam quæreret tori sociam, Vividæ Norvegianæ nobili sanguine & forma virginis animum jam eò pervicerat, ut nihil nisi in manum conventio superesset. Interim Suercherus astu donisque majoribus virginis animum pertentavit, eoque perduxit, ut à rege Daniæ ad illum mentem suam applicaret. Accedebat Suercheri regis filii protervia & extremæ lasciviæ furor: dum suopte ingenio, atque indulgentia exemploque patris corruptior, cum copiis suis excurrit in Hallandiam, & istius loci præfecti conjugem hujusque sororem viduam, matronas non minus morum quam formæ laude commendatas, indignissimè habet, & velut bello capta mancipia secum in Suediam rapit, atque per vim stuprat. Scilicet cum regio sanguine esset, libidinis suæ regnum in honestas virgines & matronas exercere, nullum nefas existimabat. Tandem ubi omnibus, velut publicus pudicitiae hostis, odio esse cæpisset, eas tanquam vilia prostibula foras expulit. Hujus flagitii foeditatem ulturi Dani, bellum adversus Suercherum ejusque filium moliuntur, qui dum patris jussu militem & belli subsidia à populo exposcit,

scit, non modo nullum dicto audientem habuit, sed etiam tantum scelus ferro expiarunt cives. Quippe maluerunt salvam in posterum pudicitiam ac morum integritatem, quam tam indignum & petulantem patris filium suo flagitio & publico dedecori superesse. Vnde quum istius facinoris compertus, in iudicio & conventu publico multa sui purgandi causa dicere parasset, impetu facto eum obtruncarunt. Pater autem hinc pudore criminum filii, illinc dolore tam indulgenter educati, & ea cæde sublati, proprioque sui metu latebras quæsit. Ea re accepta Svenno rex Daniæ, qui tunc rerum potiebatur, spe jam præceperat excidium regis simul & regni Svedicæ. Quare omnem amicæ compositionis viam abnuebat, quasi in manu sua exitum belli, non minus atque initium haberet. Postquam ad fines Smalandiæ accesserat, occurrentem sibi vidit magnam rusticorum manum: qui excisis arboribus viam ipsi obstruxerant. Quas si tandem amoliretur, ei corpora & animos pro vallo opponere parati erant. Sed & vis frigoris pro illis pugnabat. Itaque cognito, cordatos & robustos agricolas, impedimenta viæ, sævamque hiemem, tot simul obici hostes, negotio ad irritum cadente, Svenno ad suos retrocessit. Suercherus autem quo die Servatoris nostri nativitas solennibus sacris celebratur, ad propinquæ ecclesiæ concionem matutinam pergens, inter Alebekium & Tolffstadium à stabuli ministro interemptus est. Adeo etiam vilis manus in illustrium & potentium inter necionem satis est, si suo vel alieno scelere incitetur; aut Deus pœnam delictis permittat. Etsi verò corpus Suercheri subita vi manuque impiâ peremptum sit, tamen de anima sacris Deoque intenta bene consultum speratur.

JOHANNIS LOCCENII HISTORIÆ RERUM SVECICARVM

LIBER II.

ERICVS IX.

SI quisquam alius hic parenti suo non inficiandus. Patri nomen Iaduardo fuit, quem nonnulli agricolæ filium perhibent; alii ad clariorem ortum referunt: quibus non satis consentaneum videtur, humili loco natum & adhuc imperii expertem, ex regia Ingonis domo sociam in matrimonium accepisse. Enimverò pater uxoris non temerè creditur filiæ connubium vulgare voluisse. Cæterum non ad eò intererat Erici, ex quam illustri vel obscura familia, modo honesta esset: eò maximè æstimandus, quod virtute enituit, & lumen ex se domui suæ intulit; jam capax imperii, antequam imperaret. Quæ & tantum ipsi socerum, & mox sumnam dignitatem conciliarunt. Accedebant Vplandorum animi, qui cum magno consensu regem elegerunt; etsi nequidquam obnitebantur Gothi, in Carolum Suercheri filium, regia D-
1150. norum adfinitate innexum prouiores. Admotus regno turbatum reip. statum composuit, animos discordiâ alienos, radice mali exstirpatâ, in gratiam & concordiam reposuit. Ab humilioribus potentiorum injuriam prohibuit. Studium pecuniæ, velut infra Principem, à se spernebat, aduetsis proventibus contentus. Quin & illud quod regni ubertas ultrò concesserat, sibi negavit, civiumque solatio reliquit. Tantum aberat, ut nova & subdola se ditandi compendia, prædæ proxima, institueret; aut innocentium sanguine ac facultatibus ærarium implere vellet. Imò subditos seipsos potius quam regem ditare compulsi; ipse opes habentibus imperare satis habuit. Illustre est & æternitate dignum illud amicorum certamen obsequii subditorum, & abstinentiæ regis. Illi obtestati sunt, censum regi debitum acciperet, hic recusavit
sibi que

sibi que servare cives iussit. *Mihi, inquit, mea sufficiunt, vestra vobis salva sint. Non expeto vestra tributa. Posteritas indigebit.* Hic frugi patremfamilias & simul beneficium regem egit: dum ordinariis regni fructibus, uti tunc tempora erant, contentus, sibi potius & suis usibus, quàm subditis detrudere voluit. Omnium verò præstantissimum erat, quod primam religionis curam habuit, maximè in Finnonibus; qui non modo Suedis, sed & ipsi Deo tunc inimici erant, à vera salutis via miserè decurrantes. Dum illorum infestas impressiones cohibet, divinam simul suscipit cogitationem de illis ex damnatissima cæcitæ ad Christianæ veritatis lucem traducendis. Cui voto Dei favor adfuit. Simulac enim in Finlandiam cum suis copiis accesserat, & ad manus devotum erat, Finnones cæsi sunt victique primo conflictu, & in Sueconum potestatem deinceps venerunt. In tanta victoria rex non absque ingenti militum admiratione, effusam ejus lætitiâ expectantium, lacrymas commiserationis indices effudit, circumstantes his allocutus verbis: *Etsi hæc victoria Dei munere nobis de tam efferatis hostibus concessa, non potest non grata lætæque animis nostris accidere; tamen irreparabilis tot animarum jactura majori est dolori. Si non aliis, certè meo animo ingentem luctum & plagam facit. Miseri illi mortales si ante eladem acceptam sponte se Deo dedissent, per hanc brevem mortem, utique sempiternam effugissent.* Mox operâ Henrici episcopi itineris socii superstites ad Christianam fidem Dei verbo instillatam & sacrum lavacrum vocavit. Sed dum Henricus calidius quàm cautiùs hoc sacrum opus urget, à tumultuante plebe trucidatus, sanguine suo verbi divini prædicationem obsignavit. Quidam, cum in Finnonem nobilem nomine Lallum disciplinam ecclesiasticam homicidii perpetrati causa exercuisset, ab homine feroci & istius disciplinæ impatienti nefariè occisum ferunt. Super alia pacis studia, multa passim delubra in honorem Dei excitari & ædificari curavit Ericus; eaque proventibus & fructibus ornavit. Inprimis domum Dei Vpsaliæ à Suerchero secundo extrui cæptam perficere studuit; & jam ad tectum usque eduxerat; sed morte præventus imperfectum fastigium relinquit, ita ut anno demum millesimo quadringentesimo quadragésimo quarto penitus ad culmen perduceretur & exædificaretur; ut

ex monumentis dictæ ædis & inscriptione quorundam lapidum liquet. Magis tamen eo nomine celebrandus, quod per verbi divini prædicationem viva Dei templa fieri, & Finnos ad Deum converti fecit. Paulò ante obitum codicem juris patrii emendavit, atque à paganorum erroribus repurgatum, utili legum accessione locupletavit. Pravas consuetudines, etsi usu roboratas, tamen quâ potuit industria, sustulit. In sceleratos absque personarum adspectu animadvertit. Hæc publica. Sed nec famam publicè quæsitam privato dedecore perdidit; si quidquam privatum est in Principe. In sacrorum & pietatis exercitiis assiduus & indefessus, civibusque exemplo erat. In moribus, non aliorum modò, sed & sui moderator. Corpus ita curavit, ut magis animum. Quum sic viveret, nihilominus inventi sunt, qui in tam innocens caput ex invidia vel prava ambitione sæva meditentur & conjurent. Horum duces erant Henricus Scatelerus Suenonis Danici filius, & nonnulli procerum hujus regni, qui ab Scatelero corrupti & magnis promissis onerati, clam ejus partibus studebant. Scatelerus autem regis Ragvaldi ab occidentalibus Gothis occisi, ut suo loco dictum, ex sorore nepos, hæreditatis maternæ titulo successioni regis, contra regni legem, quæ alienigenas ad sceptrum non admittit, se ingerere conabatur. Sed quum illum prætextum ad spei destinationem non sufficere sentiret, animum ad malas artes applicuit. Quidam suspicantur etiam Carolum, de quo proximè dicitur, factioni immixtum fuisse. Henricus verò & filius ejus Magnus, capita factionis, collectis copiis, Ericum nihil minus quam horum insidias eoquæ tempore cogitantem, ipso adscensionis Christi die adoriuntur. Vbi sacris deditus, nuncium de hostium adventu accepit, non prius arma quam sacris finitis capeffit. Inde coactò tumultuario exercitu, qualem fors obtulit, hosti sit obviis, qui ciet adversum & cruentum prælium; in quo rex ipse cæsus, in manus hostiles incidit. Hostis illâ victoriâ insolescens, regi caput insuper præcidit in loco ubi nuper horti erant regii, nunc in novas urbis regiones CHRISTINÆ Reginæ munificentia instaurati. Fontem eo loci ubi decollatus est, uberimum profuissè, fama tenet; cumque divinâ vi morbis curan-

1560.

curandis præditum fuisse. Cujus venæ adhuc passim per oppidum manant ; & fontis publico nomen ab Erico dederunt. Quum factionis principes diriperent opes Erici , & jam affectarent viam ad solium regium , iusta ultio excitavit Helsingos , & reliquos fidos cives ad arma contra regicidas. Primo congressu Scatelerus & ejus filius in isto colle , ubi nunc Danmarchiæ templum , Vpsaliæ vicinum , situm est , cæsi trucidantur , & meritas regii sanguinis effusi pœnas luunt. Ex Danorum spoliis dictum templum exstructum creditur , & quidem authore Norlandorum duce , cui nomen Fåle Bure fuit. Rex Ericus primum nactus est tumulum in sacello de nomine ejus nuncupato , quod hortis regiis imminabat , illiusque rudera quædam adhuc supersunt. Postmodo ossa ejus hinc in ædem veteris Vpsaliæ , ubi tunc Archiepiscopi sedes erat , translata sunt. Sed postquam præsulis sedes huc remigrarat , post annos ferme centum , in præsens Vpsaliæ templum solenni pompa per Nicolaum Vpsaliæ præfulem traducebantur. Isthic in argenteo loculo , marmoreo cippo ferreis clathris septo ad summum altare , appensis ingenti corona , tabulaque affabre sculpta pictaque , cum rerum ab Erico gestarum adumbratione , condebantur. Memoriam eximii regis etiam hic honor à posteris habitus est , ut in sanctorum ordinem referretur : ut ejus imagine , tres præferente coronas , vetere regni Suetici insigni , monetam publicam & sigillum regium exprimi , diu in usu esset : ut insigne civitatis Holmiæ , Erici facies cæsarie venusta esset. Sed & anniversarias nundinas & ferias Ericianas ab illo nuncupatas mense Majo cum honorifica vitæ ejus in Ecclesia commemoratione celebrari , mos obtinuit. Quod etiamnum ab Vpsaliensibus gratæ regis recordationi datur. Etenim rectè factorum decus apud piam posteritatem non senescit ; nec cum authore intermoritur.

CAROLVS VII

1162. Svercheri filius, biennio ante Erici electionem rex à Gothis dictus, post excessum demum Erici, ad regium gradum evehitur. Vt imperium adversus suspectæ fidei vel potentiores viros opibus stabiliret, VValdemari regis Daniæ intimiori amicitia se illigavit, neptem ejus uxorem ducendo. Nec minus ad regni, sui ipsius & successorum securitatem facere existimabat, si diffidentia semina inter æmulos vel suspectos tollerentur; & pluribus subsidiis patria insisteret. Idcirco lege publica sanxit, ut ex S. Erici & ipsius posteris reges alternis crearentur; & ejusdem leges fideliter observarentur. Tranquillandi status publici causa domi forisque cum indigenis & exteris, Danis & Novegis fœdera pacis contraxit. Religioni devotus, reparatis monasteriis, Vretensi, Alvastrænsi & Varnhemensi, Iulithanum (quod aliàs Saba vocabatur) in Sudermannia exstruxit. archiepiscopi honore regnum primus ornavit, insignibus ejus ab Alexandro III. pontifice per Vlphonem Gothiæ ducem impetratis. His & aliis regni curis intentus, tandem tamen cruenta morte periit. Quum enim Canutus S. Erici filius Carolum suspectaret, si non ut authorem, tamen ut socium conspirationis adversus patrem; hinc odium contra ipsum tam altè animo impressit, ut non nisi cum morte Caroli obliterari posset. Equidem occulta sub pectore ultionis avido simulas, velut ignis sub cinere, aliquamdiu quidem latet; sed, nisi in principiis opprimatur, suspicionis, odii & iræ fomentis animata, tandem in apertas & sævas vindictæ flammæ erumpit. Ita Canutus non prius adqviescere potuit, quam comparata sicariorum manu Carolum in insula Visigiana VVestrogothiæ obrutum de medio sustulisset.

CANVTVS

1168. Optatum meritum paternorum fructum sensit, ut ad honores quoque regios extolleretur, postquam ex Norvegia domum revocatus erat. Sed non absque sanguine regnum auspicabatur, ad quod ab exilio venerat. Nam præter Carolum, de quo superius, Kolonem, Rislevum, Burislevum

vum regis Caroli fratrueles, aliosque qui regis parricidium manu vel consilio adjutarant, ~~trucidavit~~. In Danos, præsertim illos, qui Scateleri partes ~~foverent~~, arma tulit duce Harald o. Is tamen in bello nimis ~~cunctator~~, nec fortunæ se præbenti obvius, multas rei bene ~~gerendæ~~ occasiones inertia sua corrumpit; nisi quod manu ~~celer~~ in diripiendis hostium bonis erat. Rex Daniæ Canutus ipsi in campis Scanienfibus obviam factus, imprudentem profligare, & cum non levi suorum clade in fugam propellere. Sic ducis ignavia & temeritas hosti commodo, nostris calamitati fuit. Circa hanc tempestatem Sigtuna olim una principum Suediæ urbium, quam Sitonum populi nomine signasse Tacitum nonnulli volunt, ab Esthonibus, Careliis & Ruthenis, piraticam ad Melerum vsque facientibus, ferro & igne devastata in cineres ita descendit, ut nunquam postea resurgeret; nunc quantula sui portio. Præsul Vpsaliensis Iohannes ab iisdem suo prædio suo Almerstecho obtruncatus est. Ab his & aliis hostibus regnum Canutus pro virili purgabat. Non vnæ Gothorum leges hunc quoque conditorem agnoscunt, non minus publicam rem pacis studiis firmandi, quam cives armis tuendi, vel adversos pellendi gnarum. Quum annos viginti tres imperio exegisset, in Gothiæ occidentalis pago Erofleto in fata concessit.

SVERCHERS III

Caroli filius, ab excessu Canuti rex Sueogothorum factus, 1192. rerum civilium & militiæ peritus, nec minus disertus erat; facere & dicere juxta promptus. Quam Canutus in Carolum ejusque familiam exercuerat necis paternæ ultionem, ille opibus & regno potens, in authoris liberos eorumque capita retorfit. Nec prius cessabat, quam eos partim ferro sustulisset, partim bonis eorum publicatis proscripsisset: ut in se simul suaque familia regnum stabiliret. Etsi res aliter ceciderit. Hac enim severitate populi, imprimis Vplandorum, S. Erici familiæ maximè faventium, odium & tandem civile bellum sibi conflavit. Quippe Ericus unus proscriptorum, ex Norvegia, ubi vltra duos annos in exilio delituerat, in patriam reversus, populum sibi studentem adversus.

adversus Suercherum concitavit , magnasque sibi vires quæsit. Olaus Vpsaliensis præsul quum conditionibus potius quam ancipiti fortuna finire bellum ; & civium sanguine abstinere regi suaderet , offensam pro laude meruit. At utile consilium à rege contemni , omen mali propinqui erat. Pigeat scribere rem tanquam fabulæ proximam , ex annalibus Norvegicis prætam , quæ instar portentis præcessit cladem Suercheri ; nisi quanta fuerit in his oris borealibus diaboli ante religionem Christianam huc introductam , potentia , hominumque sub nomine Odini illusio , vel hinc liquidò constaret. Præcipite die circa vesperam venit quidam ad fabrum ferrarium nomine Toronem Votium , qui habitabat in Norvegiæ promontorio Fisleo. Petiit ibidem diversorium , & calceare equum suum. Sed quum solæ ferreæ suffigendæ ungulis equi majores viderentur , tamen aptatæ congruebant. Faber quærit ex eo , *ubi proxima nocte fuerit* , ille : *in Medeldalia* , ait , *maximè septentrionali ad Tilemarchiam*. Vbi priore nocte ? *in Nordalia Ryefylchia* , respondet. Hic in cachinnum effusus faber , strenuè mendacem pronunciat. Longè enim amplius viæ inter dissita isthæc loca erat , quam ut tam exigui temporis spatio tantum iter confici posset. Faber instat percunctando , *quis* , unde & *quo* ? ille , *Veni* , inquit , *ex hac plaga septentrionali* , & *diu in bellis navalibus versatus sum* ; *nunc cogito in Sueciam* , *usus hoc equo ad tempus* ; & *mibi nomen est Oden*. *Nisi mibi fidem habes* , *ecce ut progrediar*. Cum dicto transfiliit equo septem ulnas altam sepem. Hinc raptim in sublime se auferens , per aërem evanuit. Quatriduo post inter Suercherum & Ericum cruenta stetit pugna , Suerchero admodum infelix. Etiam si enim satis virium haberet , à Valdemaro quoque Danorum rege copiis adjutus : & bellum à Folchone , duce eximio ; administraretur ; tamen in Falonia occidentalis Gothiæ ad Lenam ingenti clade affectus est. Minus verò decora hosti isthæc victoria erat , quia civilis. Recollectis viribus , post biennium redintegravit bellum & pugnam : emendaturus , ut putabat , fortunam. Sed hic multo quam antea infelicius egit Suercherus. Ipse enim cum Folcone aliisque Folchungicæ familiæ nobilibus & magni nominis viris ad Gistelbroum , ut Pontanus , vel Gistilrecnum , ut Ericus

Ericus Vpsal. vocat, occubuit, finemque bello nece sua & simul documentum dedit, belli civilis incendium non nisi insignibus extinguere casibus, & sæpe ruinâ vel totius reipub. vel capitis ejus.

ERICVS X

CAnuti filius S. Erici nepos, ab excessu Suercheri ad eandem regiam elatus est. Remp. civilibus fluctibus jactatam in quietum statum reponebat. Vt tandem ultionis modus & civilis sanguinis finis esset; ex consilio Valerii præsulis resarcivit gratiam cum inimicis, qui in necem fratrum ejus cum Suerchero conjurarant. Eodem svasore quasi censum quendam & delectum provinciæ præfectorum habuit. Tales enim præponi ordinavit, qui rerum & morum patriæ gnari, non sibi sed publico civiumque commodo studerent. Qui ab avaritia alieni, non emungerent provinciales; nec possessionibus eos per varias artes everterent & ad se transferrent; sed eos docerent compendia rem suam honestè augendi tuendique, & naturæ beneficia in usum publicum ac privatum rectè convertendi. Vt verbo dicam, qui innoxie & prudenter, sanctè & fortiter provinciam obtinerent. Hic Ericus ex VValdemari Danorum regis sorore Richesa quatuor suscepit liberos, vnum filium Ericum Balbum postea regem, & tres filias Helenam, Martham & Ingeburgem. Helena in matrimonium data est Canuto Folchungo, Marta Nicolao de Tofta, Ingeburgis Birgero duci Gothiæ orientalis; quæ peperit ei, præter Benedictum & Ericum, VValdemarum & Magnum, duos postea Svedicæ reges. Ericus solum octo imperii annos explevit, longiori vita dignus. Brevem tamen vitam bene imperando longam fecit, & famam à morte perpetuam.

IOHAN-

IOHANNES I. cognomento ADOLESCENTULUS, item MITIS.

Svercheri regis filius imperium adhuc rudibus & teneris annis suscepit : unde & cognomen habuit. Benignæ naturæ erat, quæ inde quoque nomen ipsi peperit. Quum nondum per ætatem capax imperii esset, illud interim curatoris nomine administravit Olaus præsul Vpsaliensis, & quidem pontificia quadam autoritate tam in civilibus quam sacris, pro istius temporis fato. Circa initia imperii hujus
1219. Iohannis, Esthones, Borussi, Carelii & Vandali junctis armis & copiis effusi in Gothiam, non procul Lincopia ad Røtälum, ducem Carolum & ejus loci episcopum cum aliis primariis viris trucidarunt. Hinc prædâ factâ progressi Iohannem ducem eadem nocte, qua ex bello cum Russis & Ingris novem annos gesto recens domum redierat, ad insulam Akerön dictam prope Aschenäsium obruncarunt. Vxor autem ejus fugâ elabens, ad prædium Hundhamerium contrahi copias curat, quæ omnes Esthones ad scopulum inde Esthaklip dictum, internecione deleverunt. Ita pœnam ne eis mariti à prædonibus repetiit uxor, edito virilis audaciæ facinore. Iohannes rex tertio, vel, ut alii, quarto regni sui anno in insula Vislingiana decessit, metæ laudis illustrioris proximus. Sed ostensus regno, & simul fermè subductus est.

ERICVS BALBVS vel BLÆSVS

S. Erii abnepos, quamvis impeditioris linguæ & claudus esset, à civibus tamen animum magis quam domicilium
1223. ejus corpus æstimantibus, imperio dignus judicabatur. Equidem ne vitium oris & pedis in eo quid offensionis haberet, prompto rectoque ingenio effecerat; maximè morum probitatis & æquitatis laude. Ex invidia tamen nonnulli potentiorum & factiosi in eum coorti sunt. Horum princeps erat Canutus Folchungus, cui ad sublimia nitenti, præter generis splendorem, Erii Balbi sororis matrimonium regios fecerat spiritus. Super isthæc corporis forma, morum cultus, alloquium & congressus comis, prudens ani-
mus,

mus, diserta lingua ipsi per se ad summos honores suffragari videbantur. His accedebat vulgi studium, qui nihil ei regium deesse præter regnum existimabat. Sive autem revera inessent hæc decora, sive parando regno quædam fingerentur; animus tamen nimis ambitiosus, & in legitimum regem conjuratio omnia isthæc contaminabant. Insuper amici ejus & cognati, præsertim duo Erics Balbi ex sorore nepotes Carolus & Haraldus, boni patris Nicolai de Tofta degeneres filii, & cum eis Hollingerus Canuti Folchungi, vel, ut alii, Folchonis Ostrogothiæ ducis filius, cum ad ista stimularunt. Quum animi dotes Erics non possent, corporis debilitatem sugillabant. Minus virilis regis lingua & laborans incessus, quasi regno indigna, illis ludibrio & derisui erant. Canutum verò decore corporis insignem, lingua manuque iuxta promptum, regno natum jactabant. Horum seditiosa colloquia, factiones & insidiæ ab improbis structæ, à consciis dissimulatæ, tandem in apertum & civile bellum eruperunt; Canuto & sociis ejus pro dominatione nihil non audentibus. Qui cum ingenti manu ad Ölleströmiū in regem nimis securum irruentes, in prima congressione cum clade victum ex Suedia in Daniam pepulerunt, Canutumque pro rege acceptarunt. Sed huius breve & instabile fuit regnum, quia præceps & vi partum erat. Ericus enim contractis ex Gothia Daniaque properè auxiliis, in regnum revertitur, & intrepido animo rebelles aggressus, post acrem vtrinque conflictum ad Sparsåtra, non procul Enecopia, eos debellat. Vbi Canutus & reliqui factionis socii spiritum, quem poenæ debuissent, pugnae reddiderunt. Ericus autem victor nihil gravius in superstites perduelles consuluit, quam quod præcipuos authores in exemplum capite punivit, & inter illos Hollingerum ex fuga ad Gestricios retractum, & in vicino monasterio, quod a silva nomen habebat, exacto supplicio, terræ mandatum. Ita sopito hoc civili bello, consurrexit externum adversus Tavastios, tunc adhuc paganos & infestos Svedorum hostes, duce Birgero Ierl de Biålboo, viro spectatæ virtutis. Hic devictos in fidem accepit, incolumitatem vitæ fortunarumque illis pollicitus, si Christianam fidem amplecterentur. Ipsi verò Birgerus rectius fecisset, si pro imperio, vi & mi-

nis

nis ad corpus & externas facultates solum pertinentibus, adhiberi curasset mitiora melioraque remedia, quæ animos servare ac sanare potuissent, rectam nimirum & sedulam de via salutis informationem. Et cum religio, quæ divine gratiæ munus est, ferro ac metu mortis non obtrudenda sit invitis; pertinaces tamen & seditiosos coerceri è re visum est publica: ut desinerent cœlestis verbi doctrinam præfractè impedire, aut statum publicum insolenter turbare. Quod ne ulterius auderent, Birgerus exstructa arce Tavasthiensi, & præfidiis aucta eos in obedientia tenuit. Quod autem neglexerat Birgerus, Vpsal. præsul Iarlerus sarcivit, & communiri animos vera religione per verbi divini prædicatores, operam navavit. Idem collegium quatuor doctorum, auspicio regis Erici Balbi, Vpsaliæ instituit, exstructo isthic auditorio, ubi nunc mola publica sita est. Illud primum Academiæ seminarium fuit. Actum est deinceps in concilio Scheningensi per legatum Gregorii Noni, præsule & Birgero auctoritatem suam interponentibus, haud ramen sine gravi tumultu & certamine, de abrogando clericorum coniugio hætenus usurpato. Sed illud historiæ Ecclesiasticæ memorandum relinquimus. Non diu post Lubeca, gravi obsidione Danorum liberata fertur beneficio classis Suevicæ, quæ sufferratis navibus catenam ferream per Travæ amnem traiectam, quæ accessus & exitus Lubecensibus oclusus erat, mediam secuit. Quod immunitate vestigialis Suevicis data, Lubecenses cā tempestate remuneratos, Olaus & Laurentius Petri referunt. Anno imperii vigesimo octavo Ericus diem supremum obiit, cum ingenti civium desiderio: quod per eum incolumis & prospera viguisset respublica.

VALDEMARVS, & BIRGERVS JERL. PROREX.

1251. **E**rici Balbi, absque liberis decedentis, publico consensu successor fuit VValdemarus Birgeri Ierl filius: inprimis satagente Ivaro Ionæ cognomento Blaa, inter proceres dignitate præcipuo. Sed pater ex Tavasthia domum reversus, indignanti quam gratanti propior exposulavit, quod electionem

etionem in ejus reditum non distulissent : quum filii fortuna magis ad ejus curam pertineret : nec se minus quam quicumque alium , è re patriæ in medium consulturum. Quamvis ille veram indignationis causam occultaret , tamen facile liquebat , indignè senem ferre , quod parum æstimatis , vti existimabat , suis in patriam meritis , adolescenti filio postponeretur : ingenio ambitionis , sibi magis quam alteri etiam proximi sanguinis velle. Nec absque animi commotione percunctatus est , quis tam temerarium ausus esset facinus , ut puerum , qui rectoris ipse egeret , aliis regendis præficeret ? Ivarus cordatè respondit : *Me scias hujus facti , non impetu sed penso consilio capti , auctorem. Crede me ceterosque cives tibi bene cupere , qui hoc fastigium tuis quidem meritis debitum , sed tuis viribus senio & belli labore exhaustis minus æquum , se non nolente , ut sperabamus , quasi tuis , id est filii humeris , validioribus , si maturuerit ; imponere volumus. Quod si mihi oblatum fuisset , lubens excusassem , haud ignarus , quàm arduum sit , etsi splendidum , cuncta regendi onus. Si tamen oculis animoque ægris filii fortunam intueris , habe tuum tibi filium , ejusque fortunam pro arbitrio dispensa ; nobis interim aliud non deerit.* Birgerus : *Ecquem filio meo præterito sumetis ?* Ivarus concussa paulum veste sua : *Ex hac ,* inquit , *tunica alium producemus.* Hic Birgerus & suæ existimationi & filii spei timens , humanius agere cæpit , præ se ferens , animo scrutandi eorum voluntates hæc prolata ; quas cum justas & constantes animadvertat , ut sibi suisque hunc consensum servent petit , gratiis populo pro tanto honore habitis. Ita Valdemaro Lincopiæ regni insignia repræsentantur. Proceres autem hac ratione prudenter tollebant æmulationis & dissidii fomitem , quod ad id temporis inter familiam regis Suercheri & Erici noni fuerat. VValdemarus enim stirpem paternam ab illo , maternam ab hoc quàm proximè ducebat. Vtraque nunc in uno capite , & simul utriusque concordia coalescit. Imperium regni vicarium equestris dignitatis seni traditur , donec VValdemarus in suam ipse tutelam veniat. Sed titulus curationis penes illum primatem , vis imperii penes Birgerum erat : qui prudentia rerum , usu & auctoritate præstabat. His ita peractis , nova Folchungis invidia pectus exagitat : qui aliorum fortunam & genus cum suo contententes , se prorsus negligi stomachabantur , palam

D

crimi-

criminati Birgerum. Hinc ad arma ventum est. Omnia jam conflictui prona erant ; sed ubi castra habebant , fluvius ea medius dividens, pugnandi facultatem diremit. At Birgerus, incerta belli timens, an validas adversariorum factiones ; & conata arte quam armis promptius opprimi ratus , aliave ex causa, animum ad insidias & dolos transfert. Ad colloquium spe pacis nequicquam invitabat Folchungos, fraudem suspicantes. Vt ergo sincerè agere videretur , Kolonem Lincolpensem episcopum suo de fide publica juramento securos reddere permovit. Hac religione inducti Folchungi in castra Birgeri veniunt, ejusque fidei se permittunt. Vix pontem Hervvadensem in castra ferentem transierant , quum repente ab immissis percussoribus trucidantur. Hanc perfidiam antistes contra morem majorum exercitam , qui virtute non dolo certassent ; & quod ejus autoritas in isto sacro vinculo tam pravè contra ejus mentem & expectationem usurpata esset, tam acerbè tulit, ut abiens dignitate suâ & patriâ, reliquum vitæ peregrinationibus & voluntario exilio perageret. Birgerus autem hoc indigno facinore ante partum decus non parum sædavit : cui integrum erat , hosti fidem non dare ; non integrum, tam sanctè datam fallere. Cæterum Birgero parum turpe visum , hostes & turbatores reip. per fas & fidem decipere. Quin interesse publicæ tranquillatis, hujusmodi inquietos & rerum novarum cupidos tolli. Quasi verò religio fraude & cavillis exsolveretur ; & promissorum fides usu non honesto metienda esset. Quin haud defunt, qui perhibeant, idèò per dolum interemisse Folchungos , ut sublatis æmulis, regnum in suis posteris firmaret. Postea quum animus Birgeri ad se & facinoris æstimationem seriò rediisset , dolore saucius pœnam à se ipso sumsit ; & tam insignem dedecoris maculam egregiis factis eluere studuit. Religionis utique & pacis studia pro virili promovit , templis passim exstructis, & annuis fructibus in sacrorum usum auctis. Amicitia & securitati regni stabiliendæ , Valdemaro filio regi designato , Sophiæ Erici Danorum regis filia nuptias procurat , Treleburgo & Malmogia dotis nomine datis. Leges novas sed reip. salutares tulit, de hæreditate inter fratres & sorores dividenda , de bonis soli hæreditariis extra familiam non alienandis, de servis ex jure mancipii non am-

amplius donandis aut vendendis, de pace domestica, sacrorum & fori tuenda, de abrogata probatione per candens ferrum aliisque, quæ postea in codicem veterum Suediæ legum relata sunt. Holmia ab hoc Birgero primum condita ^{1219.} est, & quidem in loco situ, natura & arte munito, navigationi & commerciis apto: ut non solum adversus subitas hostium incursiones propugnaculum, sed etiam opibus regni civiumque augendis accommoda esset. Quum VValdemari vicem Birgerus annos quindecim regno præfuisset; terris excessit, corpore in Alvaltram monasterium illato. At ^{1223.} VValdemari rerum prosperitas cum patre extincta videbatur. Quippe quum annis & imperio maturior, regno admotus esset, multa adversa habuit; ne quidem amicam gentis suæ domum, æmulatione collisam. Indignabatur splendidiorem & instructiorem Magni aulam, & à fratre loco ac titulis minore, domus tamen eminentiâ vinci. Quanquam non luxu & supervacaneis, sed magnificentia, prudenti rerum administratione, familiæ delectu, cum peritis & conspicuis viris consuetudine, militaribus & Principe dignis artibus aula Magni antecellebat. Inde livore ardet fratris animus; cui civile Magni ingenium non placebat; & cultus aulae major quam pro fortuna Principis visus, nondum regis, sed regnum, ut suspicabatur, meditantis. Interdebat odium VValdemari uxor Sophia, quæ regis animum insipienter adversus fratres accendit, & contumeliosis insuper dictis eos illudit, generosos animos acrius ferro vulnerantibus. Magnum, quod erat capillis ac facie subnigra ac macilenta, cacaborum reparatorem, Ericum forte simpliciorem, insulsum & nihili hominem appellabat. Nihil eorum quæ ipsi dicerent aut agerent, sceminæ probari; sed alto eos supercilio despicere. Hunc tamen fastum non parum postea depreffit sororis contumelia, à VValdemaro huius corpori illata. Magis verò proximè insequutum bellum, quo VValdemarus à fratre Magno sede regia dejectus est. Quum enim frustra tentaretur à proceribus inter fratres concordia, animis ita odio alienatis, ut abeunti frementique VValdemaro Magnus bellum denunciaret; ex eo ingravescens dissidium armis utrumque commisit. Exercitu ex Danis & Germanis, quantum potuit, collecto Magnus ingreditur



occidentalem Gothiam, palam jactans, se vel non vitam, vel regnum Suediæ habiturum. Quo comperto VValdemarus in risum solutus, cum minus quid ac regnum obtenturum, dixit. Ipse quoque non segnius ingentem exercitum colligit, sed vagum, solutum & infelicem; quia certo duce & imperio carebat. Nec melius evenit res VValdemaro, quam, dum securus in Gothiæ occidentalis villa Hofua desidet, à fratre cum exercitu profligari & vinci. Victor authoribus sua dicta cum exprobratione fortunæ reddidit: *Se venisse ut fractos cacabos reficiat. Quum rex otio somnoque deditus, & regina ludicro latrunculorum intenta; quasi vel nulla, vel non infesta aut seria foris arma essent; uterque in hostium manus incidisset, nisi quidam equitum, qui ex pugna ad regem festinabat, ut sibi ab instante periculo caverent & curatius agerent, monuisset. Rex tamen ignavia an imprudentia, & à suis desertus, quos ipse deseruerat, ad Vermelandos fugam cepessit. Magnus confestim mittit expeditos, qui fugientem persequantur. Isti corpus molliter curantem in villa quadam occupant, & ad Magnum adducunt. Vbi in conspectum ejus venit, orat, ut fraterni affectus memor, benigne secum agere velit. Se regno ei concedere paratum, si saltim possessio paterna incolumis & propria ipsi maneat. Respondet Magnus: Se non oblitum fraternæ charitatis, nec unquam ad hæc extrema deveniturum, nisi rex ab uxore inflinctus, tam infesto ipsum odio & contemtu prosequutus fuisset. Se tamen magis quid se deceat, quam quid illi admiserint, nunc in consilio habere; nec jure victoris, sed humanitatis lege in regem usurum. Extemplò proceres advocati pacem inter eos faciunt his legibus: ut oblitterata injuriarum memoria Magnus VValdemaro Gothiam cedat, sibi Suediæ ditiones & imperium reseruet. Atque ille, quæ ejus animi moderatio fuit, parte contentus erat, modò integra & facta inter illos concordia stetisset.*

MAGNVS LADVLÅS

1277. emoto VValdemaro, rex Sueonum renunciatur. Inde animum ad conjugium adijcit, ut ex legitimo toro familiæ regnique firmamenta quærat. Illud contrahit cum

cum Helvyige Gerhardi Holfatiæ Comitissæ filia, præstantis animi virgine. De cetero apparat bellum adversus Ericum Danicæ regem, in ipsum & Suecos moturum, ob debitas nec solutas pro stipendio equitum in Dania conductorum sex mille argenti scilibras. At rex prævertit hosti & Scaniam atque Hallandiam cum expedita manu petens, ingenti istas provincias incendio populatur. Ad pontem Rignam vltiori excursionem prohibitus, in Sveciam cum præda revertit. Hac solutione male contentus Ericus, ultionem & arma parat. In partes etiam venit VValdemarus, hostium an proprio consilio. Certè in novam spem accessione virium arrectus, *se vel totum vel nullum regnum habiturum*, haud occultè jactat; recens pactum & legem pacis ex occasione violare promptus. Aestate proxima advenientibus Danis, & per Smalandiam ferro flammaque grassantibus occurrit Magnus; & Vltionem Caroli bellis spectatum virum cum expedito agmine hosti adversum mittit, qui in Verandia otio & compotationi se dantibus, quietem & convivium turbat; eosque opprimit ac propulsat. Præter vulgum militum, nisi qui diversi aufugerant, in captivitatem redacti sunt Palmo Albus & Benedictus de Alsnö, virtutis fama & dignitate conspicui. Sed mox sub fide Sudercopiam exacto anno revertendi, in Daniam dimittuntur. Anno sequenti VValdemarus conjunctis cum Erico copiis occidentalem Gothiam ingreditur, animo laceßendi Magnum ad apertam pugnam, bellicue fortunam tentandi. Sed ille subsistens prælii copiam non facit; incertum an viribus diffusus quiescere, vel mora ferociam hostis infringere, sive humano sanguini parcere destinarit; & maluerit, si non aliter fieri posset, ab hoste ipsoque fratre simul, quam à se provincias VValdemaro tributas diripi. Postquam Magnus ejusque exercitus se isthic non ostendit, Ericus & VValdemarus prædâ onusti in Daniam regrediuntur. At procures VValdemarum ob perturbatum à se regni statum, cui tamen antea renunciasset, ob libidinem aliaque facinora regno abdicant. Ad præcavendum plura belli mala, amicitiam inter Magnum & Ericum conciliant: dum deducta damni æstimatione, quatuor mille scilibras argenti, residuum æ alienum

D 3

Erico

Erico persolvi convenit. Restituta pace, rex non solum or-
 nandæ, sed tutandæ quoque patriæ, militiæque necessaria
 prudenter in otio meditatur. Idcirco belli peritos ex quocun-
 que loco, magis æstimata vritute eorum & solertia, quam
 gente, præmiis evocat. Nec tamen suos domi negligit, quot-
 quot idonei essent; etsi belli transmarinas artes doctrinæque
 studia non æquè omnes eâ ætate edocti. Quicunque verò
 iis imbuti erant, etiamsi obscuro loco natos aliis antetulit.
 In hoc tamen reprehensionem non effugit, quod in quos-
 dam extraneos obsequio grassantes propensior esset. Ete-
 nim vitio dabatur regi, quod spretis nobilibus regni, qui
 armis & fide nulli cessuri essent, extraneis præcipua munia
 crederet. Sed ejus rei fructum nuper comperisse in duobus
 Danis Porfio & Ingemarum, hominibus insolentibus. Por-
 sium ex Dania ob enormia facinora proscriptum, in eum
 amicitia gradum à rege admissum fuisse, ut ei intima con-
 silia & arcis præfecturam crederet. Hanc verò gratiam regi
 retulisse, ut in arcem sibi commissam invitato regi manus
 in mensa injiceret & compelleret eum arcis Ladosiensis op-
 pignoratione regi Daniæ pro residuo stipendii debito ca-
 vere, fidemque juramenti de non ulciscendo dare. Nec
 minus in gratia fuisse Ingemarum adfinitate regi junctum,
 fortunæ & inde animi elatione immodica spirare, atque in-
 digenas contemtu habere. Maximè Folchungos malè
 habebat, quod etsi genere inter primos, in republ. nulli
fermè essent; postpositi vel extraneis, vel humilioris ortus indi-
genis, si hos quædam virtutis, aut literarum prudentiæque
sama, & forte mendax commendaret: quum tamen ex more
majorum suo ordini proximus à rege deberetur honor. Hanc que-
 relam ipsos ad regem detulisse, quidam scriptores me-
 morant. Alii per antistites Iacobum Vpsaliensem & Be-
 nedictum Lincopensem, quos autoritate sua plus apud
 regem posse sibi persuadebant, quam ipsos; ex ante-
 actorum & vitæ suæ memoria forsan invisos. Adeunt ergo
 regem, petuntque ut, *quamvis ad nominis sui regniq[ue] ex-*
istimationem quandam pertinere credat, etiam peregrinis apud
se locum esse, ita eos ornet, ut id citra regni legis, veterum in-
stituti & patriæ fraudem sit. Non deesse nec desore viros Sveones,
 qui magis ad arma, fidem & libertatem, quam ad composuios ser-
 mones

mones & serviles blanditias apti, fortunas suas ac spiritum pro regis salute profundere non detreſcent. His alienigenas præferri plus invidiæ, quam gloriæ habiituum. Ceriè ſibi ludibrio, nec regi regnoque uſui fore. Equidem haud parum referre, non ſolum qui ſed etiam quorum negotium coram rege, & qua ratione agant; vel præſens exemplum documento fuerit. Regem utique decebat ſuos à contemptu vindicare, & in honoribus conferendis præcipuam dignorum civium, ex regni communique gentium conſuetudine rationem habere. Nec ſe illud prætermiſſiſſe, ipſe in ſubiecto reſponſo indicat. Cærerum regis animum non tam liberior monitio, quam illud offendit, quod, pro quibus potiſſimum intercedebatur, Folchungi, licet majorum imagines & merita jaſtarent, ab avita virtute plerique deſciverant, ocio, voluptati, turbis & ambitioni ſervientes; & nihilominus lingua animisque ferocibus virtutis præmia depoſcebant. Itaque rex aliquanto commotior, illis hac oratione reſpondit: Quæ à me deſideratis, ea ſunt hujusmodi, ut ultrò abſque ullius monitu exſequi paratus ſim. Si enim ſecus facerem, non rex ſed inimicus ſubditorum meorum habendus eſſem. Vnum tamen animo vos mecum reputare velim, hanc noſtram dignitatem & regnum magis ingenii, prudentiæ & virtutis inſignibus, quam ignavæ nobilitatis imaginibus decorari. Ipſi ſatis compertum habetis, eſſe in nobilem ordine, qui ita vivunt, ac ſi ſua tantum cauſſa nati eſſent, ſibi & ventri indulgentes. Nec aliud ad commendationem ſui poſſere poſſunt, quam ſuæ ſtirpis nomina & majorum gloriam; qua tamen ſe dignos non effingunt. Certè longè majori cura ſui decoris nos, quam ipſi tangi videntur. Illud autem decus & exiſtimatio nobilium eſt, ſi recte judicamus, inconditos mores exuere, pravæ cupiditates fugere, egregiis facinoribus & bonis artibus ad claritatem eniti. Nulli vim adferre; ſua ſervare; aliena non rapere; nihil contra fas & honeſtum vel animo audere, vel manu patrare. His nobilitate dignis curis nunquam honorem ſuum detraximus. Proinde ſi illi ob natalium ſplendorem aliis præferri quæunt, ſtudeant aliis quoque virtute antecellere, aut ſaltem æquare; ſibi que perſvadeant, me eo imprudentiæ nunquam prolapſurum, ut majora præmia deſidioſe quorundam nobilitati, quam indiſtriæ ac virtuti, perſonis, quam meritis deſeram. Hoc regium reſponſum nonnullorum ex Folchungis animos ita affecit, ut tacito pudore ſuam ipſi caſtigantes.

gantes inertiam, in posterum liberos suos aut sacrarum aut politiorum literarum studiis, aut militiæ artibus excoli operam darent, qui suo tempore ad honores profecti, utilia patriæ instrumenta se probarunt. Alii verò, quibus animus prava cupidine transversus agebatur, quod cum probro tanquam indigni rejecti fuissent, adversa patriæ consilia secum animo agitare, & composita turbare cæperunt. Ingemarum
 4200. Nicolai gente Danum, de quo supra diximus, cui rex cognatam suam Helenam matrimonio locarat, adfinitate reginixum, supra reliquos se attollere molestè ferebant. Itaque hominem *modestiae* monent, *nec aliis qui genere & industria se non superiores, certè nihilo inferiores ipso sint, arroganter se præponere; nisi malum sibi dari velit.* Sed quum ab Ingemaro non mollius quam à rege responsum accepissent, ad inexpiabilem iram sibi laceffiti visi discedunt, justæ, ut putabant, vindictæ occasione invigilantes. Factum verò, ut Ingemarum reginam Helvvigem in Gothiam occidentalem ad urbem Scaram comitaretur. Eodem Folchungi Iohannes Philippi, Iohannes Caroli, Amundus Turonis & Philippus de Runeby certatim convolabant. Hi, quod animo conceperant, verbis haud dissimularunt, *se effecturos, ne deinceps omnis gratia & dignitas in extraneorum dominatum concedat, neu Suecana nobilitas alienæ superbiæ ultra ludibrio sit.* Quare subito impetu in diversorium Gerhardi Comititis, qui ad filiam & generum nuper visum venerat, irrumpentes, Ingemarum sævè trucidant. Gerhardum injuriarum eos postulantem, quod peregrinus esset, in arce Ymseburgensi in custodiam condunt. Reginam fuga periculo subtrahit. His patratitis, cum VValdemaro conjuncta manu ad arcem Iönecopensem expugnandam properant. Hujus facinoris atrocitate mox evulgata rex non leviter, ut res erat, perturbatus, quid in tam insolenti tantique discriminis casu facto opus esset, animi dubius hærebat. Istam Folchungorum vim, tot opibus, amicitiiis & clientelis subnixam, palam & absque reipub. metu subito contundi haud facilem intelligebat. Et tamen tam audax & improbum facinus impune dimitti, ad majorem proterviam ac licentiam authoribus vires & aliis animos daturum, haud è re fore. Idcirco in præsens iram recondere, & astu rem agere tutius visum: donec partibus

tibus separatis, eorum quoque consilia diffuerem, & authores poenae opportuniore essent. Ut autem incautiores fallerentur, eorum operam & fidem rex in speciem praedicabat: *quod ante in dubium devocasset, sibi jam compertum, ipsos strenuos & patriae amantes cives esse; quum exoticam insolentiam, generosis animis haud ferendam, iam fortiter ulsi sint.* His verbis mitigati, copias & Comitum dimiserunt. Blandis insuper literis & nunciis rex credulos allicit. Sed ubi accessere, factionis principes capite plexi sunt. Aliorum consociorum bona proscripta, alii specie honorum longius amoti. Hac ratione Folchungorum opes animique fracti, nunquam postea se commovere ausi sunt. Sub hoc ferme tempus actum est in comitiis praeter alia de regni bonis, quae Vpsalensem possessionem, à loco sedis tunc regiae veteres appellabant, augendis: *quum prisca coronae fructus, authore Ingone primo, alias Frothone, huc destinati, istius temporis regiae dignitati & aulae tuendae non sufficerent.* Indecorum verò esset, regiam ad privatae fortunae angustias redigi. Petita triumvirum consultatione, decretum est ab ordinibus, ut principes regni lacus, flumina & sinus inde emanantes, silvae majores & montes metalliferi cum eorum fructibus prorata, & praediorum census dicto usui attribuerentur. Instituebatur itidem universae regni terrae inspectio & limitum distinctio: ut quid regis, quid coronae ac subditorum esset, evidentius ac definitius liqueret. Dissidio inter Magnum regem Sueviae & Ericum Daniae componendo, amicus congressus ad limitem regni inter occidentalem Gothiam & Scaniam ab utroque rege celebratus est; in quo convenit de die solutionis quatuor mille selibrarum argenti puri, cum oppigneratione castri Ludosiae; & ut nova pax nuptiarum inter Magni filium & Erici filiam pactis firmaretur. Inter cetera nobilibus & aulicis sueta ludicra, equestris decursio istuc instituta est, in qua palmarem laudem Erengillus Plata tulisse fertur. Deinceps ad statum regni cum consilio & consensu senatus ordinandum Magnus accedit; & ubi opus erat, medicinam facit. *Ab agricolis vetat quidquam ultra solitum exigi. Si iniuriis extorqueatur, poenam publicationis praediorum fore.* Ut illi sane instituto & desideriis atque ingeniis incolarum attemperato, qui ritè imposita tolerant, si iustos habeant

dominos, & vis absit. Iatæ quoque *leges de cursu publico, & tabernis ac diverforiis ad vias publicas exstruendis*, ubi viatoribus ad victum necessaria pro æquo pretio præbeantur; exemptis tamen ab hoc onere sacri ordinis & nobilium prædiis. Ne quis capiat gratis, ut antea, veredos à rusticis, nisi volentibus, aut jussu & diplomate regio; nec una vice plures duobus. Litem, si qua inter peregrinantes & rusticos oriatur, Tetradis iudices, ut vocant, arbitrari jubet. Salutaribus institutis & immunitatibus opera fodinarum metallicarum stabilivit. Leges Birgeri de pace sacra, forensi & domestica tuenda ratas quoque esse iussit. Tam severus equidem iste rex ac industrius pacis publicæ & securitatis subditorum custos erat, ut pessulo solum ligneo januis horreorum ad prohibendum pecoris ingressum, obdito, regia disciplina ac iustitia pro fidâ serâ & claustro adversus improbos & vim prædonum ac furum esset: inde cognomentum *Ladulås patriâ linguâ*, quod est *horreorum sera*, tulit. Cum jam ad senium vergeret Magnus, patriæ suæque domui etiam in ventura tempora consultum ivit. Eâ re filium majorem natu Birgerum in spem successionis à proceribus eligi, adhuc se vivo Scheningiæ facit, & matrimonii pacta inter eundem &

1288. regis Daniæ filiam rata haberi. VValdemarus autem Magni frater tranquilla miscere non desistens, instar indomitæ feræ inclusus, & in custodiam arcis Nycopensis traditus est. Eodem tempore rex Magnus arbiter legitur ad dirimendum gravissimum inter reges Daniæ & Norvegiæ dissidium, quod ex utriusque voto peregit. Tam æquus enim erat in componendis Principum controversiis, ut etiam pars victa ejus integritatem laudaret. Concurrit cum hoc tempore inter VVisbyenses cives & vicinæ terræ colonos tumultus & motus bellicus, ob vectigal insuetum illis ab urbis magistratu impositum. Quibus à rege sedatis, multa quingentarum puri argenti selibrarum cives plexi sunt, ob temere motum quietæ civitatis statum, & quod non impetrata à rege venia atque autoritate publica, vectigal à colonis exegissent, urbemque

1289. muris cinxissent. Rusticis pœnæ loco injunctum, ut cujuslibet territorii agricolæ suis impensis exstruerent turrim vel propugnaculum in mœnibus. Ita muris urbs circumdari cæpta, decennio opus expletum videt. De studio divini cultus & templis Holmiæ alibique à Magno exstructis, de decimarum

rum constitutione aliisque quum historici Ecclesiastici ex professo agant, in aliena operam meam non mitto. Hoc satis sit dixisse, quod excellens inerat animo pietas, qua sacra eorumque administratores profecutus, summo opere contendebat, vicinas gentes sua in cætum Christianum ejusque doctores liberalitate superare. Post tredecim annorum imperium, fatalem excessum instare prævidens, suprema ordinavit. Proceribus civilem & privatam concordiam, ut firmissimam & proximam pietati regni custodiam commendavit, filios suos in tutelam Torchillo Canuti principi senatus usque ad maturam ætatem tradidit. His ordinatis placidè decessit. 1290. Civēs intimum erga regem amorem & extincti desiderium vel eo contestabantur, quod defuncti corpus suis ipsi humeris ex insula VVisingiana Holmiam duodecim dierum viâ deportarent. Sed animis perpetuam virtutum ejus memoriam tulere, posterisque tradiderunt.

BIRGERVS MAGNI F.

PATRIS successor ante consensu monstratus, sed ob lubricum ætatis, vix enim undecim annorum erat, vicaria regni jura Torchillo Canuti R. Marscho, ut vocant, ex regis & procerum destinatione, interim commissa est. Hanc ille tanta fide, cura & prudentia gerebat, ut patrem simul & rectorem repræsentare videretur, omniaque sub ejus imperio domi tuta, prospera & pacata essent. VValdemaro 1291. laxiorem custodiam accuravit; filio tamen ejus Erico in consortium pœnæ, & Holmiæ in custodiam dato; metu an societate paterni flagitii. Sed brevi VValdemarus decessit. 1293. Adversus Carelios & Ruthenos, Sueciæ limitem infestantes, arma Torchillus sumit. Careliis perdomitis, ad Christianam religionem conversis, & in ditionem Sveonum reductis, ut in posterum in fide retinerentur, & simul munimentum adversus Ruthenos & Sarmatarum impressiones, arcem urbemque VViburgensem istic condit; nunc nobile 1294. Careliæ emporium & caput. Ruthenis castrum Kexholmiam adimit. Quod tamen sex dierum fame expugnatum recuperarunt. Post aliquot annos nuptiæ Birgeri cum virgine 1198. Marta siue Märethæ regis Daniæ Erici filia, ab Helvvige Magni

Magni Ladulås uxore liberaliter educata , Holmiæ solenniter celebrantur , datis sponsæ in dotem Enecopia , Fiedhundria & Huseby in Trögda. Sponsa verò nullam aliam expetit dotem , quam ut Magnus Algothus , iudex occidentalis Gothiæ , pro quo intercesserat , liberaretur carcere : cui cum fratre Rorico inclusus fuerat à Magno rege , propter raptam à Folchone ejus filio & in Norvegiam abductam Suantopolchi Prutenti , liberalitate in sacra clari , filiam , quæ tunc desponsata erat Davidi Torstani F. Daniæ primati. Hic laudabant Sueones reginæ animum studio pecuniæ alienum , & humanæ calamitatis miserationi promptum. Post nuptias , classis centum & undecim navium , ut quidam annales ferunt , expeditioni adversus Carelos & Ruthenos accincta est , administrante militiam Torchillo. Qui istam classem secundo vento traducens ad Careliorum fines inter duo fluentia Nivam & Nigram , in confinio Moschorum arcem Landscronam exstruxit : ut esset propugnaculum & receptaculum militum adversus Russos. Eam non semel aggressi sunt expugnare hostes , sed incassum. Quamvis enim Rutheni cum triginta unius millium exercitu , in navalem & terrestrem distributo , Suecos adorirentur , & primum classe in mari albo , ut vocant , quod Carelios à Russis dividit , atque naves Sueconum inflammare allaborarent , immixtis ratibus materiam igni concipiendo aptam supportantibus ; arte tamen & industria Torchilli huic malo obviam itum est. Is enim palos in flumen quæ transcendendum hosti erat , occultè defigi curat , qui rates istas igniferas in occursum demorabantur. Hoc inceptum cum frustra esset , hostes navibus exscendunt , & subita impressione in nostros facta , terrestre prælium eoque victoriam tentant. Sed ab Vplandis necessario subsidio instructis ita excepti sunt , ut major eorum pars reditus oblivisceretur. Pluribus enim cæsis , reliqui capti , aut in fugam coniecti sunt. Supererat equestre hostium agmen , quod uno loco subsistere impatiens , circumiacentia populabatur. Ex his unum Matthias Ketelmundi , vir strenuus , discipulæ

septandæ belli fortunæ , bonâ imperatoris veniâ ad duellum provocat. Sed quum nullus animum congregiendi haberet , illis tanquam vecordiæ & ignaviæ , sibi velut confessæ ultrò victoriæ ac fortitudinis famam quæsit. Mox sive pudore sive desperatione fortunæ , desertis castris raptim abierunt. Torchillus autem præfidiis Landscronæ impositis , ejusque curâ Stenoni commissâ , in Sueciam revertitur ; publica gratulantium voce de felici successu redituque , inprimis de recens nato Birgeri filio exceptus. Interim Matthias Ketelmundi vicina hostium loca deprædatur. Cæterum qui in præsidio Landscronæ erant , ex cibismadore parietum recens calce illitorum æstuque corruptis spasnum & scelotyrben (scōrbucum vulgò vocant) contraxerunt , morbos tam infestos , ut vi eorum dentes soluti inter comedendum exciderent , multisque mors præsens veniret. Reliqui minus valetudine affecti , fugaque sibi salutem petentes , arcem penè vacuum reliquerunt. Quibus incommodis occurrì potuisset , si ex quorundam consilio ægroti in tempore aliò translati ; & salubri curâ ciboque refecti fuissent. Rutheni verò hac occasione usi , vires instaurant , integrique debiles & exhaustos invadunt. Quod ubi nostris compertum , viginti milites explorandi causâ emittunt. Qui dum cognito hostium adventu in castra reditum parant , insidiis validorum ad Åminna circumfusi , eorum tamen agmen ductore Stenone perrumpere ausi sunt. Equidem ut animalium robur inter extrema intenditur , quum vndique periculum circumstat ; ita hi , necessitate animos acueniente , contentius pugnant , atque instar leonum atque urforum in obvios ruendo & cædendo feruntur , viamque sibi per medios hostes manu nec sine decoris vulneribus aperiunt , atque ad suos evadunt. Reliqui in arce superstites , à tantis copiis pauci magis obruti quam cæsi occubuerunt , à viribus non animis defecti. Præ cæteris fortiter fecit Torchillus Amundi. Quidam incendio , plures morbo suo , quam ab hoste victi vel capti sunt. Carolus Haquinus gente Suecus ,
sed

sed Russico habitu forsan hostem fallere conatus, dum in cellam arcis, incendii fugâ tendit, ab uno contubernalium, ex amictu Russum esse non mentiri credente, obtruncatur. Alii qui eadem caussa in cellas se abdiderant, acriter in hostem adversum pugnantes, inde propelli non potuere, donec Russi deditionem paciscerentur. Qui itidem Landscronam occupantes, eam â fundamentis diruerunt. His ad finem deductis, Birgerus jam ævo maturus, insignia regni Suder-copiæ capessit; equestri honore ornans fratrem VValdemarum; cujus etiam nuptiæ cum filia Torchilli Canuti tunc fuere. Nec longo post intervallo Torchillus secundas nuptias cum filia Comitis Saxonici de Ravensburgo habet. Quibus peractis, à regis fratribus petit, levari cura eorum, quod ætate & animo pares negotiis, in posterum ipsi rebus suis superesse possent; ille verò senio & laboribus fessus, oneri non sufficeret. Aut si vellent aliquem rebus suis apponi, alium viribus & ætate pollentiorum in sui locum sufficerent. Se nihilominus eorum honori pro virili servitutum. Hoc ejus desiderium Principes non inviti accepisse visi, jam hæreditarias possessiones & ditionum regni partem, qualem solent regum filii, expetentes ac potiti, suæ spontis de cætero esse velle præ se ferunt; absque certo tamen responso Torchillum dimittunt. Interim ille â rege non solum in suo munere stabilitur, sed etiam majori armatur authoritate: ut ad arctiorem regis partibus fidem obstringeretur. Hanc ejus potestatem suspectam & invisam habentes Duces, inito cum amicis consilio, moderatorem rerum sibi capiunt Ambernium senatus regni principem. Ceterum regni status ad hoc incolumis, ista mutatione non parum inde labefactari capit. Etenim fratrum animi in discordiam trahebantur, & Torchillus, ut quidam sunt authores, deinceps regis magis quam regni commodis studebat: ut regem sibi devinctiorem redderet, fastumque & cupiditatem elatæ ac sumtuosæ uxoris, si posset, expleret. Vnde ad nova onera subditis imponenda regem incitavit, specie supplendi opes fisci, divisione hæreditatis inter fratres attritas. Super alia partem decimarum, quæ pauperum subsidium erat, ad sexennium in suos usus vertendi, regi authorem fuisse perhibent. Hoc quum authoritate sua cum collegis inhibatum venisset præsul

Vpsaliensis

Vpsaliensis Nicolaus, & monuisset Torchillum, *ita regis utilitati consulere, ne fama ejus avaritiæ labe inquinaretur, & cujusvis mancipii nomine vilior haberetur: ipsam verò remp. in discrimen adduceret*, Torchillus tam liberam commonefactionem indignè ferens, persuasit Principi antistites in vincula dare, nisi subito discessu malo cavissent. Hinc, quantam antea laudem bene administratæ reip. tulerat, tantam postmodo invidiam sibi conflavit; & quamvis jam prope abesset à vitæ fine, tamen haud ipsi absque offensione reliquum ætatis transigere contigit. Interim Magnus Birgeri filius ordinum consensu successor patri destinatur. Mox in nervum erumpit dissidium inter regem Birgerum & fratres ejus Ericum atque VValdemarum, quod sedecim omnino annos male concussit rempublicam. Hoc ita cæperat. Torchillus 1304. regem cum fratribus invitat in arcem suam Aranäs in Gothia occidentali sitam, & splendidis epulis excipit. Quibus finitis quum jam discessum pararent fratres, rex eos revocat, & ex suspicione, sive cujuscunque rumoris aura, *sibi gnarum*, ait; *eos peregre extra patriam cogitare; nec minus adversus se quam regnum hostilia moliri.* Idcirco velle, *ut si tutò discedere cupiant, literis jam in hoc confectis, addito sigillo, subscribant.* Principes se in angusto esse cernentes, dum multa ad se expurgandum dicere tentant, non auditi confestim ore scriptisque tabulis jurare adiguntur, *pedem extra patriam non moturos, nec aulam ingressuros nisi jussu regis, nec cum majori comitum aut familiæ numero, quam rex definiat. nihil se in regni, regis aut domus regię salutem machinatos per se, vel aliorum opera & consilio.* Ad has pactorum leges Torchillus si non suavor, utique dissimulator fuit. Potuisset enim, quā dignatione erat apud regem, se interponere, ut purificatione criminis admissa, in gratiam regis reciperentur. Sed ille postea quoque, restitutis fratribus, velut author istius præcipitis consilii insimulabatur: quod ipsi malo fuit. Ex intervallo aliquot dierum iterum adesse jussi in insula VVisingiana Ericus & VValdemarus, vt novis criminationibus responderent, VValdemarus regis fidem suspectans, non accedit. Solus Ericus paucis ministris stipatus advenit, regem solita humanitate & officio prosequitur. Sed ille nihil isthæc moratus, torvo obtutu cum excepit, & statim aliquot criminatione-

minationum capita in cum recitari jubet: quod contra regis edictum extra regni limites comineatum evehi curarit: quod per ditiones armata manu iter habens subditis vim fecerit: quod famulus ejus, regie ingressu prohibitus, colaphum regis janitori impegerit: quod aula suæ magnificentiam regiam superarit, sibi in fastum, ostentationem & immodicas spes, regi in dedecus, invidiam & metum.

His perlectis, ubi responsum parat Ericus, iterum cum indignatione à rege repellitur, unà cum VValdemaro indicta causa proscribitur, in publicum addictis eorum bonis. Illi primo in Daniam ad Ericum affinem; ubi parum à rege accepti, magis Birgero quam ipsis favente, inde in Norvegiam ad Haquinum regem confugiunt. Ejus humanitate & opibus adjuvantur, castellis Nyklaburgo, Kungella & VVardbergo illis fiduciario jure & in receptum datis. Vnde graves sæpe excursions in vicinos Succos & Danos fecere. Quin Haquinus ipse castella ægre à possessoribus, etiam pace inter hostes jam factâ, recepit. Tandem cum se fratres armis & direptionibus defatigassent, intervenientibus amicis, ab exilio in pristinum restituuntur statum, concordiam cum Birgero pactâ,

1305. facti invidia in Torchillum, ut authorem ejus postulatum, redundante. Citius enim inter Principes offensos, quam inter illos & ministros eorum etiam conspectiores convenit. Ipsi reconciliati plerumque discordiæ & odii culpam in hos, tanquam dissidiorum faces, aut suspectos exonerant, eorumque sanguine expiant. Itaque Torchillus ob criminationem & proscriptionem Principum, velut ipso instigante factam, ob turbarum regni, & tutelæ non fideliter administratæ insimulationem, Holmiæ capitis supplicio, obscuratâ me-

1306. ritorum gratiâ, afficitur. Filia itidem à matrimonio Ducis VValdemari disjungitur obtentu cognationis spiritualis, ut vocant; quæ tamen inde jam ab initio nuptiis impedimento non fuerat. Sed calamitas patris etiam familiæ fortunam adflixit: ut subducta columna partes domus secum in ruinam trahit. Hisce nondum exsatiata fratrum odia stimulant eos ad iniuriam sibi factam, in ipso quoque rege ulciscendam. Dum faciunt nuptias quibusdam famulorum suorum in prædio suo Bielbo, clam emittunt expeditos milites ad regem insidiis inopinatò circumveniendum. Ipsi duces ex medio convivio sine mora subsequuntur, & famam adven-

tus

tus sui antegressi, in Hatuna, olim aula regum, postea regiae amœnitatis secessu, regem cum regina & regia familia deprehendunt capiuntque. Nisi quod regis filius Magnus industria famuli Arvidi Smalandi in Daniam ad regem Ericum incolumis abducitur. Birgerus autem Nicopiam traductus, in arctam custodiam traditur, cetera honeste habitus. Interim Holmia per Matthiam Ketelmundi Ducum auspicio expugnatur, totumque adeo regnum ultrò cedit Erico Birgerus. Dum ille sub custodia tenetur, Ericus rex Daniæ, affinis ejus, non semel cum ingentibus copiis huc accurrit animo liberandi eum. Sed accinctis ad occursum Principum copiis, & tandem induciis conventis, negotium in amicam disceptationem rejectum est, primò in comitiis Örebroensibus, dein Nicopiæ. Re satis agitata decretum est, regem 1307. è custodia dimitti, eique tertiam partem regni, cum insula Gothlandia dari, duas reliquas partes Erico & VValdemaro attribui, præteritatum offensionum oblivione juratò promissa literisque firmata. Hæc compositio biennio post iteratur in Dania Helsingburgi, pacis arbitris Erico rege Daniæ & fratre ejus Christophoro; Gerhardo Holsatiæ & Henrico Megapolitano Ducibus. Quam fida verò concordia speranda esset ab animo in vindictæ occasionem intento, in proclivi est divinare. Fratres Ericus & VValdemarus specie devotæ peregrinationis exteras oras perlustrant, ad invidiam declinandam, & Principum amicitias, copiasque è reparandas. In patriam exitinere reversi, matrimonium Ericus cum filia Haquini regis Norveg. VValdemarus cum Erici regis Norveg. jam defuncti filia pactum consummant. At rex 1312. Sveonum Birgerus excurrit paullum ad Gothlandos vel VVisbyenses, otioque se istic oblectat. Cum urbis civibus agit, ut ipsi tantum spatii in foro piscatorio concedant, quantum pelle vitulina contegi possit. Illi faciles ad tantillum loci dandum esse. Sed rex pelle ad exemplum Didonis; in minutas partes dissecta, illic exstruit amplam domum, postea ex hac occasione *domum pellis vitulinæ* dictam, regum Sueciæ diverforium; donec rex Ericus arcem in urbe conderet. Ita domus ista mercatoribus loco tribunalis & conventus publici, bursam vulgò appellant, cessit. Non diu post insurgere cœperunt adversus Birgerum Gothlandi, ex impatientia novi 1313.

& insoliti tributis. Dum eos armis coercet & invadit rex, cæsus sub corylum confugit & delitescit, quæ inde *regis Corylus* appellari meruit. Istic à rusticis comprehensus ferme trucidatus fuisset, nisi ad unius deprecationem salvus abiisset; quem postmodò multum ornavit. In occidentali Gothia quidam motus à colonis duce Buggio excitatus, mox tamen authore sublato sedatus est. Sed hi parvi motus, majorum præsagium fuisse videntur. Inprimis, ingens id temporis per Suediam fames & pestis, pluvia sanguinis ad Ringstaholmiam, & Motalæ amnis rapidissimi sistens cursus, atque

1316. que paucis ante annis spectatus cometa, propinqui mali tristes fuere significationes. Ericus & VValdemarus Nicopiam tendentes inviscendi fratrem regem caussa, ab obvio quodam milite *sibi cavere ab offenso olim rege* monentur. *Se fando accepisse, si accederent, ipsis malo fore.* Sed illi *in malam rem abire* jubent *vani rumoris authores, qui non nisi dissidia inter fratres serere querant.* Adedò jurata regis fide confisi, infelicitè decepti sunt. Ingressi aulam, à rege & regina, acceptam injuriam magis animo quam vultu condentibus, perbenignè excipiuntur: eò ipsis gratiores, quod non ambitione & paratu quodam allecti, si fortè dolus sic animadversus declinaretur; sed sponte & simpliciter in casses incurrerent. Omnium vultus, verba, facta ad hilaritatem & humanitatis speciem comparata erant. quin & in aulæ ministris quæsitissima officia; lætitiæ, blanditiarum & urbanitatis regiæ imitamenta: ut in aula ad unum vultum & animum reliqui solent componi. Sed insidiæ majores quam quisquam arbitratus esset, sub personatâ comitate tegebantur. In mensa Duces regio apparatu, opiparis dapibus & poculis rorantibus accepti, nesciebant miseri istas extremas fore epulas, ferali mox fatalique fame in fœdissimo carcere luendas. Extracto in noctem convivio, cum somni tempus instaret, in hospitale cubiculum splendidè exornatum deducuntur. Famulorum extra aulam in oppidi diversoria distributi, specie commodioris dominorum quietis; sed revera ut domini in angustiis deprehensi, omni humano præsidio nudarentur. idque consilio Iohannis Brunconis, qui insidiarum scenam vnà cum reliquis instruxerat. Media nocte dum vino & sopore graves altum stertunt, nihil mali suspicati, subito im-

petu

petu & armata vi in cubile milites irruunt, frustra repugnantibus manus immittunt, atque ex liberis mox captivos è cubili protrahunt. Ita qui hospitaliter accepti erant, hostiliter extruduntur. Quin ipse rex & frater, nefariè rupto redintegratæ amicitiae vinculo sacramenti religione firmato, 1317. omnique sanguinis necessitudine exuta, compedes illis iniici & in carcerem rapi iubet, etiam miserorum calamitati illudens: *numquid meminissent ludum Hatunen sem. hunc nihilo meliorem fore.* Et cum dicto vinculis injectis, in altissimam, ipsis tenebris horribilem, arcis Nicopensis turrin detrusi sunt. Vbi tanta in eos immanitate utebatur Birgerus, ut abjectis in profluentem carceris clavibus, eos inedia, tardo & sævo mortis genere, conficeret. Dux Ericus post triduum non solum fame sed & plagis in defensione sui, vbi capiendus erat, male multatus, & squalore carceris excruciat, decessit. VValdemarus post undecimam demum diem fame enectus est. Atrox istud & funestum supplicium fidem facit effati Corneliani: *Fermè acerrima proximorum odia.* Equidem ut mel nimis sumtum in gravem bilem convertitur, ita propinquorum conjunctio amorque in asperrimam degenerat iram & inimicitiam, si se maximè læsos putent ab illis, à quibus minimè promeriti videbantur aut exspectabant. Inprimis si pietate & animi moderatione excussis, nihil nisi trucem ultionem cogitent. Hoc immani facinore adeò exacerbati sunt animi civium, ut non solum id in patre, Holmia & tandem regni finibus excluso, sed etiam in filio Magno, paterni sceleris, uti existimatur, conscio persequerentur. Birgerus ab Erico rege Daniae sexcentis equitum auxilio missis & à Magno Birgeri filio adductis, suisque copiis auctis belli aleam frustra tentat, à Succis, Canuto Porfio duce, Suder-copiae cæsus pulsusque in Gothlandiam. At filius Magnus dum omni ope nititur patri laboranti succurrere, expugnata arce Stegeburgensi, quam infederat, & classe per Iohannem Brunconem ei submissa, sed incensa, tandem ad juratam incolumitatis fidem, in deditionem accipitur, Holmiamque deductus, causa cognita, nequidquam fidem publicam, & innocentiam suam absentiamque in Dania, cum pater ejus fratres custodiæ mancipasset, obtestatus, in insula, quæ olim sancti Spiritus dicta, capitis supplicium subire coactus

est. Iohannes Brunco verò cum sociis facinoris , Vlfone Sualabeckio, Ludero Fossio, & VValramo , quod fuerant
 1319. à partibus Birgeri fratricidæ , extra urbem , qui à Bruncone hodieque nomen habet , capite plectuntur , corporibus eorum rotæ impositis. Defunctorum Principum corpora Holmiæ honorificis exsequiis in S. Nicolai æde condita sunt. Arx Nicopenfis ex detestatione admissi in ea tam funesti paricidii diruta & solo æquata est. Birgero regno patriaque ejecto , Matthias Ketelmundi princeps senatus & præfectus Sueciæ tempore interregni ob perspectas ejus pace belloque virtutes , & postea tutor Magni Ducis Erici filii constituitur. Post res domi compositas , armis petit Scania , ob suppetias Birgero latas , & editâ prope Morklangiam pugnâ , victor evadit , trecentis Danorum captis , reliquis in fugam actis. Birgero apud Danos à Christophoro rege præfectura Holbecensis & castellum Spicaburgum in vitæ subsidium indulta sunt. Ita rex fastigio suo in vilem sortem , sed culpâ suâ devolutus , alienâ misericordia vivit , & in exsilio deccedit: communi fato superbæ & sævæ dominationis , ut tandem ipsum feriat authorem ; at eo turpius , si mereatur.

MAGNVS cognomento SMEEK

i. e. BLANDITIIS DELINITUS

Ducis Erici inedia à fratre extincti filius , adhuc infans , tres annos plus minus natus , ob meritorum avitorum memoriam , à Matthia Ketelmundi præfecto regni , ad Morasteenium
 1319. opportunè populo commendatur. Super humeros Matthiæ & in conspectum adstantis multitudinis elatus , ita movit omnes , ut rex Suediæ publica voce designaretur. Postea quoque à Norvegis ad regni gubernationem electus est: quum Haquinus eorum rex non alios hæredes quam filiam suam & hunc ex ea nepotem reliquisset. Gothlandi itidē suos
 1322. misere oratores , qui regi sacramento dicerent. Hoc insuper adstruxit imperio Magni fortuna , ut Scania cum adjacentibus provinciis ipsi accederet. Quum enim à Christophoro rege Daniæ bellimole pressa istæ provinciæ pro ingenti pecuniâ

niæ vi Gerhardo & Iohanni Comitibus Holsatiæ pignori obligatæ essent, nec ex pacto intra biennium æris solutio præstaretur, milites Holsati istic per præsidia dispositi adeò grassabantur, ut provinciales vim eorum & injurias apud Comitem criminantes, nisi opem ferret, se prope excidium esse quererentur. Ille simulac expungeretur debitum, ut se à vi hostium ipsi vindicarent, illis integrum fecit. Sed cum nec ipsi, nec rex Daniæ tanto æri exsolvendo essent, consilio habito obtulerunt Magno regi Suediæ Scaniam, Hallandiam, Blekingiam & Huenam pro septuaginta millibus argenti puri selibris redimendas. Ille quamcunque potuit inivit viam eas recipiendi. Dimidiam partem decimarum ecclesiæ Magnus in subsidium corripuit ad redimendam Scaniam, alteram partem suppeditarunt subditi. Nec est quod quidam arguant Scaniæ & adjunctarum provinciarum alienationem, quasi injustam: quum Iohannes Holsatiæ Comes eas sibi solum pigneratas venundare non potuerit. Non enim cum solo Iohanne Comite Holsatiæ, sed, mox decedente Christophoro rege Daniæ, cum VValdemaro ejus successore & regni Danici senatu contraxere Magnus regni que Suediæ senatus: ut ex literis VValdemari liquet. Quod ergo decrat potestatis Comiti Holsatiæ oppigneratas ditiones alienandi (nisi ita convenisset) hoc suppletum & confirmatum est Scaniensum & vicinorum, item VValdemari & Senatus Danici consensu; & quidem hac severa lege addita, ut si rex VValdemarus rescinderet hunc contractum, ordines regni ipsi impune obniterentur. Vnde manifestum fit, cum contra proprium factum ire non potuisse. Magnus igitur tot provinciis, & ipso Norvegiæ regno potentior, sub initia quidem imperii constanter egit & bene rempublicam rexit, præsertim Matthiæ Ketelmundi prudentia & cura. Eiusdem consilio Blancam 1335. Gallicam Comitis Namurcensis filiam ex regia Valestorum stirpe sibi matrimonio junxit: quæ ipsum parentem duorum filiorum Erici & Haquini, & trium, vel, ut quidam, quatuor filiarum fecit. Exstincto Ketelmundo, Magnus, quum esset triginta annorum, & jam dignos viro & rege spiritus capere debuisset, in vitia palam solutus, alia omnia egit.

- à quibus tutoris Ketelmundi reverentia adolescentem retinuerat. Maxime spreto illorum consilio, quos præter ætatem fides & insignis rerum usus commendabant, istorum consuetudini se applicuit, qui rerum inexperti & cupiditatis ejus ministri rempubl. cum ipso præcipitem agebant. In 1348. Moschos fidei pacisque tunc parum observantes dum arma signaque mover, primò feliciter ei res provenere. Arcem eorum validissimam, & veluti Moschoviæ clavem Orescham, Nötheburgum nostratibus dicitur, occupavit. Sed quum gens astuta deprehendisset, quâ cupiditate capi facilis esset Magnus, eadem haud infeliciter invadunt. Quippe credulum & pecuniæ studio deditum fallacibus promissis de redimendo magna vi auri isto munimento & simul pace, decipiunt. Mox accitis Tartarorum & Lithuanorum auxiliis, promissum aurum in ferrum & tela convertunt. Rex in arctum à tanta multitudine redactus, & salutem pactioni debere se indignum ratus, alacritate & industria suorum ad flumen Nivam solum effodientium & viam ad mare aperientium evasit, relictis in arce præsidiis, ab hoste postea concisus, & arce recuperata. Quum de pace inter Svedos & Ruthenos regnique finibus istic regundis agigaretur, Rutheni partem Careliæ loco limitum sibi restitui urserunt. Tandem ea lege pax inter regem Sueciæ Magnum & Georgium Novogardiæ Ducem conventa est, ut Careliam inter se dividerent, positis limitibus in Systerbekio & proximis versus boream istic locis. Domi quietus Rex, violata matrimonii lege in vagas, & ut quidam volunt, contra naturam libidines aliaque dedecora se effudit, amicorum monitis & fulmine interdicti sacrorum Hemmingi antistitis Vpsaliensis nihil territus. Animus enim cupidine cæcus & vitiis obfirmatus, nec fida consilia, nec Dei metum admittebat; donec ipsa poena supra caput staret. 1350. Gravis illa & communis pestis, scelerum ultrix, quæ passim orbem terrarum pervagabatur, etiam hic ingentem hominum stragem dedit: unde, quod densaret funera, vel, ut alii volunt, quod intumescerent ægroti defunctique ceu veneno infecti, Digher dōden aut Swarte dōden sermone patrio dicta est. Paulò post sancitum est, ut unà cum mercibus regno sevehendis, certa argenti signati vel non signati summa in usum cudendæ monetæ

netæ fisco regio inferretur , pro aliis minutioribus numis permutanda , & pro quadraginta marcis una selibra argenti. Sequenti anno obiit præsul Vpsaliensis Hemmingus , 1351. severus pietatis assertor & vitiorum castigator. Quod alias non videri possit. pretium , tamen Academiæ causa tangam : quod exstruxerit amplissimas illas ædes , nunc in auditoria Gustaviana conversas. Quum Magnus nondum in malis suis mutaret mores , veriti regni procures , ne secum rempubl. in præsentem ruinam daret , & ad novas aliorum spes cohibendas , in consortium imperii adsciscunt filium ejus Ericum. Pater impatiens socii filii , Benedictum 1360. Algotum nobilem , olim ministrum suum , Suediæ ducem constituit. Sed illum , quasi vitio creatum , Ericus ope subditorum expulit in Scaniam. quod regina Blanca tam acerbè tulisse fertur , ut ejus causa in Daniam proficiscens , VValdemari opes ad istum hominem restituendum , spe Scaniæ in ejus potestatem per artes redigendæ , sollicitaret. Eam conditionem lubens amplexus fuisset VValdemarus , nisi interim iste Benedictus in Scania ab Erico interimeretur. Historiæ Danicæ scriptores ipsum Magnum quoque cum regina & Haquino filio in Daniam ivisse , & rogasse opem VValdemari adversus Ericum tradunt. Quam si impetraret , se Scaniam ei redditurum promississe. Postmodò sumtis arbitris Alberto duce Megapolitano & Adolpho Comite Holsatiæ , res ita Enecopiæ composita est , ut Erico assignaretur orientalis & australis Gothia , cum Scania , Blekingia , Hallandia australi & diæcesi Aboensi ; Magnus verò sibi retineret occidentalem Gothiam cum Gothlandia , Hallandia boreali , Vermelandia , Dalia & Vplandia. Sed ut literæ de Scaniæ redemptione traderentur servandæ quatuor viris ex senatu regni , & quatuor episcopis : ad præcavendum , quod metuebant , ne in manus VValdemari redirent. Magnus tamen ut id faceret animum inducere non potuit ; à se , an Blanca sua persuasus. Eadem haud prius spatium iræ quietemque animo dedisse fertur , quam Ericum à patre quasi publici negotii causa evocatum de medio sustulisset. Advenienti viperini sanguinis matrem , conscio patre , venenum filio miscuisse , communis rumor incessit. Equidem post viginti dies spiritum , quem olim dederat , immani feritate proprio

proprio filio elisit. Quidam suspicantur, aliàs naturali morte extincto Erico, ab adversariis ejus fatalem occasum parentibus afflictum esse. Alii à subditis interfectum tradunt, ob insolentiam insectantis homines & vim inferentis etiam in sacra confugientibus; de quo tamen nihil in annalibus patriæ. Nec adeo verisimile fit, quem nuper elegerant cives regni consortem, de quo meliora quam Magno in spe habebant, quem ob virtutes præ Magno colebant, hunc tam subito commutato animo tam insolenter egisse, aut a subditis trucidatum & extinctum, cum conjuge & liberis periisse. Huic Erico debemus legem de pœna capitis in factiosos & conspirantes in senatum urbanum. Inter Magnum verò & regni proceres gliscit discordia: dum hi flagitia regis exemplo non minus quam ingenio peccantis, oderunt; ille amicos salutaria suadentes ferre non poterat. Huic occasione imminens VValdemarus, in Scaniam Magnum amicissimis literis illexit, & *blandis verbis promissisque lactatum* (unde Magno postea cognomen adhærebat) eo perduxit, ut non solum Iohannis Comitris Holsatiæ, sed inprimis literas VValdemari, inconsultis & invitis regni ordinibus, VValdemaro redderet. Ita Magni fortunâ imprudentiaque VValdemarus abusus, quæ justè alienarat, injustè recuperat. Nec enim Magno integrum erat, ut blanditiis VValdemari delinitus, provincias auctoritate & pecunia publica emtas, infcio senatu, contra pacta conventa & legem regni, absque expensi pretii refusione, pro arbitrio suo in alienantem iterum transferret. Nec chirographi redditio, invitis cæteris creditoribus aut quorum intererat, facta illorum jus lædere poterat. Postea de hac alienatione inter Suecones & Danos armis scriptisque variè disceptatum est, illis jus sibi integrum reservantibus, his quocunque acquisitionis titulo & tandem longæva possessione nitentibus. Magnus dum animos subditorum & hoc facinore & aliis adversus se magis & magis inconciliatos animadvertit, rerum suarum discrimen metuens, quibuscunque pactis auxilium à VValdemaro petit. Qui properè cum

1361. exercitu adest, & Scaniam Gothlandiamque, quasi auxilio venturus Magno, jam suis infenso, ideoque nihil defensionis gratia contra parante, occupat. Ast ubi Magnus non desinit solennia insanire, ab Haquino filio, ut alii vo-

lunt,

lunt, ab aliis autoritate procerum captus, & in arce Calmariensi custodiæ inclusus, mox à filio dimissus est. Interim spe regni injecta Haquino proceres fuerunt authores, ut Henrici cognomento Ferrei, Holsatiæ Comitis affinitate se regnumque contra hostium insidias firmaret. Quod consilium sequutus Haquinus, ablegat in Holsatiam Hermannum VVitzium, qui nuptias Elizabethæ Comitis Henrici filiæ procuraret. Hoc dum feliciter effecit legatus, cum sociis jam per mare adducturus sponsam, navis quâ vehebantur adversa tempestate rejecta in Daniam, & sponsa cum legatis à VValdemaro in speciem benignè excepta detentaque est, donec ille advocatis per literas Magno & Haquino, parenti filioque persuasit recusare Elizabethæ tanquam humiliores nuptias, & eminentiorem ac potentiorum eligere in regia domo affinitatem. Ita nuptui data est Haquino Margareta VValdemari filia. Sed hoc non minus Sveciæ proceres, quam Henricus Elizabethæ pater, perquam molestè tulerunt: illi ob spretum salubre consilium & famæ ex fide rupta labem: hic ob repudiata filia, quasi prostituta, aut eo matrimonio indigna probum. Idem Suediæ proceres monet pactorum de filia suæ matrimonio servandorum, sub existimationis & fidei periculo. Sed illi, quum pacta explere laborarint, alienam culpam intervenientem negarunt se posse facere suam. Ut tamen offensam Comitis insigni beneficio placarent, per legatos Nicolaum Sturium, Carolum de Tofta, Ericum Caroli & alios ex procerum ordine, cum Vexionensi & Lincopensi præsulibus ei regiam dignitatem obtulerunt. Ille senectutis & adversæ valetudinis excusatione usus, eos dimisit ad Albertum Ducem Megapolensem, focerum suum, qui ex Euphemia Magni regis Succæ sorore tres filios susceperat, Henricum, Albertum & Magnum. Ex quibus Albertum, Magni ex sorore nepotem, ne familiam excederet regius honos, eligendum legati existimarunt. Haquinum, quod cum patre conspirasset, præterierunt. Huc connitebantur reliqui magnates ad Albertum profugi, quum à rege Magno proscripti essent: quod cum ad saniores mentes reducere conati fuerant, & de temeraria Scaniæ vicinarum-

que ditionum alienatione liberius admonuerant. Sed quum Albertus per arma liberasset legatos in Dania detentos, de quibus ante memoratum, & hos viginti quatuor exules hospitio suscepisset ac fovisset, hanc ipsi gratiam rependere voverunt, ut ejus filio aditum ad regnum, excluso Magno, pararent. Quum autem adversarii Magni non possent, quod totius populi erat, judicium exercere, nec ipsi soli Magnum emovere, Albertumque surrogare: ne quid vitio videretur factum, pater cum filio ivit in Sueciam, hac de re coram acturus & populi suffragiis totum negotium commissurus. Adventante Alberto, in comitiis Holmiæ de novo rege adsciscendo, & priori, cujus insanabilis esset animus, emovendo, iterum actum & pronunciatum est. Quum ad se defendendum Magnus vocatus, pertinaciter abesset, nihilominus regno amotus est: quod mores cum sui manifestò damnare viderentur. Causæ enim amotionis hæc peculiare fuisse: *Quod in impia, libidinosa & publicis moribus pestifera perseveraret vita, nec ad sanitatem redire vellet. Quod Scaniam Hallandiamque tanta vi pecuniæ emt im, à corpore Suediæ iterum separasset, & in alienas manus transfulisset. Quod injustis oneribus ac tributis regnum exhausisset. Leges & justitiam, pacta & juramenta violasset. Perniciosas regno societates quævisset. Quod regni Senatum evertere in animo habuisset.* Hac sententia publicata Magnus communi consensu exclusus, quicquid etiam ex diverso obtestaretur, Albertus in regnum admissus est.

IOHAN-

JOHANNIS LOCCENII HISTORIÆ RERUM SVECICARVM

LIBER III.

ALBERTVS

etsi primus regum extraneus regnum capessit, Magno tamen non viceripuit, nec per nefas, ut quidam volunt, invasit; sed consilio consensuque procerum, & jure electionis occupavit. Non quidem inficias re possumus, quod extorres patria, qui ad Albertum confugerant, de quibus paulo ante dixi, velificati sint Alberti gratiæ, ipsius ope ac patrocinio defensi, gradumque ejus filio apud suos ad regnum struxerint; nec ille forsan ambitu planè liber fuerit. Hoc tamen in comperto est, ipsi regnum à legatis Suediæ, Henrico comite Holsatiæ eligendi sortem à se ad ipsum delegante, repræsentatum & postea Holmiam accedentem, in comitiis unanimi omnium acclamatione Regem, amoto ex dictis caussis Magno, pronuntiatum fuisse. Magnus autem frustra armis quo exciderat, recuperare conabatur: præclusis ei arcibus & portibus, quocunque moverat. Accedebat etiam hæc animi pœna, ut effusis lachrymis ostenderet se pœnitenda fecisse. Nisi verius fato suo, & lubrico rerum etiam magnarum inlacrimarit. Palam sanè professus est: quum Deus tantum in se permisisset fortunæ, ut fastigio regio dejiceretur, nulli libentius quam suo propinquo cessurum imperio. Saltim hanc sibi vicem rependeret, ut ejus beneficio occiduam Gothiam vitæ tolerandæ retineret. Eapotentius, nondum tamen adquevit. Dum enim Albertus abest ad pertinaces tum Finlandos compescendum, ille tumultuarium militem ex Gothia, Dania & Norvegia collectum in Suediam secum rapit, ambitiosè jactans, *se aut totum regnum recipiturum, aut toto cariturum*; tanquam nihil possideret, si totum non possideret. Ei Sucones absque cunctatione ad-
versa

nobilitatis insignibus ornavit, ut familiæ sordes detraheret. Obtentu armis repetendi Scaniam & vicinas provincias (quod etiam, licet frustra, tentabat) tuendique dignitatem regiam, inusitata civibus imposuit, & pro lubitu, onera. Tertium quodque prædium episcoporum & nobilium ad regias impensas exigebat, & invitis per suos extorquebat, unà cum quatuor marcis à singulis ad equos in belli usum emendos & dimidia parte decimarum Ecclesiæ ad biennium intercepta. Tantis oneribus accedebat, quod extraneos, quos provinciis & munimentis majori cum civium onere præfecerat, abdicare dominatu vel coercere volebat. Quotiens hoc urgebant proceres, hîc surdo narrabatur fabula; non quidem per se adeo difficili, sed à pravis consultoribus aliter persuaso: qui non tam Principis & publicam quam suam rem agebant; & cum Principe rempub. perdidissent, nisi cura procerum providisset. Nihilominus intestinæ turbæ nascebantur, aliis cum Alberto, aliis cum Margareta facientibus. In quo motu etiam Carolus Nicolai eques 1381. in ipso templo fratrum minorum ad aram obtruncatus est, à Boethio Ionæ prorege in absentia regis, & in frustra dissectus; quorum numerum istic repræsentat cippus sepulcro Caroli instratus. Qui stabant à partibus Margarete, ejus opem contra factiosos & Alberti vim exposcebant. Quam illa promisit ea lege, si se reginam agnoscant & regni Suediæ Principem; velut ejus maritus fuisset. Hoc quanquam nonnullos procerum non leviter percellebat, plerique tamen quidvis potius experiri, quam sub Alberti jugo degere præoptabant. Itaque Principes ordinis equestris Margaretam datis codicillis pro regina acceptant: quorum bona quasi perduellium Albertus publico addicit; & simul bellum in Margaretam suo fastigio imminentem parat. Ex hac occasione Albertum, præter Suediam, quam imperio jam tenebat, etiam Daniam & Norvegiam armis subigendi animo, tribus coronis pro insigni regni Suediæ primum usum esse, quidam scriptores rerum Danicarum perperam opinantur: quum illud dicti regni insigne vetus sit, post alios reges jam ab Erico sancti cognomine

cognomine & Magno Birgeri dudum ante Alberti ætatem usurpatum ; uti claris documentis , quæ adhuc existant, probare datur. Sed hac de re alio loco plura. Rex usitatis & nuper excogitatis regni subsidiis nec dum ad impensas belli sufficientibus , Gothlandiam equitibus in Borussia , à cruce nomen nactis, pro viginti aureorum millibus opipnegerat. Quam postea Sueones sub Margareta & Erico Pomerano regnantibus , indicto ab ea singulis capitibus duodecim assium pro quolibet cubili censu aliisque tributis iterum redemerunt. His ceterisque impensis Albertus, Suedis erga se affectu jam languidioribus parum fidens , extraneorum agmina conducit in Saxonia & Holsatia : quorum duces erant Bugislaus Princeps Stargardiæ , Gerhardus Comes Holsatiæ , Otho Comes Repini regi necessitudine conjuncti viri , acres promptique. Nec Margareta animus & viri deerant. Quippe copiarum duces belligeros & exercitados delegerat : iudicio hic virili usa. quamvis Albertus eam *manachorum amicam* , quod abbati Sorano addictior esset, & *reginam absque braccis* appellaret. Miserat eidem per ludibrium longam cotem , quæ ipsam cum gynæceo acus suas & forfices potius quam hastas & enses exacuere jusserat. Quæ adhuc in Dania Roschildiæ in majore urbis æde fixa adservatur , rei ad posteros monumentum. Votum itidem fecerat, se non prius cucullum , capitis regii ea ætate tegumentum , impositurum capiti , quam reginæ perfidiam castigasset, Scaniam recepisset, Daniam cum Norvegia occupasset. Die , qui Matthæo dicatus , ad Faloniam VVestrogothiæ (quidam Falbogiam vocant) congressi, non minus infestis quam instructis equitum peditumque copiis utrinque depugnarunt. Victoria aliquamdiu anceps , tandem in reginæ partes concessit. Quum enim Albertus in profundam paludem incautè duxisset agmen , unde eluctari arduum erat , occasione capta reginæ exercitus se laborantibus superfudit , eosque prostravit. In exercitu Alberti præter ingentem militum manum occubuerunt equitum torquatorum novendecim , duo Comites Holsatiæ Repinique , & præsul Scarensis. In exercitu Margareta desiderati sunt ex ordine equestri octo , præter gregarium militem , & Parovius agminum ductor. Ipse rex cum filio in hac clade captus,

contem-

contemtum & ludibria in hostem emissa, in ipsum authorem, ut sæpe solent, recidere sentit; dum regina absque braccis, uti appellata erat, regem braccatum in acie cæsum & comprehensum ex campo in carcerem agit. Vbi ipsa re experiebatur, caput non femora aut braccas imperare. Quidam ferunt regem, ubi in conspectum reginæ adductus fuisset, ab ea votivo per ludibrium cucullo donatum, & ad suscipiendos de sacro fonte liberos ex præfule Sorano genitos invitatum fuisse. Sunt qui addunt, regem ejus forma captum, etiam concubitus expetivisse: reginam pedibus ac manibus ligatum in lecto suo deponi jussisse. Sed de hoc cum nihil in annalibus, in medio relinquo. Rex eodem die quo Magnus vinculis traditus erat, cum filio primò in arcem Bahusiam Gothiæ occidentali & Norvagiæ limitaneam, dein Lindholmiam Scaniæ munimentum, ubi septennium exegit, quot ille annos avunculum Holmiæ in custodia tenuerat, ex ultione divina, captivus abductus est. Reliqui in vincula dati, pro redemptionis pretio dimissi sunt. Inde altercatio inter Gothos & Sueones orta est de novo rege eligendo, aut Margareta regno adsciscenda. Alii verò, quorum sententia vincebat, captivo regi, causâ ejus nondum satis discussâ & definitâ, successorem dari, à tempore & æquitate alienum duxerunt. Hæc ergo res in opportunius tempus dilata est. Interim Teutones cum Sueonibus de liberando custodia rege contendunt. Illi: *Sueonum fidem periclitari, nisi regem suum adjuvent.* Sueones: *A se bellum adversus Margaretam non susceptum, sed ab illis & rege.* Ideo hanc rem pertinere ad illos, *tanquam hujus mali authores. Se exactionibus ita enervatos esse, ut vix spiritum recipiant.* Iohannes dux Megapolitanus ad causam regis armis tuendam, cumque, si posset, custodia eximendum accurrit. Classem in mare Balthicum bene munitam educit. Hæc adversa tempestate afflicta, sed mox resecta, Holmiam rectâ petit, quæ adhuc regis partes sequebatur. Illam ubi tumultuaria obsidione, qua tum premebatur, liberasset, commeatum infert, & militem in terram exponit, qui pagos & oppida clade belli populatur. Huic ad Tillingam prope Enecopiam ingens rusticorum multitudo se obviam dat, ut eam vim ferro refrenet. Sed turba sine capite, vires & minas frustra jactans, passim concisa est

est ad collem, qui inde *mons rusticorum* & *mons damnifer* postea dictus est. Vbi vident Germani Holmiæ degentes, Alberti res in pejus ire, securitati suæ metuentes, factionem suorum quos cucullatos fratres appellabant, conflarunt, quorum numerus postea ad mille quingentos excrevit. Hujus mali principium erat ex nationum disparitate, livore, privataque quorundam exterorum utilitate reliquis civibus & indigenis intercepta. quod deinceps infenso, denique capto & incluso Alberto crevit, insidiarum adversus Albertum suspicione: quod Margaretæ futuræ reginæ, quam regi Sueones viderentur addictiores; & vires sumsit ex odijs, rixis, maledictis atque ulciscendi cupiditate, extremo dissidiorum fructu. In libello centum septuaginta cives ad eandem designasse perhibentur crudelis factionis authores, in eorum numero fuisse, qui ante quadriennium jam fato defuncti erant. Vnde colligunt hanc conjurationem illos meditados esse, ex quo Albertus invisum habuit regni senatum, jam ad quinquennium. Quidam & hoc agitasse tradunt ut, sublatis indigenis, sibi solis Holmiam habitandam servarent, & in vacua dominarentur urbe. Quodcunque fuerit consilii, perquam atrox, cruentum & omnibus sanis detestandum erat. Vnde quum ad Alberti nondum capti aures accidisset, in eo boni regis officium fecit, quod eos ab hoc immani incepto sedulò dehortatus est, & secum seriò cogitare jussit, quantam Germanico nomini dedecoris notam inusturi, quantum sceleri suo supplicium debitori essent, si perpetrarent. Incolumi regis dignitate & existimatione, quieverunt. Sed capto rege audentiores facti, absque metu exsequuti sunt: nihil curantes, quod antea re ad tumultum spectante, cum civibus gratiam redintegrassent. Animis enim impotentibus gratia oneri, ultio in lucro est. Etenim blandis verbis felle suffusis eos duxere, donec præmissa insidiosa aggressione & captivitate primariorum aliquot civium Petri Alandi, Alberti Caroli & Bartholdi Brunii ductu Adolphi Greveradii noctu cives Holmenses oppressos in arcem abstraxerunt. Vbi incredibili tormentorum genere, ligneisque ferris feruntur eos excruciasse, ut per quæstiones investigarent, num adversus Albertum clandestinam prodicionem molirentur; qui tamen
nihil

nihil tale confessi sunt, hujus facinoris reos se non agnoscen-
 tes. Inde ad proximam insulam Keplingam per tenebras
 abreptos, & ædibus inclusos, facibus injectis combussere,
 bonaque eorum militibus diripienda permisere. Hujus sæ-
 vissimi facinoris justo dolore non temerè motus Iohannes
 Magnus prudenter monet, cum delectu peregrinos, & magi-
 stratus urbis, unde veniunt bonorumque virorum com-
 mendatione, vel longo usu probatos, admittere. Quam-
 vis enim humanitatis sit, etiam exteræ virtuti & commerciis
 aperire vrbes; tamen cautione opus est, ne scelerati pro bo-
 nis irrepant: qui malis moribus & exemplis rempub. cor-
 rumpunt. Ne peregrini civitatis jus adepti plus possint,
 quam ipsi cives. Ne suspicionis, invidiæ odiique causas
 temerè alant, aut ex facili tradant atque accipiant. Ut con-
 nubiis, artibus, consuetudine, juris & fidei societate mix-
 ti, paulatim in morem nomenque patrium coalescant.
 Quum, quæ ad liberandum Albertum Principes Megapoli-
 tani tentaverant, ex animi sententia non procederent; quin-
 to captivitatis ejus anno ad piraticam quoscunque, suo
 quemque periculo & lucro, publica voce conciverunt, eis-
 que borealia regna, præsertim Sueciam ejusque cives mari
 peregrinantes & commercantes prædationi destinarunt.
 Rostochium & Visinaria prædonibus suos portus & oppida,
 ad distrahendum istæ spolia, aperiebant. Gothlandiam ipsi
 prædones, ut fugæ receptaculum, occupabant. Invisum o-
 mnibus bonis nomen piratarum, specioso Vitalianorum
 fratrum, ut vocabant, vel provisorum annonæ titulo emol-
 lire conati sunt: quasi qui comæatum solum colligerent,
 & in destinata loca devehèrent. Hæc vis piratarum ingenti
 hominum sceleratorum confluxu aucta, oceanum & ma-
 re Balthicum valde infestum & navigantibus intutum reddi-
 dit: quippe absque duce, imperio, disciplina liberè ad
 prædandum emissa improborum manus, quibus omne fas
 & nefas pro lusu est, quosvis impune exspoliabat. Captis
 quantum volebat redemptionis pretium novo cruciatus exem-
 plo in eos edito extorsit. Induebat eos lignæ tunicæ, præ-
 cutis intus spiculis defixis obsitæ, & valde molestæ, ita ut nec
 sedendi nec cubandi nec corpus movendi inclinandive, in-
 festis imminentibus clavis, unquam copia esset. Multi vitæ,
 F fortunis,

fortunis, navibus exuebantur, cum ingenti negociantium detrimento. Vnde qui eos conduxerant, non parum in invidia apud vicinos populos fuere. Tandem illa colluvies conjunctis viribus Margaretæ reginæ & Vandalicarum civitatum compressa est. Holmia tunc gravi fame laborabat, quam Megalburgici ad invidiam piraticæ minuendam, maxime lucri sui causa, comiteatu sublevarunt. Cum Dani quoque mare tunc infestarent, & in gratiam Margaretæ contra illos irent qui pro rege & civitate stabant, factum est ut ingruente acri hieme, unâ nocte aquâ glacie obducta naves à frigore & mox ab hoste obsiderentur. Hugo dux classis Megalburgicæ futuri providus, suas naves trabibus aqua imbutis & glacie duratis vallavit, ut contra telorum hostilium ictus præmuniret. Dani conatu pugnae nauticæ frustrati, terrestri itinere per mare adoriri naves adversariorum, iisque machinas, quas Catos appellabant, admoliri, ex quibus hostium naves telis impeterent. Quod præsentiens Hugo, vesperi glaciem circa navium ambitum clam incidi jubet. Mox juvante consilium fortuna, tenui istic renascenti glaciei nix se superfudit, ut hostis nullum discrimen adverteret. Admotis itaque machinis, ubi in locum fraudis deventum est, omnes rupta glacie demersi profundum petiere. Nec defuit, ut solet, detrimento ludibrium, dum sublato ex navibus clamore & cachinnis, dictæ Kas, Kas, quæ vox feles, vulgò catos, dictas machinas alludens, signat, illudere peréuntibus. Simulac verò soluta glacies de-

1396. fedit, cibaria laboranti civitati intulerunt. Sequenti anno legati à Vandalicis civitatibus, spe immunitatum ab Alberto & Principibus Megalburgicis illecti, reginam Margaretam, acturi de liberatione Alberti, qui jam per sexennium in vinculis erat, accesserunt. Vno ex illis, qui Stralsundensium proconsul erat, per tumultum interemto, ceteri re infecta domum recesserunt. Sed anno proximo reversi, fidem suam interponentibus octo civitatibus, Lubeca, Hamburgo, Stralsundia, Dantisco, Turino, Elbinga, Kempis & Stetino, Albertum custodia dimitti effecerunt his conditionibus: *ut reginæ sexaginta millia selibrarum argenti* (septuaginta millia habet Ericus Vpsal.) *pro sui redemptione solveret: aut Stocholmiani illi traderet, cum renunciatione omnis juris, quod in Sueciam*

Sueciam prætendebat: aut, si hoc nollet, in vincula rediret. Illi 1395.
 visum, quam minimo defungi incommodo, pro temporis
 necessitate: quod parum præsidii in regni proceribus haberet.
 Itaque reginæ, vel ut alii, sponsoribus tradit Holmiam,
 suumque in regni possessionem jus ei resignat. In quodam
 annali memini me legisse, Albertum nobilium in Ducatu
 Megapolitano virginum & fæminarum monilibus aliisque
 ornamentis aureis in publicum collatis redemptum fuisse. Pro
 eo beneficio illis postea privilegium ex æquo cum masculis
 in soli possessiones succedendi dedisse; quum antea mascu-
 lis duas partes ferentibus, illi solum tertiam caperent. Quod
 autem Cranzius emoti regno Alberti aliorumque quorun-
 dam regum, causam ponit, perpetuum in Sueconibus nova
 cupiendi studium; utique momenta illarum mutationum,
 & istius temporis regnique habitum non satis ponderavit.
 Non quidem abs re est, quod pertæsum fuerit imperii Al-
 berti: quum satis compertum haberent, eum, non uti fas
 erat, amare vel cives vel rempubl. dum toties contra leges
 regni per se sive suorum instinctu faciebat, ut superius osten-
 sum. Istud tædium non obscurè exeruerunt, vbi partes re-
 gis tandem deserendo, Margaretæ sectabantur. Decuisset
 equidem cives pro causa regis sui, per septennium captivi
 magis laborare, atque, si adversis castigatus resipiscere vo-
 luisset, offensiones & ipsi & quieti reip. condonare; eum-
 que in pristinum dignitatis gradum reponere, æquitatis
 fuisset. Sceptrum enim quanquam suffragatione hominum
 Principi traditum, tamen à Deo esse constat. Non est ita-
 que civium arbitrii, si quà offendant Princeps (quod huma-
 num est in tanta præsertim fortuna) statim excutere sceptrum
 illâ manu, in qua Deus ipse collocavit. Nihilominus ita
 districtè adseri nequit, quod mutationum adedò cupida fue-
 rit gens Suetica, & fastidio præsentium Albertum aliosque
 quosdam Principes regno emoverit. Fac plebem aliquando
 sic affectam fuisse, sive majore & ingenito desiderio indi-
 genarum quam exterorum, sive culpa & inclinatione ipso-
 rum imperantium: quibus semel invisus, plebs novum re-
 spicit: sive privato erga illos odio & invidia conspectuorum,
 qui etiam autoritate sua vulgum trahebant. Rerum tamen
 prudentiores satis scivere, non esse ex usu & dignitate regni

frequentes mutationes. Semper quidem alium, non semper meliorem posse dari regem. At hic animi civium, quod tam indigne habiti essent, ipse à rege ipsis, regnique legibus & institutis violatis, ita exulcerati erant, ut molliora remedia parum apud eos proficerent, & durioribus ipsi oblectarentur; jamque à fortuna ferme destitutum negligerent. Nec tamen à fide penitus, antequam ipse, discesserant. Quippe caput urbium, Holmiam cum nonnullis aliis munitis usque ad finem custodiæ Alberti in obsequio tenebant: quo nomine etiam scriptis literis eos laudavit Albertus. Sed ubi ad extrema res devenerat, necessitati cæsum, & Margarete imperium traditum est. Accedit quod ea quoque tempestate Principes liberis populi suffragiis, certis legibus & pactis imperium acceptabant, quæ si ex fide implerent, perpetuo obsequii nexu illis obstricti erant subditi; si non servarent, ipsi quoque fidei vinculo se solutos vi mutæ conventionis autumabant, nec id aliarum gentium institutis alienum esse. Albertus autem regno exclusus, in monasterium Dobranense Ducatus Megapolitani se abdidit, ibique procul imperio ætatem egit: hoc securius arbitratus, quam incerta spe metuque suas & aliorum fortunas in posterum versare. Sic extra statum dignitatis in obscuro consenscens obiit, meliore sorte dignus, si, ut cæperat, imperium ex usu publico administrare perseverasset.

M A R G A R E T A

1395. in Alberti locum adsciscitur Sueciæ regina, jam ante Daniæ & Norvegiæ imperio potita. Prius tamen diversis certatum est studiis inter procures & populum; his Margaretam, aliis alios regno destinantibus. Quibusdam patris Valdemari filiaque animus parum in Suedos pronus, occultæque molitiones, præter insitum velut & jam flagrans utriusque nationis odium, satis causæ visæ ad declinandum Margarete imperium. Alii publica præstiti ab illa adversus Albertum auxilii, cum facta jam ante à quibusdam ei spe regni; alii privata ejus merita in exules & oppressos sub imperio Alberti cives, illorumque in eam animi inclinationes jactabant. Variantibus utcunque sententiis, res tamen coevaluit,

luit, ut Margareta regina Suedorum crearetur; sed iisdem quibus successores legibus: *ne dignitates, munimenta, tributa alia aliis quam Sueonibus committeret: ne nova onera, subditis, nisi volente senatu populoque, imponeret, ut rempub. cum regni senatus consiliis administraret.* Hæc & reliqua regni jura cives non promptius, religione sacramenti, manu ac sigillo ab ea firmari experebant, quam illa præstitit. Aura fortis sub novo imperio, ut solet, benignior erat, ad famam clementiæ colligendam, populi obsequium demerendum & potentiam stabiliendam; sed postea paulatim mutavit. Indigenis præteritis, excepto uno Abrahamo Brodero-Succo, Hallandiæ & Verendiæ præfecto, cum quo nimiam consuetudinem habuisse fertur; arces, provincias, aliaque publica administranda suis Danis tradidit. Ejus facti contra juramenti fidem & literas datas admissi à proceribus admoniti, cavillando respondit: *Vos vestra diplomata & privilegia bene adservate. Mibi curæ erit custodia arcium & propugnaculorum.* Non satis fuit circumvenire cives, nisi & ludibrio eos haberet. Præter isthæc tributis exigendis immodica fuisse perhibetur. Nova utique, partim ignobilia partim invidiosa, emungendi populi nomina ab avaris ministris reperta; honesta tamen aut speciosa ad cogendas pecunias videbantur. Certi numi pro singulis jumentorum caudis, pro quolibet foco & conjugio, præter denarium regium, ut vocabant, pendendi erant; ac oneribus exhaurire subditos inter artes ipsi fuit, ut magis obnoxios haberet, & opes in Daniam colligeret. quo fine etiam Henrici præsulis Vpsaliensis legatum piis usibus destinatum involasse fertur. Alias scœmina imperiosa, supra sexum cordata, solers & rebus intenta erat. Isthæc patris VValdemari de ea olim dictum confirmabant. *Deerrasse in ea naturam, scœminamque produxisse, cum virum destinasset.* Animum ejus versutum non temerè suspectabant Suedi, quibus se tandem invisam duriori imperio & æmulatione adversus suos reddidit. Hoc eò advertebat Margaretam, ut præcipitis ætatis se civiliter excusans, suum ex sorore nepotem Ericum ejusque spem cum annis adolescentem proceribus commendaret. Etenim munimentis ex sua familia, tria borealia regna firmatum ibat. Sed ut ambitum utilitatis publicæ specie velaret, cos

cogitare monet, regnum absque turbis certo tueri successore, & tantarum opum accessione munire. Si quid ad ingenii cultum & aetatem desu puero, (quatvordecim tunc circiter annorum erat) id regia educatione expleri; apud ipsos in mores patrios erudiri; teneramque indolem, flecti facilem, ad regni genium attemperari posse. Proceres dominationis secretum intelligentes, sollicitudinem ejus de publico laudabant quidem; sed intempestivam & libertati patriæ præsentique regni statui gravem modestè deprecanti. Quippe se viva & adhuc regnante non alium conquirendum regem præsertim illo imperio, quo per suffragia designatio regis iret. Illa, suffragandi arbitrium non insolito more in certæ stirpis & de publico bene merita, vel regno cognata personas, integra libertate, posse transferri ac dispensari regessit. Et aliquanto vehementior, illos ideo fortè recusare Ericum, ait, quod ex ejus sanguine esset. Ne præfractè eam offendisse viderentur, in consilium res vocata, & variè disceptata est. Erant, qui hâc viâ pravos consultores, velut publicam regni pestem, & pejora reginæ suggesturos, nisi mos hîc ei gereretur, amoveri credebant; hoc solum remorante, quod liberè eligendi potestas isto exemplo stringeretur. Alii, si assentirentur, tantum personam, non fortunam regni in extero ingenio, moribus reginæ pro captu illius jam aptato mutatum iri; & forsan inclementiora, quam sub ea, augurabantur imperii fata. Quidam affinitate Danis juncti, vel possessionum apud eos suarum discrimine perciti, sed privatum commodum dissimulantes, commune obtendentes, tantas vires & trium regnorum sub uno capite conjunctionem, magnum ad securitatem momentum fore monebant. Hi quum plurium assensum eliciuissent, tandem spem imperii in Erico Pomerano consensu ratam fecerunt; ita tamen ut veteri electionis juri regnique legibus, id fraudi non esset. Senatoribus Nicopiam accitis, Margareta cum illis de regni statu egit: *Vti prædia totaque territoria ab Alberto alienata ocys ad regnum retraherentur. Vt munitiones novæ inter arma excitatæ solo æquarentur. Qui jure & immunitatibus frui desiderarent; intra sex hebdomadas se sisterent, ad jusjurandum sibi ac regi præstandum, præteritorum gratia facta. Vt nobilibus regni sua cuique restituerentur. Vt de loco & tempore dicendi Erici trium regnorum regis decerneretur.* Actum insuper, ut alienatæ aris

fodine

fodinæ ad Coronam redirent. Quod sibi dotis nomine Ordines promississent, id ipsius esset, quoad viveret; cum residua decem millium selibrarum argenti summa ipsi solvenda; deducto, si cui æs alienum deberet: ut prædia regni nobilibus oppignerata redimerentur. Hæc ex utilitate regni tunc proposita, maturè deliberata & rite definita sunt; non absque reginæ gloria. quam uberiorem hic retulisset, si ita adfuisset commodis Suecorum, ut Danorum: in quos, ut suam gentem affectu prolixo erat.

ERICVS

Rex Sueciæ ad Morasteenium solenni ritu undecimo calendarum Augusti lectus est. Cujus rei memoria lapidi, qui adhuc istic adservatur, incisa exstat. Prisco more jurat in regni leges, quibus imperium capeffit: *de fide Christiana sincere amplectenda; de jure & immunitatibus cuilibet ordini integris servandis; ut nullis insuetis oneribus subditos premat; bella in extraneos non nisi publico consensu justisque causis moveat; ut imperium secundum regni leges gerat. principes dignitates, arces & castella non nisi indigenis committat; & quæ plura leges regni poscunt.* Eodem anno de unione trium regnorum, Sueciæ, Daniæ, Norvegiæ in frequenti ordinum conventu actum est, & post aliquot annos Calmaria repetitum. Quam confederationem ingens concordia intestina firmamentum, & invictum adversus exterorum vim præsidium fore judicabant. Et fuisset utique, si, ut conjunctio illa communi bono instituta videbatur, ita inter plura regna stare potuisset: & tam bene ingeniis atque usu publico, quam lingua fermè & externis moribus singula convenirent. Sed hac de re mox plura. Unionis capita prius audiamus; ex quibus isthæc præcipua erant: *Ut hæc tria regna unum duntaxat agnoscerent regem. Singula tamen regna suis & domesticis legibus, institutis ac immunitatibus uterentur; ut præfecturæ, judicia & officia publica per indigenas cujuslibet regni, non externos administrarentur; ut nulla nova lex ferretur, nisi volentibus omnibus; ut rex quotannis, duobus ex senatu sibi adjunctis, circumiret provincias, & quatuor menses plus minus, in quolibet regno subsisteret, ad audiendum cognoscendumque desideria subditorum. Si quod bellum instaret, omnes conjungerent operam & vires ad illud propulsandum;*

ita tamen ut quodlibet regnum suis impensis aleres exercitum, donec ille ad destinatum locum pervenerit; ubi ex communi arario sumptus promentur. Nullum regnum alteri bellum inferat, nisi communi consensu. Quando rex novus eligendus erit, quadraginta procerum cujuslibet regni Halmstadii conveniant, ut in universum sint centum viginti, qui hanc electionis viam insistent: si defunctus rex plures aut unum reliquerit filium, sive magno; sive minore natu, cum sibi capient regem, qui imperio sit maximè idoneus, citra regni & subditorum fraudem. Si nullus existat hæres, alius regno dignus eligatur. Si ne sic quidem inter illos convenire possit, ex numero centum & viginti duodecim designabuntur, quem illi elegerint, rex esto. Nec fas erit legere regem, nisi communi omnium autoritate. Primæ verò suffragandi regemque dicendi partes per vices ibunt. Regi non fas sit ex uno regno in alterum ejus facultates, thesauros & archivum transportare; sed hæc cuilibet regno sint propria & perpetua. Præteritarum offensarum oblivione sancita, æterna pax esto. Hæc confœderatio stabilis & diuturna non fuit: dum scisso communis utilitatis vinculo, quod maximè servat societates; & hoc vel illo regno sibi studente, singula tandem in partes ivere. Nec exemplo novum est, inter potentes fœdera, uti plus vel minus utilitatis inde percipiunt, ita sanctius vel remissius coli; & quæ publici boni contemplatione bene cœperant, si communis respectus fiat privatus aut singulorum, infelicitè desinere. Quò valeret illud Margaretæ, Erico suo suggestum: *Suecia te nutrit, Norvegia te vestiet, Dania te defendet*, sagaces haud difficulter divinabant, nimirum, ut Sueciæ, & Norvegiæ fructibus, sudoribus ac servitute, si posset, Daniæ regnum extolleret ac se tueretur. Idque primum sinistræ opinionis & diffidentiae semem fuisse existimatur: quod alia deinde mala ex cupiditate privata nata magis suscitavit, ut suo commodius loco memorabitur. Anno subsequuto, quarto idus Februarii decretum est, ut agricolæ regio censui obnoxii, sive illis volentibus sive invitis sua bona essent ademta, reciperent eadem intra id tempus & proximum Paschatis festum. Interim ab eorum prædiis & facultatibus omnis vis & rapina abstinere; aliaque in rem utiliter constituta fuerunt autoritate publica, ab equitibus Gustavo Magni, Carolo Bågt, Stephano Gustavi, Torstano

stano Simonis, Lindormio Pohannis & Nicolao DiiKerto, item ab episcopo Scarenfi Turdone ejusque loci præposito. Annales in anni qui priorē excepit memoria, ne hoc quidem præteriere, quod novī seculi primordio tam densi de cælo 1400. imbrēs Ostrogothiæ solum implerunt, ut fluentia passim exundarent, & alveis suis magna se vi efferentes, molas, pontes, & saxa secum raperent. Coloni tanquam fatalis diluvii formidine, passim in colles & editiora effugiebant. Ista verò aquarum intemperies adversum (rugibus fecit annum. Id mali rediit illi provinciæ his proximis, & quo hæc scribebam anno; non absq; insigni agrorum hominumque calamitate. Nec est, quod culpam nostram cælo vel aëris injuriæ imputemus. Sæpe tamen securitati ita indulgemus, quasi propinqua delictorum pœna nihil ad nos pertineret, aut pertingere non posset. Quin nuper etiam infestam his oris luem experti, benigniora tempora si sperare volumus, emendatioꝝ vita intercedat necesse est. Eodem anno Ericus ad ordinandum regiæ statum leges ante scriptas suo nomine ad aulæ ministros iterum publicavit. Post aliquod temporis intervallum legitur in sponsam 1406. Erici Philippa, Henrici regis Angliæ filia, quam Erici nomine, regio ritu Thuro Benedicti in Angliam legatus desponsavit, & solenni pompa in regnum deduxit. Dotem marito uxor attulisse fertur unum numum sed ingentis ponderis: in quem plura millia auri conflata essent. Fœminam non quidem improbam fuisse annales testantur, sed publicarum rerum curiosiorem, quam matrem familias decebat, quod postmodum ostendit; absente & inconsulto rege armata classe adversus Vandalicas civitates, quæ à Lubecensibus & Stralsundensibus accisa & in fugam data est. Vnde rex domum reversus adeo excaudit, ut indignius eam uterum gerentem tractaret. Illa animi ægra & duros ac solutos mariti mores exosa, abiit in monasterium Vadsthenense; & majorem in eo vitæ partem agens, tandem isthic extincta & terræ mandata est. Ericus rex exstruere cœpit arcem VVisburgum in urbe VVisbyensium; quum ante arx sita esset ad Buscevicium in alta rupe, uno milliari ab urbe. Cives initio non parum obstitere, suspicati illam cervicibus suis imponi & urbi coercedæ. Sed ubi rex fidem dedit, hoc eorum libertati nihil derogatum iri, tandem permiscere. Incendium

1407. Holmiæ, quo major pars urbis cum quadringentis hominibus (quidam plures ferunt) conflagravit, & simul tot vetustissimi civitatis codices ac diplomata interciderunt, civilis mali quoddam omen fuisse videtur. Margareta sexagenaria Flenburgi ex pestilenti contagio decessit: quum octodecim annos
1412. Suediam rexisset. Ericus jam solus rerum dominus non quarto quolibet mense ex lege pacti in regno Sveciæ aderat, sed maximam ætatis partem debebat in Dania, vel alibi externis & non necessariis bellis adversus Holsatos & Vandalicas civitates distinebatur: quibus subditos adflixit & tributis exhaustis; ingenti etiam cupræ monetæ vi pro argenteis nummis elatis substituta. Per suam absentiam res hujus regni ex libidine præfectorum agi ferrique, eosque sub umbra regiæ exactionis subditos premere, sibi rem facere, rex parum pensi habebat. Neglectis Suconibus bene natis & institutis, suos evehebat. Henricum Konigsmarchium præ cæteris in aulae & negotiorum publicorum consortium admisit, ejus consiliis per omnia ductus. Hic author fuit regi de perpetuo provinciarum tributo, non personis aut capitibus, sed prædiis, ditionibus, agris & possessionibus imponendo: ut ita nemo qui res soli possideret, immunis esset; & veteribus rusticis ac dominis quocunque modo deficientibus aut extinctis, novisque succedentibus, tamen regi nihil decederet: dum onera quodvis prædium subinde comitabantur. Dalecarlis præposuerat Iohannem Erici Danum, vel, ut alii vocant, Iössonem Erici Asdakum: qui magis tortor provinciarum, quam tutor aut rector erat. Non contentus usitatis suppliciorum formis, tam efferate egit, ut quosdam virorum jugi ejus impatientes, inter fumi nubes suspensos atroci lentaque morte conficeret. Fœminas instar jumentorum aratro jungebat. Quarum nonnullæ ab ipsius lictoribus sævo verberare actæ plagis succumbebant; quædam uterum gestantes fœtum ante tempus & simul animam effundere. Nuptarum & innuptarum pudicitiam promiscuè violabat. Multos pecuniis crebro acerbeque exactis, & fortunæ suis velut hostili præda spoliatos ad incitas redigebat. Dalecarli sub hoc onere quidem gemitus, murmura & querelas miscere; sed quum præfectus eos mendaciis & contrariis ad regem literis cluderet, nihil laxamenti sentire. Tandem

ex desperatione quo gravius affligebantur, eò magis animos obstinare: de excutiendo jugo certi, modò dux & occasio darentur. Est enim vulgò gens Dalecarlorum insolentiæ præ aliis inimica; sed violenti imperii prorsus intolerans. Si quis nobilium eis præfectus majore & insveta comitum ac ministrorum turba stipatus aut superfluo amictu incedat, in eo potentiam sibi metuendam suspectant. Laborum tolerantes sunt, sed & onerum legitimorum; modò jure illis suo & operum fructu quietè uti liceat. Vbi vis accedit, & author factionis aliàs quietos incitans & speciosa nomina libertatis tuendæ præferens; minore cura futuri discriminis, quam præsentis injuriæ, viri pariter sceminæque in præcipitem & abruptam ultionem exsurgunt: illi manu & viribus, hæ verbis & stimulatione; nisi autoritate eorum, qui opinionem integritatis & fidei apud illos habent, aut quibus dicto audientes esse solent, ad mitiora flectantur; vel in tempore cohibeantur. Duces suos tam conjunctim, atque si universa multitudo unus esset, sequuntur: adversus tyrannos inter primos libertatis propugnatores reperti. Opportunè ergo se adeò pressis obtulit Engelbertus ex eadē gente natus, parvus quidem corpore, sed ingens animo, solers & acer. Ille querelas de Iössonis sævitia ad regem non semel defert, malique medicinam quærit; etiam fide interposita sub pœna ultimi supplicii, se singula accusationis capita probaturum, modò ipse & Iösso coram audiantur. Rex eam rem tanquam levem dissimulat & contemnit; unde tamen velut ex neglecta scintilla ingens postea ortum est incendium & civile bellum. Ne verò nihil egisse videretur, Engelbertum cum literis dimittit ad quosdam ex senatu regni datis de negotio rite cognoscendo, Iössone tamen in jure suo & dignitate tuendo. Senatores quidem, ut rex jusserat, causæ cognitionem suscipiunt, sed ad finem ita, ut fas erat, perducere non potuerunt: quippe nihil in mandatis habentes de jure in reum dicendo; quod etiam regi rescripserunt. Cum his literis redit ad regem Engelbertus, & justitiam pressis administrari, Iössonemque ex merito plecti orat. Rex pertæsus hominis importunitatem & crebras querelas, cum indignatione & minis cum facessere, nec in conspectum suum reverti jubet. Ille, qua erat animi libertate, se iturum, sub-

murm-

murmurans ait , sed aliquando rediturum. Quum ergo
 animadverterent miseri , se nec precibus exorare , nec lacry-
 mis aliave ratione regis animum flectere posse , angustiarum
 verò nec modum nec finem esse , potius oppetere mortem
 elegerunt, quam tam indigna ultra pati. Quid sit ? convenit
 inter illos , domatim lecto milite , arma ad se suosque à præ-
 fectorum sæva dominatione vindicandum capere. quo ani-
 mo sibi ducem sumunt Engelbertum & cum eo arcem Arho-
 siensem primùm aggrediuntur. Hic nonnulli senatorum il-
 lis occurrentes , eorum animos mollibus consulis ita placa-
 verunt , ut quiescerent ; lössoni tamen se deinceps obnoxios
 fore negarent. At ille hac velut contumelia irritatus magis
 intendere onera , nec de vexatione subditorum quidquam
 remittere. Proinde iterum ad arma accinguntur ; ac senatu
 denuò interveniente ea deponunt , hac tamen lege , uti lössö
 præfectura statim emoveretur, eaque commendaretur Comiti
 Everstenio. Rex verò ex fide promissi justè regnum admini-
 straret. Ceterum quum ne sic quidem rex mitigatus, adhuc sæ-
 viora illis minaretur, arma tertium rapiunt ; & junctis animis
 omnes extraneos populo dominantes præfecturis expellere
 1433. constituunt. Nec mora, Borganäsam & Cöpingiam arces di-
 ruunt & solo æquant, præfecto Ioanne V Valio vix Stegebur-
 gum elabente. Mox adductis in societatem belli V Vestmannis
 Engelbertus cum illis & reliquis copiis Arhosiam petit. Ei ob-
 viam factus Melchior Gothardus ab Everstenio arci imposi-
 tus, nihil mali suspicatur. Arcem tamen Engelbertus sibi de-
 dere jubet: quod pactus unius diei moram, illicò fecit. Engel-
 bertus eandem Nicolai Gustavi Erici Pukii patris fidei com-
 mittit. Inde equestrem ordinem & omnes Vplandiæ incolas
 ad præfectos superbè dominantes conjunctis armis regno exi-
 gendos hortatur, quod ut facilius obtineret, tertiam tributi
 partem agricolis remisit; residuo in belli nervum sibi servato.
 Ad Ericum Pukium genere & armis clarum , qui tunc apud
 Norlandos Corsholmiam arcem tenebat , literas scripsit,
 quibus eum pro Sueco & viro , ut hætenus , facere monet, & ad
 salutem ac libertatem patriæ defendendam juxta cum ipso committit.
 Is promptus obsequendi , manum cogit , eique præponit
 Elaum Diaconum , qui vocatis in partes Helsingis Faxa-
 holmiam expugnat & demolitur. Aliud agmen ductore
 Iohanne

Iohanne Folkonis Ericus in Alandiam emittit, quod Castellum obsidet. Illam arcem tunc possidebat foemina nobilis Ida Gladfaccia, quæ ejus tutelam Othoni Pogeviscio tradiderat. Sed is lingua quam manu promptior, haud expectata prima incursione, vitæ incolumitatem pactus, eam hosti tradit. Hæc cum Ericus in Norlandia patrasset, ad Engelbertum se confert. Inde Gripsholmiam cum Sudermannis excurrrens Hartvicum Pflugium arcis præfectum sola accessus sui fama sic terret, ut arce incensa Stocholmiam fugæ properus evaderet. Engelbertus mox etiam petens urbem, eam positis in adverso Brunconis monte castris obsidione cingit, & Iohannem Cröpelinum arcis præfectum deditio- nem facere jubet. Sed ille constantis fidei animique illud à se fieri posse negat: arcem in regis manus, à quo accepisset, resignandam. Vrgente Engelberto, tandem res in Novembris proximi diem undecimum rejicitur: si interim de pactione conveniret. Inde Engelbertus Örebroam pergit, quam Ketelbergius tuebatur, is arcem ei permittere jussus, se traditurum fidem dat, nisi intra septem hebdomadas auxilia submittantur. Agmine Nicopiam deducto, simile fert responsum ab Alberto Styggæo arcis custode. Ringstaholmiam porro contendens, dum minus facili Henrico Styggæo præfecto, arcis oppugnationem molitur, ille quinque dierum inducias paciscitur. Interim conventu ad VVadstenas edicto, Engelbertus partem copiarum obsidioni relinquit, & ad conventum se recipit. In comitiis VVadstenensibus regni Senatores de civili motu componendo agunt, Engelbertum ab instituto suo dimovere conati; *regis obsequio, si delinquat, non illicò discedendum esse, disserebant, Quod si fieret, nullum imperium stabile fore. quem enim Principum magis, quam ceteros mortales communi infirmitati exemptum esse? Nec competere plebi de regis actionibus judicare, aut illius destituendi licentiam temere usurpare. Ne quidem privatorum societatem diu permanisuram, si admissis eorum nulla esset venia speranda. quod si inter pares recte observetur; quanto magis in regibus locum habere: quibus fides & obsequium sacramento devincta sint. Quin subditis incumbere, si stare regnum velint, etiam durius imperium quiescendo, si possint, mitigare; si non possint, ut delictorum pœnam tolerare. Certè præstare unius quam multorum* expriri

experiri dominatum. His respondet Engelbertus: *Sibi in animo non esse rebellare regi, aut quid incivilius affectare; sed libertatem patriæ, quæ jam ferme animam agat, contra vim dominantium tueri. Sueones non more pecorum aut mancipiorum tractari velle, ut sibi regis præfetti persuasissent. Quos si ad miserorum subditorum efflagitationes rex coercuisset, his armis opus non fuisse. Nec se aut commilitones perfidiæ culpam mereri: quum eorum juramentum illigetur regis juramento. Regem verò primum jurasse, se regnum secundum leges publicas & patriæ instituta administraturum: se munitiones atque arces non nisi indigenis crediturum. In quibus quum fidem datam haud servasset, subditis ab ea quoque recedendi regem ipsam authorem vel iacitum fuisse. Postquam senatus regni nihilominus in fide persistendum urgebat, Engelbertus verbis minas adiecit, publiceque edixit, omnes libertatis patriæ desertores pro hostibus publicis habendos. Hoc edicto territos in partes suas etsi invitos traxit, eosque ab obsequio & fide regis in suam abire coegit. Inde regressus ad Ringstadholmum, ad deditionem cum Stegeburgo compellit. Ostrogothos Ståkeholmum obsidere jubet: quod cum Lago Rudius Danicæ gentis acriter defenderet, induciæ in Novembrem convenerunt. Rumblaburgum, Trulleburgum & Pickisburgum Hermannus Bermanus Ostrogothorum ope expugnat & incendit. Engelbertus Örebroam recedens, pro mille selibris argenti à præfecto redimit arcem & in suam fidem accipit, mox etiam Axevaldiam. At Vermelandorum animis infide confirmatis, per eos & ducem Petrum Vlfonis Edsholmum, Daleburgum & Agneholmum expugnat. Oppenstenium & Örestenium igne immisso exurit. Hinc in Hallandiam movens, septentrionalem Scaniæ dirionem universam in suam potestatem redigit; nec minus Vardbergam, Falckenburgum & Halmstadium. Ad defensionem exciti Scandii cum expedita manu castra ad Lagaholmum locant, pugnae sortem experturi. Nec prælium abnuebat Engelbertus, nisi medius fluvius castra secans, consilium impedivisset. Itaque pace utrinque facta, in Suediam revertitur. In transitu verò tam castigatâ disciplinâ coercuit exercitum, ut sine maleficio progressi, ne gallinæ quidem pretium cuiquam auferrent. Conventu ad Vpsaliam indicto, rex Cröpelinum, arcis Holmiæ præsidem*

in

in sua absentia rem ex fide agere jubet. Interim ab otiosis, ex occasione tot everfarum ab Engelberto arcium, disceptatur, utrum eæ regno magis proficiant an obsint. Sententiæ in diversum eunt, his contra vim hostium tot arces valere, illis rebellium, quibus in Principes armentur, præsidia esse adferentibus. Aut absque hoc sit, adversus vim hostilem tot munimentis intra patriam haud opus esse, si limes & portus regni validis munitionibus hostem excludant. Aliis, quorum potior sententia, contententibus, in fide subditorum & regis præcipuam regni securitatem stare. Vbi rumor ad regem successus Engelberti tulit, expurgiscendum sibi ratus, arma parat, & Holmiam expedita classe contendit. Sed gravis procella naves & cum illis vires regis admodum adflixit. Ipse vix periculo eluctatus, Holmiam accedit & simul ab hoste obsidetur. Mox pactus colloquium, violatæ fidei cives increpat. Illi ab hac criminatione se purgant, paratos ad omne obsequium contestati, si rex in superbos & avaros præfectos animadvertat, & fidem illis sanctè datam servet. Rex indignè ferens sibi legem à subditis dici, *nilem fore regum fortunam* ait, *si à subditis in ordinem cogantur*. Illis hinc inde jactatis, conventum de unius anni induciis, & Holmiæ præsidio sexcentorum imposito, Ericus in Daniam reversus est. Postea in comitiis Arbogæ habitis, Engelbertus gubernator regni à populo renunciatur, positus in qualibet ditione præsidii ac præfectis, qui providerent & occurrerent, si quid discriminis immineret. Interim literæ Iohannis Cröpelini adferuntur, quibus unà cum Borussiarum magistro, nomine regio Senatum rogabat, ut conciliationem cum rege admitteret. Proinde etsi satis injuriarum passi, tamen placidæ compositionis viam haud refugerunt: iudicibus à studio partium alienis rem commissuri. Mox consignantur quædam capita, in quæ conveniretur. Ea ubi rex inspexit, re cum se natu communicata, trium regnorum proceres Halmstadium convenire jubet. Vbi decretum de summa rei duodecim Senatorum interventu Holmiæ agitare, pactis interim iuduciis, & Hallandia cum oppidis & arcibus Erico restituta. Postquam rex & senatus frequens Holmiam convenere, & præsent1435es & per libellum regem adeuntes, querebantur, *dum ab-*
fuisse rex Svecia, neglectam jacuisse juris administrationem.
Inde

Inde subditos cum impensis & incommodis haud exiguis necesse habuisse foris quærere iudices, quos domi in promtu habere par fuisset. Sed abunde improborum præfectorum domi esse, qui reuersos carcere, pecunia, corpore plerent. Senatui autem regni magis animum quam facultatem oppressos iuvandi supersuisse: quum plus possent, qui minus debebant, & parum subditis volebant. Eorundem crimen esse depastatos pagos, monetam extra fines translatam, auctis interim novis & intolerabilibus tributis: quibus externa bella nihil ad ipsos pertinentia in gratiam regis alerent, regnum verò ac se ipsos exhaurirent. Præsules sacro motos loco, alios invitæ ecclesiæ obtrusos. Regni item munitiones ac ditiones exteris commissas, ut indigenas premèrent. His auditis rex specie respicientis quæ vellent sanctè promisit. Satrapas & præfectos, qui publica & aulam curarent, ex eorum sententia constituit, Christiernum Nicolai Drotsetum, ut sua lingua principem Senatus appellant, & Carolum Canuti regni Marescallum; non tamen ita solenniter ut decebat. Christierno gladiolum quasi puero, Carolo album baculum quasi canes abactuuro tradit: quum tamen moris esset Marescallum per aureum annulum à scipione pendulum creari. Sed ille derisui ac ludibrio non tam munera, quæ sunt eminentia, quam personas, quod Suetici sanguinis essent, habuit. Mox universo regno in suam potestatem recepto, fidem iuramento iteravit. Sed & subditi renovarunt fidem ante præstitam hac lege, ut pleræque regni munitiones indigenis traderentur, paucis exteriorum fidei relictis; ut cives deleta præteritorum memoria sub imperium regis concederent. At Ericus, non secus ac si iuramentum esset fallaciarum latebra, mox ad ingenium redit. Proceres partim per Danos & alios, partim ipsi rogant regem ut in memoriam sibi revocare promissa & quæ in medium ex ejus regni-que bono consultarant, amplecti ne gravaretur, & publicam pacem ac salutem tot civium sanguine tantoque sudore partam, & ab ipso juratam, aliquando intemeratam servaret. Rex cum indignatione respondet: sibi non placere illud Ais aio, se nolle ad illorum nutum vivere, sed arbitrio suo recturum. Esse contra Principis eminentiam, instar privatorum iuramento obstringi. Sed illi contra existimare: Non indecorum esse regi, in illis quæ publica utilitas svasdet, vel ejus causa accedere sententiæ amicorum: quum vnus acie ingenii complecti omnia nequeat;

& sapientum consilio rectius tutiusque temp. administret; quod nec sapientissimus regum Salomon abnuerit. Veram esse libertatem, juratis regni legibus, ut imperii normæ, suas actiones attemperare. Et quid fore quod regem adstringat, si non fides? Iuramentum vero nihil detrudere ejus existimationi, sed potius illam firmare: dum subditos de sua erga eos fide, animo & benevolentia hoc ipso certiores reddit; & subditi eidem de suo erga ipsum amore & obsequio pari jurisjurandi religione cavent: quod sit optimum animorum vinculum. Quo major autem est Princeps subditis, quibus jurat, quo major Principe Deus, quo teste & iudice ille jurat; eò religiosius sibi servandum esse, quod jurat. Cives itidem Dei reverentiam, conscientie legem, & subjectionis vinculum eo obstringere. Sed ille suo non decedens animo, objurgabat eos, quod ab Engelberto patrata, ab illis adornata essent. Inde Cröpelinum nimis in Suecos, ut ipsi videbatur, propensum à præfectura removet, & substituit Ericum Nicolai Danum cum quingentorum præsidio. Eodem anno Engelbertus ad Telgas latam altamque duci fossam curat, ut itineris compendio naves traicere possent, ex Melero Vplandiæ lacu Oceanum. Sed postmodò desertum est nobile inceptum, tanquam nimis ardui moliminis: quum ingentia in terræ visceribus saxa, velut adversante natura, altius fodientibus obsisterent. Ordines regni se mutuo fædere sociarunt ad tuendum patriæ jura ac libertatem: ut ex scripto diplomate Sudercopiæ dato patet. Arbogam iterum conventus indicitur, in quo senatus regni decernit obtestari regem, ut liceat illis frui jure ac libertate sua. Si secus fiat, ipsos fidei nexu & obsequio regis se cogi exsolvere. Vbi famâ accepere, regem Holmiam adventurum, atque vñ Bugislaum patruelem, quem sibi successorem destinarat; jamque à præfecto arcis symbolum & juramenti fidem acceperat; oppidani clam Engelberto rem aperiunt, & ad Holmiam in suam potestatem redigendam exhortantur: ne idem nunc malum illis accidat, quod sub Alberto rege. Engelbertus collecta manu cum aliquot regni proceribus Holmiam properat. Sed ingressuri urbem excluduntur à præfecto arcis. Itaque civium ope effractis portarum repagulis ingressum sibi vi fecerunt, & imposito perticæ pileo, hoc veluti publico signo cives ad libertatem vocarunt. Hinc paucis exceptis tota civitas in senatus regni & Engelberti

partes transiit. Qui munita, ubi opus erat, urbe & expulso inde peregrino milite, nova Sueconum præsidia arcis imponit. Mox ad præfectum arcis mittit expostulatum injuriam exclusionis ab urbe, & quod explosis tormentis hostilia intentasset: quum tamen non nisi pacem in tuto locandi & placide de ea cum illo agendi accessisset. At postquam præfectus ferocius respondit, Carolo Canuti, qui nuper unà cum Engelberto regni curator lectus erat, & Erico Pukio oppugmandæ arcis negotium datum est. Engelbertus verò Nicopix, Stekeburgi, & Calmarix arces invadit. Blekingiam itidem in Suediæ ditionem redigit, eique præfectum Nicolaum Langium ordinat. Inde ad Scaniam impugnamdam se convertit. Sed à Petro Oxio ejus præfecto repulsus, Laholmiam, Halmstadium, Elfsburgum deditionem facere cogit. Mox Vardbergam, Axevaldiam, aliaque regni munimenta prospero successu recuperat. Quædam, ut seditiosorum receptacula, demolitur. Sed in medio victoriarum cursu morbo retardatus, vbi curandæ valetudinis causâ Örebroam, & inde publicorum causâ Holmiam tendit, in exitium inopinatò ruit. Etenim Benedictus Svenonis vir ordinis equestris, impetrata fide publica, cum Örebroæ conveniens, de sua filiique, ob crimini ipsis datum Danicarum partium studium, proscriptione graviter cum eo contendit, injuriam sibi factam obtestatus, ad innocentiam suam provocat. Amicis se interponentibus, tandem ita convenit: *ut Benedictus in proximo Holmiæ conventu se purgandi causâ adsit. Interim securitate publica cum filio suo fruatur, nec ullam noxam Engelberto aut ulli suorum noceat.* Ita Engelbertus sui & adversariorum securus, iter suum pergit. Sed ingruentibus tenebris, in peninsulam Göksholmio vicinam pernoctatum divertit. Quo comperto Magnus Benedicti filius eò appellens, infirmum & inermem nefariè obtruncat. Talis fuit excessus Engelberti, qui patriam suam à servitute tam strenuè vindicarat. Necis authori non solum impune fuit, sed etiam Carolus Canuti, regni administrator à nece Engelberti factus, cum literis tui com-
meatus munivit, edictoque cavit, ne quis hoc facinus in crimen vocaret; tanquam Engelberti cædes tam vilis fuisset, aut, ut nonnulli volebant, quasi rebellionis aut perduellionis pœnam regi dedisset. Alii tamèn à rebellionis culpa libera-
raturum

ratum eunt Engelbertum : quod post totiens commendatam à Senatu regni subditis & ipsi duci quietem ac patientiam (ut supra memoratum) sed nimia dominantium vi tandem turbatam & irritatam, arma cum suis necessaria corripuerit, ad defendendam à præsentī ruina patriam. Si verò justæ defensionis modum haud per omnia servavit, quid mirum est in armis intestinis? quæ semel mora difficulter intra limites cohibentur; & plebs concitata facile à scuto ad ensē proximam manum extendit. Vtunque sit, hanc ei vicem & ab illo auctore, etiam fide publica utrinque data & accepta, sic reddi, omnibus indignum existimabatur: quod publico etiam monumenti defuncto Gregoræ positi elogio cives ad posteritatem contestati sunt. Quin ipse author quum perpetrato jam facinore in se descenderet, ejus gravi pœnitudine & dolore usque ad vitæ finem affectus fertur. Vt solent admissa, quum non amplius infecta sunt, animum ad sanitatem reversum seriò excruciare; quæ, anteqvam fiant, non, ut par erat, pensantur. Imperii moderationem aggresso Carolo Canuti, mox excitabantur æmuli, ut inter æquales. Præterquam quod frequentes sibi clientelas in illa fortuna adjungebat, & numerosam familiam alebat, super alia invidiæ irritamenta, multos quoque nobilium ministros, satellites & milites famâ munificentiae à dominis ad se per suos emissarios pelliciebat. Quos Ericus Pukius acer animi & fervidus, primus ejus æmulus, *canes sagaces ac venaticos Caroli appellare solitus*, cum monuit, *canes istos domi suæ tenere; ne ita, ut mererentur, excepti, infaustè domum redirent*. Eidem aliisque nonnullis nobilium aliquando querentibus, *sibi suas non sufficere opes, ad tuendam decore familiam ac dignitatem; nec unde fas esset, ex merito præmia suppeditari*, respondit Canutus: *Ne pedes ultra strata porrigerent*; haud perplexè velligans eos, quasi majores sumtus, quam pro modo facultatum & conditione sua facerent. Hoc illos & inprimis Ericum malè habebat. Itaque crescente simultate, Carolum superbæ, severitatis, avaritiæ palam criminati, qui beneficia & fructus regni præcipuos in suos usus converteret, aliis aut nunquam aut rarò concederet. Ne hæc potentiorum altercatio novas patriæ turbas daret, interventu senatus conciliantur. Sed Ericus animo ultionem ac res novas meditante, si-

multatam nondum bona fide exuerat. Emissus à Carolo publicorum negotiorum caussa, factiosorum manum cogit. His specioso commento persuadet, *Carolus illorum vitæ & fortunis insidiari: quos ipse contra vim hominis defensurus esset.* Quum obfessa Nicopia ad deditiorem compellenda esset, rogavit senatum, *hanc sibi provinciam mandare; Caroli, ut civilis status gnari, operam magis in pace domique necessariam esse.* Nimirum specie togatorum honorum cum belli curis abstrahere, se ipsum rebus majoribus inserere conabatur: nihil non movens, ut more alta sed non recto itinere spirantium, æmuli potentiam refringeret, suam attolleret, ad regiam quoque, si posset, fortunam. Quum hoc artificium frustra tentasset, cum per suos insidiis aggrediebatur. Herestekium demersis obstruit saxis, ut navigiis ejus inutilem reddat transitum, & alliciat eum Telgas, in casses ibi destinatos. At Carolus Herestekio repurgato salvus Holmiam evadit. Vbi postea Ericum epulis exceptum & vino ferme depositum, impeditæ viæ rogat causam. Ille, vino arcana detegente, magnificis & elatis verbis, re quasi bene gesta, liberè jactat: *Nulli lucio Stocholmiam & Calmarniam inter pelago oberranti tot unquam casses aut hamos positos fuisse, quot ipse Carolo struxisset insidias.* Carolus offensam premens, ultionem occasione servat. Interim arces & munimenta partim amicè partim armis & vi repetit à præfectis; imprimis Stegeburgum, Holmiam, Axevaldiam, Elfseburgum, Arhosiā, & Aboam. Illum singulari Dei cura rebus majoribus servari, vel hoc sit indicio. Quum Stegeburgum obsideret, à machinatore bellico ter petitus ictu tormenti subinde tamen irritò, dissiliente identidem machina, intactus & illæsus abiit. Ericus odio adversus Carolum ejusque potentiam magis magisque accensus, quod insidiæ non provenissent, cum aperta vi cum Dalecarlorum copiis invadit. Carolus rebelles mox revocat ad obsequium, authoribus seditionis capite plexis: quibusdam in terrorem etiam ignis supplicio affectis. Hinc acie instructa, frustra dissuadentibus præsulibus, initur prælium non procul Arhosiā ad Helleskogiam, in quo strenui viri Benedictus Vddonis, Turo Kelli, Benedictus Gunnari, Matthias Iohannis, Olaus Stokius alique occubuerunt. Post prælium instituto colloquio,

actum

actum est de pace tractanda, quo nomine convenit, utrumque Arhosiæ cum amicis adesse. Quamvis autem Ericus à familiaribus monitus esset, sibi cavere, nec potentis æmuli fidei se temerè credere; tamen quibusdam præsulibus & magnatibus eum de itu & reditu confirmantibus, eorum dictis fretus, ad comitia Arhosiensia sub fide publica venit. Isthic cum amicis congressus, ut erat soluti animi & effrenis linguæ, pergit in Carolum contumeliosa effundere verba. Ex quibus Carolus obfirmatæ in se conspirationis testata indicia colligens, dum præter antegressa facinora vel sua Ericum lingua accusat: ut isto insidiatore & gravi æmulo tandem liberaretur, eum prehendi & Holmiam abductum, caussa dicta, capite pœnam conjurationis pendere facit. Carolo crimini tributum, quod contra fidei publicæ religionem Ericum captum pœnæ subdidisset. Ille tamen in quibusdam codicillis, à se captum & punitum, dum ista securitate fruebatur, inficias ire conatur. Hoc tempore quoque Iöfso Erici Danus etsi literis tuti commeatus à Carolo Canuti munitus, tamen à rusticis territorii Aschensis ad Vadstenas comprehensus, & in iudicium Motalense deductus, capite damnatur, & sævitæ suæ erga provinciales pœnas solvit. Illi verò ob violatam fidem publicam & ultionem inconsulto Carolo exercitam, magnâ vi pecuniæ mulctantur. Carolus alium nactus est æmulum, Christiernum Nicolai senatus principem, affinem suum. Amorem tamen uterque præferbat, & odium tegebat, donec maturum in alterius caput expromendi facultas esset. Causas odii hinc accersunt. Quum Carolus affini suo Christierno aperuisset consilium de ulciscendis & plectendis Dalecarlis, qui non modò contra ipsum cum Erico Pukio consurrexerant, sed etiam cum agricolis Vermelandis aliquot ejus præfectos trucidarant, Christiernus illud dissuasit ei authorque fuit, ut spatium pœnitentiæ ipsorum daret, qui magis contagione quam ingenio peccassent. Ut etiam iusta esset vindicta, tamen invidia fugienda causa modum in ulciscendo servaret; ne frequenter & acerbè puniendo, dum multos tollere parat, plures irritaret. Inde Christiernum suspectum habere cœpit, quasi cum illis faceret. Alterum erat, quod, quum Carolus Calmaria Holmiam discedens, annulum suum signatorium Christi-

no reliquisset, ad literas publicas, quoties opus esset, obsignandas; ille hoc sigillo perfidè abusus à Carolo arguebatur, quasi literas ad Helsingos Caroli nomine dedisset & obsignasset, quibus jusisset eos Christierno dicto audientes esse. His & aliis occultis artibus plebem à Carolo ad se trahere, sibi que principatum quærere conatum. Tertium erat, quod arcem Nicopiæ aliasque ipsi tradere nollet. Carolus compertis ejus molitionibus, sed in præsens dissimulatis, ut incautum opprimeret, ad eum amicè scribit, si quid nomine publico curandum sibi que significandum haberet, se præsto esse in oppido Scheningia: ubi literas ejus præstolaturus esset. Ita hominem securum insidiarum reddit. Tabellarius, cui ministri ad capiendum ex occasione Christiernum clam additi erant, in aula ejus moram destinatò trahit, donec ille dormitum ivisset. Mox advolant satellites, nudum in lecto comprehendunt, & direpta domo obtruncatisque quibusdam ejus famulis, illum primo Arhosiā, inde Grebroam abducunt. Vbi Carolus ei obviam factus percontatur, num arcem Nicopiæ ipsius fidei permittere velit? Ille metu consternatus, non solum arcem ei dediturum, sed etiam plura, quæ velit, præstaturum fidem dat. Quamvis autem illis, qui se timeri & inimicos in sua potestate esse vident, plerumque animi crescere soleant, & fortunâ deiectos penitus deprimere quærant; tamen Carolus sive necessitudinis adpectu, sive quod modestiorem animadvertenter adversarium, sive pœnitundine severioris & inhumanioris facti, postea humaniter ipsum habere cæpit ac sequenti die dimisit. Insuper V Viburgum ejus fidei, & Ringstadholmium filio ejus clientelæ jure tradit. His compositis Nicolaus Stenonis alter ejus affinis, novum ipsi negotium facessere cæpit. Quum enim illum Stegeburgi & Ostrogothiæ præfecturam tunc administrantem Carolus admonuisset, ut mitius in provinciales consuleret, atque à vexatione & iniuria civium sibi temperaret; hæc Nicolaus ferociter spernens, etiam ministris Caroli manus inferri jussit. At Carolus nihil cunctatus, Stegeburgum obsidione arctiori premit. Nicolaus animadvertens hâc ferme se teneri, pactis aliquot dierum induciis deditionem simulat. Interim fuga elabitur ad regem Ericum tunc in Gothlandia morantem, à quo perhonorificè exceptus, regni Marescallus renunciatur, & discentorum militum manu adiutus, redit in Ostrogothiam.

ubi

ubi quum ferro & igne obvia perdidisset, à Carolò fusus & captus, Norcopiae tertio die, contracto, ut putatur, ex animi ægritudine morbo, decessit. Post illum Broderus Svenonis, stirpe & miliria conspicuus, adversus Carolum coortus est. Ille se in remuneratione suæ fidei & meritorum in bello neglectum indignè ferebat. Et studio videbatur neglectus; ut opibus nervo rerum deficientibus, minus ab æmulis timeretur. In conventu Sudercopiensi ex occasione captati de suo & quorundam merito sermonis, insimulabat Carolum, quod præfecturas favori non virtuti conferret. Ut alii existimant, conduxit quosdam colonorum VVestrogthiæ ad interficiendum quendam Caroli præfectum, & plures inde motus dedit. Sed deprehensus, seditionis poenam capite solvit. Quum ita æmulos submovisset Carolus, id operam postea dedit, ut Ericus regiæ dignitati, cui jam cives renunciare cæperant, integrè restitueretur; si, quæ non semel promiserat, ex fide præstare vellet. Ea re plura comitia, sed exiguo vel nullo fructu habita sunt. Quippe rex ingenio suo insistens, indignum se arbitrabatur mutatæ sententiæ receptum, aut dignitatis regiæ decora regni legibus submittere. Proinde regni ordines tandem ad Morastecium decreverunt, ut nisi intra trimestre rex Calmaria adesset, ubi de hoc & aliis regni negociis agendum erat, se postea illum pro rege non agituros. Quod decretum, ut rem seriò agitari videret, ad eum miserunt. Olaus autem præsul Vpsaliensis, etsi rex ipsi antea adversatus fuerat, aliique ex senatu, quibus severius Caroli imperium & dissidia domestica non placebant; sedulò connitebantur, ut rex in sua dignitate retineretur. Ea propter Olaus Vpsalia Calmariam ad comitia proficiscitur. In itinere Nicopiam digressus, à præfecto loci Magno, veneno in lac amygdalinum immisso peremptus fertur; non aliâ, ut tunc suspicio erat, causâ, quam ut præsulis ad eò pro rege laborantis consilia cum ipso autore tollerentur. Nec parum equidem morte ejus per scelus festinatâ turbabantur. A congregatis tamen actum est de rege non amovendo, si totiens repetita juramenti formulæ pactisque satisfaceret. Renovatæ itidem est trium regnorum unio, sed cum nonnullis exceptionibus, quarum ulterior deliberatio in majora comitia differebatur. Ericus autem desperans salvam aut stabilem in Suecia

1439.

dignitatem, usque dum ea lege, qua acceperat regnum, administrare recusabat; antequam ipse cum ignominia solio deturbaretur, regno excessit, & collecto quantum poterat opum, in Gothlandiam (unde postea sæpius infestabat mari Sueones) & Pomeraniam suam secessit, atque viginti annos privatus vixit: quum quadraginta duos annos tribus regnis præfuisset. Imperium satis diuturnum; sed honorificentius fuisset, si plus legibus regni, atque boni publici curæ, quam cupiditati suæ atque exterorum præfectorum avaritiæ ac libidini concessisset. Haud indoctus princeps erat, ut ejus annales Danici, etsi breves, loquuntur. Longis bellis multum exercitus, sed parum felix: quod ipsum etiam moderationis admonere debuisset. Tandem absenti regnum renunciarunt, quod vel præsens curâ suâ ac fide desituisse arguebatur.

CHRISTOPHORVS.

1441. **B**avarix dux, Erici, de quo prius, ex sorore nepos, à Danis ad capeßendum regnum inconsultis Sueonibus contra leges fœderis vocatus, his postmodò unicè commendatur. Quum enim id agerent, ut ab ipsis quoque rex cooptaretur, atque sic tria regna in unius fœderis, ut antea, fide permanerent, ejus virtutes impensè Suedis prædicabant. Qui, quamvis obnitendi causas haberent, tandem tamen inducti, ad servandam concordiam, pravæque inter suos æmulationis malum tollendum, cum adsciscere decernunt. Carolus, ubi civium animos in Christophorum inclinare videt, nihil quidem eorum libertati in creando rege se detracturum præfatus, in mentem tamen illis revocat, quantis laboribus pro salute regni & statu reip. in tranquillum collocando defunctus esset, ex quo imperium accepisset, quantum æris alieni contraxisset: cui solvendo non esset, nisi meritum ejus æqua æstimatio haberetur. Iusta ejus postulatio visa, responsumque, veluti desiderarat, ut laborum premia, Finlandiam ad tempus vitæ suæ teneret. Ölandiam verò pro se & suis hæredibus possideret, donec pro quadraginta millibus selibrarum argenti a Sueonibus redempta esset. Additum insuper, ne obligaretur ad hætenus æstorum & administratæ reip. rationes cuiquam edendas. Mox legatos ad Christophorum emittunt in Daniam, qui capita à regni

regni senatu concepta jubentur insinuare regi : quæ si jure jurando, literis & fide sua firmare velit, cum in proximis comitiis Calmariensibus regem Suediæ renunciatum iri. Capita autem hæc erant : *Vt regni jura, privilegia & instituta illibata servaret ; si leges quædam emendatione egeant, illas sua auctoritate confirmaret. Vt neminem in senatum admitteret, nisi Suedum. Vt arces & munitiones non nisi Sueonum fidei committeret, & præcipua munera iisdem cum consilio senatus mandaret. Census annuus & aliæ regni obventiones, pecunia publica & thesauri regno non exportarentur. Si necessitate sic exigente foris impensæ faciendæ essent, earum unâ cum residuis ratio à bonis viris redderetur. Omnia diplomata, documenta, codicilli & literæ ad hoc regnum pertinentes, quæcunque in Dania aut Norvegia reperiri possent, huic regno restituerentur. Gothlandia ad corpus regni Suediæ, cujus membrum olim fuerat, revocaretur. Suedi immunes essent à vefligalibus Bahusianis. Quidquid ex Russia ope trium regnorum armis subici posset, id regni Sueciæ esset. Quæ ex facultatibus & prædiis absentium in motibus intestinis regni occupata essent, ut nunc possidentur, in posterum quoque possiderentur. Res monetaria & tributæ regni de sententia senatus constituerentur. Opem ferret illis liberandis, qui tempore Erici in Holsatia vel alibi bello capti essent. His legibus Christophorus ultro subscripsit in arce Hafniensi. Sed comitia ad vigesimum quartum diem mensis Iunii Calmariæ indicta, in Septembrem prolata sunt. Cujus initio rex, cessantibus motibus Cimbricis, qui eum remorati fuerant, Calmariam adventavit. Ante suum tamen accessum, cum Carolo Canuti, amicis literis Halmstadium accito, de arcibus & ditionibus Suediæ, quas tenebat, sibi tradendis, ut verissimile fit, actitavit. Sed quæ Senatus regni Carolo promiserat, omnia rata habuit. Eodem comite regnum ingressus, Calmariam Holmiam magnali pompa deductus est. Antistes Vpsaliensis dextrum & Carolus Canuti sinistrum regis latus in ingressu claudebat. Auditæ sunt inter acclamationes & plausus vulgi voces, tanquam futuræ spei omen : *Carolum sceptro digniorem, quam Christophorum videri.* Inerat enim Carolo proteritas corporis & gravitas eximia, à plebe æstimari sueta. Istæ voces ad aures regis perlatae, aliquantum ejus animum punxere. Sed temporis causa dissimulavit. Inauguratio regis statò die, loco & more fit. 1442.*

In ea septuaginta viri bene meriti equestri honore ornantur. Regni adinistrationem aggressus, leges provinciales, ut vocant, à regni senatu legumque peritis recenseri & emendari fecit, quas autoritate sua stabilitas deinceps publicavit, & vi executionis animavit. Ius aulicum quoque in usum revocasse fertur, postea à Carolo Canuti & aliis regibus actum. Neglectâ Turcorum imperatoris filiâ, sibi in matrimonium, ex occasione legationis ad eum, oblatâ, ductaque Dorothea, Iohannis Marchionis Brandeburgici filia, censum, quem vel nuptiarum & dotis vel publico nomine civibus imperarat, aliosque regni thesauros ac proventus hinc asportare contra fidem datam conatus, ab inimico velut mari diris & exitio devota, naufragio omnia perdidit. Inde civilibus odiis cives se atterere cæperunt: quibus se infirmos adversus hostem, & viles regi reddebant. Christiernus Nicolai satrapa Carolum Canuti ob illatas sibi injurias, de quibus suo loco dictum, apud regem criminatus, omni ope nitebatur eum regis odio & potentium adversariorum insidiis obiicere. Et fecisset sanè, incrementis Caroli jam regi suspectis, nisi ipse Carolus adversus prævisa hujusmodi criminationum tela se cautè præmunivisset apud regem: qui ipsi jam ante indulserat, ne quisquam ob quæcunque ante acta cum eo jure experiretur, aut gestorum rationem ab eo posceret. Nec minus rex id compositò laborabat, ut eminentes mutuâ æmulatione committeret, & dissensiones inter illos foveret; ipsis magis quam sibi periculo futuras. Quum enim animadvertisset, non paucos nobiles viros munera & beneficia regni absque discrimine affectare: quin nonnullos tam avidè bonis aliorum inhiare, ut amici amicorum, filii parentum, propinqui cognatorum adhuc superstitum fortunam sollicitarent, & alienæ possessioni per quasunque artes obreperent, ruenti cupiditati sponte frenos permisit: si fortè, ut præ se ferebat, vel patientia Principis, vel illorum satias aut pudor eos retinere posset. Sed quum hac via parum promoveret, nundinationem quandam beneficiorum, certò pretio dictò, sibi minimè decoram, subditis gravem instituit; prætexto, ut eos ab immodica petendo pretii magnitudine absterret. Itaque diploma, quo prædium alicui jure clientelæ impertiebatur, viginti aureis, quos nobiles

les vocant, ex Cancellaria redimendum erat: quorum dimidium rex ipse capiebat, reliquum procurantibus & scribentibus literas cedebat. Ita factum, ut impensa sæpe ipsum prædii pretium, uti tunc tempora erant, æquaret, aliquando excederet. Ab competitoribus ergo largitione passim certatum est: ut qui hic vincere aut paria facere possent, in idem sæpe beneficium, mox alteri concessum, velut communem prædam concurrerent, unumque fieret plurium, quod ne uni quidem, quippe tanto emtum, multum prodesset. Aut si forsan aliquando prodesset, tamen rixarum materia erat: dum in re communi juris & meriti vel æqualitas vel præstantia à singulis obtendebatur. Contra, qui primi possessionem adepti erant, aliis, etsi ejusdem temporis competitoribus, anteponi postulabant. Quin multi per lites & contentiones suas, tandem auro, prædiis & omni possessione devolvebantur. Crebris excursionibus & itineribus ita fatigasse & exhaustisse agricolas in nonnullis annalibus proditur, ut miseri coloni ad cibi penuriam redacti cortice ex arboribus in farinæ similitudinem subacto vitam ægrè tolerarent. Inde sibi cognominis *Regis Corticei* locum fecit. Etsi potius, uti rectè judicat Ericus Vpsaliensis, annonæ charitas in pænam & regis & subditorum divinitus admissa fuerit. Quum subditi obsecrassent, ut cohiberet insolentiam hominum Erici regno exuti, qui piratica sua non leve damnum & calamitatem Syeticis navibus Gothlandiam transeuntibus inferebant, irrisui rem habuit, dicens: *avunculo suo aliquid concedendum esse, unde vivere posset*. Quin Anglorum naves ipse prædationibus divexavit & interceptit: quarum spoliis ditatus, bellum parabat adversus VVandalicas civitates ex avita similitate, & quod illarum auspicio Vitalianorum classis, VVismariâ solvens Bergas in Norvegia, cujus ipse quoque rex erat, diripuerat, quum in Daniam ad capeffendum regnum iter faceret. Inprimis Lubecæ arma intentabat: ad cujus expugnationem reliqua minora oppida facilius fortunæ cessura sperabat. Ceterum ponderatis, ut cautum decebat, non solum suis, sed etiam hostium & foederatarum civitatum opibus, aperta vi non laceffendum hostem arbitratus, dolo egit. Armata nimirum quinque millibus militum classe, transitu à Lubecensibus petit, specie sacri voti in veteris

Marchiæ

Marchiæ oppido, VVilsenaco exsolvendi. *Se amicum ipsis venturum, militem non alia causa secum ducere, quam se defendendi adversus vicinos Principes suspectos proposito.* Lubecenses, quibus astus suboluerat, & alias sciebant, natura ferè inter se inimica esse liberas civitates & reges, ei transitum negant. Interim tamen milites quosdam à Christophoro habitu mercatorum emissos, qui magnam vim armorum in doliis specie vini occultaverant, domi secum ignari habebant. Misit itidem ad VVismarianos, Stralsundenses & Rostochienses de transitu. Quem illi civiliter denegarunt, Rostochienses permiserunt. Incendio fortè noctu Lubecæ suborto signoque dato, ad opitulandum occurrunt cives. Ad idem signum isti personati mercatores Christophori, suspicantes à regis emissariis ignem testis injectum, aut ad occasionem animum adversuri, armati præsto sunt. Rogati, *quid arma pacatæ urbi inferant?* respondent, *se militarium ludorum causa isthæc gestare.* Sed suo se indicio ipsi arguentes ac temerè prodentes, ut dolus sua tandem arte irretitus teneri solet, illicò urbe excedere & alibi meditationes suas militares exercere iussi sunt. Ita incepti irritus rex in Daniam cum classe sua regressus, inter Gothlandiam & Calmariam grave naufragium patitur, ut vix ipse scaphâ evaderet. Quod divina in fædam regis libidinem, cujus insimulabatur, iræ argumentum fuisse existimatur. Bavaros suos nonnullis arcibus regni præfectos, ad monitum procerum, invitus removit. De quibusdam regni

1448. negociis Ienecopiæ cum proceribus consultaturus, subito morbo correptus, Helsingburgi supremum diem explevit. Quidam perhibent eum in Dania, in compensationem expilationis & evectorum Suediâ bonorum, ingens legatum Suediæ regno supremæ voluntatis tabulis reliquisse; quæ tamen in lucem prolata non sunt. Ab excessu regis, interregni tempore Benedictus à Salestad & Nicolaus à Diursholm regni administrationem tenuerunt: quorum curam & fidem jam antea probarat Christophorus; quippe vicem suam eos fungi iubens, quoties regno abesset.

JOHANNIS LOCCENII HISTORIÆ RERUM SVECICARVM

LIBER IV.

CAROLVS CANVTI

Christophoro defuncto proximè surrogatur, exterorum 1448.
regum tædio. Sed prius inter proceres & populum ingenti contentione de quærendo idoneo patriæ rectore disceptatum est. Benedictus Ionæ, & Iohannes ejus filius præsul Vpsaliensis, episcopus Strängnensis aliique dissertabant, ad securitatem reip. consciendam singulorum & famam posteritatis pertinere, ut novus rex non nisi de communi sententiâ trium regnorum, ex lege sæderis adscisceretur. Si tamen insuper habito sædere, sibi seorsim consulere placeat, saltem celeribus abstineant consiliis: quæ facilius reprehendi, quam revocari possint. Tantum profectò negotium, in quo patriæ salus, si bene, vel perniciës verteretur, si male cederet, haudquaquam calidè ac propere agendum esse. Alii verò, quorum principes erant Carolus Canuti & Ericus Benedicti, contendebant, electionem regis, quo tardius procederet, hoc majori discrimini reip. fore: tot oculis animisque in hanc spem aut cupiditatem domi forisque intentis. Nec opus esse alia suffragiorum, quam hujus regni procerum expectatione; quum Dani jam contra decretum unionis fecerint, atque, non habitis communibus comitiis, nec consensu Sueonum desiderato, sibi primas imo solas eligendi partes sumserint, & Christophorum ex Bavaria ad regnum evocarint. Præterquam quod ista trium regnorum societas magis incommodo quàm usui Suedis fuerit; externis regibus ejus leges temerè violentibus. Hæc cum tanto animorum ardore ab illis agitata sunt, ut à verbis ferme ad manus & rem duello disceptandam perventum fuisset. Eorum tamen sententiæ obtinuerunt, qui ab unionè dicta discedendum suadebant:

suadebant, & tribus in electione positis, in Carolum Canuti propendebant: *quod non vulgaribus ante experimentis, & nuper à sex annorum gubernatione se dignum imperio fecisset.* Quamvis non desint, qui ambitu & corruptione suffragiorum elatum memorant, de quo tamen nihil in annalibus Sueticis. Nec fidei satis par videtur, eum sexaginta sex virorum suffragia, tot enim pro ejus electione numerabantur, simul corrumpere potuisse. Quanquam eum regni cupidine ductum, non planè inficias iri queat: si vera sunt, quæ feruntur, aniculæ ab ipso consultæ de futuro rege responsum, & infantis prodigium de corona in capite ejus conspecta. Si verò hæc pro næniis ex quorundam mente habenda sint, tamen publica merita & spiritus privato majores eum vel tacitè regno commendare videbantur. Ioannes præsul Vpsaliensis indignans hunc regem: *quod suæ familiæ parum amicus esset: quod solo favore suisque artibus solum adscendisse exprobraret; & ante ceteros patrem suum Benedictum, virum constantem & expertæ fidei, vel alium sui aut alterius sanguinis ad hoc fastigium extolli præoptasset,* insultato Carolo discedit. Sed mox mutata mente revertitur, persuasus à sociis, ut cum reliquis regni proceribus in fidem regis juraret, eumque Vpsaliæ Julio mense incunte coronaret; occultato tamen magis in præsens, quam exuto odio.

1449. Carolus post solennem inaugurationem Holmiam ingressus, cum senatu consilium habet de Gothlandia, quam exclusus rex Ericus hætenus tenebat, recuperanda. De piratica isthinc profliganda: *quod Ericus jam per novennium ex hac insula Suedorum fortunas non parum accidisset; & nuper adeò septem naves Stocholmenses indigenis mercibus onustas intercepisset.* Decernitur, bis mille militum classem adversus Ericum armare, ductoribus Magno Greonio & Birgero Trollio. Milites hanc expeditionem summa cum alacritate suscipiunt; & cives sibi gratulantur de illa die & occasione, qua suorum tot injurias & detrimenta ab Erico accepta vindicarent. Quum dicta classis portum Flevanicum ingressa esset, militesque in terram exscendissent, quamvis hostis eos accessu strenuè prohiberet, una tamen alteraque pugna hoste in fugam verso, littore potiti sunt. Vnde progressi, VVisburgum circumfederunt. Horum rumor ut ad Danos accidit, mittunt ad Carolum in Glandia tunc hærentem, *ut auxilia pro re suis ex propinquo quidem submittat, sed*
copias

*eopias suas ex Gothlandia domum revocet, neque armis laceſſat. Eam enim à VValdemaro tertio debellatam, & à Margareta redemptam; quum ab Alberto Boruſſiæ magiſtris oppignerata eſſet; Daniæ non Sueticiæ ditionis eſſe. Si contra faciat, Chriſtiernum regem ſuum armis injuriam ullurum. His Carolus reſpondet: Gothlandiam ad Suediæ ditionem ex uſurpato veteri jure pertinere, & nuper nomine publico atque pecuniâ Sueonum à Margareta redemptam eſſe. Idcirco ſe lege regni & fide juramenti patriæ præſtiti ad armis repetendum regno ademti, ſi aliter nequeat, obſtringi. Irent ac renunciarent ſuis, ſibi revocandi milites conſilium animumque non eſſe; antequam Gothlandiam in poteſtatem regni Suediæ redegiſſet. Hoc reſponſo accepto viſum eſt Danis expedire adverſus Succos & pro tuenda Gothlandia juſtum exercitum, auſpicio Chriſtierni I. Dum in his ſunt, Sueci urbis VViſbyenſis obſidionem aggrediuntur. Ericus cum ſuis diu irruptionem obſidentium ſuſtinet. Sed deficiente paulatim comœatu, civibus urbem tuendam demandat, ipſe in arcem, ut tutius perſugium, concedit. Oppidani oppugnantium laboribus & excubiis fracti remittere paulatim animos, & ſolutiori cura in cuſtodiendis munitionibus eſſe. Quid ubi Suedi animadvertunt, ſibi vigilandum & occaſionem rapiendam exiſtimantes, ſcalis noctu clam admotis in mœnia eniſi, urbem invadunt. Eodem impetu cœpiſſent arcem, niſi duces, in primis Magnus Greenius, induciarum imagine decepti fuiſſent. Ericus enim deſtitutus paulatim arcis quoque comœatu, pacificatur cum Suedis armorum ferias hac lege: *ut illis traderet arcem VViburgum, ſibi retineret Bornholmiam & Glândiam, quoad viveret.* Obſentis induciis frumentum & alia neceſſaria, quæ in longius tempus ſufficerent, arci infert, nec pacta ſervat. Calendarum Ianuariarum veſpera à ducibus Sueticis convivio exceptus, eos ipſis calendis iterum invitât, ſed exploſo ter tormento ad ferales epulas & velitationes, quibus utrinque non pauci conciderunt. Verum ut majoribus viribus & infeſtius adoriretur Suedos, auxilium rogat Danos, ſpe totius Gothlandiæ loco mercedis illis facta. Chriſtiernus itaque ingentem ei claſſem auxilio mittit, duce Olao Axelii, qui ut acceſſit, arcem ei tradit Ericus. A Danis in tutiora traductus, in patria tamen ſua Rugenvaldiam Pomeraniæ, ſenectutis & quietis ſedem eligit, in*

suadebant, & tunc
 propendebant :
sex annorum gub-
 desint, qui ante
 morant, de qua
 satis par videtur
 enim pro ejus
 potuisse. Quan-
 inficias iri quea-
 consulta de futu-
 de corona in ca-
 ex quorundam
 & spiritus pri-
 dare videbantur
 regem : quod su-
que artibus solius
suum Bened. Etus
sui aut alterius s-
 lutato Carolo
 persuasus à soc-
 regis juraret, &
 ret; occultato
 Carolus post se-
 cum senatu con-
Ericus haftenus
ganda : quod Ericus
unus non parum
tes indigenis mer-
militum classem
zio & Birgero T-
 alacritate suscipi-
 occasione, qua
 accepta vindica-
 ingressa esset,
 notis eos accep-
 pugna hoste in-
 gressi, VVisbu-
 ad Danos accidi-
 tem, ut au-

um eorum iuste & ex fide administraturum. Norvegi, tantam à Danis in electione Cristierni præteriti, Carolum anuti sibi quoque regem faciunt. Sed mox major pars, si facti poeniteret, seu à Danis ex decreto Halmstadiensis prætorii horum regnorum unione aliter persuasa, Christiernum regem præponit. Plebs tamen, præsertim regno mediæ vicinior, in fide Caroli manet, & Nidrosiam evoto solennia regni confert. Carolus duos regni præfectos Norvegico senatu Aslacum Turonis & Eduardum Musm constituit: duos, ut mutuo contuitu magis in officio & se essent. Sed cum crescente Caroli potentia simul invidia fcebat, in nonnullis etiam metus servitutis sub rege duos imperiis animum forsan elaturo. Arbogiam accitis pro-ibus, nonnullos ex istis, inter quos erat Magnus Grecus, Halmstadium ad conventum isthic indictum ablegat, in libera agendi quæ è re regni essent facultate expressa- e contestatione, ut uni parti ita satisfaceret, ne alteri hoc et fraudi. Quum ad dictum locum convenissent, rex Dacriminatur, ruptam à Carolo unionis legem non solum in Sue- , sed etiam Norvegiæ regno, Daniæ hereditario, per vim & idem, ut aiebat, occupato. Commonetque legatos, ut hac de & simul de lite inter duo regna ob jus Gothlandiæ decidenda, ne commoda belli avertendi pacisque stabiliendæ ratione cogitent. spondent legati: Pace fida & perpetua nihil ipsis regnoque prius optatius fore. Litem de Gothlandia iudicio intra annum finien- committi; è re videri. Si intra præfinitum tempus terminari non set, in conventu Calmariensi utrinque arbitri cognoscerent, & Gothlandiam certæ parti adjudicarent. Vi Carolus Norvegiæ jure Cristierno velut hereditario ejus Principi cederet, æquum videri. Sed si his actis Carolus subscribere nollet, se in Daniam ad custodiam reversuros. Ferunt quidam annales Svetici, tres & fortè tres ex istis legatis in occulto & à plurium conscientia secreto loco clam agitalse consilia cum Danis, ut alterutro re- in Sueciæ vel Daniæ defuncto, superstes crearetur, vel interrem- um esset, donec etiam alter obiisset. Interim respublica per regni- utum administraretur. Vtroque tandem vivis exempto, Halm- dii convenientes ex indigenis sibi regem sumerent, regni legibus stringendum. Inprimis actum est in secreto, de Carolo regia- le movendo, tanquam violatæ unionis reo, & nimis imperiose

H

seve-

dignitatem, usque dum ea lege, qua acceperat regnum, administrare recusabat; antequam ipse cum ignominia solio deturbaretur, regno excessit, & collecto quantum poterat opum, in Gothlandiam (unde postea sæpius infestabat mari Suecones) & Pomeraniam suam secessit, atque viginti annos privatus vixit: quum quadraginta duos annos tribus regnis præfuisset. Imperium satis diuturnum; sed honorificentius fuisset, si plus legibus regni, atque boni publici curæ, quam cupiditati suæ atque exterorum præfectorum avaritiæ ac libidini concessisset. Haud indoctus princeps erat, ut ejus annales Danici, etsi breves, loquuntur. Longis bellis multum exercitus, sed parum felix: quod ipsum etiam moderationis admonere debuisset. Tandem absenti regnum renunciarunt, quod vel præsens curâ suâ ac fide debuisse arguebatur.

CHRISTOPHORVS.

1441. **B**avarix dux, Erics, de quo prius, ex sorore nepos, à Danis ad capeffendum regnum inconsultis Sueconibus contra leges fœderis vocatus, his postmodò unicè commendatur. Quum enim id agerent, ut ab ipsis quoque rex cooptaretur, atque sic tria regna in unius fœderis, ut antea, fide permanerent, ejus virtutes impensè Suedis prædicabant. Qui, quamvis obnitendi causas haberent, tandem tamen inducti, ad servandam concordiam, præterque inter suos æmulationis malum tollendum, eum adsciscere decernunt. Carolus, ubi civium animos in Christophorum inclinare videt, nihil quidem eorum libertati in creando rege se detracturum præfatus, in mentem tamen illis revocat, quantis laboribus pro salute regni & statu reip. in tranquillum collocando defunctus esset, ex quo imperium accepisset, quantum æris alieni contraxisset: cui solvendo non esset, nisi meritum ejus æqua æstimatio haberetur. Iusta ejus postulario visa, responsumque, veluti desiderarat, ut laborum præmia, Finlandiam ad tempus vitæ suæ teneret. Ölandiam verò pro se & suis heredibus possideret, donec pro quadraginta millibus selibrarum argenti a Sueconibus redempta esset. Additum insuper, ne obligaretur ad hætenus actorum & administratæ reip. rationes cuiquam edendas. Mox legatos ad Christophorum emittunt in Daniam, qui capita à regni

regni senatu concepta jubentur insinuare regi: quæ si jure jurando, literis & fide sua firmare velit, cum in proximis comitiis Calmariensibus regem Suediæ renunciatum iri. Capita autem hæc erant: *Vt regni jura, privilegia & instituta illibata servaret; si leges quadam emendatione egeant, illas sua auctoritate confirmaret. Vt neminem in senatum admitteret, nisi Suedum. Vt arces & munitiones non nisi Sueonum fidei committeret, & præcipua munera iisdem cum consilio senatus mandaret. Census annuus & alia regni obventiones, pecunia publica & thesauri regno non exportarentur. Si necessitate sic exigente foris impensæ faciendæ essent, earum unâ cum residuis ratio à bonis viris redderetur. Omnia diplomata, documenta, codicilli & literæ ad hoc regnum pertinentes, quæcunque in Dania aut Norvegia reperiri possent, huic regno restituerentur. Gothlandia ad corpus regni Suediæ, cujus membrum olim fuerat, revocaretur. Suedi immunes essent à vefligalibus Bahusianis. Quidquid ex Russia ope trium regnorum armis subiici posset, id regni Sueciæ esset. Quæ ex facultatibus & prædiis absentium in motibus intestinis regni occupata essent, ut nunc possidentur, in posterum quoque possiderentur. Res monetaria & tributæ regni de sententia senatus constituerentur. Opem ferret illis liberandis, qui tempore Erici in Holsatia vel alibi bello capti essent. His legibus Christophorus ultro subscripsit in arce Halmiensi. Sed comitia ad vigesimum quartum diem mensis Iunii Calmariæ indicta, in Septembrem prolata sunt. Cujus initio rex, cessantibus motibus Cimbricis, qui eum remorati fuerant, Calmariam adventavit. Ante suum tamen accessum, cum Carolo Canuti, amicis literis Halmstadium accito, de arcibus & ditioribus Suediæ, quas tenebat, sibi tradendis, ut verisimile fit, actitavit. Sed quæ Senatus regni Carolo promiserat, omnia rata habuit. Eodem comite regnum ingressus, Calmaria Holmiam magali pompa deductus est. Antistes Vpsaliensis dextrum & Carolus Canuti sinistrum regis latus in ingressu claudebat. Auditæ sunt inter acclamationes & plausus vulgi voces, tanquam futuræ spei omen: *Carolus sceptro digniorem, quam Christophorum videri. Inerat enim Carolo proceritas corporis & gravitas eximia, à plebe æstimari sueta. Istæ voces ad aures regis perlatae, aliquantum ejus animum punxere. Sed temporis causa dissimulavit. Inauguratio regis stato die, loco & more fit.* 1442.*

In ea septuaginta viri bene meriti equestri honore ornantur. Regni administrationem aggressus, leges provinciales, ut vocant, à regni senatu legumque peritis recenseri & emendari fecit, quas autoritate sua stabilitas deinceps publicavit, & vi executionis animavit. Ius aulicum quoque in usum revocasse fertur, postea à Carolo Canuti & aliis regibus actum. Neglectâ Turcorum imperatoris filiâ, sibi in matrimonium, ex occasione legationis ad eum, oblatâ, ductaque Dorothea, Iohannis Marchionis Brandenburgici filia, censum, quem vel nuptiarum & dotis vel publico nomine civibus imperarat, aliosque regni thesauros ac proventus hinc asportare contra fidem datam conatus, ab inimico velut mari diris & exitio devota, naufragio omnia perdidit. Inde civilibus odiis cives se atterere cæperunt: quibus se infirmos adversus hostem, & viles regi reddebant. Christiernus Nicolai satrapa Carolum Canuti ob illatas sibi injurias, de quibus suo loco dictum, apud regem criminatus, omni ope nitebatur eum regis odio & potentium adversariorum insidiis obiicere. Et fecisset sanè, incrementis Caroli jam regi suspectis, nisi ipse Carolus adversus prævisa huiusmodi criminationum tela se cautè præmunivisset apud regem: qui ipsi jam ante indulserat, ne quisquam ob quæcunque ante acta cum eo jure experiretur, aut gestorum rationem ab eo posceret. Nec minus rex id compositò laborabat, ut eminentes mutuâ æmulatione committeret, & dissensiones inter illos foveret, ipsis magis quam sibi periculo futuras. Quum enim animadvertisset, non paucos nobiles viros munera & beneficia regni absque discrimine affectare: quin nonnullos tam avidè bonis aliorum inhiare, ut amici amicorum, filii parentum, propinqui cognatorum adhuc superstitum fortunam sollicitarent, & alienæ possessioni per quascunque artes obreperent, ruenti cupiditati sponte frenos permisit: si fortè, ut præ se ferebat, vel patientia Principis, vel illorum satias aut pudor eos retinere posset. Sed quum hac via parum promoveret, nundinationem quandam beneficiorum, certò pretio dictò, sibi minimè decoram, subditis gravem instituit; prætexto, ut eos ab immodica petendo pretii magnitudine absterret. Itaque diploma, quo prædium alicui jure clientelæ impertiebatur, viginti aureis, quos nobiles

les vocant, ex Cancellaria redimendum erat: quorum dimidium rex ipse capiebat, reliquum procurantibus & scribentibus literas cedebat. Ita factum, ut impensa sæpe ipsum prædii pretium, uti tunc tempora erant, æquaret, aliquando excederet. Ab competitoribus ergo largitione passim certatum est: ut qui hic vincere aut paria facere possent, in idem sæpe beneficium, mox alteri concessum, velut communem prædam concurrerent, unumque fieret plurium, quod ne uni quidem, quippe tanto emtum, multum prodesset. Aut si forsan aliquando prodesset, tamen rixarum materia erat: dum in re communi juris & meriti vel æqualitas vel præstantia à singulis obtendebatur. Contra, qui primi possessionem adepti erant, aliis, etsi ejusdem temporis competitoribus, anteponi postulabant. Quin multi per lites & contentiones suas, tandem auro, prædiis & omni possessione devolvebantur. Crebris excursionibus & itineribus ita fatigasse & exhaustisse agricolas in nonnullis annalibus proditur, ut miseri coloni ad cibi penuriam redacti cortice ex arboribus in farinæ similitudinem subacto vitam ægrè tolerarent. Inde sibi cognominis *Regis Corticei* locum fecit. Etsi potius, uti rectè judicat Ericus Vpsaliensis, annonæ charitas in pænam & regis & subditorum divinitus admissa fuerit. Quum subditi obsecrassent, ut cohiberet insolentiam hominum Erici regno exuti, qui piratica sua non leve damnum & calamitatem Svecicis navibus Gothlandiam transeuntibus inferebant, irrifui rem habuit, dicens: *avunculo suo aliquid concedendum esse, unde vivere posset*. Quin Anglorum naves ipse prædationibus divexavit & interceptit: quarum spoliis ditatus, bellum parabat adversus VVandalicas civitates ex avita similitate, & quod illarum auspicio Vitalianorum classis, VVismariâ solvens Bergas in Norvegia, cujus ipse quoque rex erat, diripuerat, quum in Daniam ad capeffendum regnum iter faceret. Inprimis Lubecæ arma intentabat: ad cujus expugnationem reliqua minora oppida facilius fortunæ cessura sperabat. Ceterum ponderatis, ut cautum decebat, non solum suis, sed etiam hostium & scederatarum civitatum opibus, aperta vi non laceffendum hostem arbitrat, dolo egit. Armata nimirum quinque millibus militum classe, transitu à Lubecensibus petit, specie sacri voti in veteris

Marchiæ

Marchiæ oppido, VVilsenaco exsolvendi. *Se amicum ipsi venturum, militem non alia causa secum ducere, quam se defendendi adversus vicinos Principes suspectos proposito.* Lubecenses, quibus astus suboluerat, & alias sciebant, natura fere inter se inimica esse liberas civitates & reges, ei transitum negant. Interim tamen milites quosdam à Christophoro habitu mercatorum emissos, qui magnam vim armorum in doliis specie vini occultaverant, domi secum ignari habebant. Misit itidem ad VVismarianos, Stralsundenses & Rostochienses de transitu. Quem illi civiliter denegarunt, Rostochienses permiserunt. Incendio fortè noctu Lubecæ suborto signoque dato, ad opitulandum occurrunt cives. Ad idem signum isti personati mercatores Christophori, suspicantes à regis emissariis ignem tectis injectum, aut ad occasionem animum adversuri, armati præsto sunt. Rogati, *quid arma pacatæ urbi inferant?* respondent, *se militarium ludorum causa isthæc gestare.* Sed suo se indicio ipsi arguentes ac temerè prodentes, ut dolus sua tandem arte irretitus teneri solet, illicò urbe excedere & alibi meditationes suas militares exercere iussi sunt. Ita incepti irritus rex in Daniam cum classe sua regressus, inter Gothlandiam & Calmariam grave naufragium patitur, ut vix ipse scaphâ evaderet. Quod divinæ in sædam regis libidinem, cujus insimulabatur, iræ argumentum fuisse existimatur. Bavaros suos nonnullis arcibus regni præfectos, ad monitum procerum, invitus removit. De quibusdam regni

1448. negociis Ienecopiæ cum proceribus consultaturus, subito morbo correptus, Helsingburgi supremum diem explevit. Quidam perhibent cum in Dania, in compensationem expilationis & evectorum Suediæ bonorum, ingens legatum Suediæ regno supremæ voluntatis tabulis reliquisse; quæ tamen in lucem prolatae non sunt. Ab excessu regis, interregni tempore Benedictus à Salestad & Nicolaus à Diursholm regni administrationem tenuerunt: quorum curam & fidem jam antea probarat Christophorus; quippe vicem suam eos fangi iubens, quoties regno abesset.

IOHAN.

JOHANNIS LOCCENII HISTORIÆ RERUM SVECICARVM

LIBER IV.

CAROLVS CANVTI

Christophoro defuncto proximè surrogatur, exterorum 1448.
regum tædio. Sed prius inter proceres & populum ingenti contentione de quærendo idoneo patriæ rectore disceptatum est. Benedictus Ionæ, & Iohannes ejus filius præsul Vpsaliensis, episcopus Strengnensis alique dissertabant, ad securitatem reip. conscientiam singulorum & famam posteritatis pertinere, ut novus rex non nisi de communi sententiâ trium regnorum, ex lege fœderis adscisceretur. Si tamen insuper habito fœdere, sibi seorsim consulere placeat, saltem celeribus abstineant consiliis: quæ facilius reprehendi, quam revocari possint. Tantum profectò negotium, in quo patriæ salus, si bene, vel perniciës verteretur, si male cederet, haudquaquam calidè ac properè agendum esse. Alii verò, quorum principes erant Carolus Canuti & Ericus Benedicti, contendebant, electionem regis, quo tardius procederet, hoc majori discrimini reip. fore: tot oculis animisque in hanc spem aut cupiditatem domi forisque intentis. Nec opus esse alia suffragiorum, quam hujus regni procerum expectatione; quum Dani jam contra decretum unionis fecerint, atque, non habitis communibus comitiis, nec consensu Sueonum desiderato, sibi primas imò solas eligendi partes sumserint, & Christophorum ex Bavaria ad regnum evocarint. Præterquam quod ista trium regnorum societas magis incommodo quàm usui Suedis fuerit; externis regibus ejus leges temerè violantibus. Hæc cum tanto animorum ardore ab illis agitata sunt, ut à verbis ferme ad manus & rem duello disceptandam perventum fuisset. Eorum tamen sententiæ obtinuerunt, qui ab unionè dicta discedendum suadebant:

suadebant, & tribus in electione positis, in Carolum Canuti propendebant: *quod non vulgaribus ante experimentis, & nuper à sex annorum gubernatione se dignum imperio fecisset.* Quamvis non desint, qui ambitu & corruptione suffragiorum elatum memorant, de quo tamen nihil in annalibus Sueticis. Nec fidei satis par videtur, cum sexaginta sex virorum suffragia, tot enim pro ejus electione numerabantur, simul corrumpere potuisse. Quanquam cum regni cupidine ductum, non planè inficias iri queat: si vera sunt, quæ feruntur, aniculæ ab ipso consultæ de futuro rege responsum, & infantis prodigium de corona in capite ejus conspecta. Si verò hæc pro næniis ex quorundam mente habenda sint, tamen publica merita & spiritus privato majores eum vel tacitè regno commendare videbantur. Ioannes præsul Vpsaliensis indignans hunc regem: *quod suæ familiæ parum amicus esset: quod solo favore suisque artibus solum adscendisse exprobraret; & anie ceteros patrem suum Benedictum, virum constantem & expertæ fidei, vel alium sui aut alterius sanguinis ad hoc fastigium extelli præoptasset,* insultato Carolo discedit. Sed mox mutata mente revertitur, persuasus à sociis, ut cum reliquis regni proceribus ir fidem regis juraret, cumque Vpsaliæ Julio mense incunte coronaret; occultato tamen magis in præsens, quam exuto odio.

1449. Carolus post solennem inaugurationem Holmiam ingressus, cum senatu consilium habet de Gothlandia, quam exclusus rex Ericus hætenus tenebat, recuperanda. De piratica isthinc profliganda: *quod Ericus jam per novennium ex hac insula Suedorum fortunas non parum accidisset; & nuper adeò septem naves Stocholmenses indigenis mercibus onustas intercepisset.* Decernitur, bis mille militum classem adversus Ericum armare, ductoribus Magno Greonio & Birgero Trollio. Milites hanc expeditionem summa cum alacritate suscipiunt; & cives sibi gratulantur de illa die & occasione, qua suorum tot injurias & detrimenta ab Erico accepta vindicarent. Quum dicta classis portum Flevanicum ingressa esset, militesque in terram exscendissent, quamvis hostis eos accessu strenuè prohiberet, una tamen alteraque pugna hoste in fugam verso, littore potiti sunt. Vnde progressi, VVisburgum circumfederunt. Horum rumor ut ad Danos accidit, mittunt ad Carolum in Glandia tunc hærentem, ut auxilia pro re suis ex propinquo quidem submittat, sed copias

*copias suas ex Gothlandia domum revocet, neque armis laceſſat. Eam enim à VValdemaro tertio debellatam, & à Margareta redemptam, quum ab Alberto Boruſſiæ magiſtris oppignerata eſſet; Danicæ non Sueticæ ditionis eſſe. Si contra faciat, Chriſtiernum regem ſuum armis injuriam ulturum. His Carolus reſpondet: Gothlandiam ad Suediæ ditionem ex uſurpato veteri jure pertinere, & nuper nomine publico atque pecuniâ Sueonum à Margareta redemptam eſſe. Idcirco ſe legē regni & fide juramenti patriæ præſti ad armis repetendum regno ademta, ſi aliter nequeat, obſtringi. Irent ac renunciarent ſuis, ſibi revocandi milites conſilium animumque non eſſe, antequam Gothlandiam in poteſtatem regni Suediæ redegiſſet. Hoc reſponſo accepto viſum eſt Danis expedire adverſus Succos & pro tuenda Gothlandia juſtum exercitum, auſpicio Chriſtierni I. Dum in his ſunt, Sueci urbis VViſbyenſis obſidionem aggrediuntur. Ericus cum ſuis diu irruptionem obſidentium ſuſtinet. Sed deficiente paulatim comœatu, civibus urbem tuendam demandat, ipſe in arcem, ut tutius perſugium, concedit. Oppidani oppugnantium laboribus & excubiis fracti remittere paulatim animos, & ſolutiori cura in cuſtodiendis munitiōibus eſſe. Quod ubi Suedi animadvertunt, ſibi vigilandum & occaſionem rapiendam exiſtimantes, ſcalis noctu clam admotis in mœnia eniſi, urbem invadunt. Eodem impetu cœpiſſent arcem, niſi duces, in primis Magnus Greenius, induciarum imagine decepti fuiſſent. Ericus enim deſtitutus paulatim arcis quoque comœatu, pacificitur cum Suedis armorum ferias hac lege: *ut illis traderet arcem VViſburgum, ſibi retineret Bornholmiam & Glandiam, quoad viveret.* Obſentis induciis frumentum & alia neceſſaria, quæ in longius tempus ſufficerent, arci inferit, nec pacta ſervat. Calendarum Ianuariarum vesp̄era à ducibus Sueticis convivio exceptus, eos ipſis calendis iterum invitāt, ſed exploſo ter tormento ad ferales epulas & velitationes, quibus utrinque non pauci conciderunt. Verum ut majoribus viribus & infeſtius adoriretur Suedos, auxilium rogāt Danos, ſpe totius Gothlandiæ loco mercedis illis facta. Chriſtiernus itaque ingentem ei claſſem auxilio mittit, duce Olao Axellii, qui ut acceſſit, arcem ei tradit Ericus. A Danis in tutiora traductus, in patria tamen ſua Rugenvaldiam Pomeraniæ, ſenectutis & quietis ſedem eligit,*

in

In eoque otio demum anno millesimo quadringentesimo quingagesimo decessit. At Suedi à Carolo rege obsidionem arcis continuare iussi, parati erant arma non nisi cum vita aut arcis deditioe ponere. Nihilo minus à Danis armorum cessatione vel inducijs iterum delusi sunt: ut mirum sit, ad istum non semel saxum eos retulisse pedem. Sed autoritate Greenii moti, ne quidem contra hiscere audebant. Eius tanta securitas erat, ut castella & propugnacula solo æquaret, *his*, negans, *opus esse: quum per inducias nihil hostile metuendum sit*, quasi post exigui temporis otium, bellum non redditurum esset. Hac re Magnus etiam suspectæ fidei habitus est. Induciarum hæc conditio erat: *ut Sueci urbem VVithbyensem & insulam Gothlandiam uti possidebant, possiderent; Dani verò arcem urbis. Interim arbitros mittendos, qui jura partium cognoscerent & diiudicarent.* Ita Christiernus præsidijs & commeatû arcem munit, suasque copias contra datam fidem adversus Suedos urbem insidentes educit. Haud segniter hinc inde pugnabatur, sexcentis Danorum primo conflictu cæsis. Christiernus igne urbi immisso, compellit Suedos, castellis jam à Greenio destructis, ut ante dictum, in munitiores domos lapideas se recipere: ex quibus masculè se defendentes, subeunti hosti non levem dedere stragem. Hic Danicæ historiæ scriptores tradunt, Danos muro perosso, nullo hostium se movente, irrupisse & facili negotio urbem occupasse, cæsis insuper mille octingentis, aliisque captis. At Suetici annales ferunt, Danos quum animadvertissent Suedos dictis ædibus absque magno periculo & labore exigi non posse, cum eis hac lege pactos esse: *ut cederet Gothlandia Danis, factis inducijs à die S. Martini ad annum usque. Interim ad comitia die VValburgis indicenda destinandos utrimque duodecim ex Senatu, qui de jure Gothlandiæ aliisque controversiis inter duo regna pronuntiarent.* Hæc utrinque à delectis ex senatu Suetico & Danico subscripra sunt, & Gothlandia Danorum ditioni, quamvis sub certa conditione, tunc accessit; cujus præfectura cum insulæ usufructu Olao Axellii pro viginti mille scilibris argenti mutuò acceptis, ut volunt, pignori à Christierno rege Daniæ data est. At Carolus majoris fortunæ momentis intendit animum, & ad Norvegos mittit postulatam, ut se sumant ex lege fœderis regem, se regnum

num eorum iuste & ex fide administraturum. Norvegi, tanquam à Danis in electione Christierni præteriti, Carolum Canuti sibi quoque regem faciunt. Sed mox major pars, seu facti pœniteret, seu à Danis ex decreto Halmstadiensi de arctiori horum regnorum unione aliter persuasa, Christiernum regem præponit. Plebs tamen, præsertim regno Suediæ vicinior, in fide Caroli manet, & Nidrosiam evocato solennia regni confert. Carolus duos regni præfectos ex Norvegico senatu Aslacum Turonis & Eduardum Muscam constituit: duos, ut mutuo contuitu magis in officio & fide essent. Sed cum crescente Caroli potentia simul invidia gliscebatur, in nonnullis etiam metus servitutis sub rege duobus imperiis animum forsan elaturo. Arbogiam accitis proceribus, nonnullos ex istis, inter quos erat Magnus Greenius, Halmstadium ad conventum isthic indictum ablegat, cum libera agendi quæ è re regni essent facultate expressaque contestatione, ut uni parti ita satisfaceret, ne alteri hoc esset fraudi. Quum ad dictum locum convenissent, rex Daniæ criminatur, ruptam à Carolo unionis legem non solum in Suediæ, sed etiam Norvegiæ regno, Daniæ hereditario, per vim & fraudem, ut aiebat, occupato. Commonetque legatos, ut hac de re & simul de lite inter duo regna ob jus Gothlandiæ decidenda, deque commoda belli avertendi pacisque stabiliendæ ratione cogitent. Respondent legati: Pace fida & perpetua nihil ipsis regnoque prius & optatius fore. Litem de Gothlandia iudicio intra annum finiendo committi; è re videri. Si intra præfinitum tempus terminari non posset, in conventu Calmariensi utrinque arbitri cognoscerent, & Gothlandiam certæ parti adjudicarent. Ut Carolus Norvegiæ jure Christierno velut hereditario ejus Principi cederet, æquum videri. Quod si his actis Carolus subscribere nollet, se in Daniam ad custodiam reversuros. Ferunt quidam annales Svecici, tres & fortè plures ex istis legatis in occulto & à plurium conscientia seducto loco clam agitalle consilia cum Danis, ut alterutro regum Sueciæ vel Daniæ defuncto, superstes crearetur, vel interregnum esset, donec etiam alter obiisset. Interim respublica per regni senatum administraretur. Vtroque tandem vivis exempto, Halmstadii convenientes ex indigenis sibi regem sumerent, regni legibus obstringendum. Inprimis actum est in secreto, de Carolo regia sede movendo, tanquam violatæ unionis reo, & nimis imperioso

severèque agente. ut arces & munitiones regni de sententia Senatus attribuerentur, quorum fidei placeret. ut codicilli conscriberentur, regni senatorum manu & sigillis firmandi, in quibus obstringerent Carolum ad certas leges, quibus si subscribere recusaret, ab ejus fide discederent, & regi Christierno regnum Suediæ dictis legibus deferrent. Hoc consilium quum Nicolaus Ionæ cuidam episcopo sub jurata silentii fide detexisset, episcopus animo perplexus quid hîc sibi faciendum esset, tandem elegit rescindere potius juramentum Nicolao præstitum, quam fidem regi datam: in tanto præsertim negotio, quo regis salus & existimatio periclitaretur. Vbi conventum erat Arbogam, episcopus aperuit regi occulta machinationum adversus se structarum. Rex admiratus, tam perfidè secum egisse, quos pro optimis amicis habuerat, & magnis sibi regnoque beneficiis devinxerat. Vt tamen tantisper dissimularet, donec se ipsos fortè & molitiones suas architecti earum indicarent, præsul regem rogabat. Rex hoc fecit. In comitiis Arbogensibus de gestis Halmstadii percunctatus, ubi ab oratoribus, quæ vellent, accepit, inprimis de pace & controversiæ de Gothlandia finiendæ modo, rem in consultationem mittit, & num isthæc rata sint habenda. quod visum plerisque: quum de existimatione & libertate legatorum hîc agatur; ne, si ad irritum res cadat, fædæ custodiæ in Dania ex pacto oratores mancipentur. Saniore verò non dubitabant, hæc suo periculo fecisse legatos, quæ contra mandatum & in fraudem dignitatis publicæ & regiæ fecissent. Licet enim illis permissum esset è re Consulere, tamen hac lege, ne alterutri parti esset fraudi: ut erat regi cessio regni Norvegici. Illa tamen rex, ne statim nudaret animum, cum reservatione sui juris, ex parte confirmabat. Posterius verò & occultius illud consilium, de quo supra, studio celabant oratores, donec prius suæ securitati consuluisent. Rex etiam animum regens, quasi hujus rei scenam planè ignoraret aut non intelligeret, interim singulorum erga se affectum callidè eliciebat: si seipsos forte proderent. Tandem cum se conscii sive odio adversus Carolum, sive securi suæ potentiæ & salutis, se satis manifestos fecissent, Carolus ira accensus, palam increpitare eos, negotium regni malâ fide administrasse. Plagas sibi positas, quibus vel incautus ab inimicis includeretur, regnoque depelleretur. Sibi tamen repertam viam hæc plagas vel percurrerem.

pendi, vel commodè se illis explicandi. Post ad conventum Calmariensem sibi addictos evocat novoque sacramento obstringit, præteritis suspectis: quorum vires & animos ut minueret magis quam accenderet, modicè in eos animadvertere contentus erat. Prædia quibus abstulerat, mox deprecantibus restituit; aliàs parcus in iis distribuendis. Nihil muniendo sibi ac Principatui necessarium omittens, duo mille corporis custodes adsciscit. Arces suspectis adimit, & in alios, quos sibi magis fidos credebat, transfert. Nicolao Ionæ arcem Örebroensem & mox Nicopensem, Magno Greenio Aboensem, quos pro principibus istius factionis habebat, aufert. Hoc indignè ferentes quidam magnatum, & sibi simul metuentes, hinc ansam ad Christiernum transeundi cepere, quorum præcipui erant Magnus Greenius, Benedictus Ionæ, Tycho episcopus Scarensis, Gustavus Olai, Gustavus Laurentii. Comitia hac tempestate Vadstenis 1450. habita sunt, in quibus de jure Gothlandiæ inter duo regna Svediciæ & Daniæ, sed nullo fructu disceptabatur: quolibet regno suum jus tuente. Eodem modo postea Calmaria. Christiernus rex Daniæ quærens quomodo potentia Caroli tam vicina non nimis prope se invalesceret, ubi justæ aperti belli causæ deficiunt, absque ullo præmissæ hostilitatis indicio, excursionibus quocunque obtentu & populationibus variis atterere eam conatur. Carolus ad vim pellendam haud segnis, ingenti exercitu collecto, Scania, Blekingiæ, & Hallandiæ vastitatem facit. 1452. Hac re magis laceffitus Christiernus cum infestis tam Danorum quam exterorum copiis Gothiam occidentalem invadit & diripit, Ladosiensem portum & arcem occupat. Duo fratres prope Ladosiæ unum prædium inhabitantes, à Danis militibus pro certa pecuniæ summa prædii & fortunarum suarum incolumitatem paciscuntur. Mox solutâ pecuniâ, nihilominus prædantur colonos insolentes milites. Sed fratres cum aliquot sociis eos insequuti ad Cattungam, in insidiis se locantes, septuaginta circiter transeuntes occisione occidunt, & cadaveribus exspoliatis damnum abundè resarciunt. Hoc præludium erat majorum insidiarum, quas Carolus Christierno ex occidentali Gothia in orientalem contendenti paravit in nemore Holevedia; per quod illi cum exercitu trans-

eundum erat. Quamvis enim accepto nuncio de irruptione hostis etiam Holmiæ per mare imminentis, ad eam tutandam recurisset; tamen à tergo reliquerat Ericum Nipertum, qui iusto cum exercitu hosti occurreret. Dum ergo Christiernus ad dictam silvam Holevediam accedit, insidias isthic veritus, præmittit levis armaturæ cohortes cum ducibus locorum gnaris viam prætentaturis. Sed hi non satis circumspicis latebris, insidiarum dolo circumventi, & trecenti cæsi sunt, reliquis captis. Hac hostium clade magis in spem erectus Carolus, ut occupata à Christierno Vestrogothiæ castella quoque recuperaret, cognatum suum Tordonem Bondium, virum bello strenuum cum expedito peditum agmine istuc mittit. Hic ut hosti se subito superfunderet, per avia silvarum & montium militem suum raptim ducit, noctuque hostem inopinato opprimit, & ingenti prædâ partâ, Ludosiam recuperat. Opportunè Carolus fortunæ insistent cum suis copiis Bondio succurrit, & alias quasdam istius loci arces, Axevaldiam & Rombloburgum, profugis in Daniam Turone Turonis & Krummedicio earum custodibus, in fidem suam recipit & præsidiis munit. Boondius etiam isthic limites firmat, castellis in Norvegia Billingsburgo, Guldburgo & Danaforghio exstructis. Quosdam Norvegorum hoc impedire studentes & munitiones ejus ter mille militum à Christierno, duce Torberno Gastio, submissorum manu oppugnantes per trecentos suorum insidiis circumvenit & sternit. Ob hæc & alia merita regni Marscus, ut vocant, à rege creabatur. Sed postea noctu in lecto à suo ministro Iusto Boethii, injustissimo sicario, conductâ ejus opera à Danis, ut quidam suspicantur, dum ad Danos perpetrato scelere transfugit, nefariè trucidatus est, indignaque morte periit. In conventu Holmensi reconciliatus est præsul ejusque socii cum rege Carolo. Licet isthæc amicitie reintegratio non diu steterit, hærente in animis odii fomite. Monetæ domesticæ instauratio facta est, derogata æstimatione majori æquo peregrinæ. Officinæ monetariæ apertæ sunt Holmiæ, Aboæ, Sudercopiæ & Calmariæ. Ne deficeret isthic argentum, vetus institutum renovatum est de permutanda ab exoticis mercatoribus argenti selibra pro minoribus numis ad æstimationem mercium qua-

quadraginta marcarum. Christiernus acie contra Succos non multum lucratus, atque si sibi ipsi consentiant, haud faciles debellatu expertus; novum genus expugnandi reperit, non pugnare. Incolas enim regni, præsertim qui in limite habitabant, absque suorum discrimine & ullo cruore, vel adversus se invicem concitat, vel vario belli rumore minisque è propinquo terret atque turbat; auxiliis contra Suecicis è longinquo, quoties opus esset, non absque magna difficultate & itineris labore in regni fines adductis. Atque sic in armis subinde colonos esse cogit; qui tamen armatum ex adverso hostem magis expectabant, quam experiebantur. Haud alio equidem animo rex eos dictis modis ludebat, quam ut longo tædio perpetuæ belli formidinis, transitu ac receptu militum fatigati, opibusque exhausti, tandem ipsi nullo negotio in prædā concederent; aut fastidio rerum suarum, à Carolo ad ipsum deficerent, & ad communis fœderis legem redirent. Quam spem ei injiciebat præfectorum Caroli sævitia & inexplibilis avaritia, in agricolis pro lubitu vexatis, & pecuniis arte mala elicitis, aut vi exortis. Profusionem largitionum à priscis Suediæ regibus in sacros usus destinatarum cohibere tentabat; quod illa regni facultates non parum diminuerentur. Sed ea re non levem sibi invidiam apud sacrum ordinem creavit. Ita alienatis subditorum animis & quibusdam magnatum studio in Christiernum inclinioribus, invitantem fortunam amplexus Christiernus, Danholmia Scaniæ adversus irruptiones Sveconum munita, jam seriò rem agit, Elfsburgum expugnat, Ölandiam per Greenium occupat, inferioris Suediæ magna parte suæ potestatis facta. Privatæ mox & publicæ machinationes etiam domi adversus Carolum oriuntur. In nuptiis Nicolai 1457. Sturii, quas rex suis impensis faciebat, officinæ monetariæ præfectus, ab aliis conductus, an desperans solutionem ingentis æris alieni, quo regi ad quatuordecim mille selibras argenti obstrictus erat, eidem tendit vitæ insidias, communicato prius cum præfule consilio: quem sciebat regi insensum esse. Præsul tamen hîc odio seposito & verecundiâ hospitalis mensæ, sicarium à cruento incepto deterret, monetque, si quid adversus regem moliendum sit, præstare palam in acie vel campo experiri, quam sacra nuptiarum & mensæ regis sanguine fœdare.

Mox dictis fidem ipsa re confirmavit. Quum enim peractis nuptiis præsul à rege petiisset resarciri sibi damnum navium suarum in bello Danico amissarum, rex in iram verbis exiit, atque se ei quidquam debere negat. Mox tamen animo sedato, arbitris ex senatu rem diiudicandam committit. Qui quum negotio discusso secundum præsulem pronuntiarent, indigno istud animo rex ferens, iudices non ex æquo & bono, sed privato studio sententiam tulisse arguit. Inde offensis animis discedunt. Sed rerum prudentes hinc tumultus mox erupturi semina prævidebant: qui nec diu absuit. Dum enim Carolus expeditionem militarem in Gothiam edicit ad recuperandum Ölandiam & alia à Danis occupata, præsul conditum hætenus odium palam exserit; cujus has ferebat causas: Pro indignissimo habebat, Carolum, quum adhuc regni administrator esset, in vincula conjecisse avum suum maternum; & præfectura insuper dimovisse; de quo jam suo loco dictum. Quum pater archiepiscopi Benedictus in comitiis Holmensibus, ubi agebatur de novi regis electione, trium regnorum societatis legibus hic strictè standum esse urxisset; contra disceptasse Carolum, omnibusque modis laborasse, ut posthabita fœderis istius ratione, sibi dignitas regia conferretur. Eundem patruo antistitis Nicolao ob suspicionem male administratæ legationis Halmstadiensis arcis Orebroensis præfecturam ademisse. Denique Carolum regia potestate insolenter & pro lubidine uti. Huc respexisse videtur Ericus Vpsaliensis, ubi præsulem se de omnibus, non absque rationum momentis, & multis approbantibus, excusasse scribit. Quamvis tamen ille postea aliter judicet. Postquam omnis multitudo ex regis edicto ad militiam evocanda esset, præsul patientibus literis de expeditione adversus hostem à rege specie amicitiae impetratis astutè pro se utitur; & populum Vp-landicum, quem ad regem in Gothiam prægressum mittere iussus erat, aliosque sibi conciliatos & collectos ex occasione & obtentui sumtis populi querelis de crudelitate & avaritia præfectorum Canuti, quam vindicaturus esset, contra istos præfectos, & ipsum tandem regem armat; uti rex postea exul in suis ad ordinem sacrum Vpsaliensem literis expostulat. Hic etiam Christiernus secundas partes agit, & classe in Finnoniam per Magnum Greenium transmissa, VVibur-

VViburgum capit : ut sic binis regni limitibus ad Ölandiam & VViburgum occupatis , inter utrumque medios facilius comprehenderet. Archiepiscopus cöpiis ex Dalia & Vplandia coactis, præfectum Caroli Haqviniū Svenonis vi capit, & in arce Salestadia custodiæ tradit. Inde consilio cum suis communicato ædem Vpsaliensem ingressus , & sacram vestem indutus , in conspectu collegarum ad altare summum in genua procumbit, precesque fundit. Mox surgens, sacram vestem, omnibus stupore defixis, ponit, armis se devovet & personam militarem induit, negatque se prius exuturum votivum obligatumque virtuti militari habitum, quam turbatum à Carolo regni statum in tranquillū redegisset. Postridie codicillo ad valvas templi affixo, publicè fidem & obsequium Carolo renunciat, eumq; hostem proclamat. Hoc animo perterritus ad regias villas & prædia exspolianda, populumque in suam fidem adstringit. Hinc Enecopiam & Arhosiā ire pergit, ubi quoque civium animos, Caroli pertæsos, sibi obsequentes reddit. Carolus de his certior factus, ex orientali Gothia cum mille quadringentis equitum & trecentorum peditum agmine citato, Nicopiam & inde Strengnessiam advolat, spē præfulem improvīsō aggrediendi. Sed ille jam ad famam adventus ejus in expedito stans, haud cunctanter occurrit Carolo, ac prima luce eum cum suis Strengnessiæ occupat. Vbi in tumultuario congressu rex corpore vulnerato, sed animo magis faucius se in fugam illicō dabat. Præsul fugientem ē vestigio Holmiam insequitur, ut recenti clade perculsum ocyus debellet, & suo eum meru vincat; certè non spatium ad nova consilia viresq; instaurandas relinquat. Castra ad Holmiam ponit, & obsessō æquasque deditionis leges frustra offerenti magis magisque instat. Quum hic nequicquam opem exspectaret, nutantibus & discordibus civium animis, multis etiam in archiepiscopum ad motum fortunæ inclinantibus, præterquam quod tot potentium invidia sibi passim in regno omnia intuta atque infesta faceret, urgente fato abitum parat, & noctu clam thesauro regio Franciscanis credito, & quidquid potest præsentis pecuniæ rerumque migratu faciliorem in navem illato, præter omnium expectationem, nono regni sui anno, Gedanum discedit. Casimirus rex Poloniæ, cum quo vetus ipsi consue-

fudo fuerat, hospitem perbenignè accipit, arcemque in confinio, ut quidam volunt, ad vitæ adminicula concedit. Non illud silentio prætermittendum, quod, quum Carolus Gedani in cœnobio Olivensi cum rege Polonorum Casimiro Latine loquutus esset, quia Polonice nesciebat; nec ipse rex per se vel aulicorum quemquam, nisi per monachum Latine respondere posset, effecit Carolus, ut Casimirus pudore ex imperitia istius linguæ non tam sui quam ministrorum causa victus (quem tamen pulchrè postea ultus est) Latinarum & humaniorum literarum studium suis, si provehi ad honores vellent, publico edicto mandaret. Ex eo tempore magis quam antea non solum plurimi ex vulgo degustare literas contenti fuere: quod hodieque frequens est in isto regno; sed civium quoque & nobilium filiis Romanæ atque prudentis eloquentiæ studium fuit insigne. Quin & hodie in ista repub. iisdem gradibus ad primas dignitates adscenditur; & genere clari non alia ratione magis quam eruditione & meritis in patriam extolluntur. Sed à brevi excursu in viam. Stocholmenses comperto Caroli abitu urbem & mox arcem, cuius præfectus erat Olaus Drakius, præfuli dedunt. Fama huius rei quotquot magnatum aut nobilium in Daniam ob domesticas tempestates concesserant, ab exilio in patriam revocavit, inprimis Benedictum episcopum Scarensem, Magnum Greenium, Turonem Turonis, Gustavum Olai, Gustavum Laurentii, aliosque: qui sub Christierni patrocinio hætenus latuerant, & nunc velut ad mitiorem auram evolabant.

CHRISTIERNVS I.

1457. Præfulis & quorundam procerum regni consiliis & studio, non universi senatus populi que consensu, vivo adhuc Carolo ad Sueciæ regnum evocatus, absque cunctatione accedit, & his legibus Holmiæ inauguratur: *Ut regni jura & instituta conservet. Ut cuique suæ possessiones, ubicunque sitæ, salvæ sint. Ut ablata coronæ confestim restituantur. Ut jus Gothlandiæ Suedis integrum sit. Ut lis de vectigalibus ad Båhusiam dirimatur. Ne rex ad se ullo titulo transferat possessiones nobilium. Ne oppigneret aut quocunque modo alienet, vel regno efferat bona regni. Ne illegitima onera subditis imponat.* His scripto & juramenti fide firmatis, imperium accipit; & inde revertitur in Daniam. Postea huc regressus, imperium quidem

quidem bene administrare cæpit, sed in progressu inclinavit. Quippe post biennium, gravibus tributis Suecones oneravit, regni opes in suum usum corrasit, undecunque poterat, ex ærario, templis, cœnobiis. Thesaurus quibus incumbabant Fratres prædicatores à rege Carolo sibi commissos, ab iisdem Christierno metu offensæ aut spe gratiæ detectos, septem vasis inclusos in Daniam contra datam fidem asportavit, magna- que ejus parte Holsatiæ Ducatum à Comite Scovvenburgensi Ottone & Gerhardo emit. Hac re non levi invidiæ populo esse cæpit, ut, quod opibus impleri non posset, eum vulgò *bulgam fundo carentem* appellarent. Quum rumor exivisset de Carolo Canuti, quod magnas in Borussia & Polonia copias colligeret, quas in Sueciam ad recuperandam amissam potestatem ducturus esset, suspecti veluti clam cum Carolo adversus Christiernum facientes, in vincula coniecti sunt, Claudius Ryttingius, regis Caroli Cancellarius, Nicolaus Petri, Orianus, Carlsonius, Steno Benedicti & alii. Pars quæstionibus subiecti & ad necem torti: ut, quod ignari erant vel innoxii crimine, tamen faterentur. Pars aliis modis vexati, valetudinis suæ jacturam non absque civium dolore fecerunt. Postquam rex novum tributum præsulis, ut nonnulli volunt, consilio iterum imposuisset subditis, & mox inde in Finnoniam iret, archiepiscopum, qui regis absentis vicem obibat, jusserat illud per suos exigere. Sed archiepiscopus, plebem ea causa tumultuantem sedare an sibi conciliare quærens, seu ut ejectionem opum extra regnum impediret, hoc tributum propria auctoritate subditis remisit. Vnde regis offensam contraxit, ejusque proditor à Danis appellatus est. Accedebat quod delatoribus & inimicis frigidam sustinentibus, & odio in præfulem asperato, multorumque civium erga Carolum desiderio nondum extincto Christiernus in se quoque metuebat, quod in Carolo ejecto expertus erat. Itaque præsul, frustra deprecante & fidem interponente Catillo Lincop. episcopo, ejus ex forore nepote, à rege jussus est in Daniam abduci & vinculis tradi regiæ dignitatis author. Sed piæ mentes judicabant *hoc evidens pænæ divine in præfulem exemplum: qui, quamvis cetera vir cordatus & generosus, tamen hic extra regiones officii sui temerè ruens, arma, qualia ipsi credita non essent, sua auctoritate contra suum regem ambizioso, rebeli & ulciscendi cupido animo induisset.*

Vbi ad rusticorum aures manavit, præfulem in custodiam esse abreptum, & quidem, ut vulgò fama ferebat, ob exoneratam à se gravi tributo multitudinem, illi in boreale suburbium Holmiæ armati confluunt, hanc injuriam vindicaturi; quidam insulam Spiritus S. dictam insident. Sed rex navibus interpositis eos secrevit, ut viribus divisos illos qui in insula hærebant, etsi strenuè pugnantes, illata cæde prosterneret; vitam paciscentibus parceret, cum conditione tributi nuper illis imperati sine morâ dependendi. Duces factionis ultimo supplicio affecit. At pontifex Romanus, Christierno interminatus est, ob archiepiscopi in vincula compacti injuriam & potestatem in tam venerabilem personam temerè à se, ut putabat, usurpatam, usu factorum interdiceret. Rex negabat se custodiæ inclusisse illum ut archiepiscopum, sed ut hominem de mundo, qui militaria ac civilia tractaret, & sacro se munere abdicasset, periurique reus esset. Totum negotium legato pontificis, episcopis vicinis & ordini sacro decidendum commissum est. Sed illi studio rem trahentes, tandem in suspenso reliquerunt. Itaque Catillus viâ pacis & intercessionis nequicquam tentatâ, cum propinquis & amicis suis de viâ per vim armatam expediendi custodia præfulis, aut injuriam persequendi agit: & de adjungenda sibi multitudine agresti, jam suopte ingenio ad ultionem prona. Omnibus idem volentibus, Catillus exercitum cogit, ejusque ductorem ad exemplum avunculi sui agens & voto se obligans, Holmiam adoritur, obsidet, capit. Mox ad Christiernum scribit, *si dimittat præfulem, se benevolis & obsequentibus subditis usurum; si minus, alia omnia experturum.* Verum hæc surdis auribus occinebantur. Ideo Catillus Dalecarlis & Helsingis ad suas partes adiunctis, castra ad Hardkerum figit: ubi Danis simulatâ fugâ in insidias tractis, dein manu cum illis in lacu glacie solido conferta, victor evadit. Ita Christiernus videns pleraque sibi improspere cedere, cum classe sua in Daniam revertit. Ex una navium capta aplustre rapuerunt milites, & ad Holmiam in colle Brunconis trophæi loco erectum *Danorum braccam* per ludibrium appellarunt: quod tunc instar aplustris eorum braccæ pro istius temporis more forsan fluitantes & laxiores essent: aut quod ea appellatione laxum vexillum illis esset. Dum hæc ita processere,

literæ

literæ Caroli Canuti exsulis adferuntur, ad ordinem sacrum Vpsaliensem scriptæ, in quibus abitus sui caussas, cum expositione injuriarum sibi à præsule factarum prolixè exponit. Earum sententia hæc erat: *Qua ratione jam per quinquennium agitarit præsul de se[Carolo] prodendo perdendoque. Quo nomine quum ipsum insimulasset, se supplicibus ad Deum manibus sanctè obtestatum esse, se integram fidem & amorem regi suo servaturum, nec unquam commissurum, ut rex eiiceretur regno, & Christiernus in ejus locum adscisceretur. Quin se malle ante pedes regis sanguinem suum profundere, quam permittere, ut ille regno deturbaretur. Ita se ut amico fidem habuisse, & ex sententia senatus patentes ei literas ad subditos de armis contra hostem Christiernum regem Daniæ capiendis dedisse: quia de re ulterius quoque populum erudire rogatus erat. Illum verò abusum istis literis, populum adversus regem concitasse, arma contra ipsum expedivisse, Holmiam arctè cinxisse. Regem tamen etiam cum vitæ suæ periculo se obtulisse amicæ compositioni & satisfactioni, si de fide publica, præsul ejusque socii sibi satisfacere voluissent. Sed hoc denegato, nullum aliud remedium à fortuna & fide derelicto superfuisse, quam in exilium abire. Simulac verò præsul regem exterminasset, Christiernum contra datam fidem in regnum advocasse. Præsulem, omni reverentia exuta, ipsum ut tyrannum, proditorem, prædonem subditorum & hereticum apud Pontificem & alios pessimè traduxisse, nullo alio quam populum à rege ad se avertendi animo. Se verò inusitato, ambitioso & sacra persona indigno titulo regni caput & administratorem, libertatis vindicem ac defensorem jactasse. Ceterum de suâ innocentia regem suam & bonorum conscientiam ipsorumque fidem appellare; imo toti mundo suam integritatem probaturum. Non posse tamen non se mirari, quò sodales præsulis tantam ejus insolentiam & ambitionem tulerint. Nisi præsulis & ipsorum promissis tantum fidei habuisset, se lege cum ipso acturum fuisse. Præter extremas autem injurias & contumelias, quibus regium nomen lacerarit, ne quidem sibi temperasse ab odio & immanitate adversus tenellos regis liberos, quos à suis cognatis, quibus commendati erant, abstractos sæva hyeme trans mare in exteras oras ejecerit, ut eo citius perderet. Regem tamen non tam domesticum, quam publicum malum dolere: dum in sui locum Christiernus suffectus patriam opibus, à se fidei Fratrum minorum in usum ac necessitatem regni commissis, exspoliet, Daniamque ditet. Hæc &*

plura

plura hujusmodi incommoda impiis præsulis machinationibus accepta ferenda esse. Eundem nuper quoque Catillum episcopum, & alios ex suis cognatis rebelles contra se, publica auctoritate in regnum revocatos, excivisse. Cum tamen satis sciat, literis Pontificis in archivo, ecclesiæ Vpsal. adservatis sacrorum usu prohiberi, quicumque legitimo magistratui & vero regi Suediæ obnitatur. Contra quas tamen ex falsa relatione dispensationem pontificis postea impetravit. Præterquam quod ipsi non ignotum sit, quid pænæ lege Dei & patriæ hujusmodi perduellibus debeat. De cetero rogat sacrum ordinem Vpsal. cogitare de modo luendi damni, quod ipsorum fide pro præsule interposita passus sit; & Pontifici aperire tam injustas ejus molitiones; & tam indignum sacri muneris abusum. Ad ea responsum se ab illis expectare. Illi respondent: Præsulem nihil quicquam vel consilii vel operæ cum ipsis communicasse in his, quæ antea vel nuper in regem patravit. Quod si fecisset, longè melius eventura omnia. Tandem crescentibus inter procures æmulationis studiis, & detrectantibus imperium Christiæni Suedis: quod contra juratam regni legem opes publicas extra regnum abstulisset: quod per absentiam ejus raro, ut decebat, jus diceretur, & præficti interim, ut vellent, non ut fas erat, cum subditis agerent: quod arcibus & officiis præfecisset Danos; & alios externos pro libidine dominantes, exclusis indigenis, tanquam improbe in regem fidei essent. Itaque in consilium itur de Carolo, qui desiderium sui iterum fecerat, in priorem honoris gradum restituendo, & Christiæno ex dictis causis abdicando. Clarissimus rerum Danicarum scriptor Meursius hic notat, eandem fuisse querelam de Christophoro Bararo, quæ de Christiæno primo erat; & hanc Suecis primam desciscendi causam existisse; mox ingenuè fatetur, non pro cætera prudentia ab utroque rege factum. Quippe hanc regnorum legem esse, ut per procures indigenas unumquodque gubernetur; & in fide se eorum acquiescere rex ostendat: si præficiat peregrinos, detrectare ferè obsequium solere cives: ac, si fidem in dubium vocet, ad perfidiam irritari. Christiæni igitur imperio abrogato, Gedanum mittuntur, qui Carolum ad pristinam dignitatis sedem revocent. Ita vertente fortuna erectus dejicitur, dejectus extollitur.

CAROLVS CANVTI RE- STITUTUS.

Post septem annorum exilium in regnum redit, faustis illorum qui à partibus ejus erant, vocibus exceptus, quibus reponit: *Ipsos satis meminisse se eorum legitimum regem, loco & fortuna non animo ab eis, divisum, illorum accitu ex Borussia, ubi non malè ipsi fuerit, huc revertisse. Se eosdem, si in fide & obsequio persistent, in libertate & jure patrio pro virili tutaturum: nec sperare, secus unquam a se factum. Si quid ab præfectis provinciarum admissum sit, ejus culpam non sibi, tanquam imprudenti & invito, sed illis imputandam esse. Rege urbem ingressio & renovato utrinque fidei juramento, præcipuus custos regii thesauri Christierno, ut ante memoratum, detecti & abrepti, Petrus Laurentii & monetarius, qui obæratu regi cædem in eum cogitarat, repentina morte extincti sunt; ex scelere conscientia, uti res erat, & supplicii metu. Nec liquido minus argumento, quam duro verberare excitam mentem authoris quasset cogitatum adversus Principem scelus, nedum ipsa re patratum. Christiernus accepto Carolum restitutum esse, mox archiepiscopum ex carcere dimittit: tanquam ideo sub custodiam dedisset, ut ignoscendi ei facultatem haberet, majorique ipsum gratia sibi devinciret. Certè tantum adversarium iterum opponi Carolo, suæ fortunæ peropportunum existimabat. Præsul enim infensior Carolo, priores in Christiernum affectus, quod mirum, retinuit an simulavit; & populum proceresque, quantum potuit, adversus Carolum ex adultiori majorique odio commovit. At Carolus plebem conciliabat sibi promissis & spe relaxationis tributi: quod quum rex promulgasset, præsul è suggestu contra publicè interdixit. Sanè populum in sua, ut administratoris regni & possessoris arcis Holmæ potestate esse volebat. A sacro ordine Vpsaliensi admonitus, ut missis civilibus negotiis, quod sui officii esset ageret: ita tutiori loco & tranquilliori conscientia fore, hoc salutare consilium sprexit; donec odio populi gravatus, in comitiis Holmenfibus resignaret administrationem & arcem*

Erico

Erico Axelii traderet. Quam tamen postea rei pœnitundine, sed frustra à se retractum ibat. Interim recrudescentibus non solum inter præsulem & regem, sed etiam ejus cognatos Stenonem & Nicolaum Sturios odiis, rex armis decidere litem intendit, Vpsaliamque cum copiis mittit Boethium Tyrium, qui præsulis ædes diripit. Hoc ultum venire amici præsulis Catillus episcopus, Ivarus Greenius, David Benedicti, Trotto Caroli, ac Boethium ad aciem lacesiverunt. Ille promptus congregiendi, prælum init; sed non paucis utrinque cæsis, æquâ fortunâ discessum est. Mox fide data visum est de pace tractare. Boethius hac re falsus, dum majorem partem copiarum Holmiam dimittit, Catillus contra publicæ fidei religionem eas invadit & sternit, vix fugâ dilapso Boethio; qui insuper sacris prohibetur à præsule, ob direptas suas ædes. Contra Carolus hoc *interdictum publico codicillo cassum & irritum pronuntiat, quod præsuli nulla sit potestas sacrorum commercio, cuiquam interdicens: quum ipse sacris à Pontifice prohibitus sit, quod legitimo magistratui se opposuerit.* Carolus autem respiciebat ad diploma pontificis in archivo collegii sacri Vpsaliensis servatum, cujus mentionem quoque facit in literis ad idem collegium in exilio suo datis, & superius allatis. Eo diplomate sacris interdictum erat quibuscunque supremo magistratui regive Suediæ resistentibus. Inde expugnatione Holmiæ ab archiepiscopo & sociis nequicquam tentata, de pace seriò convenitur: *ut rex Carolus fiduciario jure acceptis arcibus Finnoniæ Aboensi & Raseburgensi cum Bothnia septentrionali, retentoque titulo regio, renunciaret ipsius regni administrationi.* Rex belli fortem, quam improspere successu periclitatus erat, desperans, seu publicæ privatæque tranquillitatis studio cedere facilis, subscribit pacis legibus & regnum solenniter resignat.

465. A biennio tamen Ericus Axelii ceterique proceres agitant de conciliatione Caroli & præsulis, ac illius dignitate redintegranda. Et quidem Carolus postridie S. Martini in regium locum restituitur, tradita sibi ab Erico Axelii arce Holmensi, & reconciliatur adversariis; non tamen satis præsuli; qui post mensem à restituto in regnum Carolo in Ölandia decessit. Carolus ubi populum civili justoque imperio regit, plerique ad obsequium redire; præter Calmarienses, Ölandenses

denfes & paucos alios , qui adhuc à Chriftierno ftabant. Deinceps Halmftadii à legatis Caroli & Chriftierni de jure regni difceptatum eft. Hic fibi Carolum regno cedere , ille verò jure vel per arbitros cum illo experiri voluit. Sed Chriftiernus cauffam fuam velut liquidam contendens , foro arbitrifque fubmittere nolebat. Ita infecto negotio difcefferunt. Sequenti anno Chriftiernus non ex jure manu confertum , fed armis regnum repetitum venit ; parum tamen feliciter. Vnde mox revertitur in Daniam. Dum ille abeft, Carolus Verendiam in Smalandia adhuc agnofcentem Chriftierni partes & Hallandiam depopulatur ; Ivaro Axelii Totio Hallandiæ præfecto tunc quoque in Caroli partes tranfeunte : quod affinitate ejus Chriftierno fufpectus erat , aliàs quoque infenfus illi ob repulfam fratris in petitione epifcopatus Othonienfis. Chriftiernus verò prohibiturus plurium ad Carolum defectionem , insequente vere redit , & copias Ivari arcibus Solvjsburgo & Lillöenfi admovet , easque expugnat & demolitur. Quum Carolus Vadftenas comitia indixiffet , inimici ejus Ericus Nicolai, Ericus Caroli & Trotto ejus frater pluresque alii junctis copiis , uti infidiatores viarum , ex evocatis Vadstenas interceperunt Birgerum & ejus filium , Arvidum Trollium & Magdalenam Caroli filiam. Rex Holmiam reverfus , copias adverfus Ericum Caroli injuriæ plectendæ animo parat. At Ericus interea Arbogam, quæ cum Carolo adhuc ftabat , diripuerat ; & adjunctis fibi vagis Chriftierni copiis , inde Vpfaliam pergebat , civesque in fua verba adigebat : quod codicillis ad templi fores adfixis in publicum divulgat. Iifdem codicillis appofita item erant figilla Trottonis Caroli , Davidis Benedicti , Erici Nicolai aliorumque , qui à rege Carolo defecerant , cumque tanquam perjurum fermonibus differebant ; quali non jufto titulo poffideret regnum, quod femel ejuraffet. Nec id folum, fed Ericus Caroli etiam cenfum à civibus tanquam fibi fubjectis exigit. Hanc ut insolentiam reprimeret , rex copias adverfus eum per Claudium Olai mittit: qui conferta cum eo prope pagum Knutabyenfem pugna victus captusque eft. Mox ubi fuppetias advenit Steno Sturius cum exercitu in Sudermannia collecto , eiecit cingentes arcem Vpfaliensem, & inde movens in proximum territorium Fiedhundriam ,
obvium

1468.

obvium habuit Ericum Caroli. Rumor pervagatus est castra Stenonis haud dubiè ab ejus hoste Erico disseminatus, quasi proprii milites adversus ducem suum conspirarent. Steno pronæ in re tam ancipiti & periculosa, nec dum exploratâ credulitatis, relicto exercitu suo in Daliam ad Nicolaum fratrem evadit. Hoc astu Ericus, qui tot viribus se imparem agnoscebat, eoque disparare copias hostiles vel ad se elicere studebat; Sudermannos milites Stenonis absque ullo discrimine damnoque in suas partes traducit, atque sibi juratos domum dimittit. Vigesimo die post festum nativitatis Christi orta de adventuro ex Dalia Nicolao Sturio cum magnâ manu famâ, non exiguam quoque Ericus adversus eum comparat. Vbi propius accedentibus inferenda jam erant signa, Ericus temerè adversus hostem in insidiis latentem excurrere funditur & in fugam unâ cum Trottone Caroli, Erico Nicolai, Iohanne Slavvecka aliisque convertitur. Pars capti sunt, quorum principes erant Gödekenius Lupus, Iustus & Nicolaus fratres, Norvegi: qui ad Carolum ab Henrico episcopo Lincopensi missi rotæ supplicium ceu erbelles subierunt. Reliqui fuga Arhosiâ elabentes, ut tutius & commodius iter haberent, fallaces literas, prosperum scilicet eorum successum & victoriam nunciantes, per Ostrogothiam sparsere. Quo commento deceptis incolis, & rumore cladis celeritate abeuntium antecapto, inoffenso transitu ac bene accepti Calmariam usque salvi plerique pervenerunt. David tamen & Christiernus Benedicti Nicopiam ex fuga reducti, & ab Arvido Trollio in custodiam isthic traditi sunt. David in carcere decessit. Christiernus ad idoneam cautionem dimissus est. At rex Daniæ Calmariam & Ölandiam adhuc in fide sua retinebat, uti paulò ante dictum. Has Ivarus Axelii frustra oppugnare aggressus; quippe valido præsidio obtentas, inde se vertit in Daniam; regem intra regni sui penetralia fortè improvidum occupaturus. Sed is adventum ejus prædoctus, in campo Herlingo ad Elingsburgum ei occurrit. Ibi commissa manu, Ivarus cum suis fortiter dimicans, fortunam prælii satis ancipitem fecit. Sed postremum inclinante illius acie, in fugam pulsus, non levi strage cæditur. Fractos eâ clade Suecos, ne rex copiis promotis in totum porro regnum incurfaret, pacem

pacem petiisse, spe regni Suediæ ipsi factâ, Carolum se honesta aliqua transactione demoturos promississe, tradunt annales Danici. Eam in rem mox Lubecam affuturos, qui cum plena potestate de communi omnium procerum sententia hoc negotium agerent. Sed hanc fuisse regis ludificationem à Suedis excogitatam, qua Christiernum à suis finibus amolirentur: ut eventus ostenderit. Hac contumelia accensus, postea cum expeditis copiis rediit, & quidem summa hieme ac itinere per abruptas rupes & angustos calles difficilimo, cives & agricolas inopinato adventu perculit. Qui in paludes ac silvas densissimas se abdentes, conferta arborum concæde sibi munitiones præstruxerunt, hostique aditum occluserunt. Christiernus eos ad Tivvediam usque silvam insequutus, sed malo hîc olim experto jam sapientior, præmissis speculatoribus insidias coram serutatur. Attamen fortunæ tentandæ causâ munitiones eorum aggressi Dani, sed irritò conatu, acriter non semel repulsis haud exiguam stragem fecere. Eâ rex & hiemis item asperitate pabulique penuria coactus est domum cum suis se recipere. His ita ex sententia gestis, Carolus rex senio vergente, & per tot ancipites rerum casus regnandi satur atque fessus, in morbum incidit. Dum vires animi permittunt, suprema disponit. Stenonem Sturium suum ex sorore nepotem, successorem, si ita proceribus videatur, designat, & regis nomen, ceu ea tempestate invidiosum, omittere, vim imperii usurpare jubet; tandemque Holmiæ in arce rebus humanis excedit. Princeps, præter regium corporis decus, 1470. prudens, sagax & providus, gravi facundia & eruditione doctrinaque disciplinarum mathematicarum isto seculo in Principe rara, nec minùs ad belli quam reip. usum accommodata. In bellis tamen timidior fuisse perhibetur, quam virum ac Principem deceret. Nisi consilii fuerit; ut non minus circumspèctè, quam fortiter ageret, nec præcipiti audacia secum remp. in discrimen raperet. Equidem si minus animi, tamen plus cautionis inerat. Ceterum adversorum intolerantior fuisse, arguat facilitas cedendi concussæ fortunæ: quam inter tam potentes æmulos, & tot machinationibus tentatus, magis formidabat, quàm ferebat. Ex ambitione, cujus insimulabatur, invidiam ita mitigavit: ut ab exilio re-

vocatus, & vix semestris rex, urgentibus adversariis, amplissima potestare decederet, modica regni parte contentus. Et suscipiendo gerere & deponendo reculare imperium, ut placeret fatis, ipsam etiam fortunam resignare magno animo paratus. Publicum odium, quo ob suam an præfectorum avaritiam laborabat, ita lenivit, ut profugus è regno magnam auri argentique vim, ingens & opportunum, quando usus esset; regno subsidium, uti ipse in sua ad ordinem sacrum Vpsal. epistola fatetur, apud Fratres prædicatores Holmiæ post se relinqueret; nisi Christiernus intervertisset. In regnum restitutus, priorum errorum vindicias à se ipse exigit & tales præfectos instituit, qui antecessorum delicta officiis, industria & fide emendarent.

STENO STURIUS SENIOR

1471. Gustavi filius ex Birgitta Caroli sorore natus, regno præficitur administrator ex avunculi sui designatione, & consentientibus plerorumque procerum populique animis. nisi quod protervi quidam rustici adhuc alieniores videbantur, quos facili negotio, Germanicæ cerevisiæ donativo, in suas partes adduxit. A domestico prius hoste Erico Caroli ad Ladubyensem pagum non procul Vpsalia profligato patriam liberavit: ut tutius externum aggredi posset. Mox enim Christiernus cum decem millium exercitu ad vindicandum sibi Suediæ regnum aderat. Sed Steno promptis copiis, quas Nicolaus Sturius & Canutus Possius ducabant, ei intrepidè obviam procedit. Hostis montem Brunconis ad Stocholmiam occupat, & castris ad radices montis locatis, urbem arcè cingit oppugnatque. Steno dum viribus prævalidum sentit hostem, non minus consilio quam virtute pugnandum ratus; verbis & spe tenet Christiernum, donec consumeretur ejus commeatus, & Dalecarli subsidio accederent. Qui simulac advenere, oppidanos à fronte regem adoriri, Dalecarlos à tergo eum premere jubet: ut ita medium inclusum intra angustias cogant. Ancipite diu prælio, tandem tamen Succis fortiter dimicantibus victoria cessit. Sed & Christiernus instar gregarii militis strenuè pugnans, in adversum os sagittâ petitur, anterioribus aliquot dentibus excussis. Sagitta in faucibus tam pressè hæsit, ut ægrè nec absque vitæ ferme

ferme periculo evelli posset. Strata Danorum acie, multi cum duce Trottone Caroli ad cœnobium S. Claræ cæsi, plures in fugam versi captique sunt: inter quos præcipui fuerunt Claudius Ronavvius regni Daniæ Marescallus, Turo Turonis, Nicolaus Christierni & Andreas Friisius. Non pauci ponte, qui suburbium & Kæplingam insulam committebat, rupto, præcipites undis oppetierunt. Hanc fortunam & exigui temporis quietem mox excepit bellum Sueonum cum Russis; ob controversias de finibus excitatas. Cum Russi Finnoniam passim depopularentur, contra eos missus Ericus Axelii regni Marescallus, qui Caroli Canuti sororem in matrimonio habebat, illos debellavit, & arcem probè munitam in Savolaxia, castellum novum aliàs S. Olai arcem dictam, præsidium adversus hostes exstruxit. Postquam Stenoni ab armis aliquod otium contigit, patriæ statum diligenter accuravit; & præfectos tales in provinciis constituit, qui non solum ipsi injurias à subditis abstinere, sed etiam alios inferre non paterentur, aut illatas rite vindicarent. Quum ipse propter publica negotia provincias omnes subinde obire non posset, in illis habebat suos oculos & aures, id est fidos inspectores & scrutatores, qui præfectorum & subditorum acta exquirerent, ac Stenoni clam bonaque fide referrent. Illos tamen cum judicio secretos & se invicem ignorantes audiebat, ulterius inquirendi magisque præcavendi mali, ut tunc rerum status erat, quam temerè suspicandi causa. Tantum aberat, ut innoxii noceret; ut contra noxios potius eos tutaretur. Quippe si credimus Iohanni Magno, sibi potius vitam, quam colono unam ovem contra fas auferri permisisset. Ex quatuor professorum collegio, aucto plurimum doctorum numero, Academia Vpsaliæ, curâ Iacobi archiepiscopi, auspiciis Stenonis Sturii surrexit, & iisdem privilegiis, quibus Academia Bononiensis, à Sixto quarto pontifice donata est. Christierno I. rege Daniæ rebus humanis excedente, comitia Halmstadium indicta sunt: in quibus de renovando trium regnorum fœdere & communis regis electione consultaretur. At Steno morbi sive veri sive simulati excusatione, eò non venit, quod nuper imperio præfectus, tam subito privatus, ut suspicabatur, esse volebat; & quæ fuerunt aliæ causæ, suo loco dicendæ. Bien-

nio post Calmariaë iterum comitia fuere : quibus se Steno scribebat. In his inter trium borealium regnorum proceres convenit de istorum regnorum imperio Iohanni tradendo , renovatis legibus unionis , in quas juraret. Illarum hæc præcipua capita fuere : *Vt religio & ecclesiarum privilegia ac immunitates sanctæ uictæ serventur. Vt administratio trium regnorum secundum leges singulorum & mores majorum instituantur. Vt nulli exteri in ordinem senatorum regni recipiantur. Nec ditiones , arces & feuda per extraneos , sed solos indigenas regantur. Ne ulla possessio aut prædium regni absque senatus regni consensu ulli oppigneretur , alienetur vel imminuatur. Vt nemini litere liberi commeatus denegentur , salvo tamen jure vectigalium. Vt beneficia ecclesiastica & paræciæ nullis nisi indigenis atque idoneis committantur. Omne æs alienum à patre Christierno contractum tribus his regnis borealibus exsolvat. De omnibus illatis damnis ex æquo satisfaciat. Lis de Gothlandia , Scårdalia & Svartöddnio cum Suedis jure vel ab arbitris decidatur. Trium regnorum , Iohannis matris Dorotheæ , & fratris Friderici nomine , inter regem , Stenonem & Nicolaum Sturios , Ivarum Axelii præteritarum offensionum oblivio perpetua sit. Nulli vis aut injuria , quoad vitam , famam , corpus aut fortunas inferatur , sed jure cum ipso agatur. Nullus in turre aliumve carcerem coniiciatur , nisi in eo regno , ubi delictum admisit , legitime convictus sit. Dignatio & exstimatio regni senatus à rege illibata servabitur. Nulli quemcunque ex senatu calumnianti aut deferenti fidem habebit rex , nisi deferens ad probationem urgeatur. Nulli ex senatu rex probrum dicet facietve , nisi convicto. Nulla tributa vel exactiones novas , nisi de senatorum sententia , secundum regni leges imperabit. Omnia vectigalia in argentea moneta solvi curabit. Nulla edicta promulgabit , nec promulgata relaxabit absque majoris partis senatus consensu. Iudiciorum in provinciis aut oppidis legitimum tramitem atque ordinem suis edictis non impedit. Ecclesiasticos se civilibus immiscere aut politicos ecclesiasticis negotiis , non patietur. Nullum bellum absque communi trium regnorum assensu movebit ; nec militem externum in regna adducet , nisi ex necessitate & consensu senatus. Devictæ ditiones , urbes aut arces cedent cujuslibet regni victori , sed alia mobilia viritum utrinque dividuntur.*

dentur. Non emet rex aut pignori capiet pro se aut suis hereditibus bona soli propria & hereditaria nobilium. De rebus naufragis non ex arbitrio, sed secundum cuiuslibet regni leges ius dicetur. Consules, senatum, syndicos & publicanos urbium non nisi ex indigenis rex eligi permittet. Regni thesauros, diplomata & redius regno non evehet. Rescripta contra rescripta, aut literas regias contra easdem non dabit. Vnum annum in Dania, alterum in Suecia, tertium in Norvegia aget. Fide publica abibit & redibit. Usque dum commoratur in regno, Marefcallum, Cancellarium & magistrum aulae ex regni illius indigenis capiet. Aulicos ministros & alios communes famulos, non Episcopis, cœnobiis & vassallis alendos, aliave onera imponet. Exteris civitatibus privilegia nulla confirmabit, aut nova dabit, absque senatus illius regni consilio. Academias in singulis regnis fovebit, & in suo vigore ac immunitatibus conservabit. Absente rege, quatuor ex illius regni senatu supremam juris administrationem exercebunt. In regno Suediæ quatuor senatoribus, duobus ex ordine ecclesiastico & duobus ex politico omnium ejus regni arcium præfecturæ committentur. Eidem convocandi senatus, & interregni tempore gubernandi regni facultatem habebunt. Injustè suis bonis spoliati restituentur. Pro amissis in bello literis publicis rex novas de senatus regni consilio substituet. Quotannis ex singulis regnis tres, Episcopus & duo equites S. Olai die convenient, qui de regnorum concordia tuenda consulunt, & an hæc capita ritè serventur, dispiciant. Proscripti ex uno regno justis de causis, in aliud non recipientur. Cuiuslibet prædia sua & arces pro arbitrio munire integrum erit. Nec illis vi aut clam privabitur. A rege eo adventante, priusquam intret, cautionem peti, egre non feret. In regis offensam incidentes hospitio accipere liceat, donec tuti in iudicium veniant. Reliqua hic brevitatibus studio omissa, quædam singularia de statu regni Norvegici continebant. Quod si rex adversus hæc capita quicquam per se vel alios admiserit, universo regnorum senatu, præsulibus, equitibus, nobilibus, civibus & plebi, incolumi existimatione & juramenti fide, regi impare reniti licebit. Rigenses foedus iniiverunt cum Stenone contra ordinis Teutonici magistros. Steno copias submisit Rigensibus, duce Nicolao Erici. Inde Russis, Livonorum quoque hostibus, capta occasio non solum Livoniam sed & Finnoniam invadendi

dendi. Sed Steno & dicti magistri composita pace, communem sibi hostem fecere Russum, junctisque copiis in eum iverunt. Quamvis Russum, Iohannis regis Daniæ confœderatum, ab eo contra Stenonem magis incitatum constet: quod ipsum ab inauguratione regni Suedici distineret, obtentu conditionum ab ipso non impletarum: præsertim de exsolvendo patris ære alieno, de Gothlandiæ controversia componenda & ut ea rediret ad regnum Sueciæ. Quum verò Sueci duos potentes hostes, ab oriente Russum, ab occasu Danum, nacti essent; multi ex nobilitate Iohannis regis Daniæ eligendi authores fuere: ut ille vel Moschum placaret, vel uni hosti magis pares essent. At inter dissidentes ea de re nondum satis convenire poterat, maxime dissentiente Stenone regni præfecto; qui licet initio visus in Iohannis electionem consentire, tamen eam in longum obtentu paulò ante memorato protraxit. Vera autem causa erat non tam ambitio ejus & quod ipse regnum ad eò appeteret, ut nonnulli volunt: quippe qui in administratoris titulo & honore adquiescebat, ipsamque administrationem, si ira placeret ordinibus, certis legibus resignare paratus erat & postea quoque resignavit; sed quod regi Iohanni parum fideret, & suæ securitati ab ipso timeret: cui memoria injuriæ ob ademtum patri Christierno regnum Sueticum, & Carolum Canuti Stenonis avunculū ei suffectum, adhuc altè animo insidebat. Præter hoc si potestate exarmaretur Steno; satis prævidebat, se æmulorum & inimicorum, quos tam intra quam extra patriam non paucos habebat, potentiæ & ultioni opportunior fore. Proinde Iohannes vi & armis extorquendi consilium capit, quod sibi debitum ob moram & quæsitam
1486. dilationes negari videretur. Quum verò satis intelligeret, quantum esset momentum in occupatione Gothlandiæ Suecis proximæ ad excursiones in eos, & tutum receptum; & Ivarum Axelii, qui ejus præfecturam adhuc tenebat, suspectum haberet, tanquam Stenoni affini suo addictiorem, eoque veritus ne eam Suecis traderet; cum Ivaro agitare cepit de ista insula sibi permittenda. Egit itidem cum eo Steno de eadem insula tanquam Suediæ debita & sede belli adversus Danos eligenda; de Finlandia & pluribus præfecturis, quas tunc obtinebat Ivarus, pro aliis Suediæ provinciis &

& arcibus permutandis. Finlandiam adjutantibus amicis, quamvis ægre ab eo impetrabat; Gothlandiam non poterat: cujus possessionem à morte Olai fratris jure pignoris pro ingenti vi pecuniæ Christierno ab Olao mutuo datæ, ut in vita Caroli Canuti ante dictum, sibi vindicare Ivarus præ se ferebat. Steno illum Calmariam ad colloquium evocat. Sed 1487. ille morbum simulans, haud accessit. Altera vice vocatus idem prætexit. Steno trajiciens in Ölandiam, ad eum mittit Achatium Iohannis & Arvidum Trollium, qui hominem rectius erudirent & permovere tentarent. Sed ille nihil pacati respondet, ad vim propulsandam, si ita opus foret, accinctus. Quin istic quosdam ministrorum Stenonis oberrantium capere cœpit. Vnde Steno ipsum Borcholmii tunc hærentem, obsidione circumvenire conatus est. Sed ille præsidio ad tuendam arcem relicto, scapha clam se subduxit in Gothlandiam, eamque mox Iohanni regi cò-cum copiis accedenti tradidit, in speciem quasi armis adactus, sed revera pro magna vi pecuniæ, ut annales Suedici habent. Illa pecunia à Iohanne ei persoluta videtur, quam Christiernus ante fratri Ivari debuerat. Rex Iohannes Ivaro deinde substituit Iohannem Holgeri præfectum. In VVestrogothia seditio adversus Stenonem mota, octo seditionis capitum pœna consiluit. Dum Steno Borcholmium Oelandiæ arcem obsidione cingit, obsessis suppetias fert Iohannes. At Steno specie colloquii ac spe facta properandæ inaugurationis regiæ dimovet regem, & ab Ivaro, etiam rege arbitro, Ölandiam recipit: quam postea ob vinculum affinitatis ei fiduciario jure Steno usque ad vitæ terminum restituisse fertur. Rex ab Stenone se delusum cernens, scribit ad senatum regni Suediæ monetque, *ut in fide persistant, electionemque sui tandem aliquando ratam esse jubeant atque exsequantur: si periurii pœnam apud Deum, ac perfidiæ notam apud posteros effugere velint.* Nihilominus res de anno in annum ducta est, partim arte Stenonis, partim studio populi erga ipsum: quippe regnum ea humanitate & justitia administrabat, ut populus diu regem haud desideraret. Vbi Steno in expeditione adversus Russos erat, accepit litéras ab Innocentio pontifice: quibus 1488. jubetur reginæ Dorotheæ Iohannis matri sine mora restituere Orebroam, ei dotis nomine promissam. ni faciat, sacris prohibi-

prohibitum iri. Ille verò fulmen pontificis parum moratus, suos Romam ad se purgandum mittit. Eodem tempore Telgis repetitum edictum de certa vectigalis parte in argenteis numis à peregrinis mercatoribus solvenda : unde monetæ solidæ major suppeteret copia. Biennio post Suedi fœdus cum

1490. Lubecensibus & aliis civitatibus Vandalicis fecerunt : *ut commercia utrinque tuta commearent, sibi que fidam eam gentem, si quid Iohannes moturus esset, haberent. nec ut una pars inconsultis confederatis pacem cum rege iniret.* Steno tunc administratione regni decedere tentabat, invidiæ procerum declinandæ, regique placando. Sed obnitebantur subditi, cum dimittere recusantes.
1494. Annis sequentibus actum Calmariæ de Iohannis regis, cui non semel fidem dederant, inauguratione tandem per agenda : qui eo fine legatos plenis cum mandatis præmisit. Ipse cum armata octodecim navium classe subsequutus : quæ faceret, si legati, quod volebat, obtinere non possent. Sed una navium in freto Calmariensi pulveris nitrati receptaculo casu an culpâ inflammato sublime evibratur & disperditur. Sequenti nocte tota classis sæva tempestate dissipatur. Regiam supellectilem, literas & diplomata ex Suedia in Daniam traducta, aliaque magno ni comitiis Calmariensibus usui regi futura navis vehens, submersa periit. Vbi rex cum suis Calmariam accedit, absuit Steno. Quum adventum ejus amplius mensem præstolari essent, literas mittit, quibus significat, *per se non stare, quominus rex pacem inter regna inire velit, aut bellum eligere. Nihil se hîc præscriptum velle.* Ex hoc ambiguo responso rex colligit, Stenonem studio coronationem ejus trahere. Proinde solvit comitia ; & adjumentis belli naufragio perditis, infecta re revertitur in Daniam. Isthic novum meditans bellum, ut spacium instaurandi vires, & pauciores hostes haberet, trium [triginta habent Danici scriptores] annorum inducias offert Stenoni, si à fœdere Vandalicarum civitatum recedat. Steno non passus hoc virium suarum stabilimentum tantillo pacto subruï ; ut tamen aliquid remisisse videatur, unius anni inducias admittit. Interim Russi, ut Iohanni regi Daniæ confœderato, ab illo antea in nostrates concitato suppetias ferrent, ingenti cum manu Finnoniam irruentes, V Visburgensem arcem

arcem obsident. Et jam unam ejus turrim aut propugnaculum occupant, scalisque appositis in muros evadebant. Sed Canutus Possius Suetici exercitus dux, etsi minoribus copiis, obsidionem animosè sustinuit. Incensa turri, quotquot eam insidebant, flammis ultricibus perdidit. Quare ceteri muros oppugnantes territi, partim in fugam versi, partim interneçioni dati sunt, & quidem ad novem millia. Nihilominus mense proximo Februario reversi, in Careliam & Savolaxiam irruptionem fecerunt. quum omnia rapinis ac incendio complevisset, cæsis insuper in utraque provincia septem millibus hominum, eadem celeritate, quâ venerant, terga dabant. Steno cum delecto majori agmine in Finnoniam regressus, ut jam se recepisse Russos accepit, relictis in eadem suis copiis, istius belli curam delegat Suantoni Nicolai, Canuto Possio, Erico Trollio, & Stenoni Turonis; illisque majoris auxilii fide facta, revertit in Suediam. At illi auxiliarem militem à Stenone nequicquam opperientes, consilium capiunt de Russis, quod opportunitas alliceret, præfenti agmine persequendis. Eorum itaque oras ad novam usque Narviam peragrantes, arcem Ivanogorodiam intra sex mensium spatium expugnant, magnaque ibi præda facta trecentisque captis, in Suediam abitum hieme ingruente parant. Dum in hoc sunt, advenit Steno cum copiis auxiliaribus, & compertis, quæ gesserant, iterum in Russos movere jubet: ut fortunam persequantur. At Suanto ob temporis injuriam abitum urget. Steno rei imperfectæ culpam in Suantonis discessum, tanquam parum ex usu publico festinatum confert, eumque fugitivi convitio incessit: quod ante patratum bellum magis fugientis quam discedentis speciem præberet. Hinc tanta dissidia inter utrumque exarserunt, ut vix procerum autoritate extinguì possent. Quanquam jam ante quædam inter illos privata simulas oborta fuerat, ob divisam haud ex æquis partibus hæreditatem, & quod alter alteri Stegeburgo cedere volebat. Sed, ut sæpè inimiciæ, ex tenui principio natæ, ira rixæque materia gliscentibus, in acrem animorum contentionem eruperunt. Quæ discordia hostibus commodo fuisset, nisi in tempore ab Hemmingo Gaddo conciliatore sopita esset. Post hæc

1496.

1497. expetebant proceres, ut Steno victus consensu senatus, ultro cederet administratione regni, & imperium traduceret in Iohannem. Regnum diu rege caruisse, tandem opus esse capite, quod majori cum auctoritate hostium viribus opponi & penetrare validius posset. Plus satis inani spe ductum fuisse Iohannem: quem præstitisset aut non adsciscere regem, aut ex lege unionis adscitum tot irritis promissionibus haud ludificari. Stenonem multa suo arbitrio non de sententia senatus, ut ex fide juramenti debebat, egisse. Id restitutum facere dissidium, quod per se cum cruciferis fovisset: unde Russus occasionem invadendi Finnoniam & Livoniam arripuisset: & quod inconsulto senatu Oelandiam & Borcholmium, pro quibus recipiendis magni sumtus facti essent, Ivaro Axelii tradidisset, quæque alia aggeriebantur. Ille, ut potuit, se excusavit, conquestus hanc gratiam sibi pro tantis laboribus, quos patria bono sustinuisset, referri. Setamen, quia ita placeret, paratum esse imperium deponere, sed in præsentia universi senatus & ordinum, velut ab omnibus proceribus populoque accepisset. Cum quibus item multa communicanda haberet; quæ quum in rem regni forent, omnium interesset haud ignorare. Sed hæc studio cunctationis proferebat, ut tempus ex Finnonia domum militem revocandi seque communiendi superesset. Quum istæ cunctatio bilem moveret Iohanni, armata classe redit in Sueciam & Calmariam gravi obsidio premens, ad deditionem adigit, & inde Borcholmium Oelandiæ arcem. Rex lætus se pedem jam demum in vestibulo & propugnaculis regni fixisse, de cetero successu non desperat. Steno verò sibi plebem adjungit, quæ plus posset aliis. Antistes Vpsaliensis Iacobus non semel scripsit ad Stenonem monuitque, ut se componeret ad procerum voluntatem & amicitiam, cederetque tempori. Non esse quod adeò fidat plebi vel rusticis, memor patrii proverbii: Si plebi detur aversos conciliare dominos aut superiores; vel omnes æquatorem, vel ad infima redacturam omnes. Quin interdictum sacrorum, & ab officio remotionem ei minatum esse præfulem, nisi ultro paret, quidam perhibent, quum potestatem quoque in civilibus, non sacris solum à Pontifice accepisset. His Steno offensus, & quod Iohanni regi studere videretur antistes, ejus prædium Biscopstunam diripere suis negotium dat. Ipse circa festum S. Iohannis adortur arcem
ejus

ejus Stekam : quam tamen præsul , de' animo Stenonis certior factus , jam præmuniverat. Idem Jöreböenscs oppugnans in tantum eos discrimen conjecit , ut regis Iohannis opem implorarent. Et ille quidem laborantibus succurrit ; sed Steno missa hac obsidione Holmiam properat , ut Iohannem præveniret : quem expugnata per Norvegos valida arce Elfsburgo , jam Holmiam recta tendere intellexerat. Vbi propius rex accessit , terra marique urget Holmiam , & per velites suos subinde ad prælium laceffit Stenonem. Verum ille se pugnae imparem agnoscens , Dalecarlorum subsidia exspectat. Quod quum regi innotuisset , è re visum , diluculo ante solis ortum silentio procedere , atque militem in insidiis locare : ut incautum & separatum hostem , antequam se cum Stenone coniungat , facilius opprimere possit. Advenientibus Dalecarlorum auxiliis non procul Holmia ad pontem quem Rotebroo vocant , rex occurrit. Vbi quanto impetu Dani feruntur in hostem , tanta virtute se defendunt Dalecarli. In primo conflictu jaculis non directè sed in altum emissis , hostem tamen non fallente ictu ferientibus , ita fauciant Danos , ut pars excedere acie cogerentur , pars in eadem caderent. Nec illis quicquam ad virtutem defuit , ut ipsi Danici scriptores fatentur , præter solum equitatum : quo si valuissent , haud dubiè victores evasisent. Sed Dani equitatu præstantes , impetum in transversa ac nuda nostrorum latera fecerunt , & ordinibus turbatis , qui proximus est ad victoriam gradus , universam aciem profligarunt ; ita ut pauci evaderent. Alterum in suburbio boreali prælium non magis prosperum Stenoni fuit. Qui hac clade affectus , nondum tamen animo succumbebat , fortunam reparaturus. Ceterum perpellentibus oppidanis , ad regem de colloquio mittit. Rex moderatus victoriæ suæ , & ut faciliori negotio urbem in deditioem acciperet , locum colloquio fide publica dedit. Admisso Stenoni rex præter alia dixisse fertur : *Non opus fuisse tanto cruore , si hac mente citius ad se venisset. Iniquum verò se & posteritatis genio injurium voluntatis suæ decretum à morte redicturum , si rusticos sibi adjunctos , quos natura voluerit esse servos , & obnoxios , ipse faceret dominos , contra ea dominos ad rusticorum sortem redigeret.* Sed Steno , quum , ut quidam ferunt , Iohannes post Calmariam & Oelandiam in deditio-

nem

nem acceptas à Nicolao Boethii atque Arvido Trollio nomine populi iterum rex Sveciæ declaratus esset, eundem cum proceribus agnoscit regem, & sancita præteritorum oblivione, cum intra mænia & urbem recipit.

IOHANNES II.

1497. Christierni primi filius, rex Daniæ, solennibus auspiciis etiam coronâ regni Sueciæ à Iacobo præfule Vpsalienfi, post quatuordecim annorum moram, insignitur. Mox præsul Stenonem damni suis possessionibus ab ejus milite & injuriarum sibi ab eo illatarum postulabat. Cui Steno aliquot prædia in detrimenti pensationem offert. Non pauci ex plebe antea illum adhuc integrâ fortunâ adeo colentes, nunc ab eodem potestate & fortuna minuto unâ cum præfule actorum rationem exposcebant; etiam dira comminati; nisi Conradus episcopus Stregnensis, cui Steno tamen parum fidebat, intercessisset. Steno hæc futura dudum animo præcipiens, nec minus ingenium vulgi doctus, ad quamcunque sortis auram studia sua circumagentis, ut sibi tutius confuleret, jam ante inaugurationem cum rege egerat, uti ipsum immunem à gesti sui muneris ratione cuiquam reddenda pronunciaret. Et rex sibi Stenonem magis devinciendi causâ, volens hoc ei concessit ac decrevit. Archiepiscopus tamen sociique ejus à Pontifice istius decreti antiquationem post quadriennium, ut suo loco dicitur, obtinuerunt. A coronatione rex proceres splendidissimo convivio excipit, variis insuper ludis & spectaculis editis. Dimissis hospitibus ex circumstantibus quæsit, *num quid convivio defuisset.* Reliquis silentium tenentibus, unus adulatorum respondit: *Quum omnia lautissimè appa-
rata essent, unum duntaxat defuisse, nimirum spiculatorem, qui per-
fidus gladio feriret: ut reliqui exemplo territi fidem servare discerent.* Rex illum cum hoc tam atroci consilio in malam rem abire jussit. *Nec enim se commissurum, ut tanto flagitio conscientiam suam ma-
eulet, aut ab illa immanitate imperiū auspicetur.* Et cum dicto sur-
gens in conclave abit, ergaque hominem specie libertatis pra-
va svadentem minus propitia deinceps voluntate fuit. *Vox
egregia, ait Iohannis regis vitæ notus scriptor, & præclaro adeo
rege*

*rege certe digna. Sed indignus Steno erat toties perfidus, cum quo ea lenitate ageretur. Num verò perfidus fuerit, qui ante Iohannem regem jam regni princeps à subditis factus erat, & post regem ab iisdem electum in imperio retentus, regi non negavit, sed distulit imperium ex populi arbitratu aliisque causis supra dictis, alii judicent. Equidem monitus de deponendo imperio, sic ipse se excusat, ut est apud eundem authorem: *Se non tantum à proceribus, verum etiam à plebe principatum accepisse: nec si maxime vellet: eum illa invita abdicare posse.* Sequenti anno incunte in Daniam abiit Iohannes, & proximo anno huc rediit cum uxore filioque. Vxor ejus quoque regni corona ornatur & filius ejus Christiernus in comitiis Holmensibus tertio die Pentecostes rex Suediæ dicitur; regni vexillo ipsi ex veteri consuetudine tradito, & fide literis pub. firmata à præsule Iacobo, Stenone Sturio, Erico Iohannis, Gustavi I. patre, Svantone Nicolai aliisque quibusdam proceribus: cum expressa cautione, ut, si quis adversus regem Iohannem, aut filium ejus rebellis esset, exstimatione, favore regio, immunitatibus fortunisque privaretur. Inde rex ad infelix illud bellum Dithmarsicum, ab aliis, inprimis Meursio accuratè descriptum, se confert; reipsum in sua absentia proceribus & præcipue Stenoni commendat. Quum à bello Dithmarsico recens in regnum rediisset, ex consilio Stenonis, ne regno tunc gravi fame adfecto, majori oneri esset, exiguo comitatu stipatus accedit. Steno honoris causa ad regni limitem ei occurrit. Regi sciscitanti, quo loco res regni essent, respondet: *in provinciis omnia pacata esse, nihilominus præsentiam regis maxime desiderari, tam bello, quod regno cum Russis intercedebat, regia auctoritate vel tollendo vel administrando, quum aliis difficultatibus, quæ contra regni leges irrepserant, regia cura sanandis. Sed & dissidio componendo, quod inter se & præsulem aliosque procerum ortum esset ex impetrata per ipsos antiquatione Pontificia decreti regii de non exigenda ratione gubernationis à Stenone gestæ.* Dum autem rex iter, quod per provincias faciebat, atque tempus variis sermonibus fallit, cum Stenone & nobilibus, qui se plures ei ad comitandum ex officio regem adjunxerant, crebrius quam cum suis verba sociare & familiarius agere invidis visus est. Qui, quum Stenonem jam ante occulto odio insectarentur, ut fidem regi suam & de salute ipsius*

1498.

1499.

1501.

ipsius curam præsentis documento probarent, cum in gravem
 insidiarum regis vitæ structarum suspicionem rapiunt, ab
 iisque sibi cavere regem monent. Rex initio de Stenone ve-
 lut compertæ integritatis viro, fidem illis non habere. Sed
 dum sanctè contestantur, & criminationi suæ fidem quæ-
 runt: quod regi *author* fuisset cum parvo satellitio regnum ingre-
 diundi, ut imparatum opprimeret: quod literis quoquo versum missis
 amicos & cives ad arma concitasset, & plura hujusmodi: quod
 denique prava ejus consilia se ipsa brevi prædiutura essent; rex tan-
 dem in suspicionem pronior, aliâ viâ Holmiam ocyus di-
 vertere. Steno etiam si regem alio erga se quam antea ani-
 mo esse animadvertit, tamen dissimulat, eique Holmiam
 comes it. Sed postrema nocte, non impetrata regis venia,
 aut eo salutato, à conitatu ejus clam se subtrahit. Iohannes
 Holmiam ad se proceres vocat. Illi frequentes adsunt, præter
 Stenonem: qui tamen sub fide publica venire non detrectat.
 Eam antequam Iohannes ipsi daret, suam de Stenone suspi-
 cionem senatui aperit, *cunctosque se iudices laturum* significat,
si quid contra regni leges, privilegia & instituta fecerit. Senatu
 debita obsequii studia regi offerente rogantēque, prius audiri
 coram Stenonem, quam reus agatur, rex annuit & datis ipsi sal-
 vi committitur literis atque obside adesse jubet. Ille cum
 Hemmingo Gaddo, Suantone Nicolai, Canuto Alfonso
 aliisque accedit, factaque dicendi potestate, inprimis suspi-
 cionem insidiarum, in quam ab amicis apud regem adductus
 erat, amolitur, deinde ingratis quidem regis comitatu clam ex-
 cessisse se fatetur, non tamen animo machinandi quicquam adver-
 sus regem, aut ullius flagitii sibi conscio; sed securitatis suæ causa
 paulum secessisse, donec à tanta suspitione idoneis argumentis se
 purgare, & innocentiam suam testatam facere posset. Cuius rei
 cum modò in tam frequenti senatu & tot defensionis suæ ictibus,
 ipsi copia data sit, se ex animo Deo & regi gratias habere. Si se-
 cessu suo regem imprudens offenderit, id se impensè deprecari. De-
 hinc innocentiam suam validis fidei faciendæ momentis ac testi-
 moniis probatâ, non in sua potestate sed æmulorum atque inimi-
 corum arbitrio esse ostendit, quid de se aut cogitare aut calumniari
 velint. Satis tamen sibi esse conscium, se tam à culpa, quam fa-
 cinore, cujus insimuletur, alienum esse. Quin se pro regis existi-
 matione & incolumitate tuenda quidvis subiturum. Ceterum procer-
 ribus

ribus unum molestiæ ac dolori esse, quod rex Calmariensi pacto per omnia non stetisset. Hic interpellante rege & rogante, qua in re id rupium existimaret, respondit: arces regni & provincias indigenarum fidei demandandas, Danis aut Germanis commissas esse, qui pro lubitu quidvis in nobiles & plebem statuunt, idque subiectis aliquot documentis probat, & inter hæc Iohannis Falsteri præfecti Oerebroensis actionibus, qui nobilem Haraldum Plettingum prætorem in Norskoga, injuriâ, certè magis ex odio quam merito, infami crucis supplicio subiecisset. Præter isthac opes regni abductas, aliaque nonnulla contra fidem à rege datam admissa. Quæ si emendentur, nihil omnino se ceterosque regni proceres omisuros, quod ad regis dignitatem & salutem faciat. Ad hæc quum à rege responsum haut ex sententia accepissent, iterum Vadstenis convenerunt. Vbi collatis in commune consiliis, decernitur ad regem literas dare, de consultationum ad difficultates tollendas institutarum tela solis verbis ducta, & à rege ex meris suspicionibus abrupta, atque omni spe emendationis irrita. Præterquam quod ditiones ante Stenoni concessas, periculosum ratus, ut minister regis opes æquaret, etiam dignitates & beneficia Sueombus concedi sueta, Danis concessisset. Argentum & aurum in Daniam exportasset, nec in regni usum ex lege publica adservasset. Quod in perpetuo fœdere cum Russis Suedorum hostibus, partem Careliæ, Savolaxiam, Aegrepiam & Ieschiam in Russorum possessionem contra unionis leges transfulisset, eosque ad bellum contra Suecos incitasset. Quod Gothlandiam non restituisset, patris debitum non expunxisset, aliaque nonnulla ex fide non servasset. Proinde ex pacto Calmariensi, sub existimationis & juramenti vinculo se obligari, ut ab unionis regisque obsequio digrediantur. Ut contra præfectorum exterorum sævam dominationem, cum jure non possint, vi & armis se tueantur. His acceptis literis rex graviter animo commovetur; sed quum armis contra movendis in præsens se non satis instructum sentiret, cives ad integritatem & fidem sibi juratam, nulla machinatione labefactandam, aut rebellionem frangendam hortatur. reginam, ut suæ in ipsos fidei pignus, gravidam in arce justis cum præfidiis relinquit. Ille verò belli virium colligendarum causa in Daniam abit. Interim Steno denuò regni simulque belli domesticus administrator constitutus, arces regni, quas præfecti Dani tenebant, & inter primas Oerebroensem, cui præfe-

præfectus erat Iohannes Falsterus, quem captum Arbogam misit, ubi à Plettingi hæredibus, ob crimen supra relatam trucidatus est. Postridie Michaelis Holmiam movet, eamque circumquaque obsidet. Regius exercitus urbe effusus adversus Stenonem, bis in suburbiis cæsus, & in urbem repulsus est. Dum verò Steno acriter expugnationem urbis urget, duo ex senatu ad eum emittuntur, qui cum illo deditionem paciscuntur. Eâ re explorata, regii milites faces tectis immittunt: ut quia integram tueri non datur, excisam hosti relinquunt urbem. Cives repentina trepidatione, raptisque confestim armis in forum concurrunt: mox incendio crescente, portas urbis petunt, iisque apertis Stenonem cum armata manu foris stantem intromittunt. Ille urbem ingressus, præsidia locis opportunis disponit, & cives ad incendium exstinguendum convocat. Sic urbe potitus, arcem & in ea reginam, omni comœatu intercluso arcta obsidione infestat. Rex in Dania de his certior factus, conjugii suæ libenter succurisset; sed cum appetente hieme, classis expeditione, qua inprimis opus erat, prohiberetur, literis Stenonem & socios monet, *ut armis positis, in fide esse velint, se cum eis iuste acturum; & si quid ab ejus præfectis contra leges commissum sit, ex voto emendaturum; omniaque unionis capita fideliter exsequuturum.* Ceterum illi nudis dictis, si facta non respondeant, fidem habituros negant. Equidem mirum est, regem aliquot antecessorum ex eadem causa imperio motorum exemplis non monitum in tempore medicinam huic malo fecisse, quod par ipsi fatum minabatur. Nec in mentem venisse, quo major ipsi legum regni in quas jurarat, & boni publici cura esset, eo stabilius imperii fundamentum, & nomen ejus illustrius fore. Sed rex ingenio probus ab improbis aliquot consultoribus, quibus aures faciles præbebat, in transversum actus est. Interim Steno obsidioni arcis & reginæ instat, quæ supra gravem foris hostem, etiam intus fame oppugnabatur. Quippe præter carnem eqvinam & unam suam, nihil eduliorum obsessis reliquum erat. Illam regina certis dierum intervallis in mœnia produci, vinculis constringi, & cultrum tanquam modò ingulandæ admoveri jussit. Ita crebro suis & intenso grunnitu ciulatuque obsessi fidem haud deficientis comœatus adsequuti sunt, & hostibus hoc astu de-

clusis

lufis , paulò minus annos duos obfidionem tolerarunt. Tandem abfumto commeatu , & præfidio morbis aut inedia confecto , ut ex mille vix octoginta fupereffent , regina fe cum arce in fidem Stenonis dedere coacta eft. Captiva , ut erat fœmina religiofa , poftea in cænobium S. Birgittæ fe deduci rogavit , ibique ultra annum remanfit. Circa idem tempus , die S. Laurentii Steno Holmiam , ut magis refpiraret , & quia majus regno fubfidium quam minora oppida præftare confueviffet , ftatum maris orientalis emporium fecit , vel juſtapiulæ , uti vulgò vocant , ei conceffit. Vnde minora oppida præcipuè Öregrundia , Öſthammeria , Gevalia , Vlzbyum & Raumoum , interdicta illis in peregrinas oras navigatione , merces fuas Holmiæ deponebant. Hoc juſtapiulæ à poſterioribus regibus , his & aliis oppidis pro rerum & temporum uſu vel relaxatum vel reſtrictum eſt. Dum verò Iohannes auxilia arci , quam ignorabat traditam , & coniugi liberandis parat , Steno fortuna uſus , etiam Norvegos à Chriſtierno I. ob fidem olim Carolo Canuti Succie regi juratam duriter habitos , ad defectionem literis nuntiisq; in ſpem priſtinæ libertatis inſtigat. Cujus dulci nomine delenti quidem , non tamen fidei mutandæ præcipites , per Canutum Adolphi petunt à Iohanne reſtitutionem privilegiorum ſibi ſuperioribus annis ademtorum. Rex , quid à Stenone agitatum eſſet , & quò eorum animi inclinarent , edoſtus , Iohannem Ebbonis præſulem Roſchildenſem & Henricum Krummedicum ad Norvegos in obſequio continendos mittit. Hi claſſe eò proſecti , Canutum ex arce Aggershufiana ad ſe fide publica in navem evocant. Vbi quum alterationibus de fluxa Canuti fide utrinque inflammati excauduiffent , incertum an juffu regis , Canutum interficiunt. Chriſtiernus autem regis filius inde cum aliquot ſignis militum à patre in Norvegiam emiſſus , defectionem molientes cohibet , tumultus duce Hermalao Hudfadio rotæ pœna adfecto. Sed & Canutus Caroli Norvegis à Stenone ſubſidio miſſus in acie occubuit. Sic illi , ſuccifis rebellionis nervis , arma poſuerunt & ad fidem redierunt , Chriſtierno rege poſtea recepto ; qui ad priorem libertatem adſpirantibus , quod reliquum ejus erat , penitus eripuit. Quum verò ante triduum deditio arcis Holmiensis facta eſſet , rex cum ſua

K

claſſe

classe seriùs auxilio suis venit. Itaque cum dolore & fremitu
 tarditatem suam & adversos ventos culpans, nuntium ad
 senatum regni tunc præsentem de colloquio mittit. Sed ille
 velut ab hoste missus, reiectus est. Rex animo frendens
 speique irritus, Daniam repetit, certus tamen cum ampli-
 oribus copiis redire. Ceterum ut Vandalicas urbes à con-
 junctione vñrium cum Suedis, quam parari intellexerat, aver-
 teret, Iohannem Calvum ecclesiæ Othoniensis in Dania an-
 tistitem, & duos ex nobilitate alios Lubecam ablegat, qui
 nomine regis Senatui exponant, *quam perfidè Sieno cum sociis,*
præter attentatas sibi insidias, arma contra ipsum gesserit, urbe
Stocholmia, arce, regina captis. Nec satis habuerit per se fidem
violare, sed & Norvegos ad rebellionem conciverit. Quibus motus,
non possit non armis rebelles in ordinem redigere, & suis in tam
præsentis discrimine opitulari. Se igitur desiderare, ut Lubeca, ce-
teræque fæderatæ urbes tantisper quiescere, nec in Sueciam arma,
commeatum aliæque bello necessaria importare velint. Immunita-
tes civitatibus à rege non ad oppugnandum regnum, sed ad debitum
eï honorem habendum, & quum opus fuerit, operam & officia
adversus hostem præstanda datas esse. Quod si ejus amicitia hoc
largiti fuerint, gratiam ejus sibi vicissim demerituros: nec se quic-
quam prætermisurum, quod ad eorum utilitatem & existimationem
pertinere videret. Si secus faciant, se illos quoque loco hostium
habiturum. Ad quæ Lubecenses: Sibi ægrè esse, regem tantis
molestiis & pertinacia procerum Suediæ exagitari. Sed quum
merces suas, magnam partem facultatum & negociationis socios in
regno Sueciæ passim habeant, non absque ingenti fortunarum sua-
rum dispendio, istius loci commerciis abstinere posse. Se neu-
tri parti addictos, ob regum discordiam, libero commerciorum
& navigationis usu, jure gentium recepto, prisicisque privile-
giis arceri, contra jus & fas fore. Orare igitur, ut regis cum
gratia sibi in posterum quoque jure suo frui liceas. Iohannes hîc
frustra se niti intelligens, emissa in mare Balthicum armata
classe, naves Lubecensium & sociorum onerarias, in Sue-
diam vela dantes intercipit. qui dum eas sibi restitui, aut
æstimationem earum refundi frustra contendunt, cives ar-
mis injuriam ulciscendam clamant. At Senatus hâc modera-
tior & cautior, antequam alea belli jaciatur, conciliationis
viam ingredi tutius duxit. Sed quum tentata compositione
 nihil

nihil placidi à rege responderetur, tandem bellum apparuerunt. Nec Iohannes in eo cessat. Exercitu enim in oras Sue-diæ per Christiernum F. missò, Ludosiam urbem expugnat, diripit & igne injecto in cineres redigit. Hinc Elfsburgum & Örestenium arces vicinas adoritur. Quas præfectus Ericus Erici, sustinendæ obsidioni diffidens deserit, & discrimini se subducit; quod ipsi malè postea expetiit. Christiernus præsidariis capite destitutis & deditionem incolumi vita pactis, veniam, terroris in reliquos caussa, negavit. Hac rerum angustia obsessi noctu clam nuntium ad Stenonem mittunt, ut ad extrema redactis properè succurrat. Ille ad liberandum in præsentis periculo versantes, & reliquos hostium metu perculsos erigendum, justam peditum equitumque manum duce Achatio Iohannis Ostrogothiæ præside subsidio mittit. Hic per avios saltus & rupes, & quidem aëre nebuloso, Danis nullum alium hostem adfuturum suspicantibus, iter properat. Mox appropinquans hostium castris, dum cum suis deliberat, quâ parte commodius irruptio facienda sit, eminus rusticum quendam equos pascentem conspicit, eumque missis aliquot equitibus ad se duci jubet; si quid forte de castrorum Danicorum formâ statuque se docere possit. Is verò metu elapsus ad Danos, percunctantibus tam citatæ fugæ causam, armatorum vim haud exiguam proximè abesse confirmat. Et jam ad ipsa castra erant Suedi, qui absque mora collem adsitum, & obmodò digressas inde excubias præsidio nudatum occupant: unde facilis non solum castrorum hostilium inspectio, sed etiam telorum in eadem trajectus patebat. Achatius tacitam in castris solitudinem advertens, plerisque adhuc, ut diluculo, dormientibus, si silentio invasisset hostem, in manu sua victoriam habuisset. Sed ille nescius, arcem hosti pridie traditam, classicum cani jubet: ut ostenderet se manifesta virtute; quæ tamen ejus animo, quam isti loco & tempori magis conveniebat; haud insidiis hostem petiturum. Atque prima in castra irruptione magnam cladem incautis & improviso ejus adventu territis intulit. Quum ad sonitum tubæ strepitumque armorum, signis derepente sublatis concurrerent hostes, facto agmine irruunt in Suecones eosque castris pellunt. Christiernus autem fœdè victoriam exercuit, sive quod arcium præsidia, spe ultimâ, pertinaciter restitissent, sive

jam in adolescentiori ætate lupinam exerens naturam, sanguine delectaretur, omnibus ad unum internecione deletis, utramque arcem incendio dedit. Eodem tempore Otho Rudius, Bahusæ Norvegianæ arcis præses, castellum Olsburgum, à Suedis ad defensionem vicini agri exstructum ac præsidio munitum, astu quodam cepit. Haud ignarus, milites præsidarios eâ nocte, quæ ferias natalitias Servatoris nostri antecedit, largius se poculis invitare, suos ille sub primam noctis vigiliam secum armatos exire, atque occasione immingere jubet. Eisdem interulas lineas, quibus se suosque ab hostibus internoscerent, vesti superinducere mandat. Itacum milite intempesta nocte egressus, per exstantem altè nivem magna cum difficultate ad arcem enititur. Vbi postquam in muris nullas excubiâs animadvertit, omnibus intus commessationi & hilaritati deditis; silentio pergens, universos vino aut somno gravatos facile opprimit. Arcis præfectus vix fugâ in turrim dilapsus, eam non segniter in posterum diem defendit: quo nullâ spe subventionis affulgente, hosti eam tradit. Ostrogothi verò milites Ericum Erici, de quo paulo ante memoratum, tanquam proditæ arcis Elfsburgi reum, Achatio eum humi prostratum nequicquam à manibus irruentium corpore & precibus protegente, truculenter conciderunt. Lubecenses à Iohanne rege Daniæ hostes pronunciati nunc seriò rem agunt, & sex navium classem bene instructam Succis auxilio submittunt. Omnibus jam ad arma destinatis commodum in Germaniam advenit Raimundus Cardinalis ab Alexandro sexto pontifice legatus. Qui dissidentes ad intestinam concordiam, & arma adversus communem Christiani nominis hostem Turcam capienda exhortatur. Eadem occasione Lubecam accessit animo componendi motus bellicos inter regem Daniæ & Lubecam. Intervenientibus regiis arbitris, rem initio magno tumultu agitatam tandem eò perduxit, ut Lubecenses se à pace non alienos ostenderent, si à rege Daniæ pensionem damni reciperent; & inter Sueones ac Danos quoque transigi posset. Conventionem itaque his conditionibus: *Ut rex pro damnis illatis octo millia aureorum illis penderet, naves & merces ablatas restitueret. Privilegiorum jura illis salva relinqueret; si ab ope Suedis ferenda abstinerent, Cardinalis & Senatus*

mitteret.

mitterent in Suediam, ad reginam custodia liberandam & de controversia inter Sueones & Danos Sundii componenda. Suedi à legato de reginæ liberatione compellati, eam ultrò absque pretio dimittunt: cum armatis, non imbellibus & captivis, nec auro sed ferro bellū gerere docti. Steno ipse reginam officii causa ad fines regni profectus, quæ postea à Christierno F. excepta, Hafniam comitata est. Steno ubi à Daniæ limite Ienecopiam revertitur, idibus Decemb. subita morte decessit, non absq; veneni suspitione ab inimicis dati, qui tamē meliori fato dignus erat, nulli superiorū regū belli artibus patriq; studio secundus.

1502.

SVANTO STURIVS

Nicolai F. ante regni Marcellus, ut vocant, defuncto Stenoni successor sumitur: quum non leviter ea de re in Senatu concertatum esset. Quidam Iohannem regno restituendum, plures novum administratorem eligendum urgebant: & horum sententia valuit. Itaque Svanto conspicua vitæ morumque integritate populo charus, & Russicis expeditionibus victoriisque nobilis, regni curator dictus est. Ille, ut erat dignum isto munere, nihil cunctatur patriam tranquillare, & Danici belli reliquias conficere. Hoc animo Calmariam adhuc Danico præsidio obtentam & Borcholmium per Hemmingum Gaddum, istius loci militum ducem obsidere cæpit. Iste Gaddus erat ecclesiæ Lincopensis antistes designatus, vir eruditus, fidus patriæ civis & acer propugnator, Danorumque aculeus; sed infidus gregis sui desertor, pascere non pugnare constitutus. Quamvis autem patriæ libertatis tuendæ amor, odiumque hostis hæc arma induere viderentur, tamen sacro muneri non erant temerè contra Dei ordinationem miscenda: aut sacrum pedum gladio pro cuiusvis arbitrio permutandum. Quod jam in exemplum illa ætate, sed pravum, Deo & sanæ conscientiæ inimicum ierat. Ipse Svanto in Hallandiā & Scaniam cum copiis suis impressionem facit. Gaddus urbe Calmaria quidem potitus est, sed arcem Iohannes adhuc in sua potestate tenebat. Qui cum milite & classe eò contendens urbem denuò recipit, & consulem ac cives nonnullos perduellionis accusatos capitis supplicio plectit. Inde comitiis trium regnorum Calmariam ad legatorum Sueticorum postulationem indistis: ut controversiæ

1504.

1505.

inter illos vel arbitrio incorruptorum Principum, vel jure deciderentur; rex cum legato Iacobi IV. regis Scotiæ, ex sorore nepotis, cum Daniæ & Norvegiæ senatoribus, & legatis Ioachimi Electoris Brandenburgici generi sui, Ducum Megapolitanorum & Vandalicarum civitatum adest. Suedi vero ipsi, animis à se invicem dissidentes, abfuerunt. Iteratâ vice vocati, non tamen venire. Idcirco præsentibus pronunciarunt: *Suedos velut iudicium contumaciter eludentes, imprimis Svantonem aliosque procerum, qui literis, quibus regi fidem suam obligarant, subscripssissent, tanquam perduelles famæ & bonorum omnium damnari.* Hanc sententiam etiam Maximilianus Cæsar solenni diplomate confirmare rogatus, eosdem ex imperio anno sequenti proscripsit. Rex Daniæ Ioannes sententiam suam typis publicatam inde exsequi cæpit, & bona damnatorum omnia, quæ in Norvegia habebant, fisco addixit. Diploma quoque Cæsar per Vandalicas civitates sparsit & interdixit commerciis ac stipendiis regno Sveciæ faciendis, si posthac privilegiis suis in Dania frui velint. Verum Sueci hanc sententiam tanquam vitio latam haud acceptarunt, quippe in absentes & non auditos pronunciatam. qui quamvis in jus vocati, quum tamen desiderassent causæ suæ iudices extraneos & ab studiis partium alienos, nacti regi Daniæ conjunctos, eosdemque accusatores & iudices, tutius absuerint, quam ut præsentibus sub illis iudicibus haud obnoxie caderent. Evibratum in illos Imperatoris edicti fulmen nihil quoque ponderis habere, quippe promulgatum ab illo, qui non dextrè de re ipsa informatus esset, nec adversam partem audivisset: & quod caput esset, qui nihil juris aut imperii in Suedos haberet. Se verò ut perduellionis ac majestatis reos falso postulari ac traduci: quum in fine trium regnorum fæderis conceptis verbis proceribus regni, si rex pactis non steterit, ipsi salva omnium existimatione & vita, adversari, & à fide ejus recedere permittatur. At Lubecenſes irritatis à se Megapolitanis, ubi se duplici bello non sufficere vident, pacem ineunt cum rege Daniæ his legibus: *Vt naves cum mercibus ademiis rex illis restituat. Privilegia in regno Daniæ confirmet & instauret. Vt Suediæ nihil ad continuandum bellum submittant. Vt Suedicas naves mercesque in suos portus non admittant; aut admissis manus iniiciant. Quum supra has condiciones polliciti essent, se effecturos, ut huic paci quoque subscriberent eorum confæderati*

1506.

1507.

derati Gedanenses, Revalienses & Rigenses, tamen operam
 lufere: quum illi recusarent id approbare, quod Lubecenses
 seorsim reliquis inconsultis in rem suam pacti essent. Rex Io-
 hannes hæc pacis cum Lubecensibus factæ capita ad senatum
 regni Suediæ mittit: ut eos spe subsidiorum Lubecensium de-
 jectos, ad suæ securitati consulendum, ad officium & obe-
 dientiam revocaret, promissâ illis admissorum veniâ &
 promptâ regii favoris copiâ. Res à senatu in consultationem
 deducitur, & quum pleriq; præsules atque aliquot proceres,
 qui in partibus Danicis erant, tam benevolam regis erga se
 propensionem & periculum adversæ parti totique patriæ jam
 Lubecensium ope destitutis impendens, haud negligenda
 existimarent, visum est mittere legatos in Daniam qui au-
 thoritate publica honestam redintegrandæ amicitiae rationem
 quærent. Interim Lubecenses, compendii & emolumen-
 ti sui causa, quod emporiis pro publicæ felicitatis scopo
 ferme esse solet, contra pacta Iohanni data, Suedorum na-
 ves in suos portus clam non solum recipiunt, sed etiam sub-
 sidio, commeatu & apparatu bellico eos adiutant. Ita repa-
 ratis viribus Svanto in Blekingiam irruptionem facit, ar-
 cem Lyckam expugnat diripitque; & cum præda in Suediam
 remeat. Hic in promptu ultionis argumentum regi Daniæ, cu-
 jus auspiciis in Finlandiam Severinus Norbyus irruit, Ca-
 stelholmum expugnat & incendit. Stenonem Turonis cum
 uxore sua captum in Daniam non absque alia divite præda
 rapit. Cumulatis hoc modo belli malis, placuit illis levan-
 dis inducias pacisci, & ex priori decreto cum Iohanne per
 suos legatos pacis negotium agere. Sed quum illi dicto die
 non adessent, rex sibi ab illis imponi credens, in VVe-
 strogothiam excurrit atque Nylosiam devastat. Nec minus in
 Scania & Blekingia Svanto grassatur: urbem Huenam &
 adiacentia nobilium prædia exspoliât. Sic enim provocato-
 rum armorum fata se habent, ut damna damnis, & sæpe
 absque modo ac mēsurâ, ni major vis sistat, rependantur.
 Anno sequenti tandem Hafniam legati Suetici advenere, de
 pace acturi. His benignè à rege exceptis, post varias con-
 sultationes stetit sententia, *de rege recipienda aut filio ejus*
Christierno, quem Holmia ante aliquos annos jam regem de-
signassent. Aut si neutrum horum placeret, tredecim millia se-

librarum argenti quotannis regi penderent, donec lis de jure regni finiretur: salva interim administratione regni gubernatori & senatui, & Calmaria atque Oelandia regiae potestati relictis. Ut innoxie in mari & regni Daniae portibus navigarent, Lubecensium tamen commerciis abstinerent. Vbi verò legati domum redierunt, novis dissensionibus expressæ in pactis pecuniæ solutio interturbata est: quod extra mandati leges eam summam legati simpliciter approbassent. Quam tamen jussi essent ea conditione promittere, si rex solutione ejus præstita, statim Calmariam, Oelandiam & Borcholmium Suedis restitueret. Itaque hæc pax non diu perstitit. Ecquid mirum, si malè facta gratia facile rescinderetur? Quum ergo bellum recrudesceret,

1509. *& quidem gravius quam ante, Lubeca & reliquæ Vandalicæ civitates fœdus cum Suedis occultè renovarunt. Quod his eò gratius fuit, quo magis mari à Iohanne rege quam terra petebantur. Lubecenses verò expostulant, contra pacta conventa ipsorum naves & merces à Danis interceptas esse. Sibi proinde vitio verti non posse, si illorum exemplo præmoniti pacta quoque non servent. Quum igitur octo naves Revaliam ad exportandum inde Suecicas merces emississent, rex Iohannes classem viginti quatuor navium armat: quam in ipsius Lubecæ conspectu ad Dravi ostium excubare jubet, ad prohibendum Lubecenses libero maris usu. Hic non parum indignati Lubecenses, hoc suis commerciis & navigationi frenum in ipsis urbis oculis imponi, injuriæ ulciscendæ omnes Danos tunc Lubecæ deprehensos unà cum mercibus attinent. Pari affectu Dani Lubecenses in suo regno tractant, suosque commercio cum Lubecensibus sub pœna capitis interdicunt. Ex navibus eorum Revaliâ domum redeuntibus & in Danicas inopinatò incidentibus, unam, quæ erat prætoria, capiunt. Cujus deprædationi dum avidius incumbunt, reliquæ septem incolumes dilabuntur. Ne quid hostile intactum rex relinqueret, aperit insuper mare piratis, concessa facultate prædationis in Lubecenses & eorum fœderatos. Ad hanc aliena rapiendi licentiam prædones tanta multitudine confluunt, ut iter non solum Lubecensibus aliisque Vandalicis civitatibus, sed & Suecis intercluderent aut infestum facerent. Præter istam maris pestem, rex etiam classem in Finnoniam expedit, quæ urbi Aboensi & vicinis oris vastitatem inferret. Contra Lubecenses cum sociis*

sociis civitatibus, excepta Hamburga (quæ, dum alii sunt in motu, interim quiescens, octennis pacis beneficio auream messem ex commerciis domum reportat) octodecim naves, sale, panno & instrumentis bellicis onustas in Suediam emittunt, quæ in transitu Langelandiam, Möniam, Bornholmium & Gothlandiam populantur. Hæ Suedos in magna tunc difficultate versantes ita refecerunt, ut scedere cum Lubecensibus iterato, omnia Hafniæ pacta, tanquam invitis gubernatore & senatu ab episcopis & proceribus nonnullis Daniæ regno faventibus facta, Iohanni resignarent. Inde terra non minus quàm mari hostem aggressuri, Achatium Iohannis virum acrem & strenuum in Hallandiam cum septingentis equitibus mittunt. Sed ille fraude speculatoris Tordonis sibi jam pridem ex prodicione rerum Scaniæ cogniti, eoque maiorem fidem mereri visi deceptus, & animosius quam cautius in hostem loco & viribus superiorem inVectus; à Laurentio Forstio, vel ut quidam vocant, Frostio, agmen Danicum sub Tychone Krabbio ducente cæsus occubuit. Quidam volunt proprium ejus ministrum fuisse, qui primum ei ictum inflixerit. Duce cæso cæteri perculsi dissipantur, signis aliquot amissis & ad regem delatis. Hanc fortis viri jacturam postea sublevavit pax Rus- 1510. sorum: qui commodum inter tam graves belli tempestates per suos legatos sexaginta annorum inducias cum regno Suediæ pacti sunt. Ita minus hostium, plus virium superfuit. Lubecenses aucto classis numero, viginti sex naves armant, quibus se jungentes novem benè instructæ Suedorum, Lalandiam aliasque vicinas insulas diripiunt. Inde in sinum Calmariensem se recipientes, jam aliquot annos obsidentibus urbem succurrunt, arcemque regni clavem, quam tredecim annos jam tenuerat rex Daniæ, felici fato recuperant. Borcholmium Oelandiæ arcem post quinque mensium obsidionem fame expugnant. Quum hoc bellum inter Suedos, Danos, Lubecenses & reliquas civitates Vandalicas in octo jam annos protraheretur, tandem Lubecenses eorumque socii fessi bello, & com meatus atque commerciorum angustia ob mare undique navibus hostilibus obseptum, pacem cum rege Daniæ, præteritis Suedis, incunt. Quamvis etiam pacis pactio inter Suediæ & Daniæ regna tentaretur, tamen ille conatus 1511. utrumque frustra habuit: dum Iohannes non aliis quam di-

1512. Etis ab ipso legibus pacem volebat. Suedi verò eo minus fidei ipsi tribuendum credebant, quo minus priora pacta servasset. Proximo qui sequebatur anno Suanto diem suum Arhusiæ obiit; ibique funus ei quanto poterant honore fecerunt: quum octo annes regnum fideliter administrasset, non solum bellica laude, sed & pietatis studio, quod pacem & arma secunda facit, aliisque animi bonis Principe dignis clarissimus & cum paucis comparandus. Aula ejus magis ad decoram gravitatem, quam nimium splendorem & inania rerum composita erat. Ingenio quidem humanus erat, sed quoties irritabatur, aut segnes dictis increpabat, tonare non loqui visus est; quandoque nec manui temperabat. Mox ubi iracundiæ calor tepuerat, animum ad mitiora more generosarum mentium vertit, offensionem etiam muneribus expiando. Ut tanti esset ab eo objurgari ministros: qui, post motum animo discussum, in se serenum & beneficium dominum experiebantur. Inprimis ingenuæ istius virtutis veritatis amans erat; citra fucum quod sentiret, effatus. Mendacium & calumniam magis quam hostes suos odio habebat. Nec immeritò: quum hæc vitia per occultas & insidiosas molitiones nocentius, quam vis aperta, grassentur. Si quis absentem ad se deferret, non protinus ei fidem habebat, sed delatum coram sisti jubebat: ut calumniator, quæ à tergo in illum quocunque sensu vel affectu dixisset, in os præsentis probaret, aut ipse manifestus teneretur. Quare promptus innocentiae patronus, & maledici oris justus ultor, efficiebat, ut calumniæ monstrum hujus debellatoris metu minus auderet. Quis enim eò dementiæ temerè procedat, ut de eo alterum deferat, cujus si fidem facere non possit, ipse reus habeatur? ita & princeps & subditi tranquillius agebant. Suanto verò suum nomen ad posteritatem insigne vel hoc solo fecisset, nisi majora ejus in patriam merita exstarent.

STENO STURIVS JUNIOR

1512. Suantonis filius, post graves procerum disceptationes à majori senatus parte regni gubernator eligitur. Quidam volebant

lebant Iohannem regem Daniæ, cui sacramento dixerant, velleo vivis excedente, Christiernum ejus filium. Alii in Ericum Trollium propensi erant, non tam quod genere, quam quod morum gravitate, doctrina & rerum usu præstaret. Sed illi exfangvis senectus laboribus imperii militiæ, que non satis idonea; magis tamen Danicarum partium studium apud populum impedimento erat: qui Stenonem à factionibus Danicis alienum, patriæ amantem, apud plerosque ob paterna merita gratiosum, & in quo major ætatis animique vigor esset, antehabuit. Non diu post Stenonis electionem Iohannes rex Daniæ Oleburgi in Cimbriæ oppido decessit. Princeps regiarum virtutum laude conspicuus; nec minus Suedis quam Danis acceptus fuisset, si regni legum in indigenis potius quam exteris ornandis & præfectis dominationis impotentibus coercendis observantior fuisset. A Pontifice Romano Leone decimo legatus Iohannes Angelus Arcemboldus in has oras Boreales venit, indulgentiarum cautionariam exercens: quæ tam locuples & felix isti Pontifici fuit, ut ultra decies centena millia aureorum ex regnis aquilonaribus Romam corraderet; quæ Christiernus II. per oratores suos frustra repetiit. Cum Arcemboldo autem Christiernus secundus rex Daniæ, postquam isthac transisset, egerat, ut inter se & Stenonem de regni jure litem dirimeret. Eidem in occulto & sub fide silentii, amicorum & factionis quos in Suedia habebat, operam fidemque prædicavit. Legatus pontificius ut in Suediam accessit, fidem Christierno datam fallens, silentium non præstitit, sed factionis nomina & consilia Stenoni edidit; occultare commissa nescius, an corruptus ingenti ejus largitione. Quippe præter pretiosarum pellium aliaque munera, laminam puri argenti mensæ rotundæ magnitudinem æquantis ipsi Steno dono dedit. Etenim auri argentique studium sæpe homines falsos fieri cogit, etiam sanctitatis opinione conspicuos. Ceterum consiliis Gustavi Trollii, & factionis sociorum in Christiernum pronorum detectis, hæc gravis intra patriam tumultus & intestinorum dissidiorum prima occasio fuit. Cujus mali principium erat: quod Steno junior Erico Trollio magnæ existimationis seni prælatus esset. Hanc patris repulsam indignè accipere Gustavum filium, haud obscure præ se ferebat:

1513.

1515.

1516.

bat : dum Româ redux , à pontifice præsulis dignitate decoratus , Stenonis ipsi in promontoriis Stocholmensibus honoris causa occurrentis congressum subterfugit, & ad Biscopstunam navem exscendens , terrestri itinere Vpsaliam contendit. Præterquam quod ante annum jam Lubecæ cum Christierni Daniæ regis amicis, & postea per literas & clandestina cū nobilibus Danis in arce Stekiana consilia , de tradendo ipsi regno agitarat. Steno ad comitia Telgensia antistitem Gustavum ejusque socios vocat, ut sibi tanquam gubernatori regni fidem jurent. Sed illi vocationi non parent. Steno solutis comitiis, ut regni statum, quoad posset, in tuto collocaret, arce Nicopensi occulto ingressu occupata ; præfectum ejus Stenonem Christierni conjurationis suspectum apprehendit, & Stocholmiæ in custodiam tradit. Ille ingenuè profitetur , antistitem cum suis meditari & conferre consilia, de evocando in regnum Christierno. Steno dubius quoque fidei Petri Turonis, qui custodiam arcis Holmiæ tenebat , eam ab ipso ad Iohannem Arnoldi transfert. In nundinis autem Arhosiensibus plebi exponit machinationes præsulis : quomodo se ipsi opponeret, atque invitis regni ordinibus Christiernum pellicere in regnum niteretur. Præsul quidem scriptis ad populum literis se purgabat , arbitros inter se & Stenonem capiens episcopos & senatum Holmensem. Sed hoc dicis tantum causa faciebat, moras ex composito ducens, donec Christiernus in Suediam adveniret. Qui quamvis absens, tamen animo pravo præsens, odiis & factionibus distrahebat cives : ut facilius sibi subjiceret, quos discordia civilis à se invicem alienos fecisset. In hanc rem familiâ , opibus & ingenio eminentium in hoc regno utebatur, & præcipui instrumenti Gustavi Trollii : qui terrenas curas secta & ore , nondum animo abdicarat , publici status turbator. Episcopi & nonnulli procerum conati sunt publicæ tranquillitatis causa præsulem cum Stenone in concordiam redigere : sed incassum laborarunt, quum præsul ad omnia immotus , à proposito abire nollet : qua animi obstinatione sibi & reipubl. malum peperit. Steno vires sumere videns conjurationem, ut profectibus ejus pro viribus obstaret, Ericum Trollium Gustavi patrem ejusque socios capi & custodiæ tradi jubet. Gustavum in arce sua Stekensî obsidione elingit. Interim Christiernus, his cognitis , Stenonis navem,

centum

centum & viginti amphorarum capacem sale, panno & armis onustam in portu Lubecensi intercipi & Hafniam adduci iussit. His violentis & hostilibus actionibus induciæ inter Suedos & Danos ruptæ, bellumque redintegratum est. Durante arcis Stekianæ obsidione, Steno non semel ad præfulem misit de pace vel reconciliatione. Sed præsul eam recusavit, oppericens auxilia Danica, à se & Danicarum partium sociis evocata; quæ etiam sub Augustum, cum quatuor millibus armatorum classe ducibus Ioachimo Trollio, Severino Norbyo & Carolo Canuti advenerunt. Quum ad prædium regium Vedelæ prope Holmiam exscensionem facerent, animo subveniendi obfesso antistiti, Steno se illis cum copiis suis objectavit, & hostem cæsum in Daniam repulit. Præsul, ut ex captivis quid rei gestū esset accepit, animo cadit, & diffusus rebus suis, de arce dedenda, cum pactione salutis suæ, ad Stenonem mittit. Antequam verò in colloquium cum ipso descenderet, obsidem in fidei pignus Gustavum Erixi desiderat; quem etiam accepit. Sed suis in arce dederat in mandatis, ut, si non tutus ipsi daretur reditus in arcē, Gustavum extra muros suspenderent. Admissus ad colloquium, *quascunque leges sibi victor dicat se accepturum*, ait, & *ad ecclesiam suam reversurum*. Proceres ipsum serò hæc consilia capere respondent, *tot insontium sanguine ejus culpa profuso; nec tanti cruoris reum præsulis munere dignum esse*. Is verò, *quod utroque gladio sit armatus sacro & civili, se reum sanguinis haberi posse negat, etsi plures in bello occumbant*; quasi professio ejus à percussione & sanguinis effusione non esset aliena. Steno quidem obsidionem solvit, sed negotium præsulis procerum cognitioni judicioque committit: ne videretur ipse sibi contra adversarium pariter & cognatum velle jus dicere. Fide publicæ ad dicendam causam à proceribus vocatus præsul adest, auditur; & post maturam rei discussionem damnatur quidem ex lege patria perduellionis, ut qui secundū juris rigorem reus capitis & fortunarū sit: dum remp. turbarit, & hostilia in patriā arma irritaverit & attraxerit. Equitate tamen temperatur sententia, ut incolumi vita bonisq; sacra dignitate moveatur, & in paternis possessionibus privatus agat. Arx vero Stekiana, unde toties regno noxa illata sit, ad solū vsq; diruatur, nec unquam reficiatur. Si Pontifex quidquam contra moliri velit, se id junctis animis & viribus prohibituros. Hoc edictum in tabulas relatum,

1517.

relatum, à plerisque proceribus subscriptum & exsequutioni demandatum est. Ejus rei fama quum ad Christiernum pervenisset, consilium dedit Gustavo, ut tam insignis injuriæ, uti haberi volebat, querelam ad Pontificis tribunal deferret, & justæ ultioni permetteret. Pontifex *de restituendo in integrum præfule, & resarciendo omni damno ipsi villato; de Suedis tanquam sacræ sedi, summo regni præfuli ac ecclesiæ rebellibus igne & ferro persequendis* sententiam tulit, ejusque exsequutionem regi Christierno commisit. Rex per se ad eos excindendum paratissimus, quippe qui se imperio per Stenonis electionem & gubernationem indignè exclusum arbitrabatur; accepta hac facultate, magis inflammatur, & cum novis copiis in Suediam movet; castrisque in suburbio australi collocatis, Holmiam obsidet. Cives intrepidè sustinent obsidionem, & duce Stenone sæpius excursione facta; ita carpunt cæduntque hostiles copias, occluso etiam comœatu; ut rex urbis oppugnationem jam per aliquot menses tractam intermittere & exercitum in naves revocare cogeretur, in Daniam retro pedem laturus. Quum autem reflante vento progredi non posset, & jam per trimestre in portu hæssisset, magnâ comœatus penuriâ laborare cæpit. Inde rerum ferme desperatione ad artes suas redit, & inducias à Stenone petit. Steno, ut excelsi animi princeps, non solum armis sed & beneficiis hostem, si ex fide ageret, superare promptus erat. Quippe armis positis, tantum abest ut hostiliter eum habeat, ut etiam ingentem vim annonæ ei dono mittat. Rex tam inusitata munificentia concitatus magis quam delinitus, sive tam prolixum inimici officium suspectum habens, sive sua ipsum facilitate capere quærens, ad amicum de pace colloquium evocat, missis, ut securiorem faceret, obsidibus. Steno, non tam accuratus vel explorator, vel providus contemplator ingenii hostilis, quam ingenuus publicator sui, ad eum, id est, perniciem suam incautus ire destinaverat; nisi quidam procerum intercessissent. Hoc fraudis laqueo Christiernus dejectus, aliam meditatur. Ut de suo animo quasi pacis adœcupiente confirmaret cives, se datis obsidibus in urbem colloqui causa venturum adseverat. Illi quamvis de fide regis dubitarent; ne tamen patriæ in pacis negotio defuisse viderentur, sex ipsi obsides ex prima nobilitate lectos, quos ipse

ipse desiderarat, sub regia fide mittunt, Gustavum Erici (postea Dei providentia regem factum) Laurentium Siggonis regni postea Marescallum, Georgium Siggonis, ejus fratrem, Olavum Ryningium, Benedictum Nicolai & Hemmingum Gaddum. Hi, ut in quibusdam est Annalibus, uti jussi erant à Stenone, non ultra portum, quem vocant regium, proferre pedem voluere. Sed Tycho Crabbius classis Danicæ præfectus primò amicè monuit, spem illis de fide publica confirmans, dein reluctantes compulit, quippe armata vi in propinquo, regem ad Elsnabbum, ut vocant, comitari. Huc postquam advenere, de eis in Daniam abducendis agitatum est; modò isti dolo species quædam juris quæreretur. Tandem placuit obtentui esse, *Stenonis ad regis colloquium evocati detractionem: Gaddi in reginam Holmiæ obsessam astutas molitiones: Sueonum in Danos quosdam in insulâ suburbana detentos & fame enectos sævitiam.* quasi tot obsidum innocentia alienam culpam, si qua esset, expiare; aut Stenonis absentia, Gaddi & reliquorum Sueonum sive artes sive vis belli ipsis fraudi esse deberent. Certè obsides in causam securitatis traditos, cum quibus non solum fidem, sed & affectus suos ac necessitudines boni patriæ cives regi pignerarant, ille secundante vento, datis in altum velis, perfide secum quasi captivos in Daniam abripuit. Proxima æstate iterum copias suas adducit, Lubecensibus, ut eo anno navigatione in Suediam abstinere, persuasis. Oelandiam & Calmariam obsidione, sed frustra, premit: fortiter eas tuentibus indigenis, fugantibus Danos, capto etiam Achatio Braggio. Classis Danica ad Revaliam cum Suedis æquâ fere fortunâ dimicat; nisi quod nostrates duas Danorum naves in suam potestatem redegerunt. Anno sequente Christiernus cum longè majoribus copiis, quam ante, terrestri itinere revertitur, animo rebellium perfidiam ulciscendi, ut jactabat, & Pontificis edictum exsequendi. has enim velut speciosas belli causas immani suæ sævitiae obducebat. Steno de adventu ejus certior factus, veritusque ne se Gustavus Trollius cum Christierno conjungeret & inimicas patriæ machinationes aggredere, misit ad eum Strengnesiæ præfulem & Magnum Greenium de pace & amicitiae redintegratione. Quam etiam ad tempus simulavit, actiones suas

1519.

1520.

suas ad habitum fortunæ moderaturus. Equidem injurias se reipub. tranquillitati remissurum, nec regni commodis defuturum, amicis adfirmavit. Sed morte Stenonis hæc omnia in irritum ceciderunt. Steno ad oppidum occidentalis Gothiæ Boosundiam cum suo exercitu Christierno obviam procedit. Ad Tivedam hosti denso arborum cæsarum objectu accessum præcludit; mox mittit, qui explorarent, ut in hieme, glaci, quâ mare concretum erat, fidem, an ferendo sit agmini pugnaeque patiens. Quo comperto, decem mille rusticos ad defendendum istic deciduarum arborum munimentum & hostes transitu prohibendum mittit. Ipse verò omne agmen equestre in mare congelatum educit, hostem ibi in propatulo & æquo loco excepturus. Vtroque exercitu jam in propinquo stante & acie instructa, Otho Crumpius hostilium copiarum dux in adversum Stenonis equitatum tormenta primus explodit. Steno, dum principem in acie locum masculè tutatur, ex tormenti ictu lethali cruris vulnere occubuit, & milites ejus cæde consternati disiectique sunt. Inde ad Venerum lacum abductus, pro patriæ civiumque libertate invictum spiritum effundens: è vita migravit. Pro quo cives libenter se morti devovissent, si per fata licuisset. Tam gratus enim illis erat, quam imperio haud gravis. Vir extra omnem invidiæ ictum, si minus apud ipsum calumniæ licuisset, & adversus improborum artes prudentiâ munitior fuisset. Crumpius Stenonis cladem, occupandi nostrorum munimenti occasionem ratus, ejus expugnationem tentat. Sed præsidio strenuè defendente, cum magna suorum strage repellitur. Nec minus Vallesius Gallici pedatus ductor fortiter impetum in idem propugnaculum denudò faciens, vulnere lethifero accepto recessit. Tandem relictæ hostium aliquot copiae, quæ velitationibus distinerent Suedos, donec major pars exercitus hostilis clam circumducta in nostrorum terga, nec opinatò impressionem faceret. Ab his cæduntur, antequam conspexissent hostem, qui cedentibus instat: ne Stenonis casu perculsis, recolligendi se spatium esset. Illi tamen quanta possunt celeritate reparant vires. Sed quum duce carerent, instar palantis gregis facile disturbantur. Itaque cum Matthia episcopo Strengnensi rem communicantes decreverunt inducias cum hoste facere, ut

interca

interea de summa rei deliberarent : & undecim dierum induciis ac fidei publicæ literis à Crumpio impetratis, post varias consultationes in eam sententiam proceres iverunt, ut Christiernum certis pactis regem declararent.

CHRISTIERNVS II

Rex Sueciæ his conditionibus recipitur : *Vt religionem contra vim & injuriam quorumcunque adsereret. Præteritæ offensiones perpetua oblivione deleterentur. Omnes cujuscunque loci exsules & captivi, gratiâ admissorum facti, postliminio restituerentur. Prisca regni jura, libertas, mores & immunitates regno inviolatæ essent. Singuli præfecturas sibi commissas, possessiones & facultates quietè possiderent. De jure liberæ electionis & suffragiorum rex nihil decerneret aut imminueret.* His Otho regis nomine statim subscribit ; & cives se ad fidem ac obsequium regis comparant. Eadem ipse Christiernus post paucorum mensium spatium solenniter autoritate sua & subscriptione roborat ; incolumitatem vitæ fortunarumque plebi seorsim & plura quoque quam rogatus erat, promittens : ut facilis ad omnia animi spe vel umbra eos inescaret. Quum autem proceres ; qui adhuc partium Stenonis viduæque ejus erant & Holiniam tenebant, Vpsaliâ, quo reliqui pactis subscribentes convenerant ; studio absuissent : nullâ aliâ causâ ; quam ut fidei Christierno à reliquis obligatæ nexu ipsi solutiones essent, Gustavus Trollius jam caput iterum erigens, & Matthias Strengnensis ecclesiæ præsul, suos ad illos amandant, qui colloquium vel Spongæ, ubi tunc morabantur, vel ubicunque placeat, exposcant. Sed emissi à Magno Greenio è subiecta insula, quam Spiritus Sancti nuncupabant, tormentorum fulmine ita excipiuntur, ut subito regressu vitæ suæ consulere, nulloque cum responso ad suos redire cogerentur. Vbi verò Crumpius accepisset, Stocholmenses auxilia ab maritimis & Vandalicis civitatibus præstolari, & Stephanum Saxonem cum sua classe ad Elsnabbium jam præsto esse, cum agmine suo ad eam vel intercipiendam vel accessu urbis prohibendam contendit. At quum à præfecto classis in altum proventa, tenuique glacie vallata, propius ab hoste contingi non posset, ille hoc ausu frustratus, Vpsaliam

L

repetit.

repetit. Postquam auctis Danoreum copiis, exercitus uno in loco difficulter, ob commeatus penuriam diu haberi, nec Holmia hieme impendente obsideri posset, visum est in hiberna distribuere milites. Ita mille pedites in præsidium Arhosiæ locati, aliquot copię equestres Strengnesiam missæ sunt: quæ Matthiam loci episcopum adversus incursiones hostiles tutarentur; reliquis Vpsaliæ relictis. Interim Ericus Petri, Olaus Valramns, Matthias Laurentii alique, qui fidem suam Christierno nondum obstrinxerant, coactis colonorum agminibus Danorum præsidia crebris velitationibus impetunt. Maximè eos qui Arhosiæ impositi erant, Ericus Petri insidiis circumvenire nixus est. Sed illi dolo cognito, in tempore se periculo subducere, & Vpsaliam properare. Nihilo tamen feliciores in colle Balingzåds dicto, loco insidiis peto opportuno, à rusticis in angustias compulsi sunt. Isthic factò prælio vehementer utrinque, quamvis non dispari militum fortuna, decertatum est. Mox totis viribus in hostes in castris ad Vpsaliam desidentes duce Lamberto Matthiæ moverunt, certi libertatē vel ipsa morte vindicare. Primo impetu castris exegerunt hostem & terga dare compulerunt. Et jam ipsum cælum in partes pugnæ venerat ac pro nostris stabat: dum mixtus imbre ventus ita hostium ora diverberabat, ut, si adversi irent, aut vortice intenti affligerentur, aut contra enisi vix reciprocare animam possent. Sed nostrates obversis tergis & ad pugnam integri eundem innoxie transmittabant. Præter hoc densa nix liquēfacta impeditum equis reddebat incessum: quippe supposita nive ungulis & in globulos densatā, equi lubrico nisu moventes pedem, mox ipsos quoque sessores excutiebant. Præterquam quod tormenta ægrè traducta, cedente istorum moli nive, velut demersa & subinde obluctantia, inutilem sui usum facerent. Itaque tam adversa hostibus & amica sibi tempestate usi Sueones, lævum hostium cornu sic pressere, ut jam in fugam inclinaret. Atque in proclivi fuisset, universum profligare agmen, si ut manu, loco & vento potiores, ita perito duce, hosti pares fuissent. Sed quid multitudo & cetera belli adjumenta absque prudenti ductore fere sunt aliud, quam ingentes & non male constructæ machinæ sine perito motore ac direttore, aut vastum corpus absque rectore animo? Tandem immissus ex occasione in

Suedos

Suedos equitatus Danicus aciem perrumpit & turbat, parte eorum fugatâ, parte trucidatâ. Quidam in horreum ad siccandos lateres exstructum confugientes, in hostem tamdiu depugnarunt, donec facibus horreo injectis cremarentur. Non tamen inalti mortem oppetierunt. nam præter copias hostiles cæsas duo tribuni militum Simon ac Sivarðus Malii fratres ab illis obtruncati, superbiæ spretique hostis pœnas dederunt; dum contumeliosis eum dictis incessentes jactabant: *se cum incondito rusticorum agmine conflicturos, et amfi magno numero cælo depluant.* Gustavus præsul odio in cives ultra mortem contra legem humanitatis producto, occisis sepulturam invidisse fertur. Matthias autem Strengnensis antistes cum Danis equitibus diæcesin suam circumequitans, cives partim hujus cladis fama, partim autoritate sua ad regis fidem, factâ præteritorum veniâ, reduxit. Nec quisquam hoc majore industria peregisse traditur. Pro quo tamen rex malam ei gratiam rependit, ut postea dicitur. Sed apud tyrannos beneficia non diutius in pretio, quam usu sunt. Omnia sibi, nihil aliis deberi volunt. Præcipiti Majo rex cum ingentibus copiis huc reversus, in Vplandiam Holmiam versus iter habet. Vbi propius ventum, Crumpius suas ipsi adjungit copias, illisque Holmiam circumdat. Sed cum eis qui antea fidem suam ei devoverant, pacem integrat: *Vt memoria offensarum perpetuo silentio gratiâque sempiternâ aboleretur. quæ duces regii polliciti essent, ea, ceu rex ipse sanxisset, rata & firma essent.* Vt scrupulum animis hæsitantibus prorsus exemisse videretur, eadem jûramenti religione & syngrapha firmat. Rusticorum fidem specie comitatis & muneribus pignoratûm ibat, binos quosque singulis oréis salis donabat: læto quidem in præsens plebi delinimento, sed parum providæ, istæc munera insidias esse, se tantilla mercede libertatem suam vendere, tunc-tosque in suum exitium, ut pisces objectâ escâ in hamum, prolectari. Emisit etiam per regnum nobiles sibi obnoxios, qui reliquorum civium & colonorum animos ad obsequium in regem tam benignum scilicet pararent. Sed hoc consilium magis ad tumultum, quam obsequendi voluntatem profecit: dum animi jam ante odio adversus eum imbuti, vel minis vel instigatione quorundam procerum regis molitiones altius penetrantium, fidem suam hac arte labe-

factari non patiebantur. Inde factum est, ut iidem non solum Danos, sed etiam Suedos regi Christierno addictos, velut publicos hostes infestis animis impeterent. Etenim direpto prædio vel arce Arnöensi præfulem Vpsal. Iacobum, qui tamen jam pridem officio discesserat, ceperunt; Lincopensem in sua arce obsidione urserunt. Ericum Abrahami in Nericia infestarunt, omnes tanquam suspectos partium Christierni. Sed & oppidum Strengnense auxilio missis à Iohanne Magni Arhosiæ præfecto copiis expugnarunt. Hos cum ægrè compescuisset, & jam in autumnum declivi anno Holmia nondum occupata esset; nec minus pecunia in stipendium militis deficeret, anxius animi misit sui studiosos proceres in urbem, qui de ejus fide & clementia dubios confirmarent. Conditiones, quas cives & Christina Stenonis vidua, arcem adhuc tenentes, de sua libertate & integro jure ei ferant, accipere promptus, non solum nudâ adseveratione ratas esse iussit, sed & diplomate ac sacramentis religiosè sanxit; & plura his ac majora addidit, quibus illorum animos de sua fide & favore prorsus certos faceret. Verum ille libertatis & salutis regni splendida nomina obtendit: dum subditis servitium, & sibi dominationem quærit. Hinc in urbem admittitur, & pacem omnibus publicè denunciat, animum celans, donec se, exercitum & arcem communiisset; prius securitati, quam vindictæ consulturus. Omnibus pro arbitrio confectis in Daniam abit, dicto comitiis Holmiæ & inaugurationis suæ die Kalend. Novemb. quibus iterum adest. Vbi comperit, omnes regni senatores convenisse, montem Brunconis urbi proximum cum suis conscendit, militibus ad radicem montis circumstare iussis: ut proceres populusque ab armatis sepi, & velut indagine cincti nihil moverent. Ipse eminentiori loco sedens, per Iohannem Billenachium episcopum Fynensem populum alloquitur in hanc sententiam: *Regnum Sueciæ optimo jure ad se pertinere, jam vivo patre Iohanne ex designatione & consensu procerum sibi delatum; cuius rei fidem faciant senatus literæ. Præterquam quod idem hereditatis beneficio capiat secundum leges regni, quæ regium filium, si par imperio sit, proximum regni successorem destinant. Se itaque non per vim aut malas artes occupare imperium. Sed illos contra leges & fidem ipsi literis obstrictam fecisse, quod Stenone electo ipsum à reg-*

no tanto temporis intervallo exclusum iverint. Sed quum pace ini-
ta prætorum venia facta sit, nunc solum querere, num Chri-
stiernum pro legitimo suo rege acceptare velint. Quum omnes
annuissent, eos sub dio protensis digitis sibi fidei & obse-
quii sacramentum dicere iussit. Ipse proximo die Dominico
in æde Stocholmensi, præmissa juramenti in leges regni etiam
cænæ Dominicæ usu sanciti formula, ab antistite Gustavo &
reliquis regni proceribus rex solenniter inauguratur. In co-
ronatione equestri dignitate donat aliquot nobiles Danos,
præteritis Suecis: quibus cum ante armis experiri necesse ha-
buisset, quam reciperetur in regnum, non mirari oportere dixit,
si ipsos non prius honoribus ornet, quam fidem illorum satis pro-
barit. Vbi regni possessionem ingressus erat, & satis sibi
potestatem suam fundasse visus; exsequi in eos sententiam
statuit, quos ex eminentioribus & conspicuis Sueconum
sibi antea vel infestos vel virtutis suspectos ad cædem de-
signarat. Sed prius cum amicis maximè sibi fidis consultat:
quâ ratione supplicium de iis sumi posset, quasi se incio &
invito; ut sic facti invidiam molliret; vel obtentu quodam
juris, ut excusandi colorem haberet. Hic ejus amici magis
regem, quam Deum timentes, non quod pietati, regis
existimationi & publicæ saluti conducere, sed quod regio
animo ad vindictam prono & privatæ cupiditati place-
ret, in medium consulunt. Quidam authores erant seditionis
& militibus inter cives excitandæ: ut in tumultu licentiam aliena
involandi cædendique destinatos haberent. Sed hoc displicuit
consilium: quod per seditionem etiam civibus integrum foret
arma capere; quibus & suis & sibi anceps discrimen face-
rent. Aliis placuit, in intimis regie locis pulverem tor-
mentarium spargere, sub specie factarum regi à perfidis infi-
diarum: ut ita præceptum à consciis scelus regi proclivius esset
vindicare. Sed hic dolus, ut nimis apertus & composi-
tus, minus arridebat. Tandem melior, ut videbatur,
sententia accepta est, magnifico excipere epulo primates reg-
ni, ut specie benevolentiae & hospitalis fidei insidiis opportuni-
res essent. Ne autem insidiæ viderentur, finito epulo Gustavum
antistitem tanquam in se injurios, in regem perfidos accusaturum,
& Pontificii mandati sententiam in reos pronuntiaturum; quo ta-
men mandati sceleris culpam magis prodidit, quam preffit,

& hospitalitatis tesseram pessimè fregit. Convivium magnificè apparatus, & ultra biduum extrahitur, nulla non humanitatis & alacritatis imagine. Sed infelices nesciebant hospites, sibi nimio constituras has epulas; ipsos instar pecudum ad lanienam ducendos. Per biduum corpori bene esse, ut tertio die capite solverent epularum & deliciarum impensas. Eodem enim die Gustavus antistes jussus est criminationem adversus eos instituere, quanquam invitus, sive quod pœnitebat facti, sive quantum mali in bonos cives Christiernus cuderet, animo præsentiebat. Vnde, ut consuleret eorum vitæ, miti ratione sibi agendum arbitratus, tantum pro dejectione sui à sacra dignitate, & pro diruta arce Stekiana, injuriarum, damni & impensarum restitutionem petit. At rex impatienter tulit, quod tam tepidè nec districtius eos postularet. In primis Pontificii edicti in turbatæ religionis & ecclesiasticæ libertatis violatores exsequutionem urgeri volebat; suam de negato ante vel dilato sibi imperio causam studio celans: uti sanguis mox effundendus minus invidiæ habere videretur. Vt verò speciosior esset tyranni sævitia, in publico Pontificis diploma recitari jubet. Et quia accusatio Gustavi etiam Christinam Stenonis viduam Nicolai Gyllenstiernii filiam tangebat, eam advocat & ex præsentè percunctatur *causas odii Stenonis in præsulem, & excisæ arcis Stekæ; & cur præsul ab ipso emotus esset sacro & honorato munere.* Ad istæc primum consternatus matronæ animus includit verba; sed mox ab adstantibus confirmata recipit animum & vocem: *nihilque maritum in præsulem nisi ex sententia senatus statuisse, ait: cujus rei literæ testes essent.* Rex ad mentionem literarum eas statim expromi jussit. Quas cum cura lectas adservat, & omnes, quotquot subsignarant, in indiculum relatos, capitis ex edicto pontificio damnat. Dicta supplicio die omnia ad terrorem & sævitiam comparata erant. Urbis portæ clausæ, stationes militum & excubiæ per urbis regiones dispositæ cives undique cingebant: ne quisquam elaberetur; simul ut tumultum populi præsentī metu cohiberent. Tubicines à primo diluculo jussi edere horrificum clangorem per urbem, & ad signum tubarum denunciare civibus, ne quis domo sua efferret pedem. Quibus facile divinare erat, quale cuique suus & domesticus carcer imperatus omen esset. Tormenta

bellicæ

bellica ordine locata erant per omnem viam , quæ ab arce excurrit ad forum , velut excidium minitantiæ tectis , parietibus , ædibus , torique , si se contra moveret , civitati. Quum pro se quisque exspectatione metuque attoniti hærent , repente arcis porta aperitur , & circa meridiem per spiculatores episcopi , proceres , nobiles aliique viri conspicui producuntur in forum , quod vocant majus. Antequam adirent supplicium , ut excusatus in speciem videretur , Nicolaus Lycius jussu regis ex curia alloquitur plebem in foro spectandi causa adstantem monens , *ne quid ad eum miraretur istorum quæ agi conspicerent. Regem Christiernum ex gravibus causis & ineluctabili necessitate hosce perfidos capitis supplicio subjecisse : qui in ecclesiam , & pontificem Romanum tam enorme delictum admisisent. Quidam ferunt , eum addidisse : Christiernum ter à Gustavo præsule rogatum , ut hanc penam irrogaret reis. Sed Vincentium episcopum Scarensem ei in os constanter oblocutum : purum putum hoc esse mendacium. Eam esse ipsius Christierni perfidiam & immanitatem , quam Deus inultam non sit relicturus. Idem submurmuravit quidam civium , plures tacitis animis ac suspiriis voverunt : ne palam audita liberior vox , ultima illis esset. Quum in aream , supplicii locum deducti essent episcopi , petunt sibi copiam fieri sacerdotis , cui delicta sua confitentes , rite se expient. Sed hoc ipsis denegatum est. Primum Matthiæ episcopo Strengnensi caput amputatur. Hoc ille præmium ferebat , ut primus inter reos ordinis honorem haberet : qui tam enixè pro rege & in regnum allegendo laborarat. Sed alia beneficii gratia tyranno aliena erat. Nisi hoc clementiæ deberi voluerit : quod caput præcisum ei soli inter crura locaretur , palo non infigendum. Hunc excipiebat Vincentius episcopus Scarenensis. Iohannes Braschius antistes Lincopensis jussus in genua provolvi , & cervicem ictui carnicis submittere , palam se facinore innoxium profitetur & supplicium detrectat. Sed quum incassum excipiens , ad penam raperetur , supplex petit sigillum , quod literis conjugationis adfixerat , tolli. Istic exsertam innocentiae suæ fidem exstare. Hoc ubi ad regem defertur , ille , quod desiderarat , fieri jubet. Ita sub interiore cera abditam deprehendunt schedulam , in qua ille suæ saluti in futurum callidè præcavens , manu suâ scripserat , se invitum & coactum*

subscripsisse & subsignasse. Exinde liber à pœna pronunciatus ac dimissus est. Sed proceres, nobiles, cives longo ordine capite plectebantur, Ericus Abrahami, Ericus Iohannis, Gustavi postea regis pater, Ericus Canuti, Ericus Ryningsius, Ericus & Eschillus Nicolai, Ioachimus Braheus, Magnus Greenius, Ericus Kussius, Olaus Beronis, Gunnarus Gallus, Benedictus Erici, & alii nobiles non pauci, quicunque propria libertate asserenda strenuam operam navant. Præterea tres consules Holmeneses, Iohannes Gudmundi, Andreas Olai, Andreas Henrici, & melior pars senatus, tanquam publica offensæ tyranni piacula capitis supplicio tradebantur. Primores civium ex ædibus suis, quidam ex medio opere in forum ad pœnam tracti sunt. Lambertus, dum cuidam detondet capillos, rapitur ad carnificem, cui subicere cogitur caput detondendum. Detruncati sunt eo die septuaginta, vel, ut alii volunt, quatuor & nonaginta. Nec pauciores postero die, & quidem indictâ causâ ex sola suspitione & calumnia interfecti sunt. Si enim alicuius liberior vox ab emissariis esset excepta, confestim illi stabat exitium. Imò ne quidem palam istis malis publicis ingemiscere licebat, & impune miserorum casus deslere: quum non solum sermonibus, sed & vultui, planctui, gemitibus denotandis adessent exploratores. Laurentius Iohannis inter regios ministros & plebem spectatores adstans, dum tot præstantium virorum neci in lacrymare cernitur, illi cō ex medio circulo abripitur ad capitis supplicium. Dignus scilicet videbatur pœna mortis, quod miserari didicisset, nec humanum affectum exuisset: quod suum, non feræ aut domini sui ingenium haberet. Neque hîc remisit tyranni furor. Miles in promiscuum vulgus, quod ad triste spectaculum confluxerat, emissus obvios quosque confodit. Mox publicatâ proscriptorum tabulâ fit impetus in eorum domos; fœminæ & virgines rapiuntur & per vim stuprantur; fortunæ & opes civium, non secus ac infestissimorum hostium, diripiuntur. Latentes vel intus cæduntur, vel ad supplicium extrahuntur. Quæ tuta peterent, aut quæ formidanda relinquerent, incerti, passim in obscuris urbis locis, quidam etiam pudendis latebris aut metu, aut ut ignorarentur investigantibus, se occultabant. Sed ne quisquam evaderet, omnibus impunitatem tyrannus publico edicto promittit. Miseri quamvis toties circumventi, ta-

men

men fallacibus edictis incautè credentes, è latebris in publicum certatim provolant, & ad exitium suum infaustè properant. Omnes enim ab emissis satellitibus ac militibus obtruncantur. Reliquorum furcis affixorum pœnæ ita festinatæ sunt, ut nonnulli ocreis & calcaribus adhuc induti, raptim ab equis in patibulum attollerentur. Verebatur tyrannus, credo, ne mora cruces deficerent, aut ne manus spiculatorum interim torperent; miserisque reis vacaret morti se præparare. Sed in nulum quæsitioris & atrocioris supplicii exemplum, quam in quendam Iohannem Magni editum est. Is vestibis detractis nudus cruci suffigebatur, in qua verba non pauca faciens, innocentiam suam obtestatus, de extrema patriæ civiumq; calamitate, de regis immanitate conquestus, Deum ultorè postcebat. Ne diris quidem & execrationibus temperavit. Scilicet indignitas rei ultimæ; desperatio vehementiores ingenuo pectori extundebat voces. Quibus ita efferatus est tyrannus, ut virilia reo amputari & in faciè pendentis proiici juberet. Mox latus ipsi apertū est tam laxo & hiantè vulnere, ut immissa per id manu cor extraheretur, & mortui facies eo percuteretur. Receptæ enim pœnæ & simplex mors leves odio explendo videbantur. Quin in mortuos crudelis fuit Christiernus; quibus tamē sepultis ipsa natura & fas hominū parcere jubent ac quietē indulgere. Stenonē, qui in prælio pro patria tam generosè ceciderat, filiumq; ejus posthumum effodi mandabat. Quum Stenonis cadaver oculis subiecisset, quia occidere nō amplius poterat, quod libenter optasset; ut tamen ultionis cupidū animū ostenderet, illud morsu instar rabidi canis appetiisse traditur. Postquam Holmiam viris exhauferat, extinctorum quoq; facultates invasit. Pupillos ac viduas sive nobiles sive plebejas, post parentes ac maritos interemptos, vel carceri inclusit, vel omnibus fortunis exspoliavit: ut nihil illis nisi plorare & esurire reliquū faceret. Gustavi I. mater & soror Hafniæ in carcerem compactæ, fame perditæ sunt. Et plures cum eis nobiles fœminæ periissent; nisi ipsius Christierni conjugis Elisabethæ intercessio occurrisset. Quin nec sacris nec profanis impias avarasq; manus abstinuit. Triduum integrum effluxerat, quod cadavera interfectorum in publico volutata & squalida in sanguine suo per vias undante, non solum hominibus ostentui & horrori, sed canum quoque laniatibus exposita jacuerant; donec illis oculos suos satiasset tyrannus; Nerone hîc im-

manior, qui iussisse pœnas & scelera contentus, non spectavit. Quin exteri, quos hujus rei sensus aut dolor non tam prope tangebat, tamen hoc horrendo spectaculo percellebantur. Ipsius Caroli V. Cæsaris, Christierni affinis, legati, tunc Holmiæ præsentés, quum imperatoris sui nomine efferam istam Christierni sævitiam consilio non antevertere, nec Christiana informatione impedire possent, non ferme minus eam quam indigenæ in animum admiserunt, odioque crudelitatis & commiseratione calamitatis innocentium, quam eorum oculi diutius ferre non poterant, hinc abierunt. Tandem cadavera quædam in puteum fori postea terra obrutum præcipitantur, plura extra urbem eiiciuntur & cremantur, cineribus dissipatis. Obtruncatorum enim corpora Christiernus ne quidem sepultura dignabatur; quam tamen etiam hostibus, quisquis aliquid hominis habet, haud denegare solet. Hac detestanda crudelitate adhuc diriora timebantur (si quid dirius esse posset) quum publico diplomate omnes rusticos iussisset exarmari. Fortè quidam in sermone liberius jecerant, non desideratum iri ferrum & gladios, modò arma quæ natura homini dedisset, dextræ & lacerti ad ulciscendum, pedes ad persequendum tyrannum superessent. Inde divulgatum est per inquisitores & ministros ejus, rusticis unam manum unumque pedem præcidendum: ut etiam hac parte inermes redderentur, & soli labori non militiæ idonei essent: eos enim nihilominus agrum colere posse, etiamsi altero pede ligneo & una tantum manu uterentur. Ex Suecia in Finnoniam quoq; regis sævitia transiit: ubi Svecos & Finnonés nobiles qui contra se sentire viderentur, Antonium Erii, Henricum Stenonis, Magnum scribam suum, saltem quod Succus esset, Hemmingum Gaddum, aliosque ex nobilitate & conspectioribus ad regium edictum Thomas arcis Aboensis præfectus vel gladio vel cruce submovit. Ericus Flemingus nobilis Finno, de Christierni edicto præmonitus, in tempore vitæ suæ consulbat. Dum enim se simulat infensissimum Sueconum hostem, & ab arcis præfecto petit copias Sueticas & Danicas præsidio impositas, quasi cum illis impressionem in Nicolaum Arvidi & Svecos attem obsidentes factururus eosque castris exuturus; illas cum accepisset, edoctis prius obsidentibus de suo consilio, eis appropin-

propinquans vertit in Danos copias, eos prosternit, & cum suis in castra Suenonum transit, fidamque Gustavo postea operam præbet. Quum verò Christiernus insignita hac laniena publicum omnium odium meruisset, & jam ad arma plures concurrerent, etsi tot regnorum potens, terrore tamen divinitus ex conscientia tot facinorum percitus, nullum aliud securitatis suæ præsidium, quam in fuga superesse vidit. Itaque confusis magis quam constitutis, & perditis pro libidine sua regni rebus, terrestri itinere reversus est in Daniam, relicto post se Theodoro : qui ex tonsore legatus ad pontificem, dein præsul Lundensis & mox Scarensis, tandem prorex Sueciæ factus, dum ex obscuro ad tantam dignitatem elatus, superbè & crudeliter agit, quo sublimius adscenderat, eò gravius decidit. Ex hoc regno enim ejectus, Hafniæ ad ignem damnatus & exustus est. Ne quidem in discessu Christiernus sævitix suæ temperare potuit; quasi molliorem sibi viam per civium sanguinem facturum. In quamcunque venit urbem, furcam miseris paratam esse iussit, & quidem consilio Nicolai Holstenii : qui aliis quærens perniciem, sibi tandem ipse ex merito invenit; dum Sudercopiæ patibulo à se erecto affixus est. Vadstenis Sueno Hōkius & Petrus Faber episcopi Lincopensis dolo prodi, vivi in quatuor partes dissecantur & rotæ imponuntur. In Ribbingianæ familiæ non solum viros sed & pueros Lincopiæ desæviturum est. Lindormus Ribbingus capite truncabatur. Sed pueruli bini, quorum alter octennis alter biennio minor, substrictâ in nodum comâ è catasta sævum in modum suspensi, & mox cervicibus amputatis tenella corpora in solum trunca dejecta sunt, capitibus in sublimi hærentibus. Ecquid verò parvuli isti, nondum intelligentes quod agerent, deliquerant? Sed leniti videbatur, quærere noxios. Satis causæ ad mortis pœnam erat odium in veterem istam & nobilem familiam : ex qua, si potuisset, ne pullum quidem relicturus, & omnem speciem generis sublaturus esset. In monasterio cui novæ valli nomen, hospitio ab abbate loci & monachis exceptus, hoc gratiæ retulit, ut plerosque in vicinum flumen abiici & submergi faceret, non aliâ causâ, quam quod metu militum ejus partem commeatus in propinqua silva abdiderant. Abbas quum solutis vinculis in ripam enataisset, nihilominus cru-

crudeliter interfectus est. Vel, ut alii volunt, iterum victus, contis detrusus, viribus & animo deficientibus, spiritum tandem undis reddidit. Atque hæc duntaxat in transitu & per viam patravit, præter ea quæ paulo post coronationem & imperium susceptum; ad quorum vel solam cogitationem proba mens exhorrescat. Quis enim absque horrore & tantæ crudelitatis ac perfidiæ detestatione facile tyranni meminisset? quippe qui quarumcunque injuriarum oblivionem, verbis, literis, sacramento toties sancitam tam nefariè violabat; quasi nulla prorsus religione teneretur; aut quasi promissa ac juramenta fallendorum hominum causa instituta essent. Vt tamen aliquod perfidiæ pallium circumjiceret, uti justi quandam umbram habere videretur, Gustavi præfulis causam tanquam non disertè per Suedos exceptam, à sua fraudulenter secrevit. Quâ arte & simul sententiæ pontificis exsequendæ obtentu, se animum ulciscendi injurias avo, patri & sibi illatas avidissimum opportunius expleturum, & pervicaces Suedos inusitato terroris exemplo tandem aliquando in fide & officio retenturum vanè jactabat. Equidem indulta totiens omnium præteritorum venia & fidei juramentis datis acceptisque religio vel minimum vindictæ obtentum ipsi præripuerat. Verum quid loci esset apud tyrannum fidei? & qui adèò sitiebat sanguinem Suecorum, ut non nisi flore nobilitatis & tot præstantium ac innocentium virorum exciso quiescere posset; ut verè in illum quadret illud prisca sapientis: Tyrannum purgare regnum suum, sed purgatione medicorum contraria. Siquidem illi quod est deterrimum è corpore auferunt, tyrannus quod optimum est, è repub. Quamvis verò durum hoc flagrum Deus peccatis eorum incusserit; tamen à rege præsertim conciliato, ut videbatur, nihil tale promeriti erant. licet apud tyrannum pro crimine sit, crimine vacare. Hunc sanguinarium animum non solum paulò ante lanienam suam; dum duo capita obversis cervicibus & super ea districtus gladius in æthere apparuerunt: sed jam in ipsa nativitate portentis aliquot & prodigiis minabatur. Recens natus alteram manum distensam, alteram in pugnum adstrictam extulit. Quam ubi obstetrix explicabat, cruore plenamprehendit. Attonita mulier quum hoc patri significaf-

ficasset; ipse nihil dissimulans, humani sanguinis prodigum fore prædixit. Illud item memoratur, quod, antequam nasceretur, dum mater enitebatur, intra uterum ejus flere auditus sit. qua alia significatione? quam vitam ipsum sibi aliisque acerbam, sed diuturniore sibi quam aliis cruciatu facturum esse. Vitam enim aliis ante tempus ademit, sed sibi ad seram ætatem servavit, verum illorum cædibus longè graviores: dum non solum regno dejectus, sed etiam præter diras hominum, inter exilii & custodiæ Sunderburgensis & Coldingensis angustias ingrati vitam ad XXVII. annos traxit: ut eò longioribus & sævioribus animi laniationibus superesset; suæque ipsi flagitia in pœnam verterent. quod etiam ingens admodum serpens (quidam belluam marinam vocant) ætate Christiæ in Norvegia conspectus videtur portendisse. Vt enim instar serpentis insidiatus fuerat vitæ miserorum subditorum, & virus malitiæ ac crudelitatis in eos effuderat, ita gravissimos conscientiæ ictus postea præconsultis & sævitiâ sua sensit. Exserto documento, ne Principes hujus exemplo, religionis legumque contemptu, sibi quidvis in subditos permittant, neu eos ut pecora macello destinata tractent; nisi divinam in se ultionem expetere velint. Sed, ut boni rectores amant, potestatem suam ad salutem subditorum exerceant, atque volentibus magis quam coactis imperare velint: ut Deum sibi & rebus suis propitium, obsequium civium promptum, & imperium firmum consequantur.

JOHANNIS LOCCENII HISTORIÆ RERUM SVECICARVM

LIBER V.

G V S T A V V S I.

Postquam inclutum Sueciæ regnum tot malis fessum & tantum non exsangve, jam exitio proximum videbatur, singulari Dei benignitate & invicta Gustavi virtute, sævo Christierni dominatu & præsentis excidio creptum, libertatem ac spiritum recepit. Quæ deinceps cum aliis Gustavi rebus memoria dignis fusiùs exsequar, ubi rem à primordio
 1490. repetitam ordine exposuero. Ortus est Gustavus Lindholmia in Vplandia ex prisca regii sanguinis & illustri gentis
 a.d. 12 *Maij.* Sueticæ familia, patre Erico Iohannis de Ridboholmia equite aurato, Alandix gubernatore, regnique senatore, veteri & illustri equitum auratorum de VVasa progenie; matre Cæcilia Magni Caroli de Eka, equitis aurati filia, celebri Sturiorum stirpe, regis Caroli Canuti nepte. Recens nati caput naturali pileo, vulgò galeam vocant, & pectus rubra cruce insignitum fuisse, ex illustrium matronarum, quæ partui interfuerant, relatione tradebant. Illud prosperitatis bellicæ, libertatis & imperii, hoc veræ religionis acceptandæ tuendæque omen interpretabantur curiosi.
 1496. Vix egressum sex annos Steno Sturius senior, avunculus ejus magnus, regni gubernator, in suam aulam accersit. Vbi jam majoribus ausis præludens, cum puerulis non usitata tractare cæpit. Sed inter eos, pro cuiusvis à se æstimata indole & captu suo, ludicrum in morem distribuit officia, instruit aciem & agmen ducit; æqualibus ejus imperium ultro & cum stupore sequentibus. Die qua Steno regem Danorum Iohannem Holmiam inauguratum, cum proceribus epulo acceperat, adstantis Gustavi vultu & indole delectatus rex cum ad se vocat,

cat, & manu caput permulcens, *VIRVM aliquando evasurum, si vita frui contingat*, in omnium præsentia, verus hic vates prædicit. Sciscitatur itidem de ejus stirpe; quam ubi comperisset illustriorem, ingenium sanguini congruere, ac eminentius quid spirare, non absurdè divinabat; & secum in Daniam deducere puerum expetebat. Verum Steno tenellam ætatem parentibus avelli difficilem excusans, cum ab oculis regis dimovit. Adolescentibus annis mittitur à parentibus in academiam Vpsaliensem, ut bonis literis animique cultu ad humanitatem & vitæ usum erudiretur. Anno ætatis vigesimo quarto vocatur in aulam Stenonis Sturii junioris. Istic non ad delicias & ocium, sed artes pace bellogue necessarias eductus est. Nec illorum consuetudini, qui cupiditati juvenili lenocinarentur, sed qui rerum divinarum humanarumque prudentia & rectè vivendi disciplinâ præ aliis valerent, admovebatur. Illorum tunc princeps in aula Stenonis erat Hemmingus Gaddus. Ab eo in pietatis & rerum patriæ cognitione fideliter institutus, Stenonem inde in castra sequitur: quo militiæ magistro usus est. Postea verò quam præsul Gustavus Trollius capitali odio persequeretur Stenonem, quod sibi & patruo in regni gubernatione prælatus esset; cæpit etiam de Danis in regnum evocandis cogitare, maluitque externorum partes & qualemcunque fortunam sequi, atque, quod gravius erat, rempub. more impotentium æmulatorum turbare, quam æquali cedere. Tandem eò res evaluit, ut Steno, antequam præsul hostium auxilio firmaret opes, occupandum ratus, præsulem hostilia molientem in arce Stekenfi dura obsidione & commeatus inopiâ fatigaret. Hic præsul elabi se non posse cernens, deditiorem facere, donec hostis auxilio ipsi adventaret, simulat, si Gustavum Erici obsidem interea capiat. Et ille quidem non absque præsentis vitæ discrimine, ut jam antè suo loco memoravimus, obses ipsi datur. Postea dimissus, in duabus pugnis, vnâ ad VVedelöense prædium arcis Holmiæ, alterâ ad Brennekyrkia cum Danis, qui Trollio jam subsidio venerant, commissis, militiæ tyrocinium posuit. In istis enim regni ferens signum, fugatis Danis, egregia virtutis documenta edidit. Posthæc ubi Christierno secundo, accepta clade, res arctiores esse cæperunt, hinc adverso vento,

ut

- ut in Daniam regredi, inde fame & hoste, ut commode tutòque subsistere in castris nequeat, infestantibus, pacis studium animo fallaci præfert, evocato ad colloquium primò Stenone, ut ante dictum, sed frustra, dein desiderato Gustavo Erici cum sociis obside. Quem ubi in classem accepit, vento ferente usus, contra datam fidem pro captivo in Daniam abstraxit, & in custodiam arcis Iuticæ Kallöensis Erico Erici Banerio arcis præfecto tradidit. Istic quum aures ejus quotidianis opprobriis & comminationibus in Sueones jactis everberatæ & nimium quantum oneratæ essent, rædio illarum fugam cogitare cæpit. Quæ etiam felicitæi cedebat. Quippe ex facultate nonnunquam exspatiandi occasionem fugæ nactus, mutato habitu primò die iter duodecim milliarium confecit, inde Flensburgum & tandem Lubecam magnis itineribus evasit. Eum arcis præfectus Banerius, ne male custoditi temereque elapsi vicem subiret, aut alias negligentæ pœnas daret, insequitur, & regi Daniæ velut captivum & transfugam restitui à senatu populoque Lubecensi postulat. Id etiam impetrasset, nisi Gustavus, qui se non tanquam captivum sed obsidem injuriâ à Christierno abductum contendebat, ad jus hospitalitatis ac fidem publicam provocasset; & Nicolaus Brömsius consul, qui præ ceteris autoritate tunc valebat, ei favorem & patrocinium accom-
1519. modasset. Ejus studio consilioque clam conscensa navi oneraria Calmariam petiit, & cymba in terram ad Steensöam expositus, urbem arcemque adhuc à Suecis obtentam ingressus, Annam Iohannis viduam, quæ hanc arcem fiduciario jure tenebat, opem rogavit. Quin fide mulieris insuper explorata, suum ei fatum ac fortunam detegit. Illa pari fiducia suas de Christierni sævitia & oppressione patriæ querelas ac gemitus Gustavi tutis auribus deponit, & qua potest ope illum sublevat. Hinc in urbem recedens, *civēs ac milites ad fidem & animos viris ac, quod satis pro stimulo, Suecis dignos hortatur, & spe proxima rerum commutationis ac liberationis injecta: ne committant urbem arcemve in Christierni manus venire.* Quum similem in modum egisset cum Germanis militibus istic in præsidio collocatis, illi indignis hoc animis tanquam abscissum negotium, accepere. *Tam exigua quippe arcis urbisque præsidia, quid ad tantas Christierni vires, & naves Severini*
- Norby

Norbyi ad Oelandiam stantes indiesq; Calmariam cogitantes, fore?
 Nec multum aberat, quin ab offenso & feroci milite trucidatus fuisset, nisi malo per cives averso, in tutiora abiisset. Post ejus discessum Severinus Norbyus classẽ in sinum Calmariensem appulit. Mox ex fumo in flammam, ut dici solet, incidebat Gustavus, dum per Smalandiam ad prædium sororis Ternam, & ad suum hæredium Råfsnåsum iter tenens, præsentem se vitæ periculo exposuit. Quum enim Smalandos ad mutuam concordiam adhortatus esset, nec temerè fidendum Christierno, cujus fallax & sævus animus adversus Suecos tot insuavis documentis haud ignoraretur; præter emissarios regis passim istic latitantes, qui cives in fide ad extremum regi servanda metu minisque continebant, & suspectos deferebant; non defuere improbi quidam cives aut coloni tyranno obnoxij, Gustavo, nisi quiesceret, malum duros, palam jactantes. Se halece & sale nunquam carituros, quamdiu sub Christierni regis imperio vitam agerent. Leve & imprudens equidem vulgus, soli ventris curæ deditum, victus copiam ante libertatem ponit. Quasi hac à perfido rege ademta, quidquam inde salvum, nec ipsa tandem corpora sub dominantis arbitrio futura sint. Quum autem Benedictus Erics nobilis in Skallensio, & præsul Vpsal. Iacobus, quorum consilium in rebus angustis expetiverat Gustavus, ei auctores fuissent, ut impetratis fidei pub. literis, & pactorum cum Christina Stenonis vidua lege fretus, se Christierno crederet; ille periculo suo doctus, quantum fidei Christierni literis & pactionibus habendum esset, cautius sapiebat, & repudiato hoc ancipiti consilio, in prædium suum Råfsnåsum regressus, istic ad tempus delituit. Inde certior factus à suo colono Holmiâ redeunte, de tyrannide Christierni in patrem ipsius & reliquos proceres exercita, animi dubius quid in tam infesto rerum discrimine consilii caperet, suadentibus amicis ad Dalecarlos se confert. Vbi nec sine vitæ periculo aliquandiu hæsit. Inde habitu rustico, ut lateret exploratores, ad Andream Petri in Rankhytta primarium in montanis virum, cum quo ipsi jus consuetudinis olim in academia Vpsaliensi fuerat, divertit. Sed ex collari subuculæ aureis filis intertexto ancilla non rusticum esse deprehendens, hoc indicat hero suo. Qui cum recognoscenti, & quo loco res

ejus essent exquirenti se aperit, & consilium ejus rogat. Ceterum ille promptior ad commiserandum quam opem ferendam, veritus ne uterque proderetur, postquam aliquot dies bene apud se habuerat, ei suadet ut sibi consulat & se in tutiorem locum recipiat. Itaque abit ad nobilem Aaronem Petri in Ornäsio. Sed dum noctu transit congelatum amnem, glacie fracta præcipitat in undas. Dei tamen ope ipsum regno destinantis eluctatur. Vbi ad Aaronem Petri pervenit, ei, quem amicum sibi credebatur, animi sui mentem exponit. Ille quoque fidem, quæ in adversis demum probatur, sed dolo pectore simulans, visus est ejus vicem miserari & opitulari velle, donec abdita animi eliciuisset. Hinc ad Magnum Nicolai in Asboda pergit, eumque quid hic sibi faciendum ducat, consulit. Iste quum Gustavo auxilio esse rebus dubiis vel non posset, vel non auderet formidine tyranni, tamen ea animi integritate erat, ut nec nocere vellet. Ideo Aaronem monet, nequaquam prodere Gustavum, sed à se hospitalis legis memoriâ inviolatum dimittere, iturum quò liceat. Sed ille magnam gratiam à Christierno laturus, quærit eum prodere; & statim abit ad Brunonem Benedicti in Sătra, regium Dalecarlorum præfectum, cui Gustavi consilium & institutum manifesta facit. At uxor Aaronis maritum quum præteriret villam suam, ad præfectum iter habere suspicata, Gustavum sibi ab insidiis cavere, & ad Ioannem pastorem in Svverdsjö, cum quo Vpsaliae studiorum societas ipsi fuerat, confugere monet, ubi tutius agere queat. Et ne quid moræ sit ad iter, suam ipsi traham & equum quibus avehatur, tradit sæmina insigni ante maritum fide. Postero die Bruno & Aaron cum viginti lictoribus adcurrunt, ad capiendum Gustavum & Christierno tradendum. Sed uxor Aaronis; eum se clam subduxisse, investigantibus respondet. A pastore Svverdsjöensi per octiduum bene acceptatus, inde discedit ad Rettvicenses Dalecarlos, quibus serie tyrannicarum actionum Christierni exposita, persvadet suas secum conjungere voluntates, & tantam immanitatem justa ultione castigare; modò vicini secum facere velint. Idcirco Gustavus adit Moram principem ferme istius loci paræciam, ut incolas istic quoque permoveat ad idem inceptum. Interim Henricus à Mylen Christierni præfectus arcis Arhosiensis, ubi

ubi fando accepit, quid inter Montanos moliretur Gustavus, metuens ne tempore vires caperet conjuratio & turba coëuntium, initiis prævertere studet, & emittit manum militum ad interimendum, velprehendendum Gustavum; aut, si hoc non possit, ad infamandum: ut malè apud eos audiens, minus obsequentes aut promptos operæ haberet. Emissorum antesignani erant Stiggo Iohannis, Christophorus Olai episcopi Ottonis frater, & Bruno Benedicti. Eodem destinatus Nicolaus V Vestgothus homo solum ad scelus acer, & iuratus in caput Gustavi percussor. Sed ille præventus ab Erasmo Cimbrio, qui Stenoni ante servitio & fide, nunc etiam Gustavo probatus, eum in diversorio suo interemit. In feriis natalitiis Christi Gustavus Morenses ad profligandum à cervicibus suis Christierni jugum hortatur. Et, ut erat expromtæ facundiæ rerumque patriæ peritus, in mentem eis revocat, quam indigna cives nuper sub Christierno, & proxime actis seculis sub extraneis regibus passi sint, & quidem præter omnem suam culpam, saltem ut ipsi dominantes suam suorumque avaritiam & libidinem atque inveteratum adversus Suecos odium expleant. Inprimis quam nefanda Idsso Erici sub Erico Pomerano patre, sub animus horrescat referre, nec meliora nunc speranda esse; nisi atrocibus tyrannorum machinationibus unanimiter manus atque opes opponant. Si non solum votis, sed etiam animis armisque patriæ libertatem, quæ nunc sermè animam agat, secum tueri velint, fore ut Deus tam injustæ dominationis justus ultor facientes adjuvet. Certè sibi fixum esse, cum illis fortunas omnes & vitam suam pro libertate, quam ingenuus quisque vita chariorem habeat, impendere potius, quam alienæ libidini mancipiorum instar obnoxium agere. Morenses quidem virilem ac præsentem pro vindicanda in libertatem patria animum Gustavi prædicant, nec sibi studium laboranti patriæ succurrendi deesse ostendunt: Sed viribus adhuc immaturis, & in re tam ancipiti non tutum videri præcipitare consilia; nec audere propalam adversus Christiernum hostile quid moliri, prius quam cum vicinarum paraciæ incolis de tanto negotio plenius consularint. Interim rogare, ut sibi tutiorem querat locum. Emissi enim erant Turdo in Riidstadio & Otto Nicolai in Holmio cum centum equitibus ad latentem istic Gustavum apprehendendum. Sed cum agrestium quidam advenientes conspexisset, signis ære compagno datis socios ad arma

conconvenerant. Illud autem hostes fallebat, quum ventus australis sonitum auribus eorum in adversum abstulisset. Itaque dum intrepidè pergunt, ex inopinato armata plebe circumfusi, ferme male mulctati fuissent, nisi blandis verbis plebem delinivissent, & invitos se huc tractos, Gustavo bene velle adsimulassent. Gustavus inde ad occidentales Dalecarlos tendit. 1521. Oëtiduo post discessum ejus, Laurentius Olai vir acer militiæ probatæque sub Stenone Sturio virtutis, accedit ad Morenses, eisque ulterius pandit immanes Christierni actiones: cui in animo sit, totam cædibus & suppliciis excindere Sueciam; coque in omnibus passim oppidis, territoriis & pagis furcas erigi jusserit: quod itidem brevi imperaturus sit Dalecarlis commeatum regi militibusque ejus præstandum. Hoc nuntio perculos Dalecarlos poenituit dimisisse Gustavum, nec ejus consilium sequutos esse. Laurentius Olai suadet eum revocare: *itali enim defensore nunc patriam egere, nisi cum ipsa cives planè perire velint.* Mox etiam advenit nobilis Ionas Michaelis Nederbyensis in Trögda, qui totam Christierni tyrannidis scenam accuratius ipsis explicabat, & quidem cum tanto animorum motu, ut lacrymas eis excuteret, & novos veluti spiritus, ac mentem revocandi Gustavum infunderet. Itaque ablegati ad eum ex conspicuis, qui rogarent referre pedem ad Morenses. Ipsos constituisse Gustavum sibi ducem sumere. *Quidquid belli fortuna tulerit, cum ipso subire, & nihil non pro patriæ salute adversus tyrannum audere.* Gustavus in paræcia Limâ tunc subsistens, nihil cunctandum, sed isto ardore animorum utendum ratus, cum legatis revertitur ad Dalecarlos; qui eum sibi ducem elegerunt, fidemque ipsi juramento obstrinxerunt, custodibus corporis ex flore juventutis additis. Deinceps auctis indies copiis ad mille viros; & adscitis belli administratoribus Laurentio Olai, Ioanne Michaelis, aliisque, qui proscripti & extorres hætenus latuerant, sub signa acceptis, ad Montanos proficiscitur Gustavus. Ibi sorte belli ipsis jam initiis adspirante, regium præfectum Christophorum Olai cepit, eumque & aliquot itidem mercatores Danos bonis exspoliavit. Prædâ opulentâ factâ, pannum vulgarem inter milites distribuit, sericum sibi servavit; aut inde signa militaria concinnari fecit. Ex auro verò, argento, sale, lupulo, aliisque mercibus hosti

hosti creptis, vel annuo tributo à civibus penso belli subsidia sibi paravit, militemque aluit. Inde ad bis mille numero militum crescente, denuo adit Cuprimontanos, & die Dominico, sacris peractis, Dalecarlos ad patriam à servitute Christierni vindicandam hortatur, promotosque obsequio sibi juramento fidei devincit. Illico literæ in eandem sententiam ad Helsingos dantur. Sed quum præsul Vpsal. Gustavus ejusque pater Ericus Trollius & Benedictus Canuti, tanquam senatores regni, eodem ferè tempore scripsissent ad eos, serioque exhortati essent, *nullam tentare defectionem à Christierno. quod si facerent, cum extremo vitæ & fortunarum suarum periculo fore* : perplexis animis in diversa inclinavere, non satis secum constituentes, cujus partibus accederent; donec Gustavus ipse eos animasset & ad societatem suam adjunxisset. Montanis autem in sua absentia præfecerat fidum hominem Petrum Svenonis in Vibberboda, qui reliquos Dalecarlos ad suas partes adduxit. Sed Olaus Bondius occidentales Montanos, Nericienscs & vicinos sibi adjunxit. Ad Montanos & Dalenses quoque adferuntur literæ à tribus dictis proceribus, quibus confirmant eos in fide Christierni, spe quoque Gustavo benevolentia regis & publicæ fidei facta, si à cæpto motu desisteret. Verum hæ literæ, quæ præferebant nomen senatorum regni, nulla apud plebem autoritate, sed magis probro erant, quum paucitatem eorum despicerent, addita voce, *senatum regni jam ad paucos admodum redactum esse, cum tres tantum forent.* Vbi Gustavus Helsingos sibi apto devinxisset alloquio, illi non quidem denegant auxilium, sed differri petunt, donec adultæ vires eorum essent. Equidem animos adhuc suspensos gerebant ab eventu & fortuna Dalecarlorum : inde sua temporibus applicaturi consilia. Eos verò opus periculosa valde alex contra Christiernum aggressos existimabant. Ab Helsingis abijt Gustavus ad Gestricos, qui unà cum civibus Gevaliensibus facili negotio Gustavo conciliantur; & inter eos egregij bellandi Petrus Fredagius, Ioannes Lupus, aliique à Christierno proscripti. Dum in hac expeditione Gustavus est, Christierni partes amplexi Gustavus Trollius, Iohannes Bellenachius, Canutus Benedicti, Theodorus, Henricus à Mylen aliique, quod literis & verbis frustra conati

sunt, armis experiri decernunt : & sex mille equitum pedumque agmen Arhosiā eductum ad trajectum Vthsfundensem in paræcia Folcharensi locant, animo prohibendi Gustavianos transitu. Sed cognito se superari numero hostium, receptui canunt. Sic nostri transitu per amnem aperto persequuti sunt adversas partes ; quæ tandem versis & colatis signis tamen à nostris partim prostratæ, partim Arhosiā cum ignominia repulsæ sunt. Quidam hic ferunt, quum Dani castra sua metati essent ad amnem Brunebeckium, antistitem Bellenachium rogasse proceres Sveticos, qui à Christierni partibus erant, *de viribus & copiis istius provincie bello idoneis*. Quum illi respondissent : *viginti millia in aciem educi posse ; ultra sciscitanti, unde tanto exercitui cibus suppeteret ? illos subjecisse : genti illi deliciis non adjectæ ubique obvium esse cibum : aqua, & cortice ex arboribus, si necesse sit, vitam tolerare*. Hoc responso, abiisse præfulem & dixisse : *Cum hac gente diabolum, non homines prælio committendos esse*. Postquam Gustavus ex Helsingia Henemoram regressus erat, coegit omnes suas copias, & monetam cudi fecit, quæ ab una parte repræsentabat imaginem armati viri, ab altera duas sagittas, velut insigne militiæ. Confluebant autem indies plures ad Gustavum, quibus odio servitus, & cura libertatis esset : ita ut numerus ad quindecim millia excreceret. Quibus lustratis & in duas partes divisus, duces præposuit illis Laurentium Olai, his Laurentium Erii. Inde Petri Vglæ tribuni, qui hostem Köpingiam usque persequutus ibi securitati indulserat, somno vinoque plenus, excubiarum incuriosus, ab Andrea Petri Daño, Örebroensis arcis præfecto cæsus erat, cladem prosperior fortuna pensavit. Quum Theodorus, qui cum suis copiis urbem Arhosiā tenebat, accepisset Gustavum appropinquare, in tutiorem locum arcem se recepturus, mittit ad Iohannem Fynboum (cujus curæ Henricus à Mylen, negotii sui causa Holmiam profectus, interea arcem commiserat) ut portam sibi aperiat. Sed ille dicto minus audiens esse, mandatum Henrici causatus, qui jusserat neminem alium intromittere aut tradere arcem, quam sibi soli. Ille fremens hanc sibi iniuriam, ut amico, factam, militem suum arci circumdat, eam oppugnaturus, & accessum vi facturus, si non ultrò admitteretur. Fynbous animadvertens

tens seriò rem agi, & suum inde periculum, si arx expugnaretur; ipsi arcis portam referat. Vix admissus Theodorus illum cum sex socijs idem sentientibus capite plectit: quod non sponte velut amicum acceperant. Sed contra fas & æquum capitis pœnam expetit, quum inferiorum esset, superioris iussa sequi, non interpretari aut contra quid facere: ne imperantis existimatio, lege mandati temerè solutâ, prostitueretur, & obsequio excusso, imperium convelleretur; aut quacunque interpretatione inferiorum permissa, sub specie commodi perniciosum quid admitteretur. Gustavus acie ad Romfertonam bene ordinata, cum toto exercitu movet ad paræciam Balungam, & superato istius loci colle, castra ad S- Olai sacellum figit: hostem eodice non adorturus, sed recreaturus exercitum, ut integris viribus cum hoste congredi posset. Attamen hostis videns Suecos sensim & lentiori gradu progredi, moderationem hanc formidinem interpretatus, toto impetu in eos cum equestri agmine ruit. Succorum pedestre agmen, ordine servato, lanceis & hastis adversis impetum irruentium ita sustinet, ut impressionem nullam cruentam facerent, sed terga vertere cogerentur. In fugam pulsos Sueci persequuntur tam infestis telis, ut quadringenti funderentur. Postquam Gustavus cum suis subsequutus & vix ad medium nemus Balungiae progressus, intellexit, prælium cæptum, & Suecones superiores factos, admissio equo statim in primam aciem procurrit, consilio cetera moderaturus ac virtute militi præiturus. Quamvis autem à custodibus corporis rogaretur, ne se præsentis periculo objiceret, tamen pertendit intrepidus, inter primos adequitans isto cum discrimine, ut ad ejus latus hinc inde milites tormentorum ictibus sternerentur. Hostem fugatum tantus incessit terror, ut equites in proprios suos pedites nec absque noxa effunderentur, quos Laurentius Olai è vestigio premens urgensque intra urbem compellit. Laurentius Erici cum suo agmine, compendio itineris in urbem facto, hostem anteyenit, eumque à tergo invadens, tormenta bellica in foro locata cum omni apparatu militari hosti eripit & ad Gustavum traducit. Vbi qui arcem obtinebant advertere suos esse profligatos, ignem in urbis tecta ex desperatione, aut ne quid salvi in nostrorum manus veniat,

niat, subito mittunt. Urbs verò cum æde sacra in cineres
 versa fuisset, nisi Sueci maximam ejus partem ab incendio
 servassent. Quidam in vicinum amnem ipsi se præcipitant,
 plures ab aliis eò propelluntur & undis absorpti pereunt. Qui-
 dam abiectis hastis armisque in proximum cœnobium, à
 monachis remissionem peccatorum & animarum refectio-
 nem petentes decurrunt. Ita contemptum hostis, quum ja-
 ctassent, etiamsi per triduum totum in terras cœlo deplue-
 ret miles Dalecarlus, tamen se cum obtrituros, in sua ca-
 pita lacessiverunt. Quin Suecones omnem exercitum hostilem
 internecone delere potuissent, si illum prosequi institissent;
 & igne urbis Arhosiensis extincto, plures Montanorum &
 Dalecarlorum securi hostilis regressus, non ante debellatum
 penitus hostem intempestivæ prædæ incubuissent, nec qui-
 dam se vino & poculis onerassent. Hoc ubi innotuit Gusta-
 vo, iniquo animo tulit, reformidans ne hostis sobrius & vigi-
 lans ebrios, sui & fortunæ negligentes, subito obrueret. Quod
 & factum fuisset, nisi Laurentius Olai cum suis fortiter repres-
 sisset hostem in foro conglobatum? qui arce novo præsidio
 firmata, fuga Holmiam per mare petebat. Dum nostri in eo
 erant, ut res duos adversæ partis profligarent, Gustavus quos-
 dam suorum adhuc vino deditos deprehendens, ipse ingreditur
 cellas vinarias, cados & dolia sua manu ferroque concidit,
 & satellites idem facere jubet. Malebat equidem vinum peri-
 re, quam milites suos. Si enim hostis repente supervenisset,
 tam ebrios, & qui se à labore militari invictos præstitissent,
 nunc à doliis victos ac præ vinolentia sui impotes instar vin-
 etorum pecorum cædere potuisset. Illâ verò victoriâ de qua
 paulò ante, partâ, multi nobilium aliique conspectiores viri
 fortunam, ut solet, sequuti, ab hoste transierunt in partes Gu-
 stavij; inter quos princeps erat Arvidus VVestrogothus. Ca-
 nutus verò Benedicti de Engsiö dux hostium in castra re-
 versurus, à milite Sveco glande plumbea transverberatus oc-
 cubuit. Gustavus auctis copiis & locis necessariis firmatis, ad
 plura occupanda animum intendit. Ideo Arvidum VVestro-
 gothum in Ostrogothiam cum nonnullis copiis expedit ad
 hostem istic infestandum & arcem Stegeburgum expugnan-
 dam: quod feliciter exsequutus est. Laurentium Petri ad Ny-
 copensem, Olavum Bondium ad Ocrebroensem arcem circum-
 sidendam

fidendam mittit. Laurentium Erici cum tyronibus Vpsaliam destinat, quos ibi armis præpararet, & hostis conata adverteret. Ante paucos dies duce Iohanne Olai de Redebroo, conflatas ex Simthuna & Torstuna copias, Laurentio suppetias miserat. Sed ille casuum belli vel insolens vel incuriosus, desidæ se tradit; cuius tamen nulla est venia, præsertim ubi de salute contra hostem dimicandum est; & Torstunæ corpus curat, ac in balneo sudore ac molli otio diffluit, quasi omnia circumquaque tuta essent. Interim præfectus præsulis Vpsaliensis Benedictus Biuggius, ignavia ducis in occasionem fortunæ usus, adest, sua ipsum voluptate debellat, & in balneo opprimit: ubi Laurentius præter sudorem, etiam sanguinem ac spiritum, non isti tamen loco, sed campo & aciei debitum, ingratiis emittit; militibus ejus itidem prostratis aut disiectis. Iste præfectus inde properat Enecopiam ad Laurentium Erici. Ab hoc non balneo sed castris utente pulsus, Vpsaliam aufugit. Interea conscriptis aliquot territoriorum ad militiam colonis Laurentius Olai & Laurentius Erici sua castra & copias ad Rymningiam jungunt, eas ducturi Vpsaliam. Cujus rei rumore monitus Benedictus Biuggius emittit exploratores, hostium vires sciscitandi causa. Illis a Sueco milite interceptis, Canonici & senatus Vpsaliensis ad Gustavi duces mittunt petitum, *ne ipsorum solennia in circumlatione scrinii S. Erici, istius temporis more peragenda, interturbare velint.* Mos ille frequentabatur, ut Pontificia adhuc religione hic vigente, S. Erici scrinium argenteum in quo ossa ejus condita erant, in feriis & nundinis Ericianis ex hac urbe ad proximam veterem Vpsaliam solenni ritu deportaretur, & quidem in via bene strata, cujus adhuc vestigia quædam apparent. Emissorum verò petitioni responsum est, *quum indigenas Suecos non extraneos deceat hos ritus patrare, ipsos in societatem istorum solennium venturos.* atque sic cum omnibus copiis Vpsaliam eunt. Sed antequam accederent, Benedictus Biuggius cum suo agmine, quod centum equitum & tria signa peditum continebat, Vpsaliæ tunc desidens, hoc ludibrio habuit, & quasi nihil ei periculi à Sueco exercitu foret, splendidum instruxit in hortis episcopi convivium, dejectis etiam trabibus & septo quibus horti cincti erant, ut omnium oculis tanquam professa & conspicua pateret lætitia, & quam parvi faceret Sueco-

num militum adventum. Istud convivium potando, cantando, tripudiis & ludis ad summam noctem & lucem ferme producebatur. Verum hoc gaudium subito luctu & clade commutatum est. nec aliter poterat in tanta hostium securitate & temulentia, pervigiis & debacchationibus quasi furiosorum perstrepen-: qua se nostri, præter suam virtutem, adversus ipsos hostes muniunt. Quippe paulò ante diluculum horâ ferè secundâ Sueonum agmina urbem ingressa, cæsis hostium excubiis, munimentis ante præsulis domum dirutis, & propugnaculis ex adverso excitatis, antequam quisquam evigilaret, somno ac vino sopitos opprimunt. Tandem expergefacti quotquot poterant in illa trepidatione, Suecos, emissis jaculis, sed absque vulnere, petunt. At Biuggius eos à tergo circumvenire conatus per porticum, quæ ferebat ab archiepiscopi ædibus ad templum Dominicanum, Svecis hoc animadvertentibus eo consilio fallitur: dum illi igne immisso porticum incendunt. Ignis latius fusus, etiam ædes præsulis comprehendit, adjutus facibus à milite tecto injectis. Vbi Biuggius nullam aliam evadendi viam cernit, in fuga salutem quærit, & cum suo equitatu ac peditibus Flöthlundum petit. Sed nostri eos insequuti, plerosque in via trucidant. Biuggius dum vadum equo transire cæpit, telo per medium brachium à carpo ad cubitum usque lethiferè ictus, post paucos dies Holmiæ, non absque exquisitissimo cruciatu extracto telo, periit. Gustavus Arhosis Vpsaliam venit, & curatis ibi aliis necessariis rebus, ut sacri ordinis potentiores consilio potius & ratione, si posset, permoveret, quam vi compelleret ad quiescendum, collegio sacro convocato, percunctatur à Canonicis, *quo loco & gente haberi velint, an in Suecis vel Danis; simulque ab illis eorumque episcopis adversus Sveciæ regnum & legitimum suum ac indigenam magistratum, Caroli Canuti & utriusque Stenonis tempore patrata, illis exprobrat; atque si à similibus in posterum facinoribus non destiterint, condignam illis moribus pœnam minatur.* Denique *an juramentum fidelitatis ipsi præstare, & se, ut genuinos Suecos ac sinceros patriæ cives decet, gerere velint, ultimo quærit.* Illi se modeste excusantes, hoc sibi facere integrum esse negant, prius quam cum archiepiscopo communicarint. Itaque petunt cum bona Gustavi gratia fieri, ut ad

ad eum suas dent literas, quibus persuadeant præfuli, Christiæ partes deserere, & Gustavum ut domi natum & regni membrum ejusque fidem sequi. Gustavus eorum desiderio acquiescit, & eadem opera ad præfulem scribit, monens eum, *ut commune regni bonum serio querere, secumque avertere velit ejus oppressionem, angustias & detrimentum, in quæ per Christiæ tyrannidem conjectum sit.* Has postquam accepisset & legisset literas præsul, ad Henricum Slaghökium aliosque circumstantes summo cum ludibrio & contemptu dixit: *Semet ipsum Gustavo responsum propediem allaturum.* Et tabellarium apud se detinuit, donec collectis quingentis equitum & ter mille peditum Holmia Vpsaliam moveret, ab urbe non longius sesquimillari castra metatus. Eodem die duo transfugæ, Sigfridus Svartius & Iohannes in S. negårda Gustavum de hostis adventu certiores faciunt, ne se imprudenti superfundat. Rex eis ægrè fidem habebat, amicum à præfule responsum expectans; donec ipse tabellarius rediens, idem confirmaret. Gustavi autem exercitus tantum sexcentorum peditum & centum equitum erat: quia reliqui milites cum ejus venia domum regressi erant. Postero die præsul cum suo exercitu intrat Vpsaliam. Vbi Gustavus in colle, quo nunc arx sita est, oculis deprehendens, hostem se viribus ac numero superiorem, cum suis agminibus in sylvam Nostan fecessit. At præsul per Stephanum Henrici duo equitum signa adversa mittit Gustavo, qui cum ad Ladebyense vadum adsequuti sunt; quod jam Gustavi pedestre agmen maximam partem transmiserat. Sed quum vix medium vadum Gustavus ipse superasset, ejus famulus Finno nobilis adspectu equitis hostilis effuso cursu insequentis exterritus, sublato clamore Gustavi equo incautè impellitur, ita ut equus cum seffore in vadum dejiceretur. Quin Gustavus ab hoste circumfusus, facile oppressus fuisset, nisi Dei benignitate militumque virtute hostem, cum septuaginta capitum strage, propulsantium salvus evasisset. Hinc progressus ad Rymningiam instauratis viribus & revocatis copiis antea domum dimissis, Laurentio Olai & Laurentio Erii mandata dat, istas copias in insidiis adversus præfulem Vpsalia Holmiam reversurum collocare. Quas non declinasset, nisi Stephanus Henrici instar canis venatici primus in itinere explorasset in omnem partem,

partem, an viæ infessæ essent, aut hostis in insidiis lateret :
cujus rei qualiacunque, etiam levia vestigia sagaciter inqui-
rebat. Ex abdomine bubulo in viâ temerè relicto colligens
hostem ibi castra habuisse, properat ad præfulem & Suecos
in propinquo esse indicat. Ad hujus rei nuntium præsul cum
suis retrocedens aliam insistit viam. Quo comperto, Succis il-
lis à tergo insultant. Ita conversis signis acer conflictus stetit,
eo eventu ut vix sextus quisque hostium vivus Holmiam re-
diret. Fugatis instant Sueones manu ferroque. Laurentius
Olai ferme conto transfixisset archiepiscopum, ni capite in
jubas equi repentè demisso petentis ictum declinasset : quo
proximus tamen ei Petrus Iohannis in VValestadio percussus
est. Post aliquot dies Gustavus obsidione cingit Stochol-
miam, castris ad radices montis Brunconiani positis : ubi
quatuor adhuc patibula Svecis hominibus oppleta, Christier-
ni sævitæ reliquias, conspicatus eorum corpora inde tolli
& terræ mandari jussit. Interea Laurentius Olai quatuor ex
Succis transfugas ad urbem usque persequutus, nihil nisi eo-
rum equos, quos ipsi reliquerant & in profluentem desilie-
rant, ne apprehenderentur, & duo in fronte vulnere, saxi è
turri percussus velut conspicuas decoris militaris notas retu-
lit. Vbi Sueones duobus hostium agminibus impares ad pon-
tem Rotensem repulsi essent, isthic pedem figentes castra po-
suerunt. Hoste excursionem subinde faciente, non levis utrin-
que strages edita est : donec Stephanus Henrici hostium tri-
bunus advertens Sueones difficulter acie vinci, dolo aggres-
sus est. Ingentes quidem copias ostentandis viribus & tentan-
do velut prælio urbe eduxit, sed majorem mox partem in
insidiis collocabat. Cum quadraginta solum equitibus & ali-
quot peditibus ipse procurrens castris Sueonum ingruit, quasi
ea irrupturus; & cæsis aliquot suorum, fugam cepisset. Sed fu-
gæ specie nostros in insidias elicit, qui erumpentibus illis
magna clade sunt affecti. Redintegrantur tamen Gustavi vi-
res & firmantur Helsingorum & aliquot veteranorum mili-
tum ex Germania accessione; quorum dux erat Stephanus
Sassius Holsatus. Quum verò Gustavus plura in diversis &
longiori spacio dissitis locis castra haberet, provisu periculi,
consilii copia, cura stipendii, commeatus & summæ rerum
inquietus & intentus, modo hæc, modo illa castra adibat,
&

& ubique multus aderat : ne quid per ejus absentiam secus ageretur aut deficeret ; vel ubi corpore , non tamen animo & autoritate aberat. Interea Arvidus VVestrogothus in Ostrogothia feliciter progressus est. VVadstenenses primum amicis verbis monuit ultro se in Gustavi fidem permittere. Sed quum recusantibus ultima minaretur , deditiorem fecere. Inde Iohanne Slengevatero Hovâ expulso , eam quoque occupavit. Expulsus , suffugium in Munkeboda , episcopi Lincopensis arce , quærit. At quum homo valde lascivus in pratis & silvis sub habitu muliebri fallens & oberrans , scæminas ad raptum indagaret ac venaretur , ab Haraldi Canuti famulo , cui fraus ista suboluerat , obtruncatus est. Sic ei profuit ista venatio. Post VVadstenas & Hovam , etiam Scheningiam , Lincopiam , Norcopiam & Sudercopiam in fidem acceptas , regressus est Arvidus ad obsidium Stegeburgi. Quod impediturus Severinus Norbyus Gothlandiæ præfectus , advenit cum quindecim navium classe & trecentorum militum agmine. Nihilominus Sueci majore animo quam manu eos in fugam & undas repulerunt. Inter Suecones quidam Benedictus cognomento parvus , infectatus Severinum ducem Danorum , quatuor ictus arcu robusto ipsi incussit. Quo nomine Severinus ipse prædicavit homuncionem tanti spiritus ; decem virorum stipendia ei pollicitus , si ad ipsum à Gustavo deficere vellet. Sed ille promissis nihil flexus , in fide stetit. Paucis interjectis diebus Severinus hinc digressus , Nicolaum Boethii de VVinās , & Holgerum Canuti Svecos equites , quibus parum fidebat , secum in Daniam abduxit ; & Bernhardum Mylium Germanum arci præposuit. Sueci tamen haud cessanter urgent obsidionem arcis , donec cepissent. Ipse Gustavus in Orientalem Gothiam profectus , Arvidi duccis & militum merita laude & præmiis ornat. Quum episcopum Lincopensem Iohannem Braschium accepisset in arce sua hærentem , nulli fermè alii rei quam rumoribus ex vicina Dania allatis servire , quibus malè animatos ad motus aut insidias impelleret , nuntio ei literisque missis Gustavus edixit : *Nisi ipse confessim accederet & coram , quo animo erga se & patriam esset , explicaret , brevi accepturum hospites , quos nolle.* Dictum factum. Gustavus cum expedito agmine

agmine viam ad eum affectat. Qua re cognita, pæsul ei obviam properat, & obsequii fidem juramento renovat. Dum VVadstenas comitia Gustavus indicit, septuaginta ferè nobiles & equites Sueci Calmaria à Severino Norbyo ad Gustavum transierunt: quum fama accepissent, Severinum à Christierno in mandatis habere, ut eos de medio tolleret. Postquam ad comitia VVadstensis cujuslibet ordinis homines ex Ostrogothia, Smalandia, VVestrogothia, VVermelandia & Dalia lætis animis convenissent, Gustavo gratulati sunt de felici successu. Ille *exposito discrimine quo hactenus conflictata patria adhuc magna ex parte teneretur, eorum operam ac subsidia ad illud amoliendum, & patriæ libertatem restituendam, efflagitabat.* Ordines omnes junctis animis & vocibus, *non tantum quidquid possent opum ipsi polliceri, sed ingentes quoque ei habere gratias, quod patriam à tam immanis tyranni potestate vindicare tam bene cepisset: obnixè rogantes, ut idem cum Deo ad finem perducere velit.* Neque solum belli regnique administrationem, *ut hactenus, sed ipsum quoque imperium regio & tulo & potestate insignitum in se recipere non recuset.* His Gustavus respondet: *Se non cupiditate imperandi, sed fidorum regni civium summo desiderio, iustaque commiseratione diuturni afflicti summe eorum fortune, atque ultimo prope exitio per Christierni immanitatem eis illato, qua datur, avertendi, omnem inimicorum servitium & vim infringendi, bellum adversus ipsorum & patriæ hostem suscepisse. Quod si porro fidam ipsi, ad liberandam prorsus Christierni & sociorum ejus furore patriam, opem ferre velint, se non equidem abnuere ducis imperium: nec civibus ubicunque posset, defuturum.* Interim de rege creando eos laborare vctabat, donec regnum ista peste atque calamitate publica Dei beneficio expurgassent. Tum demum, quemcunque regni ordines ex Svecorum sanguine bene natum & idoneum essent electuri regem, se quoque suo consensu & fide data comprobaturum. Omnes igitur ore & dextra fidelitatem & obedientiam Gustavo jurant, & legitimum belli regnique administratorem communibus votis accipiunt. Istis comitiis finitis, Gustavus expedit huc & illuc per regni oras agmina ad hostis vires profligandas, aut regno totum exterminandum. Nec successus & fortuna prorsus deficit. In VVestrogothiam missi, arcem episcopi tunc Lincopensis Lcköiensem sine mora capiunt, & Elfsburgum obsident. In Sma-

Smalandiam educti milites, ejus quoque provinciae arces & oppida, expulsis inde Christierni praefectis, felici manu occupant. Dum Gustavus in Ostrogothia commoratur, Christierni tribuni, Theodorus Slaghökus, & Gorgonius Holstenius Holmia per lacum Melerum Arhosiae etiam difficulter, quippe Lamberto Matthiae cum suis occurrente, tamen inferunt commeatum & nova praesidia, quibus arcem, prioribus abductis, instruant & firment. Sed averti dum fretum Kolesundium in reditu transire parant, arduum & valde impeditum experti sunt trajetum. Via enim à Laurentio Petri & ipsius militibus infesta, propugnacula ad utrumque freti latus excitata, & medium fretum cistis saxo impletis ac demersis obstructum erat. Proinde per totum biduum cum hoste decertare coacti sunt, antequam isthinc eluctarentur. In Finlandiam quoque copias emisit Gustavus adversus hostem, Arvido Nicolai & Henrico Iohannis ductoribus. Ad illorum partes non pauci ex numero nobilium & plebe se adjunxerunt: inprimis equestris ordinis & clarae operae miles Nicolaus Grabbius de Grabaccha. Iste cymbis suis & vix duodecim hominum manipulo hac illac maris oras & litora pererrans, cuivis occasione & dolis intentus, crebris & non parvis damnis afficit hostem, quippe nec opinato incautos invadit, & modo sopore sepultos confodit, modo repagulis ostio obditis, subiecto toris igne domi clausos comburit. Si verò hostis ad eum vel capiendum vel cædendum excurrat, ille cum expeditis navigiis ocyus ad Revaliensem aliosque Livoniae portus avolat. Illis ad sua reversis, iterum instar subitae calamitatis adest, & minimè expectantes invadit, ac subinde divexat. In Stocholmiae obsidione Gustavus totus, eam tribus locis acriter oppugnat, ad meridiem in paræcia Bothe kyrkia prope pagum Setra: ad septentrionem prope Rotebroum ad prohibendum hosti commeatum, ductore Canuto Andreae & Stephano Saffio; denique in insula Löföensi, ubi nunc Drotningholmia sita est, ductore Petro Fredagio. Copiae per Finlandiam distributae non quidem suis partibus deerant, nullam tamen arcem aut munimentum vel expugnare vel deditioe capere potuerunt, priusquam Gustavus Holmiam in fidem accepisset. Postquam Nicolaus Arvidi arcem Aboënsē obsidione cinxerat, quam

armis

armis & milite non parum Arvidus istius loci præsul adju-
tabat, excursionem ab hoste facta & captis aliquot Suconum,
inter quos princeps erat Benedictus Arvidi, Nicolai frater,
cum cum reliquis captivis Thomas arcis præfectus de muro
suspendit. Sed quod in aliis fecerat, in ipsum postea quo-
que editum est exemplum; quasi alieno supplicio suum do-
cuisset; ut infra dicetur. Stegeburgensis arx tandem Gusta-
vo deditione traditur à præfecto Bernhardo Mylio, qui Su-
dercopiæ duorum mensium spatio in custodia habitus, inde
dimittitur sub fide data Gustavo, se ei in posterum in mili-
tia operam daturum. Pridie natalis Christi sesquimille ho-
stium Holmiâ cum quadraginta celocibus & cymbis se pro-
fundentes, castra Sveonum in insula Loföensi adoriri cona-
bantur, jactantes quomodo Iulia (ita feriæ natalitiorum
Christi Svetica voce dicuntur) cum Petro Fredagio celebrare
vellent. Sed quum Petrus tantis hostium copiis par non
esset, & tamen eorum consilium haud ignoraret, ingenio
debellare aggreditur, quos viribus desperabat. Sedecim vi-
ros justis intervallis distantes in montibus & lucis circa suum
exercitum disponit, quorum singulos cornua ad exscensio-
nem hostis inflare jusserat. Quod ubi fecissent, hostis tot
diversis & distinctis cornuum sonis territus, singulis suas
adesse cohortes credit. Interim percussis & turbatis Petrus
quinque ferme signa adversa infert, quæ conferta cum hoste
manu confundunt ordines, & ducentos sternunt, reliquis
in fugam actis. Eodem tempore arx Nycopensis tradita est
Gustavo ab Henrico Ranzovio & Iohanne Olai, qui regis
Christierni nomine tenuerant. At Severinus Norbyus cum
classe sua rediit ad arcem Stegeburgensem novis præsi-
diis & com meatu instruendam, nescius eam in Sveonum potesta-
tem jam venisse. Quare superato difficulter freto, præ-
mittit cum cymba Torstanum Salomonis Finnonicum nobi-
lem cum aliis in arcem, denunciaturum opem & adventum
suum: qui castello adproperantes, pilcum in argumentum
pacis perticæ imponunt. Sed quidam nomine Henricus,
qui ante Braschii minister fuerat, ex arce glânde plumbea
transverberat pilcum & cymbam: unde intelligunt quid de
illis sibi promittere habeant, & quid de castello factum sit.
Nisi sic præmoniti fuissent, Severinus recta ivisset in arcem
&

in Svecorum manus. Tam exiguo sepe casu magna rerum momenta vertuntur. In regressu obviam ei ruunt Sueones in freto Eeterfundio, ubi acerrimè à primo mane ad seram noctem cum eo decertarunt, & tandem in fugam cum sexcentis cæsis dederunt, non amplius tredecim Sueonum desideratis. Liberata sic arce Stægeburgo, partem copiarum Arvidi evocat ad se Gustavus, eaq; firmat sua castra ad Holmiam. Cum reliquis copiis Arvidus Calmariam obsidere jubetur. Edictum Christierni sanguinarium denuo publicatur ad singulos militum tribunos & arcium præfectos, ut omnes Svecos nobiles & plebejos quotquot in sua potestate habeant, obtruncant. Tam inexplabilis Svecani cruoris hauriendi sitis inerat Christierno: ut, si potuisset, omnes familias ab stirpe evertere & totum nomen Suecanum delere ipsi lubido fuisset. Tyranni mandatum præter alios & Thomas arcis Aboensis præfectus strenuè executus est. Quum idem fatū immineret Erico Flemmingio, fidei erga Christiernum simulatione cum aliquot copiis clapsus, in castra Sueonū transfugit: quod jam in vita Christierni fufius memoratum est. Arx Arhosiensis, Tynnelsöensis & Engsöensis in Gustavi potestatem ab hoste traditæ sunt. Sed hanc fortunam interpellavit Sueonum clades ad Holmiam. Quū enim Severinus Norbyus novis ex Dania & Gothlandia copiis Holmiam communiuisset, his animo Danis addito eruptionem faciunt in castra Sveonum borealia, quæ à ponte Rorensi in Ervam villam propius urbem traducta erant, eosq; viribus inferiores isthic cædunt. Postridie iterum erumpunt, & Svecis qui castra meridiem versus ad Setra habebant, fufis & non levi clade affectis, urbem eo mense ab omni obsidione liberant. Inde Severinus in Finlandiam cum classe sua excurrit, & Nicolaum Arvidi arcis Aboensis obsidione pellit: qui igne in pulverem sulphureum in domo lapideâ urbis conditum immisso, tantum excitavit incendium ut tota fermè urbs deflagraret. Arvidus autem episcopus Aboensis, sævissimi edicti regii fulmen evitaturus, adiunctis sibi ex Finnonica nobilitate quamplurimis, eorumque conjugibus, liberis & opibus in navem collectis, in Sveciam ad Gustavum demigrare instituit. Sed exortâ procellâ prope Öregrundiam ad insulam VViggiam, omnes naufragio miserè perierunt; minus tamen luctuoso, quam sub tyranni libidine, fato. Instauratis denuò castris ad Holmiam & sup-

plemento Dalecarlorum, Helsingorum aliorumq; borealium militum auctis, quum Gustavus animadverteret, sub: deesse classem, qua hosti intercluderet per mare necessariorum in urbem invectiones, Secretarium suum Sigvvardum ab Holten Dithmarsum Lubecam allegavit, qui a senatu populoque Lubecensi naves aliquot bellicas tormentis, milite alioq; belli apparatu instructas ære Gustavi conduceret. Lubecenses, qui per se hostili in Christiernum odio ferebantur ob violata suorum privilegia, navesque & merces sibi interceptas, decem navium classem, pedite, equite, tormentis, commeatu bene munitam, rebus omnibus pretio æstimatis, auxilium Gustavo mittunt, navarcho Frederico Brunio & militum duce Iohanne Stammelio: quæ secundante vento, pridie Pentecostes Sudercopiam accedebat. Non autem adduci poterant milites, quamquam Bernhardo Mylio aliisque alicujus dignationis incitantibus, ut fidem suam juramento adstringerent, antequam dominum, sub quo stipendia facturi essent, coram intuerentur. Vt eis hanc gratiam faceret Gustavus, Vpsalia Sudercopiam excurrit. Hunc ubi conspicati, moti dignitate oris & corporis ejus, sed animi præstantia magis, cujus primas notas ex regia forma & alloquio, quantum vulgus militum potest, plures dein & majores ex factis colligebant, pro eo se vitam & sanguinem promtè devoturos fidem dant, & in ejus verba jurant. Ex his statim Arvido VVestrogoto & Petro Iohannis de VValesta qui Calmariam obsidebant, subsidium mittit; reliquo exercitu castra ad Holmiam corroborat. Agmina verò rusticorum, ut ipsi desiderarant, ad suos dimittit, retentis juvenibus militibus & personis solutis eoque minus domum cogitantibus. Iterum nova accessere Lubecâ subsidia, Bernhardo Bomhovyero & Hermanno Plonio ductoribus. Auctis ita Gustavi viribus, Severinus hostium imperator juber Thomam arcis Aboensis præfectum cum aliquot bellicis navibus commeatu & milite onustis laboranti Stocholmiæ succurrere. Postquam Holmiæ promontoriis appropinquaret, speculatoriam navem exploratum præmittit. Hanc Gustavianæ classis præfectus Ericus Flemmingius, in statione post sinum maris & rupem latitans, intercipit. Cujus præsidiariis per classem dispartitis, eam Succo milite completam in occursum Thomæ mittit,

mittit. Hac conspecta, ad eam festinat sciscitans quo in statu res essent; Illis, satis omnia salva esse, respondentibus; dum jam conscendere navem parat, alios adesse hospites & se proditum advertit. Itaque pedem retracturus, à Sueonibus apprehenditur. Inde Suecorum classis explicatis velis reliquas Thomæ naves invadit & sub suam potestatem redigit, excepta nave Finnonica Priitsia dicta, quæ fortiter à meridie ad vesperam dimicans, non aliter quam igne injecto subigi poterat. Ad Gustavum Thomas ductus in custodiam Tynnelsöensem datur, & quod Suecos ac Finnos indignissimè tractasset, quercu suspenditur. Ità authorem facinora repetunt, & ipse tandem suo opprimitur exemplo. Severini classis ad Holmiæ promontoria anchoras jact, in conspectu fermè Lubecensium classis Gustavo militantis: ut hoc velut tacito signo ad prælium eos laceggeret. Sed ubi pugnam averfari sentit, ad insulam in portum secedit. Eadem nox sic glacie vallavit ejus naves, ut ad eas non solum pedibus sed etiam equis accessum haberent. Si Gustavo tantum domestici militis, quantum externarum copiarum fuisset, haud dubiè, manu consertâ, victoriæ & hostium potitus esset. Ericus Flemmingus tamen aliique Suecones una cum Stephano Saffio & quibusdam Germanis prælium svadere ac se invicem in hostes incitare; sed Lubecenses longæ consultationis morâ, ubi factò opus erat, rem trahere, vel, quod potius, nolle: ut ipsius vox Severini audita sit, *hanc perfidiam socialem, non militiam esse.* Quæ quamvis, ut hostis, diffidentiae serendæ jecisse videri queat, tamen socios hîc remissiores ad pugnam fuisse constat; non tam ignaviâ, quam studio ducendi bellum & majoris lucri, uti nostri Annales perhibent. Quidam Sueconum ex alta rupe ingentia saxa in subjectas hostium naves devolvebant: alii ex adverso eos impetebant; ita ut occasio ipsa eos ad hostem cædendum hortaretur, si Lubecenses hîc animum dimicandi habuissent. Quadam nocte excurrenti Stammelio occurrit Thilo Gislo ex hostium navibus; ibi convenisse de quiescendo, ex facto Stammelii patuit: dum militi pugnam seriò dissuasit. *Si enim Severinum debellarent, nullo id eorum fructu fore: qui domino & ære suo deinceps carituri essent. Si verò salvus elaberetur, bello producto, sua ipsis stipendia nihilominus processura esse.* Sanè vel

hoc cautioni fuerit, ne ita externis nitamur auxiliis, ut non plus domesticarum & propriarum virium in exercitu habeamus. Præterquam enim quod turpe & noxium est, solo authore socio, si validior nobis sit, de summa belli inire consilium: & pugnare, cum ipse, non cum imperator voluerit; etiam externus miles venalem pretio fidem sæpe circumfert. Post biduum orta tempestate & glacie per cori flatum resoluta, Gustavus ipse advolans monuit sub datæ fidei religione socios, hostem adoriri. Quod cum animadvertisset hostis, insulæ adversæ suas applicare naves cepit, unde nostras impeteret. Gustavus iterum locios monere, ut hostis conatum anteveniant, & præoccupent istam insulam; sed frustra. Proinde, Sveonum ducibus adscitis, ipse cum suis eam occupat, & aliquot tormentis majoribus insulæ impositis, hostis classem diverberat. Hostis etiam suis tormentis explosis vicem reddit, Gustavum ipsum cujus vocem audierat petens, fallente tamen ictu. Tandem classis Severini vento secundo Calmariam abit. Urbem Stocholmiam deinceps Gustavus arctiori obsidione premere cepit, & castra ad boream locata ulterius in paræciam Brummam, & inde in insulam monachis ad prædii rustici usum olim donatam, unde & nomen nata est, urbiq; proximam promovit. Castra verò ad Sättra in suburbium australe transtulit. Ponte item mobili super aquas exstructo, monachorum insulam & aliam, quam longam vocant, cum suburbio australi commisit: ut hostibus excursionem facientibus, omnia castra facilius è propinquo coire & sibi auxiliares manus præstare, aut hostem commodius sustinere, vel auctis viribus depellere possent. Sed & ponte ligneo ad orientem facto suburbium australe cum insula VValdemari conjunxit, ibiq; firmissimum exstruxit propugnaculum; quo præsidiorum & commeatus subvectiones Holmiæ prohiberet. Hac Gustavi cura & solertia urbs quatuor partibus tam arctè infestata est, ut nemo, si replicet aut acti nuper temporis, aut priscam memoriam, urbem unquam accuratius & pressius circumfessam meminerit; eaque ratione hostium vires non parum accisæ & in angustum redactæ sunt. Quum Petrus Fredagius accepisset, hostem cum omnibus copiis impressionem facturum in Sveonum castra suburbii australis, optimos milium clam abdidit in S. Mariæ

Mariæ Magdalenæ templum : quibus in prætergressum hostem à tergo effusis , plerosque profligavit. Stante obsidione , Holmia gravi fame premebatur : unde multi tam equitum quam civium ad Gustavum terra marique , victus quærendi causa clam se recipiebant. Nonnulli in S. Claræ cœnobio suburbii borealis , tutas quærebant latebras. Ceterum antistita facto indicio nocte per lucernam, die per linteum ex fenestra appensum eos Gregorio Holsato , sororis suæ marito , prodebat. Qui deprehensi ligneis ferris dissecabantur , aliisque diris suppliciis excruciabantur. Quod præter alia quoque in causa fuit , cur Gustavus postea hoc cœnobium à fundamentis dirui juberet. Vbi duces Christierni majores subinde rerum angustias fame ingravescente sentiebant , & nostrorum castris tam bene munitis non facile quid detrimenti adferri poterat, hunc astum commenti sunt. Svecum equitem sibi juratum Iohannem VVestgothum in castra Gustavi emittunt eo consilio , ut alicui ducum Gustavi operam suam militarem addicat , & admissus clanculum exploret Suecicarum rerum statum , vires & subsidia , dataque occasione castris eorum ignem subiciat , atque in urbem illicò remeet , si possit : si minus, in Daniam aufugiat , & obsessorum fortunâ regi expositâ , nova auxilia ab eo petat. Ille explorator in fidem à Iohanne Petri cognomento parvo recipitur , qui nihil mali ut à suæ gentis homine suspicabatur. Sed post aliquot dies à duobus aliis transfugis Olao Magni & Tordone Baggio proditus est , qui in rei argumentum , vestibus insutas occultare ex membrana literas Theodorici Slaghökii & Gregorii Holsati adfirmarunt : quo manifestato , reus peractus & prodicionis supplicio plexus est. At hostes , hoc consilio ad irritum cadente , inutilem militiæ turbam , exceptis civium uxoribus & liberis , urbe emittunt : ut com meatu in longius tempus sufficiat. Eo vehementius urbis Holmiæ & Calmarie obsidionem Gustavus urget , ne quidem hieme per Suecos frigoris patientes omissam. Germani verò plerique ac Lubecenses ejus intolerantiores , sive ut hac specie rex eos seponeret , in vicinorum oppidorum hyberna distribuebantur , procedentibus etiam eorum stipendiis. Ineunte anno Gustavus Bernhardum

1523.

N 3

à My-

à Mylen & Laurentium Siggonis cum Germanico exercitu per oppida in præsiidiis hic locato in Scaniam & Hallandiam mittit, ad hostem illic atterendum. Sed eluviones remoram iniecisse causati, ultra mensem nullum operæ pretium fecerunt. Turonem Iohannis cum bene instructis copiis in Norvegiam expedit: qui provinciam VVikiam, quæ olim Sueonum fuerat, recuperavit, arcis Carlsburgi custodia Crummio demandata. Severino autem, viribus ad Calmariam auctis, steterat, adoriri castra Gustavi ad Calmariam & Holmiam, extremumque tentare casum aut fortunam. Sed à senatu regni Danici certior factus de sævitia Christierni in Danos quoque exercita, & quod senatus consiliis spreitis, totus à Sigbrita anicula ejusque filia Columbula, cum qua stupri consuetudinem habebat, penderet, ideoque emotus imperio, fugisset in Belgium; interim novo rege Daniæ Friderico Holsatiæ duce in ejus locum destinato; cum suis copiis in Daniam reversus est, sexaginta tantum militibus ad urbis arcisque custodiam relictis. Quibus negotium dederat, ut si urbem arcemque diutius defendere non possent, civibus interemtis, eorum bonis direptis urbeque incensa in Gothlandiam se recipere. Sed hoc cruento consilio detecto, cives à Gustavo ad præstitutum diem petunt auxiliares copias, spe deditiois ipsi injecta. Dicto die Suecis copiis adveniantibus & urbis expugnationem à parte maximè australi simulantibus, ut eò præsidia cives averterent, portam urbis borealem illis noctu aperiant. Vrbe occupata, octiduo post etiam arcem deditioe accipiunt & totam Oelandiam ductore Arvido VVestgotho. Tentabat itidem Gustavus Scaniæ, Hallandiæ & Blekingiæ Christierni partes adhuc sequentium recuperationem, misso istuc per Bernhardum à Mylen & Severinum Kylium exercitu, scriptisque ad incolas literis, ut jugum, quo hactenus pressi fuerant, hac occasione depellerent, & se in libertatem ope Sueonum vindicarent. Bernhardus à Mylen jam armis subjecta Blekingia, quum eodem animo in Scaniam contenderet, occurrerunt ei Claudius Bildius & Axelius Vgerupius, instructi potestate faciendæ cum ipso pacis, nomine Scanensium & Hallandorum. Post longam disceputationem, ita inter Bernhardum & eos convenit, *ut res interim integra suspenderetur usque*

usque ad Iohannis Baptiste diem, quo conventus Arhosiæ à Sueonum, Danorum, & Holsatorum legatis institueretur; & cui tunc per juris viam Scania & Hallandia possent adjudicari; in eo ceteros conquiescuros. Hac transactione Bernhardus deceptus, serò deprehendit, Succos jus suum cum Danis raro tam feliciter verbis & pactis, quam armis disceptasse. Gustavi fortunâ, Christierni exilio, & nulla spe subventionis, præsidarii Stocholmenses animis dejecti, urbis deditionem certis conditionibus Gustavo fecerunt, quæ tales fuere: *Ut Gustavus solveret obsidionem, & omnibus hostilibus actionibus abstineret. Vrbs & arx Holmensis in manus Lubecensium tradere-tur, quos sciebant in fœdere esse cum Friderico duce Holsatiæ. Ut Lubeca & Gedanum solverent militi residuum stipendii.* Sed Gustavus his ut indignis conditionibus rejectis, obsidionem persequebatur. In comitiis Strengnensibus, ubi de summa reipub. consultatum est, Canutus præpositus Arhosiensis primus ordines in hanc sententiam Latinè adlocutus est: *Regno Sueciæ, quod ab extranea dominatione tam misero hæctenus adstrictum, nunc hausta nova libertatis aurâ, aliquantum respirare cepisset: ut integrum ducere spiritum queat; summè necessarium fore, regem indigenam dari, qui patriæ ex animo cuperet & rebus fessis opitularetur. Quum verò Deus inclito huic regno, charissimæ omnium patriæ, in summo rerum discrimine prosperitatem, successum & victoriam, adversus insensum eorum hostem Christiernum ejusque socios per Gustavum, regni nunc administratorem, benignè concessisset; & Gustavus pietate, prudentia ac fortitudine præstans, divinitus imperio monstraretur, non aptiorem melioremque regno repertum iri, quam ipsum. Præterquam quod ex equestri familia & veteri regum Suecicorum sanguine oriundus, regiam fortunam animo & ipsis factis sit æquaturus. Similis argumenti alloquio idem ordinibus persuasum ivit Iohannes Gothus, legatus tunc Pontificius, nuper huc Româ redux. Ad hæc nobiles & plebei, quotquot tunc aderant, supplices effusisque lacrymis orare Gustavum, ut fastigium regium capeffere, ipsosque & patriam à Christierni tyrannide in pristinam libertatem, ut jam feliciter cepisset, porro adferere ne deiretaret. Gustavus contra: Vastam regni molem & pondus cui ferendo non esset, impensè deprecatus sibi reip. bellicue curis jam defatigato parci rogabat. Quemcunque alium ex proce-*

rum ac nobilium ordine creaturi essent, illum se quoque pro rege fide data agniturum. At regni ordines impensius idem suis precibus flagitant, nec de iis prius remissuros significant, quam exorarint Gustavum. Ille tandem pio pertinacique eorum desiderio victus annuit, non tamen ex ambitione, sed oppressæ patriæ commiseratione & libertatis studio flexum, eorum votis animisque morem gessisse, ostendit. Ita solennibus electionis peractis, & iuramenti utrinque præstitis, **GUSTAVVS REX SVECORVM** publica voce proclamatus est. Regis verò regnique senatores, qui in partem curarum pub. venirent, creati sunt præter superstites, Bernhardus Mylius, Petrus Erlandi, Ivarus & Ericus Flemingii fratres, Axelius Andreæ, Canutus Andreæ, Petrus Iohannis, Bero Claudii & Tordo Bondius. In dictis comitiis etiam deliberatum est de subsidiis & impensis belli ex censu argenti per totum regnum colligendis. Item ut in publicum ederetur codicillus; iustas amoti regno Christierni & belli adversus eum suscepti causas explicaturus, ad occurrendum sinistris malevolorum interpretationibus, & potentiorum Christierno studentium ulterioribus machinationibus. Finitis comitiis Strengnensibus, rex Gustavus cum omnibus Strengnesiæ collectis Holmiam adit. Vbi obsessi cives deditionem paciscuntur his legibus, quas eis Gustavus ex æquo & bono dicturus esset. Illæ tales erant; Securitate pub. corporum suorum, uxorum, liberorum & fortunarum, bonisque suis propriis, tam mobilibus quam soli liberè utantur cives remansuri Holmiæ; reliqui in Germaniam abituri, fide publica discedant cum tot bonis, quot ipsis ex gratia indulgeri possint. Privilegia civibus pro æstimatione fidei & meritorum confirmantur. Ut præteritorum oblivio fiat. Vrbs Holmia cum arce, omnibus tormentis & reliquo apparatu bellico; cum omni classe Christierni tyranni & Severini Norbyi, item omnes possessiones, bona & pecuniæ Gustavi & Erii Trolliorum, Iohannis Bellenachii, & omnium cum Christierno profugorum aut proscriptorum tradantur regi Gustavo in ejus & regni utilitatem. Si quis contra fecerit, jure mulsetur. Cum regis Christierni ducibus ac tribunis ita transactum est: Cum omnibus ministris & militibus suis cujuscunque gentis, cum suis opibus, suppellectile & sarcinis innoxie abeant, & deduc-

deducantur necessariis navigiis & commentu Lubecam, VVismariam, aliaque loca ipsis commoda. Sub fide juramenti & estimationis suæ adversus Sveciæ regnum, Lubecam civitatem ejusve confederatos intra bimestre clam vel palam stipendia non mereant. Si quis cujuscunque conditionis aliena auferat, capite & bonorum publicatione plectatur. His conditionibus Holmia regi Gustavo tradebatur, arcis præfecto Petro Duro constituto. Pridie festi S. Iohannis Baptistæ Gustavus per australem portam urbis solenni pompa ingressus, omniumque applausu ac lætitiâ exceptus, rex Svecorum & Gothorum ab universo populo salutatur. Proximis diebus Lubecenses sollicitant & flagitant præsentem æris alieni solutionem pro commentu, milite, classe, armis, quæ regi suppetias miscrant; aut illa cessante, privilegiorum & pactorum ab ipsis conscriptorum confirmationem. Quæ licet Lubecæ & Dantisco in rem suam opportunè agentibus ingenti futura essent emolumento, sed Sveciæ domesticis commodis adversa; tamen, quum Gustavus, exhausto continentibus bellis & Christierni expilatione regni ærario, statim repræsentare debitam pecuniam non posset, & beneficiorum memoria generosi animi pudorem oneraret, necessitati temporis paruit, & definita sibi à Lubecensibus privilegia confirmavit. Erant autem ejusmodi: Si Lubeca aut Dantisco impetantur bello à Rege Daniæ, Regem Gustavum illis terra marique opitulaturum. Ne pacem vel inducias cum Dano aliove ipsis inconsultis faciat. Occupatis Holmia & Calmarnia merces & bona civium Lubecensium & Dantiscanorum, quæ juramento sua esse confirmabunt, ipsis absque dispendio restituantur, & debita solvantur. Detrimentum ipsis à Dano fortè inferendum rex Gustavus penset, secundum estimationem senatus loci, ubi damnum passi sunt. Per regis Gustavi exorbitantes in mari, navigationis & commerciorum libertas illis non inhibeat. Lubecensium & Dantiscanorum bona per universum Sueciæ regnum ab omni vectigali & onere immunia sint. Quibus tam liberè inter se invicem negociari liceat, atque civibus ipsis. Nec alii peregrinæ nationi concedatur nisi illis hic in regno mercaturam facere, & æcolis maris Baltici, quibuscunque illi hoc permittent. Nec ulli exterorum præter Lubecenses Gedanensesque liceat jus civitatis in Svecia sibi adquirere,

vel cum mercibus eò navigare, aut fretum Oresundense vel Bal-
shicum transire. Petentibus in regno justitia administretur, nec in-
noxii noxiorum culpam præstent. Regni & civitatum incolis ad se
invicem accedere & recedere & commercia exercere communi jure
gentium liceat. Merces in regnum inventas præstito ab incolis pre-
tio vendere, aut invitus ibi relinquere nemo cogatur. Mortuorum
in hoc regno bona eorum heredibus absque jactura restituantur. Nau-
fragorum bona colligantur & extrahantur absque diminutione, ex-
cepta operarum mercede. Si nauta, mercatoris minister aut insti-
tor merces domini sui lusu, alea, vel alio illicito modo prodigat, vel
absque mandato oppigneret aut vendat, dominus recipiat merces apud
quemcunque inventas; rei vero corpore & bonis luant. Lubecen-
ses & Dantiscani cum suis sociis hic legitima defensione & jure
fruantur: adversantes & lege non contenti non tolerantur. Dissidio
inter hoc regnum & dictas civitates orto, quatuor regni & quatuor
civitatum senatores Lubecam conveniant, & rem ex aequo ac bono
dirimant. Si Lubecenses & Dantiscani plura desideraverint,
aut in his capitibus aliquid mutari vel addi voluerint, hoc ipsis inte-
grum erit, omnisque amicitiae gratia eis in hoc præstabitur. Hæc
privilegia confirmabantur & subscribebantur à rege Gustavo
& regni Senatu; excepto nobili Finnone Canuto Erici de
Lauko, qui ægrè subscribebat, sapienter prævidens, quid
malì subsequiturum esset. quod etiam factum est, postquam
pecuniâ ex asse solutâ, Lubecenses nihilominus districtè ur-
gebant privilegiorum observationem; quæ res bello inter
regem Gustavum & Lubecenses semina postea dedit. Non
leve quoque negotium regi fecit dimissio militum Germani-
corum, qui non contenti cuprea moneta, solutionem sti-
pendii in argenteis nummis exposculabant. cui commodum
inserviebat tributum argentarium, ab ecclesiis regni prima-
riis collatum. Reliquum agmen unâ cum Svecis Erico &
Iohanne Flemmingiis commendatum, in Finlandiam additis
tormentis campestribus & aliis necessariis, expedit. Qui
fusis hostibus omnem circa deditionem arcesque anno ex-
cunte regis in potestatem redegerunt. Rex inde legatos Ca-
nutum Erici, Beronem Nicolai & alios in Muscoviam mi-
sit, ad fœdus vel pacem sexaginta annorum tempore Svan-
tonis Sturii MDX. factam, cum Basilio Iohannis Magno
Moscorum Duce confirmandam. In comitiis Sudercopen-
sibus

sibus actū est de literis Friderici regis Daniæ. quibus ad ordines regni Sueciæ scriptis, ex mente, ut volebat, fœderis sub Margareta facti, quo tria borealia regna sub uno capite rege conjungerentur, rex etiam Sueciæ renunciari postulabat. Blekingiā item, & VVikiā in Norvegia repetebat. Ordines regni respondent Friderico: Ipsos sanctè stare velle semel susceptæ juratæ electioni regis Gustavi, & ut rex Fridericus desisteret proposito affectandi regnum Sueciæ: quod rex Gustavus cum Deo tutaturus esset. Ne itidem sollicitus esset de Blekingia & VVikia, quas rex Gustavus non ipsi sed vero suo hosti Christierno armis ademisset, & jure belli teneret. Antistes Gustavus & pater ejus Ericus Trollius, Holgerus Caroli, & alii Christierni a seclæ, qui solum verterant, pronunciantur hostes patriæ, donec regi regnoque conciliantur. Sed Holgerus deferens partes Christierni, petitis & impetratis fidei pub. literis, rediit in patriam & gratiam, fidus regi regnoque per omnem ætatem civis. Ceterum, ut in posterum vis & autoritas esset rebus Gustavi, ipso volente, senatus regni suis adprobat literis & assensu omnia consilia & actiones ejus adversus Christiernum aliosque regni hostes susceptas ad id, aut in posterum suscipiendas. Literas quoque à rege & senatu regni dari decernitur ad Fridericum regem, de dimittendis Stenonis Sturii junioris vidua aliisque matronis & virginibus nobilibus à Christierno in Dania custodiæ datis: hoc argumentum & principium ulterioris amicitie fore. In iisdem comitiis pretium definitum est extraneis & indigenis mercibus, opificibus & operis: ne pro lubitu ac præter fas id intenderent. Argenti, æris, ferri, salis aliorumque fossilium venas in publicum regni usum scrutaturis, ut promptius indagent, immunitas & præmia promittuntur. Constitutum insuper de exercitus lustratione ex more regni instituenda, certis ei rei dictis moderatoribus. Episcopus Arhosiensis Petrus Iacobi Synnanvvederus, Canutus ejusdem loci præpositus & Gustavus Trollius calumniarum atque conjurationis in regem Gustavum postulati, criminis læsæ majestatis accusantur, & ab officio remouentur. In quorum locum Petrus Magni Româ domum revocatus, & Iohannes Gothus sufficiuntur. Quum Gustavus totam Finlandiam recuperasset, ut ante dictum, & vires ejus non parum invalescerent, Fridericus rex Daniæ verebatur, ne Scaniam ista hyeme Gustavus tentaret; quod tamen in animo non habebat. Nihilominus hoc suspicatus, rem speciè colloquii de pacis fœdere interim trahere

trahere consilium ipsi erat , ut ea Gustavi molitiones vel interpellaret, si pax perpetua convenisset, vel si temporaria, distineret. Eo fine legatos huc Holgerum Gregorii, & Achatium Bragdium mittit, qui mandato exposito confestim cum Gustavo de tempore & loco colloquii agant. Nec id ingratum erat Gustavo, ut eâ viâ sinistrae suspicionis aut adversae voluntatis sensus tolleretur. Eoque Vadstenis diem comitiis dicit: quo rex, legati & senatus regni conveniunt. Sed ubi legati de Blekingia & VVikia regno Daniae restituendis agitant, ad quod Sueones haud proclives erant, res irritò incepto in aliud tempus prolata est. Vidua verò Stenonis Sturii junioris cum matre & aliis foeminis nobilibus, ut fidem dederant legati, carcere Danico liberatae, domum incolumes reverterunt. Post abitum legatorum, in iisdem comitiis decretum est de expeditione Gustavi in Gothlandiam incunte vere suspicienda; si ea provincia in veterem possessionem regni Suediae, quo jure pertineret, aliquando redire, & Severini qui tunc nomine Christierni eam ditionem tenebat, in praepedito navigationis & commerciorum istic cursu, machinationes prohiberi possent. Idem Braschius episcopus Lincopensis, cujus non parum intererat Gothlandiam Ostrogothiae dioecesi sub qua ante fuerat, reddi, maximopere urgebat. Omnes verò pollicebantur, hanc expeditionem adfuturos copiis & pecunia. qui verò mallent pecuniam, quam militem conferre, illis optionem liberam fore, viginti selibris argenti pro quolibet armato milite pendendis. Deniq; actum de moneta argentea cupreae Christierni ut viliori substituenda: quae esset commodioris inter indigenas & externos commercantes usus. Præterquam quod Dani istud æs quadratae formæ in Dania nuper abrogatum, huc affatim importarant, omnibus locis eo refertis, etiam optimas regni merces, pro exiguo pretio emtas secum extulerunt, Suedis grave æs reliquerunt. Permissum à rege tunc regni senatui Vadstenis officinam monetariam aperire, & propriam cudere monetam, sed

1524. sub nomine regio. Sequenti anno Fredericus rex Daniae petebat auxilio aliquot copias Calmariae. praesidio impositas à rege Gustavo, ad firmandum suas vires in obsidione Malmogiae, quâ unâ cum Hafnia Christiernus ea tempestate adhuc tenebat. Eas ab Gustavo accepit, illarumque ope Malmogiam

giam expugnavit. Sed illis parum gratiæ relatum: dum in castris male accipiebantur, & domum revocatæ ad expeditionem Gothlandicam à coacto in via Danico agmine pars cædebantur; & reliqui vix evasisent, nisi vim vi opposuissent. Præter hoc regiarum Gustavi navium aliquot ad Scaniæ oras jactura bona & arma in illis vel distracta erant, vel detenta ab Achatio Bragdio illius provinciæ præfecto. Hanc vicem rependebant regi Gustavo pro ope illis lata. Proinde Gustavus datis ad Fridericum literis, sermone increpabat hujus facti auctores, eosque ex merito plecti, sibi que suum restitui desiderabat: ne hoc offensionis & discordiæ causam præberet; quum tamen Gustavus nollet aliud quam quod faceret ad bonæ vicinitatis, amicitie & pacis conservationem. Quod ipsa etiâ re ostendebat, dum eum instructa classe decem navium ad occupandam Bornholmiam, uti petierat, adjuvit. Comitia Ienecöpensia, frustra eò expectatis Danicis legatis & dilationem ob comitia Hafniæ eodem tempore indicta desiderantibus, non processerunt. Mox etiam alatae Friderici regis & Senatus Danici literæ ad regem Gustavum & senatum Sueticum: quæ significabant de comitiis proximo die Pentecostes inter duos reges & senatum Sueciæ, Daniæ & Norvegiæ, ut & Vandalicæ civitates, habendis, in quibus ageretur de trium horum regnorum negotiis, commodis & prosperitate. Ut hæc tria regna & Vandalicæ civitates se adversus omnes rerum casus mutuo sœdere & pace velut communi salutis præsidio munirent. Ideo rex Fridericus amice rogabat regem Gustavum istis comitiis dicto die & loco haud gravatim interesse; vel si rex ipse advenire nequeat, quatuor aut sex ex senatu plenis mandatis instructos huc mittere ad peragendum, quæ è re trium regnorum & Vandalicarum civitatum essent. Ad has literas Gustavus nihil aliud respondebat, quam simulac à Lubecensibus accepisset, num illi ad hæc comitia visere constituerint, se mentem suam de illis ulterius explicaturum. Sibi tamen mirum ac insolens accidere, quod rex Fridericus hujusmodi comitia ediceret, quæ ad tria hæc regna spectarent, antequam cum singulis de iis egisset aut convenisset, uti par erat. Quam parum ex dignitate & securitate Gustavi futurum esset, in alienum se conferre regnum, ad hujusmodi postulata, cuius facile dijudicatu fore: præsertim quum Dani aperto Sueonum hosti Severino Norbyo Gothlandiam tunc obtinenti, clam suppetias submisissent sex navigia commeatu onusta, quorum duo à Bernhardo Myliq nuper intercepta essent, reliquæ evasisent. Vnde satis posset colligere, quid fiducia in Danis ponenda

dum esset : quamvis illi hoc dissimularent. Sed reapse hoc agebant, ut Gustavum hac mora distringerent ejusque expeditionem in Gothlandiam, donec æstas rebus gerendis aptior defluxisset; velut in hieme factum erat dilatione comitiorum Iönecopensium. Severinus Norbyus autem nec in regis Sueciæ Gustavi, nec in Friderici regis Daniæ partibus, pro Christierno Gothlandiam tueri ferebat: evulgarâ sua mone-
 ta, cujus uno latere ejus nomen, altero Gothlandorum insigne, agnus cum vexillo, exstabat. Quum armata clas-
 se & celocibus bene instructus esset, mare Balthicum piratica infestum habebat, *hoc optimum vitæ suæ oblectamentum esse ja-*
ctans : mercatorum sarcinas & merces excutere, odoremque ex aro-
matum sacculis spirantem naribus haurire. Nemini parcebat, sive Belga, sive Scotus, Anglus aut VVestphalus esset. Maximè tamen Lubecensibus insidiabatur. Omnem prædam in ur-
 bem VVisbyensem devehens, dimidium inter milites suos distribuebat, reliquum sibi retinebat. Vnde civitas pannis,
 aromatibus, vino, cerevisiâ, cuprò, ferro, sale redundans insigniter quæstum suum exercebat; mercatoribus exteris
 contra magno detrimento affectis, qui nil nisi vacuas naves sed plenos mærore animos domum reducebant; etiam cum
 probro dimissi, jussique cumulatius redire. Lubecenses hoc æger-
 rimè habebat; nec tamen ausi per se soli contra Severinum arma ad ulciscendum istas rapinas eo tempore sumere :
 quod suis viribus & confœderatorum animis non satis fide-
 rent; Severini verò potentiam & altus reformidarent. Ut
 autem Gustavum regem adversus eum concitarent, miserunt
 legatum suum Hermannum Israellem in Sueciam, qui fusc
 blandeque Regem & senatores ad eripiendam isti piratæ Gothlan-
 diam, & regno Sueciæ, quo antiquitus pertineret, hac opportuni-
 tate recuperandam hortabatur. Suos cives & senatum cum Friderico
 rege Daniæ quoque egisse, ut istam Severini insolentiam & vim in
 mari cohiberet. Fridericum etiam literis hominem monuisse, tantam
 vim abstinere. Sed Severinum ejus interdictum nibili fecisse, omni-
 busque infestum esse pergere. Ceterum Gustavus rem illam non tam
 inceptu facilem esse, ut videretur, respondebat: quum regnum
 Sueciæ superioris belli sumptibus exhaustum, & ingenti ere alieno
 Lubecensibus obstrictum esset, prudentiæ non fore, novo se impli-
 care bello, antequam difficultates istas superasset. Nec ita respicien-
 dam

dam esse Gothlandiam, ut in discrimen amittendæ Sueciæ deveniatur. Certe non aliter posse, quin ex hoc bello nova odii & gravis inimicitia inter duo regna materies exsurgat: quippe Danis certam Gothlandiæ possessionem, nec incerto injustove, ut sibi persuaderent, titulo tenentibus. Si vero Dani, variante belli fortuna, Suecis eriperent Gothlandiam, se ignorare quinam belli expensas ei resusuri essent. Ad istæc Hermannus: Si regi placeat hoc bellum Gothlandicum capessere, senatum populumque Lubecensem æris alieni solvendi dilationem in multos annos, & quidem absque ullis usuris æquo animo toleraturum esse. Si verò rex filiam Friderici regis Daniæ uxorem expetat, Lubecenses has ei nuptias conciliaturos & ut dotis nomine Gothlandiam accipiat effecturos: uti jam inter Fridericum & Lubecenses ea de re convenisset. At si periculum amittendæ istius provinciæ præter expectationem interveniat, dimidias belli impensas præstituros, nec unquam commissuros, ut ista res ei fraudi sit. Omni denique ope connisuros, ut Gothlandia Severinæ adempta in Sueonum potestatem redeat. Gustavus reponit: Si hæc conditiones quas obtulisset, ratæ haberentur, & literæ ac data fides (quæ in hoc captioso & fallaci mundo sæpe pro nefas! violentur) ab illis quorum interesset, confirmarentur & servarentur, se pro virili quod posset facturum. Hoc audito Hermannus proferebat literas fiduciæ, & sanctè adfirmabat jurabatque omnia quæ nomine jussuque magistratus sui promississet, firma ac rata habitum iri. Atque si vel minimum eorum baud impleatur, se huc reversurum & in custodia regis fore. Nihilominus Gustavus ad aliquot dies spatium deliberandi sumit, antequam tanti momenti rem aggrediatur. Quum tamen antea in comitiis Vadstenensibus ex usu regni visum fuerat esse, & decretum de Gothlandia armis repetenda ac Severini insolentia reprimenda, tandem rex consensit: licet animo præsentiret, nec ipse verbis dissimularet, hoc inceptum parum feliciter eventurum regno Sueciæ, sed ipsi incommodo, oneri & sumtui futurum, quod etiam accidit. Insuper Gustavus metuebat, ne fieret, quod habet tritum sermone proverbium, ut, quum duo canes de uno osse contendunt, tertius superveniens illud abtiperet. Ita quoque fecere Dani de Gothlandia, ut postea memorabitur. Ex convento & decreto priori rex ad bellum illud se parabat, conflata sibi pecunia, ubi ærarium non sufficiebat, ex propria suppel-

pelleſtile argentea; milite, commeatu, & claſſe bene inſtructis: cui præponebat Bernhardum à Mylen. Rex ipſe cum claſſe ſolvebat Holmia, petebatque Calmariam; ubi præſtolabatur adhuc aliam claſſem ex Finnonia, Lubecenſem ex Germania. Veſpera Pentecoſtes tota claſſis conjuncta excurrit Calmaria in Gothlandiam: ubi exſcensione facta ſelectus miles univerſam iſtam provinciam occupat, arce & urbe VViſbya exceptis, quam ad duos meſes arctè terra marique obſidebat. Eam poſtea duo ſacerdotes ex Suecia oriundi Auguſtinus in Marteboog & Petrus in Cutemo tentabant prodere Suedis. Sed re detecta in vincula dati ſunt, ut fame enecarentur. A Lubecenſibus urbe poſtea potitis liberabantur. Dum Guſtavus Calmariae ſubiſtens expedit agmina ſua in Gothlandiam, iterum à Friderico rege Daniae adferuntur literæ, in quibus excuſat dilata comitia Hafnienſia, ob convetum Hamburgi inſtituendum in diem Iohannis Baptiſtæ. Sed cum rex Guſtavus parum tunc ſpei haberet de amica inter ſe & Danos compoſitione, qui Severino clam ſuppetias ferrent, non ei animus erat iſtæ comitia per ſe aut legatos hac vice adire. Verùm literis Lubecenſium edoctus, illos Thomam à VVichten & Bernhardum Bonchavverum eo civitatum nomine miſſuros, per literas rogat, dicto die huc Ienecopiam ad ſe colloquii cauſa excurrere. Rex Guſtavus eodem cum ſenatu venit. Et paulò poſt duo legati Daniae Albertus Iacobi & Axelius Bragdius, in quorum comitatu erant Vandalicarum civitatum oratores Bernhardus ſenator Roſtochienſis, Nicolaus Smiterlovyius conſul Stralfundeniſis, qui à regis Friderici coronatione die S. Laurentii Hafniæ habita huc acceſſere, omnes efflagitantes, ut placeret regi Guſtavo ad amicum venire congreſſum cum rege Friderico & regni ſenatu legatiſq; Vandalicarum civitatum Hafniam aut Malmogiam. Iſti oratores ſummam conferebant operam ad omnes ſuſpicionis & diffidentiae cauſas à radice, ſi poſſint, exſcindendas, coque majori fructu ſtabilem amicitiam inter regem Guſtavum & Fridericum inſtaurandam; inprimis ut ſœdus inter hæc tria regna & Vandalicas civitates iceretur: quo junctis viribus animisque ad Chriſtierni ejusque ſociorum hoſtium communium vim arcendam pares eſſent. Sed Dani hoc fieri non poſſe exiſtimabant,

bant , nisi rex Gustavus soluta obsidione urbis Visbyensis revocaret inde militem , & restitueret Blekingiam & VVikiam Daniæ & Norvegiæ coronæ. Quod si nollet , cogi Fridericum & Danos succurrere Severino Norbyo in Gothlandia : quandoquidem ille renunciata fide Christierno , Friderico fidem & obsequium jurasset , & VVisbyam pro eo tutaretur. Sueci respondent : Hæc non facere ad amicam transactionem & convenzum , uti desideratum fuerat. Nec tam facile eos posse dimittere provincias armis hosti ereptas , nec solvere obsidionem magnis impensis factam , intuitu boni pub. tam regni Daniæ & Vandalicarum civitatum , quam regni Sueciæ. Quippe Severinum non leve indies damnum adferre Suecis , Danis & civitatibus ex nido suo VVisbyensi , prædationum ejus receptaculo. Sed & Gothlandiam ad Sueciæ coronam pertinere , licet ad tempus inde alienata & vi possessa fuerit. Atque si favente fortuna eam rex Gustavus recuperarit , non detrectare jure cum rege Daniæ de ea experiri. Quamvis autem civitatum oratores multum laborarent , ut Blekingia & VVikia Danis restituerentur , & obsidio tolleretur , uti Dani avebant , nihil tamen effecere. Sed res ex consilii sententia in conventum Malmogiensem Kal. septemb. instituendum rejecta est. Sic imperfecto negotio & dissoluto congressu , Danici & Germani legati Ienecopia in Daniam revertebantur. Circa idem tempus ex Germania Ienecopiam advenit Iohannes Comes Hojensis , qui Gustavi animum ita sibi conciliabat , ut fide prius jurata rex ei arcem Gothiæ orientalis Stegeburgum clientelæ jure ad vitæ tempus concederet , sororemque suam Margaretam Ioachimo Braheo antea nuptam , viduam ei in matrimonium promitteret. Quum , uti desiderarat à Danis , cautum esset Gustavi securitati datis obsidibus & fidei publicæ literis , ea fuit regis modestia , pacis & amicitiae studium , ut Malmogiam in litore Daniæ sitam ipse ex convento ire non inferius se duceret , comitibus Thurone Iohannis , Laurentio Siggonis , M. Laurentio cancellario , aliisque nonnullis ex senatu. In via sæpe monuit rex Thuronem , ut , tanquam princeps procerum & sapientissimus , cautè , fortiter & ex fide in jure Sueciæ de Gothlandia tutando versaretur. Quod se sedulò facturum promittebat. Sed simulac rex advenerat Malmogiam , Dani hæc artem Thuroni os occludendi re-

O

pererunt,

pererunt, ut ipsi clam per suos denunciarent, se omnibus suis in Dania & Norvegia possessionibus hæreditariis devolutum iri, si multum niteretur pro Gustavo & Suecis in propugnando jure Gothlandiæ. Quum ergo conventus initium in æde sacra faciendum, & postamicas salutationes res ipsa tractanda esset, Thuro verba pro suo rege facturum, prætussi ac raucitate vocis viam, uti præ se ferebat, obstruente, velut obmutuit. Equidem ubi respectus rerum privatarum obsidere cæpit animos; malunt publico quam sibi deesse: metusque proprii damni aut periculi linguam & mentem sæpe claudit. licet ille se bonum civem profiteretur. Itaque ejus vicem regis Cancellarius loquebatur, cujus sermonem rex ipse postea excepit. Inde autoritate & canitie venerandus regni Dantiæ senator Andreas Bildius, petita dicendi facultate, sic orsus est: *Vos serenissimi Reges & ceteri proceres, si verum fateri velitis, haud inficias ire poteritis, vobis isthæc antiqua regnorum negotia, præsertim de Gothlandia parum comperta esse. Viri enim juvenes omnes estis, qui non longe retrò meministis. Noster rex Fridericus in Holsatia educatus, non diu in hoc regno ætatem egit; ideoque harum rerum vel exiguam vel nullam habet cognitionem. Nec rex Sueciæ Gustavus istorum sciens esse potest; quum adhuc sit juvenilis ætatis. Sanè pro vero affirmaverim, neminem hic adesse, cui rectius hæc perspecta sint, quam Turoni Ioannis & mihi.* Rex statim interpellans ait: *Quid ais Andrea, & quid hoc colore uteris? Juvenis diligenter sciscitando tam ad præterita redire, quam senex ea comperiendo & memoriâ consequi potest.* Quo responso consternatus Andreas, non habebat quod regereret. Inde disceptatum acriter est de iure Gothlandiæ, quod Fridericus à se rejecit, ut parum ejus prudens. Quamvis autem Sueci literis aliisque documentis adsererent Gothlandiam verum esse Sueciæ membrum, & proprietatis jus ipsis competere, tamen frustra nulloque profectu disceptarunt, neutris cedere volentibus. Itaque hoc tempore sic convenit, ut Gustavus nec minus Severinus exercitu suo Gothlandiam vacuificaret, & juris in eam ut & VVikiam decisio bætenus indefinita deletis Vandalicarum civitatum arbitris eorumque judicio anno proximo Lubecæ committeretur. Res interim utrique in integro esset, & securitas à Severini predationibus omnibus quorum intererat, & compensandi damni cautio fieret.

Quod

Quod decreto Malmogiensi ulterius declaratum est. Fœdus item inter duos reges Suecorum & Danorum ictum de communi regnorum salute tuenda, & Christierno exule junctis viribus excludendo. Ut regna suos limites, uti hætenus, tenerent. Ut Blekingia Dania restitueretur, cives utriusque regni solita commercia & amicitiam colerent, hostes & transfugæ non receptarentur. Ut cujusvis regni nobilibus prædia & possessiones in hoc vel illo regno justè acquisite, nec à majoribus alienatæ, incolumes essent. Quicumque regum Calendis Septemb. occuparet arcem & urbem VVishyensæ, retineret eam usque ad ulteriorem decisionem arbitratorum Lubecæ instituendam; & quæ plura hujusmodi erant. Si quis contra hæc pacta faceret, centum mille aureorum mulcta plecteretur. Hac captiosa transactione Gustavus Gothlandiæ tantum non exutus est. Lubecenses enim qui ante præcipui auctores fuerant Gustavo obsidendi Severinum in Gothlandia, iidem nunc adjuutores fuere, ut ea obsidio solveretur illis conditionibus quibus postea non parebant. Nec semel ante compertum, Danos Gothlandiam conventu, pactis aut sententia non dimittere. Proinde opera sumtuque itineris incassum impensis, Gustavus ob perfidiam Bernhardi à Mylen & Severini clandestinas cum eo molitiones, postea propriam arcem Calmariam expugnare & præfectorum ab hoste corruptorum manibus vi extorquere, cum non exigua suorum jactura, necesse habuit, ut suo loco dicetur. Quum rex indignabundus excederet curia Malmogiensi, in via stantem Hermannum Israelem, qui huc à Lubecensibus missus egerat cum Gustavo de suscipiendo bello Gothlandico, conspiciatus & severè alloquutus, quærit ex eo: ubi nunc amplissimorum promissorum fides esset, quam literis fiducia, gravibus diris caput suum devovendo & fide juramenti firmatum ivisset? ubi nunc refusio sumtuum belli Gothlandici, & dos apparerent, cujus spem ipsi ostendisset? pœnas aliquando hujus perfidiae daturum. Et ira percitus arrepto pugione rex cum percutere minabatur. Sed cancellarius & alii comitantes prohibuere, ne manus ei inferret. Hermannus muliebri fletu contestabatur, se culpam hujus rei præstare non posse, nec quid vellent aut nollent Lubecenses, in sua manu esse. Rex inde Malmogia domum discedit, Deo gratias agens quod incolumis in regnum rediisset, sanctèque adseverans, se nunquam in posterum pedem

extra regni fines moturum. Indiſtis Vadſtenenſibus comitiis, rex exponi jubet *quid in Dania actum & Maimogiæ decretum, & quomodo id pacis & concordie tuendæ cauſa à Suecis implendum ſit*, una cum aliis regni negotiis cum Senatu pertractandis. Re conſultata, viſum eſt, ad deſtinatum iſtic conventum mittere Iohannem Hoienſem comitem & Iohannem Gothum præſulem Upfalienſem. Et quum in eo conventu ex pacto agitandum eſſet de Gothlandia, VVikia & Blekingia, conquiſtandas eſſe ex omnibus arcibus, templis & cœnobiiſ antiquas litteras, inſtrumenta & documenta, quotquot de illis inveniri poſſent: quibus juris ſui in iſtas provincias fidem adſtruerent. In iſdem comitiis actum eſt de regis coronatione & nuptiis; ita ut omnibus è re videretur quam primum inaugurari regem, ob varias cauſas, & ut hoc honorificarum nuptiarum non leve momentum eſſet. Interea regem ſecum meditari poſſe, ad cujus nuptias animum ex uſu regni applicaturus eſſet. Sibi tamen haud alienum videri, cum exteris conſuetudinem & ætius vinculum, quoad ejus fieri poſſet, minus contrahi propter incommoda non ſemel inde regno ſuborta. Quia verò rex, priuſquam ad coronationem aut nuptias accederet, certus eſſe volebat de poteſtate adminiſtrandi ſecundum leges bona regni & beneficia fiduciaria diſpenſandi, ea de re conſuluit illos. Reſponderunt ordines: Neminem aliter adfirmare poſſe, quin regi plena poteſtas eſſet ex lege regni regendi provincias, arces & caſtella, diſpenſandique regni opes. Ideoque curaret inquiri, & in rationarium reſerri omnes regni proventus ac redditus, item numerum prædiorum coronæ, nobilium & ſubditorum cujuſlibet territorii: ut inde rex omnes coronæ fruſtus, & quid ei proprium, quid minus eſſet, in numerato haberet, & liquidius dignoſcere poſſet. Exquiſivit inſuper rex, num ordines comitem Hoienſem in regno ferre poſſent, antequam ejus nuptiæ cum ſore regia ratæ fierent; & ut ipſi clientele jurè aliquod caſtellum concederetur: quod, quum de regno rex bene meritus eſſet, ipſis haud invitis fore credebatur. Ordines repoſuerunt: quamvis leges regni alienigenas ad ſenatoriam dignitatem aut provinciam vel arcem adminiſtrandam admitti vetarent: non tamen ipſis nolentibus, meritorum regionum exiſtimatione, fore, ut Comiti de beneficio regni dignè proſpiceretur; nec ſe dubitare, quin rex ſibi tam ab ipſo quam aliis de fidelitate ſatisdari faciat: ne Suecis uſu veniat, quod ſæpius antea, ſi regi quid accideret. Providendum quoque ne plures extranei in regnum ſpe clarorum conjugiorum aut majorum poſſeſſio-

*possessionum allectarentur; ut invidia ac motuum irritamentis. Tandem in dictis comitiis decretum est; ut iudices provinciales ac territoriales observarent præfinitos dies, quibus jus ab illis dicendum esset, nec eam rem neglectui haberent. Si qui deficerent in isto munere, legum prudentes esse sufficiendos: ut rex parcius tot querelis & supplicationibus obtunderetur. Nullius actionem esse admittendam, nisi qui legitime ad regem regni vel senatum provocasset. Ut prætoribus interdiceretur mercatura, nec permitterent eam à quoquam alio vici-
tim fieri, sub definita mulcta. Ut omnes solutæ personæ & opifices in urbem cogerentur, nec ruri cuiquam opificium suum, nisi qui lege diserte exceptus esset, exercere permitteretur. Antea memoratum est, quomodo Gustavi exercitus sub ejus ditionem redegerit universam Gothlandiam, excepta urbe & arce VVisbyensi, arctè tamen terra marique circumfessa. Quod maritimæ urbes lætis animis acceptantes, comæatu juvere milites. Eorum dux Bernhardus à Mylen duobus primis mensibus officii sui partes masculè & fideliter implevit, hostem effusum aliquoties haud cladis expertem depulit. Sed postea mutavit mentem, incertum cujus instinctu. quidam hoc uxoris impulsu factum volebant: uti solet iste sexus, si ambitiosus aut avarus sit, animum mariti suis delinimentis avertere. Sanè hæc mutatio statim ab ejus accessu in Gothlandiam accidit. Deinde Severini Norbyi dolosis pactis & ingentibus promissis corruptus inducias cum hoste facere, convivii indulgere, pro Severini infante ex concubina in baptismo spondere; clam cum ipso in fraudem regis & Sueconum conspirare. Simul enim urbe excesserat, inducias cum Severino solvebat, inscio & incauto milite; ita ut Severinus excursionem facta cederet militem in suis castris, antequam arma adversa caperet. Vnde quid Bernhardus molitus esset, facile sentiebant: quæ perfidia pessimè habebat Succos, eamq; regi per literas indicare constituerant. Sed Bernhardus insidiosè præpediebat, eis persuadens fore ut Severinus arcem urbemque propediem traderet. Caussam verò brevis moræ nullam aliam esse, quam quod inter ipsos de conditionibus nondum convenire posset. Interea Friderici regis Daniæ legati ad Severinum, ut ne tiquam arcem & urbem in Sueconum manus tradat, hortantur; sednectere moras, donec ei Dani opitulantes, coronæ Danicæ illam subjicerent. Ingentia etiam beneficia aureique montes ipsi promittebantur, si eorum desiderio satisfacere, eisq; & patriæ suæ fidus esse*

esse pergeret. Ei rei Severinus non alienus, per Ottonem Andreæ Vlfeldium in regis Friderici fidem se permittebat. Post paucos dies adveniunt aliquot regni Daniæ proceres in Gothlandiam à Friderico emissi, qui cum præfecto classis Bernhardo & Suecis blandè sed astuto pectore agunt, & *pacem inter duos reges factam à Suecis violatam contendunt: quod armis Gothlandiam incurassent. Sueonibus domum esse revertendum, donec res juris disceptatione vel amica compositione Lubecæ ex utriusque regis placito discreta esset.* Horum sententiæ classis præfectus inconsulto rege subscribens, instante hyeme cum exercitu suo ex insula decedit. Ipse verò non ausus regi se sistere, quippe sibi malè conscius, Calmariam, cùjus præfecturam tunc à rege Gustavo habebat, abit eamque communit. Vnde quid animi ipsi esset, in proclivi erat divinare. Severinus autem regis Friderici legatis, conditionibus utrinque conventis & ratis habitis urbem & Gothlandiam tradit, & cum suis thesauris in Daniam se recipit. At Fridericus arci VVisbyensi Henningum ab Alefeld præficit. Hoc eodem anno rex Gustavus arduum & salutare reformandi ecclesias in suo regno, & religionem traditionibus humanis & superstitionibus corruptam, emendandi consilium cepit, amore cœlestis veritatis ipsi divinitus inspirato; & Suecorum ecclesiæ doctorem Laurentii & Olai Petri fratrum Lutheri ac Melanchthonis discipulorum, & Laurentii Andreæ cancellarii aliorumque fida institutione confirmatus, à se & sua orsus aulâ, primus Evangelicam doctrinam amplectitur. Hac verbi divini luce per meram Dei benignitatem accensa non solum tenebræ dispellebantur, sed & ipse rex ac postea subditi ejus exemplo rectius edocti, in veram salutis viam ducebantur: frustra renitentibus & reclamantibus episcopis & doctoribus, Pontificiæ religioni addictis, præsertim Iohanne Gotho præsule Vpsaliensi, Iohanne Braschio episcopo Lincopensi, & Petro Gallo professore Theologo. Sed & plebs ab illis concitata, novam fidem aut hæresin intrudi, clamabat. Quæ quum in historia Ecclesiastica Sueogothica Baazii fusius descripta sint, eo lectorem remitto. Fanatici quoque doctores Anabaptistæ, quorum principes erant Melchior Ringius & Cnipperus Dollingius ex Germania cum Hollandicis navibus huc traicientes, Holmiæ ecclesiam

clesiam turbabant. Sed mox rege ex Danîa reduce, compressi & ex regno proscripti sunt: de quo motu eadem historia Ecclesiastica fufius agit. Petrus Iacobi Synnanvvedenus & Canutus, ille episcopus, hic præpositus olim Arhosiensis, antea ob sua facinora exterminati, redierunt in Sueciam & Dalecarlos ad seditionem commoverunt, obtentu quasi rex Gustavum Trollium, hostem suum & patriæ, ad pristinam dignitatem restitutus esset. Ob has & alias causas Gustavus revocato Holmiam regni senatu, ostendit istos proditores ex mera calumnia ipsum traduxisse, & studio res novandi turbandique populum ad motus excitasse. Quamvis autem rex malo avertendo Dalecarlos literis monuisset, *ut hos perfidos audire nolint, sed aliquot ex suis sub fide pub. illis danda ad se mittant, qui quid rex contra illos aut illi contra regem habeant, coram explorare possint*, tamen dicto minus audientes erant. Sed & regni senatus ad populum Dalecarlensem scripsit, graviter adhortatus, *ne in suis oris ferrent discordiæ & seditionis authores: unde sibi ipsis malum & perniciem facile creare possent; sed in fide erga legitimum suum regem constanter manerent. Si secus facerent, nullam favoris aut defensionis spem de regni proceribus sibi promitterent, sed severam & factis suis dignam animadversionem opperirentur.* His motibus & illud accedebat, quod Gustavus ex fide dignorum fama & literis acceperat, Christiernum omnibus suis viribus eniti, ut ope Cæsaris & aliorum amicorum in hæc tria regna reponeretur; quæ sæva pestis si rediisset, omnia funditus evertisset. Proinde rex non potuit dimittere exercitum, sed augere ad necessariam regni defensionem necessum habuit. Regni autem fructus, tuendis belli subsidiis designati, non parum imminuti erant, argentariis & ærariis lecturis per diuturnos intra patriam motus & bella otiosè jacentibus. Itaque ad solitum exhausti ærarii refugium, nova tributa decursum est. Sed quum veteribus multum gravati subditi, novis non sufficerent; tandem visum est cum minori onere populi fore, si necessitate sic imperante unius anni decimæ ecclesiasticæ vel duæ earum partes in usum publicum converterentur; reliquus triens ministrorum ecclesiæ salariis servaretur. Bernhardo à Mylen Calmaria ad regem evocato & jussu eam regi tradere mittitur Nicolaus

Erici, qui in fidem nomine regis accipiat. Sed frater ejus Henricus à Mylen id recusavit, donec Bernhardus pristinae securitati redditus esset. Rex non parum ira concitus, se à suis ministris in ordinem redigi, jubet per literas & tandem ipsum Bernhardum & Ioannem Olai eo missos permittere arcem & urbem fidei Nicolai Erici, aut malè mulctari. Sed surdo narratur fabula. Proinde ipse Bernhardus rogans intromitti in arcem specie tractandi cum fratre de arcis deditioe & mox inde revertendi, ægrè hoc à Nicolao Erici contra regis interdictum, tandem tamen interpositis sponsoribus, obtinuit. Ex arce rediens milites ait obfirmasse animum de non eâ dedenda, prius quam ipse in integrum restitutus esset; se tamen adhuc semel admitti ad colloquium in arcem rogat, sedulo laboraturus ut eorum animos expugnare possit, & intra quinque horas sub data fide rediturus. Nicolaus semel ab ipso servata revertendi fide & sponsoribus datis securior factus, locum dat ejus petitioni. Admissus in arcem, eam milite ex Oelandia noctu clam accito firmat, & sequenti die castro egreditur, id ex promisso quasi dediturus, & in urbem ad Nicolaum Erici rediturus. Sed vix in pontem arcis descenderat, quum milites eum subsequuti, simulata vi retrahunt; quasi dolo dissolveretur perjurium; posteraque nocte quæ erat prima Pentecostes, arce effusi in urbem, Nicolai Erici domum & ejus bona diripiunt, ipso nudo vix fuga elapso; quatuordecim cives cædunt, quosdam in arcem captivos abripiunt. Inde fidei juramentum ab omnibus in Smalandia militibus exigit Bernhardus, & ut sibi sub eadem fide servant arcem Calmariam, quam à rege Gustavo sibi suæque uxori loco dotis donatam fingeat; nec ulli hominum, ne quidem ipsi regi tradant, priusquam ex Germania redeat. Hoc jusiurandum ei temere milites præstant, parum memores aut observantes arctioris vinculi, nimirum religionis ac fidei regi juramento antea devinctæ: quæ semel data sanctè servanda erat. Cum idem à senatu populoque Calmariensi postulasset, illi recusarunt. Tandem Bernhardus cum fratre & uxore, convasatis auro, argento aliisque alicuius pretii, relicto arcis præfecto Henrico Iuta & Nicolao Stenonis, abit in Germaniam animo sibi quærendi vires apud Albertum ducem Mechleburgensem

sem aliosque , ad arcem ulterius communiendam & reservandam Christierno. Hanc perfidiam Bernhardi rex admodum offenso tulit animo. Nec id mirum : quum ante alios, etiam indigenas, à rege elatus , exercitus & arcium præfectura & honorato conjugio ornatus, aliisque præmiis cumulatus tam indignam ei referret gratiam. Ipse rex cum delecto agmine Calmariam profectus , in obsequio fidos & constantesprehendit cives : qui statim ipsi urbem aperuerunt, & regem, uti par erat, honorificè exceperunt. Dum ille cum suis circumequitat arcem, experturus quid moliantur præsidarii milites , quidam senecio calvaſter ſclopetarius , Arvidi VVeſtrogothi , regem eſſe ratus , ſemur transverberat. De iſto ſclopetario fama vulgarat ſe diabolo mancipaſſe , ut certo ſemper & deſtinato iſtu feriret , quemcunque glande plumbea petiturus eſſet. Rex in arcem mittit qui ejus nomine imperet militibus deditiōem. Illi reſpondent : *ſe nullum alium dominum præter Bernhardum à Mylen agnoſcere , & malle ultima pati , quam arcem alii dedere.* Proinde rex nullam aliam quam vi occupandi arcem viam videns , munitis inter cœnobium & arcem exſtructis , eam tormentis graviter quatit & oppugnat. ⁴ Primum impetum aggredientium ita exceperunt obſeſſi , ut continenti jaculorum & ſaxorum grandine obſidentes depellerent. Rex oppugnantium velut ignaviam increpans , ipſe armis indutus , *vel arcem ſe expugnaturum , vel vitam profuſurum*, ait. Sed rogant regem, *ſuæ ſaluti conſuleret, nec iſtam dedecoris notam illis inureret , ut inſtar gregarii militis ipſe oppugnationi miſceatur , & præſenti periculo tantum caput obſectet. Se pro virili dimicatuſ, etiamſi omnibus occumbendum ſit.* Rex laudata animorum promptitudine, muros arcis ad ſeptentrionem tentare jubet. Secundus impetus verè virorum & tam ardens conſlictus fuit , ut prius vita quam vallo cederent, & ex quadringentis ſclopetariis tantum quatuor, ex Petri Fredagii agmine nemo evaderet. quin ipſi agminum duces Petrus Fredagius & Iohannes Petri aliique cadebant. Hac tot fortium virorū clade rex ita affectus eſt, ut etiam lacrymis teſtatus dolorem, ſtatim receptui cani juberet. Sed & præceps in noctē dies ulteriorē oppugnationē verabat. Obſeſſorū dimidia pars obruncata, reliqui ſaucii, minima pars intacta cæde aut vulnere fuit. Obſeſſi ad tam paucos reducti,

ideoque desperantes ulterius arcem tueri, postero die certis conditionibus pacisci quærunt. Sed rex spretis conditionibus infidos & pertinaces se victoris arbitrio permittere jubet: quod ubi fecere, plerique ultimo supplicio afficiuntur. Ita vi receptam arcem committit fidei Arvidi VVestgothi. Calmariæ tamen recuperatæ fortunam aliquantum trubabat navis tormentis & insigni apparatu bellico onustæ jactura, & incendium arcis Stocholmenfis, qua deflagavit regium conclave & argentea suppellex. Severinus Norbyus adhuc Gothlandiæ incubabat & pro lubitu dominabatur, nulla habita ratione pactorum Malmöensium. Non tamen aliter adsimulabat, quam se paratum esse de Gothlandia cum rege Gustavo transigere, & in Sueciæ regno fortunarum sedem figere, si sibi commodus in Finnonia locus daretur. Sed rex facile ejus machinationes advertebat: se, si hic admitteretur, nihil nisi discordiam inter Suecos, Danos, & Germanos excitaturum; & plebem, præsentibus vitæ commodis sua plerumque metiri suetam, in factiones scissurum. quippe multitudini jam per suos emissarios clam insusurrari curarat, si ipse rerû potiretur, effecturum, ut minoris pretii essent sal, lupulus salictarius, eorumque uberior copia quam unquam antea fuisset. Eo enim tempore magna annonæ caritas erat, præsertim salis tam in Germania quam Suecia, propter bellum inter Carolum V. imperatorem, & Franciscum I. regem Galliæ, qui hoc anno à Cæsare in captivitatem reductus erat. Ut levato velo proderet animum sublimia spirantem, cæpit Severinus ambire nuptias Christiæ Stenonis Sturii junioris viduæ, spe magnæ fortunæ ipsi liberisque ejus facta; quibus promissis fermè circumventa non absque motus periculo fuisset. Supra isthæc clam conspirat cum Bernhardo à Mylen, quum adhuc arcem Calmariam teneret, ut ante suo loco dictum; & cum Petro Synnanvvedero ad Dalecarlos profugo aliisque. Ut regem Gustavum apud peregrinos suspectum & invisum redderet, vano rumore differebat, quasi rex cum ipso fœdus adversus Danos & Germanos fecisset. Ea causa rex Iohannem Thuronis & Iustum Quaditium ad Fridericum regem Daniæ & Lubecenses mittebat, ad se purgandum, & explorandum eorum animos de conventu Malmogiensi proxima æstate Lubecæ habendo; & num rex ob alias occupationes

tiones regni eo eximi non posset. Ad consultandum de his & aliis regni negotiis Arbogæ, & inde ob incendium urbis Arhosiæ senatum & ordines convocat. In horum conventu rex graviter exposulabat de variis calumniis & mendaciis inter plebem de se disseminatis & sceleratè confictis, ut & de tentatis in caput suum insidiosis machinationibus à Severino Norbyo, Petro Synnanwedero, M. Canuto & aliis proditoribus; qui motus in regno & seditiones ciere, & per eas regem emovere regno conarentur. Significabat itidem, si quid esset quod in ejus imperio desideraretur aut displiceret ordinibus, se paratum esse sponte imperium deponere: ne respub. per ipsum quid incommodi pateretur. Ordines regni precabantur à rege, ne imperium & ipsos destituere, sed, ut hætenus, eis præesse vellet. Omnes agnituos & veneraturos regem, qualem Strengnesiæ elegissent; cui fidem & obsequium, vitam & spiritum omniaque quæ possiderent consecrare promtissimi essent; quippe se regis innocentiam & integritatem satis cognitam habere, quidquid etiam obganniret calumnia: quæ nec culminibus rerum parcat. Cæterum scire se, regium esse, ut ille dicebat, bene facere, & male audire; sed apud malos. Non posse non improbis ob dissimilitudinem morum displicere. Satis esse quod Deo, conscientiae & bonis placeat. Fidem insuper dabant, omnes & pro se quemque connisuros, ne insidiarum structores uspiam in regno tollerentur, sed ut proditores, aliis in exemplum & terrorem, sibi in perfidiæ mercedem, severè plectantur. His eorum precibus, promissis & fide rex adductus retinuit imperium, iterum pollicitus illis sedulam regni & subditorum curam & defensionem, etiam cum propriæ vitæ discrimine, si necesse fuerit, conjungendam. Actum est in iisdem comitiis de annuis subsidiis ab ordine equestri in recognitionem possessionum suarum vel hereditariarum vel fiduciario jure acceptarum, ex lege & regni consuetudine secundum æquam fructuum æstimationem præstandis. Rex Iohannem comitem ab Hoia & Iohannem Gothum præsullem Vpsal. ad conventum Lubecæ cum Friderico rege Daniæ & Vandalicis civitatibus ex pacto Malmogiensi celebrandum mittit. Verum quum terrâ iter facere, Severino Scaniam armis infestante, non possent, mari fecerunt. Sed adverso vento retenti, ad dictum diem non adfuerunt. Unde legati Danici adventum eorum præstolari recusantes, abierunt Lubeca. Nihilominus legati Suetici literis ad Fridericum

cum

cum regem Daniæ & legatos ejus moram suam ex fontica causa excusantes, rogant eos reverti & destinatum negotium unâ cum ipsis peragere; sed frustra. Quum ergo septem hebdomadas Lubecæ morati essent, scripto consignatam adversus Danos contestationem senatui Lubecensi tradunt: & pacis ac commerciorum fœdus ineunt cum Vandalicis civitatibus & Hollandis: qui pollicentur salem, vinum, pannos & alia necessaria se regno illaturos. Conventum etiam, ut tam intra quam extra regnum liber esset commerciorum usus. Postquam Gustavus cognoverat Petrum Synnanyvederum & Canutum apud Montanos, contra fidem Arhosiæ datam, latere & foveri, proficiscitur ipse ad Dalecarlos, inquisitum causas, cur pactis Arhosiensibus non stetissent. Vbi Tunæ populum coegerat & eo nomine graviter objurgarat, omnes veniam supplices rogant, fide scriptis & ore data, *se in posterum cautius acturos nec unquam hujusmodi proditores recepturos, sed pro virili persequuturos, & omne detrimentum à regno amolituros: denique, uti deceat bonos subditos, in fide & officio fore.* Sic rex deprecantibus & saniozem mentem promittentibus ignovit. Sed dicti proditores in Norvegiam aufugiunt securitati istic petendæ, fingentes quasi à rege Gustavo proscripti essent, quum Lutheranam religionem amplecti nollent. Fide publicâ à senatu regni Norvegici illis indulta, rex Gustavus hoc molestè fert, & contra pacta Malmogiensia admissum datis ad eos literis exposulat, cupitque huc ad judicio sistendum remitti. Quod tamen non nisi sequenti anno factum est. Primo vere Severini Norbyi tribunus Otro Stiggonis, ingenti agmine incursat Scaniam. Alius ejus tribunus Severinus Brunius una nave armata & duabus celocibus ingressus sinum Calmariensem, exscensum in urbem Calmariam suos facere & bidui quietem & com meatum istic pro justo pretio perit. Sed tales hospites, alienum solum cum maleficio & injuria peragrarè, malaque fide pro victu solvere sueti, non admittuntur; nec transitus per istas oras, regi Daniæ noxius futurus, illis contra utriusque regni fœdera permissus est. Quare versus austrum excurrentes in Lystriam exscendunt, Sölfsburgum & Ahnsiam aliaque castella vastant. Ipse Severinus

nus insequutus Landscronam & ferme totam Scaniam occupat, excepta Malmogia, Blekingios & Scanios in sua verba nomine Christierni adigit. Achatium Bragdium cum uxore capit, & pro lubitu grassatur, donec Iohannes Rantzovius eques Holsatus cum Friderici & Vandalicarum civitatum conjunctis copiis adventans, ingenti eum clade ad Londiam in Scania adficeret, quinquies mille hostium cæsis. Inde Landscrona obsessa & expugnata, pacem cum Severino fecit ea lege, ut Gothlandiam Friderico Rex Daniæ traderet, sibi Sölfsburgum ad ultimum vitæ diem haberet. Ita Gothlandia sub Daniæ potestatem rediit. Prohibetur hæc tempestate in Suecia evectio argenti facti vel infecti: ut major copia bonæ monetæ ad pacis & belli præsidia suppeteret. Rex, Friderico regi Daniæ adversus Christiernum quinque navium classe tribus regnis borealibus per Nicolaum Cniphovium vim & arma intentantem, desideratas suppetias promittit. Anno sequente conventu regni Vadstenas indicto, actum est de coronatione *Gustavi* properanda: ut certo rege & in sede sua firmato, prave extraneorum quorundam cupiditates facilius reprimerentur. Item de nuptiis *Gustavi* earumque scriptis pactis: de utriusque tam coronationis quam nuptiarum impensis: de ære alieno regni præsertim *Lubecensibus* solvendo ex duabus decimarum partibus, uti superiori anno in comitiis *Holmensibus* decretum erat. Sed huic decreto fraudem faciunt episcopi & reliquus sacer ordo, dum ante ejus publicationem præcipiunt ex granariis Ecclesiarum integrum suum salarium, & plebi clam authores sunt de redimendis decimis pro exigua pecunia, specioso prætextu, ne deficeret ad sationem frumentum. Præfules itidem *Vpsaliensis*, *Scarensis* & *Strengnensis* agitabant animo consecrationem sui & inaugurationem à Pontifice absque regis *Gustavi* consensu petendam: ut ita soli pontifici, non regi obnoxii essent. Itaque rex eos monet majori fide boni publici curam agere: nisi dignam in se animadversionem expetere velint. In dictis comitiis rex ordinis equestris privilegia confirmavit, & peculiariter de mulctarum exsolutione à colonis eidem præstanda. *Gripsholmiū*, deserto ab monachis ejusdē monasterio, cujus incertam

&

& litigiosam possessionem tueri nequierunt, ad se jure hæreditario vendicavit. Hac hyeme & anteaetis Iohannes Gothus ducentis equitibus aliorumque ministrorum nobilium & plebeiorum longo ordine stipatus, visitabat ecclesias : tanto cum apparatu & pompa, tanquam rex quidam ad militiam aut lustrationem exercitus proficisceretur. Vincentium vicariam ipsi operam præbentem, administrare quæ ad sacra peragenda facerent, jubebat, ipse verò presbyteros interrim expilabat. Hoc enim erat ea tempestate episcoporum visitando circuire dioceses, sub titulo recognitionis officii sacerdotum, inspicere & decerpere eorum fortunas, sacræque dignitatis decus in ambitionem & turpem quæstum vertere ; sed ne talis videretur, honoris & moris colore obducere. Dein ex Norlandiâ redeuntem ad se rex vocans percontatur : *quenam genuinæ ejus essent partes ? num Christus Dominus noster jussisset Apostolos aut successores eorum tanta uti pompa ac vanitatibus ? anne majora & graviora illis injunxisset ?* Sed præsul parum aut nihil ad rem respondebat. Rex porro, *se in S. literis legisse ait ; Christum jussisse eos prædicare, & docere populum Dei voluntatem, & quid credere de Deo, quid sentire de seipsis deberent : ut, quando hinc excessuri sint, tranquilla conscientia & beato fine decedant : & ut præeant ecclesiæ pia & inculpatâ vitâ, librisque populari sermone scriptis : ut ab omnibus intelligi & cum fructu legi possint.* Tale quid in aliis rebus pub. & regnis exerceri. Germanos utique, Gallos, Britannos & Bohemos sacrum codicem aliosque utiles libros patria lingua versos habere ; sed hic in Suecia nullos planè codices in vernaculam linguam translatos exstare, nisi memorabilia S. Mariæ, ut vocant, quibus multa contra S. Scripturæ mentem detorta inessent. Addebat rex, episcopos, canonicos, presbyteros & monachos pigros esse ventres : populum non crebrius ad conciones sacras vocare, & publicè verbum Dei docere, quam quum solennes & majores missæ, ita appellant, decantarentur. Quid ergo mirum esse, si populus ad Dei notitiam venire, modum rite Deum colendi & salutis viam discere nequeat ? Non posse non sibi persuadere, quin hæc præcipua fuerit causa tot angustiarum & malorum, quibus patria toties afflicta fuerit. Antistes Iohannes Gothus responderebat, sed ficto animo, se cum suis ad meliorem mentem rediturum, omnemque operam daturum, uti Biblia Suetico ore & sermone donentur, & quidem à se Novum, ab aliis ex sacro ordine

dine Vetus Testamentum. Hunc laborem quamvis aggredi viderentur, tamen profundo otio immerſi, aut per imperitiam nihil confectum dabant, ſolam Hieronymi verſionem ſequuti, nec tamen opus inchoatum perſequabantur. Feriis Ericianis rex cum bis mille equitum & magna manu peditum veterem Vpſaliam ingreditur, & cum Vplandis, iſtuc ad concionem evocatis, agit primo de emendanda religione & ſacrorum adminiſtratione, dein de civilibus regni negotiis. Super alia conqueritur, in regno nimium ignavorum & inutilium eſſe ſacerdotum & monachorum, quibus omnia cœnobiaz reſerta eſſent; qui nihil ſermè aliud agerent quam ut inſtar noxiorum animalium annonæ populatorum, terræ fruges & medullam consumerent. Idèd ſciſcitabatur, num illis non conſentaneum videretur, ut delectu eorum habito, doctis & ad ſacra idoneis de commodo victu proſpiceret, reliquis verò inutilibus terræ ponderibus monaſteria purgaret, & ad labores in ſudore vultus ex Dei inſtituto tolerandos compelleret: aut in eorum locum ſufficeret peritos & probos ludimagiſtros & doctores, qui juventutem in Chriſtiana doctrina, bonis literis & moribus erudire & educare poſſent. Ex reſiduis ſumtibus, egenos, ægros, cecos, claudos & alio vitio corporis inſignes, qui ipſi per ſe vitæ tuendæ non ſufficerent, aut ſubſidia ad eam tolerandam non haberent, alendos eſſe. Plebs ſtatim reclamavit, ſe monachos expelli nolle: quum ipſi, ſi excludantur, eis alimenta præbere debeant. Rex animadvertens, adhuc cruda acrius moveri non è re fore, ea temporis ſervat. Et ad ludicra animi relaxandi cauſa verſus, Iohannem Magnum præſulem Vplaliènſem, vernalem comitem, uti appellant, creat, redimitum ſerto ex variis floribus plexo: quo læti temporis inſigni præſul venuſtè ornatus incedeſcit. Diè Pentecoſtes pro hoc honore ſibi habito regem ad ſplendidas epulas invitans, cum in prima ſede ſeorſim collocat, ipſe autem alterum ſuperiorem locum ex adverſo capit; ne infra regem, ut videtur, diſcumbat. Abacum poculis argenteis & cyathis inſtructiorem oſtentat, quam regis abacus erat. Regem inter epulas poculo adventitio excipiens, hac utitur in præbibendo allocutione: *Noſtra gratia* (ipſiſſima pono verba) *veſtræ gratiæ propinat ſalutem.* Quæ frigida præſulis urbanitas & ſaſtus antiſtite ſacrorum indigniſſimus, omnium riſu & probri excipiebatur. Poſtmodo, in conventu ordinis eccleſiaſtici, cui

rex ipse quoque intererat, fervidè de ecclesiæ privilegiis & immunitatibus disceptatur. Rex Petrum Gallium percontatur, unde istæ privilegia, libertatem & opes habeant? Respondet Gallius: A Cæsaribus, Regibus & principibus, nobilibus & populo hæc omnia donata esse ecclesiæ & ministris ejus, & confirmata regis litteris: ut æterna eorum auctoritas esset. Rex instare quærendo: Annon regibus & principibus etiam hujusmodi privilegia & immunitates pro temporum genio, & ecclesiæ conditione mutandi potestas esset? quia majores decepti monachorum sermonibus de purgatorio, & pro redimenda faculiatibus suis animarum salute, aliisque hujusmodi vanis, ea temerè donassent. Ad hæc tacentibus Petro Gallio & Iohanne Gotho, regis offensam laceßere verito, Georgius Thuronis ecclesiæ Vpsaliensis præpositus in his diluendis valde desudabat, quamvis incassum; hoc tamen unicè urisit, istæ ecclesiæ concessa privilegia nequaquam absque magno sacrilegio & perpetuo sacrorum interdicto, æternæque salutis jactura, posse revocari aut infringi. Rex æquanimiter cum audiens, hæc Dei verbo ipsum probare jubebat, ita se libenter acquieturum. Se tamen haud inficias ire posse, aiebat, quin boni & utiles ecclesiæ doctores, qui Dei honorem & gregis sibi commissi salutem quærerent, duplici honore & honestis vitæ subsidiis digni essent. Reliquos verò in Domini vinea desides, qui nec doctrinâ nec vitæ Deo aut hominibus usui essent, nihilque aliud possent, quam in templis & cænobiis quasdam missas ac preces, velut quosdam absque mente aut judicio sonos demurmurare, tanquam ignaviæ & ventris mancipia, excludendos nec publico stipendio alendos esse. Quum hic præfules & reliqui eorum collegæ verbi divini auctoritatem pro se stare, quam expressam reperire non erat, nequidquam contenderent, decretum est, ut eorum privilegia sub justo regis arbitrio deinceps ponerentur. Inde comperto, præfulem Vpsaliensem Iohannem non seriò rem agere de vertendo sacro codice, ut promiserat, & Pontificiæ religionis animique sui pervicacem, ecclesiæ emendationem negligere; nihil interim de spiritibus suis, pompa atque ambitione remittere; rex ejus molitiones juxta potentiam periculosiores, exemplo antecessorum, fore ratus, cum sacra dignitate amotum excedere regno jubet. Ille simulans apud sacrum ordinem magnam ad externos principes, inprimis ad Sigismundum regem Poloniæ nuptiarum causa à Gustavo sibi

sibi creditam legationem, & conquerens de naufragio rerum suarum, à credulis & spe remunerationis ac opimorum beneficiorum lactatis, haud exiguam vim opum corradit. Quibus omnibus, una cum patriæ mōnumentis & annalibus quotquot habere potuit, collectis, hinc abit Gedanum, inde in Italiam, Venetias & tandem Romam. Vbi conscriptâ historiâ patriâ vix habens unde viveret, in domo vel Xenodochio S. Spiritus, uti appellant, anno millesimo quingentesimo quadragesimo quarto decessit. Rex Danis auxilium contra novas octo millium copias à Christierno in Frisia conductas & Daniæ vim parantes expetitur mittit: modo à Severini Norbyi hostilibus in fines regni Suetici excursionibus sibi ab illis iterum caveretur. Frisiis mercatoribus ad triennium liberam in Sueciam navigandi & commercandi facultatem permittit. Proximis diebus ad Regem Gustavum advenire literæ à Friderico Rege Daniæ, cum Erico Brokenhusio, qui coram exposuit hostilia Severini Norbyi consilia, & consuetam in Gustavum ab eodem criminationem, de editis ad ipsum inter se & Fridericum actis; sed consuetam invidia Gustavo faciendæ. Plura itidem retulit de insidiis ejus adversus Sueciæ regnum, pro ulciscenda vi Sueonum & direptione navis ejus ad sinum Calmariensem scopulis illisæ, viginti millibus aureorum abreptis, Severino Brunio aliisque captis: de qua re ipsas Severini literas ad Fridericum datas in veri fidem exhibuit. Fridericum verò pro viribus vastras Severini molitiones ex lege sæderis Malmogiensis propulsaturum. De VVikiæ item vexata lite componenda, & injuria suorum in ministros Friderici istlic prohibenda Gustavum cogitare monebat. Rex Gustavus gratias agit Friderico regi Daniæ, quod erudiisset eum de Severini pravè consiliis adversus se & regnum suum. Gustavum & Severinum ita ex diverso cognitos, addit, ut nolle Fridericum sperare illi fidem habiturum ejus de se calumnie, præsertim fraudum satis ante comperti. Si vero Severini navis exspoliata, & quidam suorum capti essent, quid novum, ut mutua armorum vice in se experiretur, quod ipse prius in direpta Gustaviana navi cupro onusta ad Blekingiam fecisset? in sollicitatis etiam præsidii ad defectionem, in Severini Brunii perfidis consiliis, si dimitteretur Russia, adversus Suecos tentandis?

Tantum verò pecuniæ vim ipsi abreptum, merum videri commentum: quum de navi sua spoliata ad regem scribens, nullam istius pecuniæ mentionem injecerit. Nunc id excogitare specioso obtentui machinationum adversus Regem. Gratum sibi fore, si quod maximè, junctâ manu insolentiam Severini comprimi. De VVikia sibi idem placere quod Friderico; si pacatè pacisci queant. Injuriam suorum in VVikia, si ejus convincantur, ex merito punitum iri. In Comitibus Holmensibus iterum actum est de maturanda coronatione Gustavi, ante quam tamen ille nomina publica prius expediunda atque æs alienum regni persolvendum urgebat: ne inimicos caperet illos, qui regnum pecunia, milite & comiteatu, dum liberabatur à tyrannide Christierni, juvissent: aut mali nominis notam publicè contraheret. Ordines re deliberata in medium pro se quisque conferre promiserunt, quod debito expungendo satis esset. De fœdere commerciorum cum Hollandis ibidem agitatum est; quamvis invitis Lubecensibus, qui id suis privilegiis officere credebant; & prius mare Balthicum, quam aliæ exteræ gentes Belgæ, Galli & Britanni navigarant, indeque opibus ac potentia creverant. Fœderis leges cum Hollandis hæ erant: *Sueticam monetam tam apud illos quam hic in usu fore, ad commerciorum cursum eò commodius promovendum. Succorum naufragorum in Belgio bona ipsis pro æquo extractionis pretio salva fore. Sueonum merces in Belgio pro ære alieno non esse attinendas; nisi istic in loco contractum esset. Si quem nostratum delicti accusare possent, ab illis hic in jus vocandum; nisi in delicto istic perpetrato deprehensus esset. Ut Sueci quid eximii in vectigali istic pendendo præ aliis haberent, si non integra immunitate frui possent. Causa fœderis præcipua ferebatur, ut minoris emerentur sal, vinum, pannus, aromata: quorum pretium nimis auxerant Vandalicæ civitates. Cum Germani mercatores hic in regno commorantes & tabernæ in publico habentes, pretium mercibus suis, quantum vellent, ponerent, & minoris æstimatorum regni monetam, majoris suam; atque omnia hic dicta factaque rimarentur ac foras efferrent: quod cum non exiguo regni detrimento conjunctum erat; statutum est, ne ultra præfinitum tempus hic morarentur, nisi Sueones apud eos immunitatem à vectigalibus adipiscerentur, & regni moneta in justo illis pretio esset.* Severinus Norbyus sua classe mare iterum ingressus tam Danos

nos quam Succos contra datam Friderico fidem invadit. Unde junctis ab utroque copiis profligatur, & profugus in Moscoviam à Basilio Magno Duce capitur. Sed Christierni intercessionem apud Carolum V. & Caroli apud Basilium, custodia liberatur. Carolo V. ad tempus militans, in obsidione Florentiæ pilâ trajectus, periiit. Hac æstate Lubecâ venerunt Holmiam oratores Lambertus Beckerus & Hermannus Israel petitiui residui debiti solutionem. Rex ipse cum senatu regni in oratorum præsentia recognoscebat libellum rationum: ita ut omnibus accuratè putatis, de summa aliquid deduceretur, quod regi regnoque præjudicio fore credebatur. Hoc anno Vplandiæ viæ, itinera ac nemora latrociniiis infesta erant. Gustavus emittit agmen, quod per manipulos recta & ex transverso perlustrat sylvas, obvios vel conquirat vel fuga salutem quærentes prosterнат. Ita purgata prædonibus provincia, tuta & quieta Gustavi curâ redditur. Circa finem anni sponsalibus inter Iohannem Thuronis & viduam Stenonis Sturii junioris Vpsaliæ celebratis, Gustavus ad senatum regni Norvegici scribit, *de tradendis sibi Petro Synnanwedero & M. Canuto.* Sed cum innocentiam suam apud dictum senatum professi essent, & se ab inimicis suis delatos, ad causam hic in regno dicendam venturos, si literas fidei pub. nancisci possent; eas à rege impetrarunt. Itaque ab archiepiscopo Nidrosiensi Olao huc missus est Canutus, & postea Petrus, quippe tunc morbo correptus. Vbi Canutus sistitur iudicio, primo in disceptationem venit, num literæ securitatis ipsi à rege datæ impedimento esse possent, quo minus in iudicium vocaretur & jure cum ipso ageretur. Inspectis fidei pub. tabulis, deprehensum est, cum hac conditione scriptas esse: *ut si rei suam innocentiam in iudicio adferere possent, nullam vim timerent, sed salvi in Norvegiam redirent; si minus, lege cum illis ageretur.* quare iudices haud perplexe hinc collegerunt, eos fide pub. contra vim & offensionem, non contra legitimum iudicium & sententiam munitos esse. Nec habuit Canutus quod contra exciperet. Itaque causâ cognitâ, partim scriptis sua manu literis, partim propria confessione convictus, proditiōnis damnatur. Post cum huc etiam traductus Petrus Synnanvâderus, peculatus, seditionis & perduellionis accusatur,

tur, & reus peractus velut Canutus, uterque capite rotis imposito plectitur. Ad Gustavi manus pervenerunt literæ quædam à Iohanne Braschio episcopo Lincopensi scriptæ ad Georgium Turonis præpositum Vpsaliensem, Petrum Gallium & Ericum Gelingium; ex quibus cognovit, *quomodo Evangelica doctrina Pontificiorum sermonibus pro heresi traducere-tur, & Gustavus novam religionem & novatores fovere diceretur.* Quæ non alio fine iactabantur à malevolis, quam ut vulgum adversus regem ad seditionem inflammarent. Ea causa rex ad suam existimationem & publicam quietem tuendam diploma promulgavit, quo subditos monuit, *vanis huiusmodi de se rumoribus non temerè fidem habere: quibus eorum authores quærant turbare statum regni, & subditos adversus ipsum ciere, inprimis exterorum dominationi, ut tempore Christiæni, viam in regno patefacere. Se novæ & falsæ religioni, ut adversarii calumnientur, non favere: sed suæ & subditorum salutis curam, ut fidum populi rectorem decet, habere. Hoc tamen sibi vitio dari non posse, si nolit collum submittere iugo Pontificio & episcoporum nimie potestati; qua regum & principum nervos ita incidant, ut se suosque contra alienam vim tueri nequeant. Eidem instituto repertas indulgentiarum Roman. nundnationes, obtentu subsidiorum belli adversus Turcam suscipiendi: sed revera, ut his opibus eosdem subruant, quibus per fraudem extorserunt: ut immorigeros excommunicationis, ut vocant, aut sacrorum interdicti telo percussos, in ordinem redigant, ac totum mundum sibi veltigalem, supplicem & obnoxium faciant. Hæc & alia in concilio regni propediem indicendo, ita uti par est, à peritis ex verbo Dei discussum iri: seque effecturum cum Deo, ut vera religio, pax & tranquillitas publica, modò ipsi quiescant, illibata serventur.* His ad tempus compositis, alius & major motus apud Dalecarlos oritur, excitatus à plano quodam, ultimæ sortis homuncione, obscuræ & tenuis in paræcia Biörchstädensi scæminæ incertique patris filio: qui ex egestate, spe improba & audacia rerum novarum, ipsiusque adeò imperii cupidus, se Stenonis Sturii magno natu filium Nicolaum ferebat; etiamsi ex Stenone verè natus Nicolaus, id temporis adhuc in vivis esset, & in aula regis Gustavi degeret, proximâ æstate defunctus, & in æde Vpsaliensi solenni funere humatus. Sed isti impostori non mala erat corporis forma, expedita & inverecunda lingua, prompta fallendi vulgum instrumenta. Ad Da-

Dalecarlos, quos ex iis persentiscebant fallaciis suis opportunius inescari posse, credulos eoque ad nova faciles se conferre. Inprimis in Mora, Orsa & Lixanda colonis persuadere: *Gustavum se, ut à patre proximum regnoque destinatum, ferre non posse; quoties ejus conspectui occurrat, manu ad gladium ipsi mortem minari.* Spargebat insuper in sermone, *regem, Christiana fide repudiata, Lutheranismum aut ethnicum factum esse;* præter alia quæ falsò jaciebat in Gustavum, famæ ejus apud Dalecarlos onerandæ. Ad quamcunque Stenonis Sturii, quæram patrem suum dicebat, mentionem effusè fiebat. Quamvis autem ad ostentationem doloris effectæ essent lacrymæ, tamen, quod tam promptè & calidè manarent, illis tanquam veri & flagrantis erga defunctum desiderii fidem sibi præstruens, etiam Dalecarlos, vel quod mollis adversus dolorem tam speciosè repræsentatum animi essent, vel memoriâ Stenonis, ad parem pietatis, ut videri volebat, affectum permovit. Nec segniter ille fallendi artifex isto animorum motu porro in rem suam usus & scenæ commodè serviens, in medio sæpe alloquio, quasi à se exiisset, rogare per Deum circumstantes, *in genua prostratos precari pro parentis sui anima. Gratiâ denique magnas illis habere pro tanta ipsorum erga patrem suum caritate, & obsecrare de parte ejus sibi ut filio non invidenda.* Ut paucis dicam, ita eos animavit, ut eadem facere & pati sive cum illo sive pro illo non alieni, satellites ipsi adjungerent & opibus juvarent. Ejusdem partes Petrus Grönius, fidus ante miles, & Petrus Ostrogothus foventes, postea condignè plexi sunt. At ceterorum Dalecarlorum animis frustra perterritis, abijt in Norvegiam: ubi præfulem simulato Sturii nomine & ortu haud parum æstimatis circumveniens, ducentorum ab illo manum militum elicit, & ab Ingridè Remensi nobilis filix nuptias; deceptis præter eos aliis primariæ dignitatis isthic viris. Cum dicto agmine reversus ad Dalecarlos, sibi ut opibus firmiori magis addictos fore sperabat. Sed illi immortæ fidei, reliquos in eum inclinantes deterrent, nisi malum habituros. Hi fluctuantes, spatium inquirendi de ejus familia mensum petunt. Interim literas à Stenonis vidua accipiunt, quibus de liberorum ejus certitudine & numero, deque hujus fraude ac mendaciis erudiuntur. Has cum ei

prælegissent, ille more impostorum strenuè impudens & mendax esse pergit: *matrem ait, erubescere palam ipsum profiteri filium suum, quem ante nuptias in lucem edidisset.* Sed Dalecarli qui judicio valebant, hoc indignè accipientes, negabant tale quid de tam generosa matrona suspicandum esse. Iisdem rex, ut ipsi perierant, subsidio misit aliquot copias adversus seditiosos. Cum utrinque velitationibus aliquot æqua manu dimicassent, colloquium de pace, datis quindecim fidei obsidibus, placuit. Inter illos præcipui erant Petrus Suenonis in VVibberboda, Magnus Nicolai in Asboo, & Andreas Petri in Ranckhytta. Hic præbuit se Magnus Nicolai ut fidum erga patriam civem, dum se ultro offerens ad vincula, que ad rei investigationem, ab illis frustillatim concidi non abnuebat, si iste, qui se jactabat Sturium, legitimus non imaginarius Stenonis filius esset. Objurgabat idem eorum imprudentiam & levitatem in fidem habendo hujusmodi perfido errori. Nihil jam aliud consilii superesse, quam ut scelesto excluso, veniam admissi supplices peterent, aut extremam sui interneccionem à presentibus copiis expectarent. Dalecarli eos qui à partibus regis erant, è circulo paulum secedere jubent, donec in consilium de summa rei eatur. Quo facto revocant eos, & quibus se gravatos à rege putent & remedium quærant, exponunt, scriptoque consignata ad eum mittunt. Quorum capita præcipua erant, de gravi ære signato minus commodo abrogando, & minuta argentea moneta Arbofæ cudenda. Quod onerentur tributis supra modum. De hybernis & æstivis equitum in emporiis, monasteriis & apud Clericos non tolerandis. De annonæ caritate minuenda. Ne rex velit tot monasteria & templa solo æquare. Nec dissectis tolerare vestes. Famam ferre, motum hunc Gustavi Trollii causa excitatum esse. Rusticos nolle præliari contra rusticos. Prætores ipsos vicatim exercere negotiationes, & aliis permittere contra interdictum. Lutheranismum, novam religionem, nova sacra & lingue Suetica cantilenas abrogandas esse. Quamvis autem rex cum rebellibus non conditionibus sed jure agere potuisset, tamen accensis animis, in præsens non è re fore judicans ignem ulterius fodere, temporari parer, & ad eorum desideria sic respondet: *Ponderosiores ex ære nummos conflare, necessitatem belli in solutionem stipendii militum moram non ferentium imperasse; ea cessante, majores nummos ex argento renas-*

renascentibus ejus venis aliave copia , & usitatis locis percussum iri. Se non imposuisse illis extra ordinem contributiones , nisi cum adsensu procerum & populi , atque usu publico sic exigente , ob æs alienum regni solvendum , cui ordinarius census non sufficeret. Hoc circumactò anno ob Christierni tyranni , Severini Norbyi & aliorum hostium subitas impressiones , non potuisse equos passim in prætata aut dissitas oras longius emitti , sed necesse fuisse in promptu & expedito habere atque sic ingratis urbes , cænobia & sacrum ordinem eis onerare. Sed otio & quiesce publica restitutis & rebus regni restitæ , hoc quoque onus sublatum iri. Si probari possit , sua aut suorum incuriâ annonam flagellari , se ultrò culpam emendaturum & facile remedium inventurum. Se tamen hoc sibi non persuadere , quum semper soleat in nundinis edicere honestam & æqui pretii negotiationem , & porro edicturum. At si æris intemperies aut temporum viarumque difficultas annonam incendat , ejus rei causam in se conferri non posse. Se sperare , cum pace & itinerum commoditate ac securitate laxiorem annonam redituram. De dirutis à se tot ædibus sacris & monasteriis famam veritati non respondere. Nisi quod prædium Gripsholmiense invito patre suo in monasterii usum conversum sibi jure hereditario adquisiverit , & ex usu suo reparaverit. Si jus suum in rebus suis usurpet , neminem sibi crimini dare posse. Morem dissectarum vestium se non minus quam ipsos extra aulæ septa in civibus & aliis improbare , & abrogationem ejusdem cum illis optare. Sed contra commonem passim aularum consuetudinem & civilem cultum faciendi sibi necessitatem aut legem à subditis imponi nolle. Se facile famæ credere de motu à Dalecarlis quibusdam Gustavi Trollii aut Christierni causa factò : quum sint ejusdem notæ & factionis. Atque si alter eorum in regnum per intestinorum motuum occasionem , quod facile fieri queat , revertatur , alterum simul secum adducturum aliosque extraneos hostes. Id agitare sacrum hic Pontificiæ sectæ ordinem suis consiliis : ad quæ plebem nolit tam proclivem esse. Colonos adversus colonos arma capere nolle , fas & laude dignum esse. Nulla enim arma & vim civium adversus cives justam esse , nisi contra vim subitam & injustam , quæ aliter repelli nequeat. Nundinationes vicatim à prætoribus aliisve institutas , si probentur , serio mulctatum & in posterum prohibendum iri. De Luberanismo se non aliud habere quod respondeat , quam quod purum Dei verbum & Evangelium Holmiæ doceri curet , quod novitatis titulo ab imperitis & malevolis falso & impie traducatur : quum

quum veritas cœlestis sit antiquissima, à Deo manifestata. Sed humanas traditiones & commenta esse nova; aut si vetera, non tamen à Deo sed diabolo & instituto hominum profecta, quibus nonnulli sub sanctitatis opinione simplici plebi ventris causa imponere, conscientis subditorum & ipsorum regum laqueum injicere cupiant. A quibus cum expurgare velit regnum & veram æternæ salutis à probis verbi divini ministris monstrari, gratis animis agnoscendum nec temere illis iudicium ferendum esse de rebus quas non capiant, alio loco debitoque modo & tempore decidendis. Carmina verò sacra linguâ patriâ decantari, quam omnes intelligant, longè præstare, quam Latinâ plerisque ignotâ. De reliquis cognitione vel authoritate regia dignis negotiis se ulterius coram in frequenti senatu populoque propediem Arhosiæ acturum. Ideoque eò res proferre, & tumultu amoto, quem nihil opus sit domi à civibus excitari, quum satis negotii & motuum foris ab hoste tentetur, animisque sedatis quiescere jubet. Proximo post S. Eriici serias die, rex cum populo Vplandico ad veterem Vpsaliam communicat de tumultu Dalecarlorum & quid illi de eo sentiant, exquirat. Re ultro citroque perpensa, decernitur aliquot ex iis regio mandato instructos ad Daliolos esse mittendos, qui eos facinoris contra obsequii legitimo suo magistratui debiti & fidei semel datæ religionem admisisti seriò moneant; & ut suos oratores sub fide publica ad proxima comitia Arhosiensia mittant, qui ipsorum desideria regi & ordinibus regni exponant, & quid eos ad huiusmodi tumultum permoverit. Quod si hoc eorum consilium admittere nolint, cogitent se, ut partes aut sejuncta membra, à republica suapte culpa separatos, sibi non leve incommodum & supplicium acceleraturos. Emissi ad Dalecarlos nihil aliud responsi ab illis accipiebant, quam quod renunciare vellent personato isti Sturio, & conquirere, si ipsi tuto excedere regno & abire quo velit liceat. si cum ipso conspirantibus gratia delicti fiat, & præterita aboleantur. Ne illis nova aut Lutherana religio obtrudatur. Ne vestium concisarum & versicolorum usus in aulâ tunc receptus promiscuè permittatur. Ut omnes qui die Veneris & Saturni carnem comederent, ad ignem damnarentur, aut alio ultimo supplicio afficerentur. Rex capite primo & secundo desideratis annuit. Sed de religione & ab esu carnis præfinitis diebus abstinencia eos curam mittere, & peritioribus relinquere jubet. De vestium aulicarum usu respondit, ut superiori loco. Circa hoc tempus Turo Trollius in Alboensi territorio Smalandiæ exacturus à colo-

colonis nomine regio tributum, æri alieno regni expungendo destinatum, à sicario quodam in denso nemorè latitante ex insidiis telo transfixus est, vel ex composito, ut seipsum hoc onere solverent, vel proprio latronis scelere. Magni Ducis Ruffiæ legati huc advenientes, concilio dato, à rege Gustavo regnoq; Sueciæ pacis & fæderis confirmationem petunt, atq; litis de limitibus diremptionem; injuriarum itidem cum rege à nonnullis Sueonum ad limitem Ruffiæ habitantibus magni Ducis subditis illatarū justam ultionem. Agunt etiam cum rege de continuando commerciorum usu inter Sueciam & Ruffiam, ex prisco more; & ne rex velit permittere Kexholmensibus illegitimā negotiationē cum Sueciæ colonis in Bothniam usq; Rex, quod cupiunt, de confirmatione pacis lubenti animo accipit. Limitum distinctionem in commodum utrique tempus differt. De cæde, vi & insolentia suorum in Russos exercita apud præfectos inquirat. Sed quum culpam alter in alterum conserret, negaretque suæ administrationis tempore facinora istæ perpetrata fuisse, incertis auctoribus, nulla damni æstimatio læsis præstari poterat. Sed in futurum ita cautum & utrinque constitutum est, ut cuicumque in posterum ad limitem damnum aut vis adferretur, idq; ad judicis proximi tribunal devolutum legitime probaretur, reusque convinceretur, præfecti fore partes, statim persequi pœnam aut mulctam, & ut damnum eodem mense quo facinus commissum esset lueretur; aut ipse præfectus lueret. Frequentari utrinque ex more commercia regi placuit. De Kexholmensibus ita decretum est: quia Suecis essent graves & regno detrimento per optimarum istius loci mercium evectionem, hanc de cætero licentiam illis refrenandam esse jubendosque ex lege adire emporia, & istuc commercari. Comitia Arhosiæ indicuntur, quibus cum se regni ordines stitissent, rex eos splendido invitavit epulo. Sed accubitus & sessionis modum innovat, ita ut regni senatum & proceres proximos à se collocaret, inde episcopos & post eos equestrem ordinem, hinc presbyteros cives & colonos: quum ante episcopi regis latus clauderent, ac rege absente aut administratore regni præsentem, archiepiscopus principem obtineret sedem, & reliquus sacer ordo proximum à senatu regni locum occuparet. Sed Gustavus nimis ambitiosos illorum spiritus, quibus nuper etiam Iohannes Gothus præsul adversus ipsum in convivio usus fuerat, coercere quærebat: ut in se descendere & modestius de se sentire discerent. Postridie omnes episcopi cum

universo sacro ordine conveniunt in ædem S. AEgidii, ibique clausis foribus in occulto consultant, quorsum spectet ista insolens ordinis & sessionum mutatio, pridie à Gustavo instituta. Iohannes Braschius episcopus Lincopensis respondet, hoc satis liquere, nimirum, ut rex eos honore primum dejectos, postea etiam opibus & arcibus exueret: imo ad humilem infimæ sortis presbyterorum conditionem redigeret, ne caput unquam efferrent. At Petrus Arhosiensis & Magnus Strengnensis antistes subiciebant, se æquis animis quamcunque sortem ex arbitratu regis subituros: exiguo salario, exiguos etiam sumtus faciendos. Istud verò responsum Lincopensis præsul indignè accipit, & stolidos esse ait, si hoc permittant. Si lubet, inquit, regi nostra nobis vi eripere, rapiat. Nobis certè volentibus & conscientibus nunquam faciet: nisi sanctissimum patrem Pontificem Romanum graviter offendere velimus. Si secus fiat, integram eum incusandi coram pontifice facultatem habemus. Multi reges & principes olim, quod hic, aggressi sunt, sed diris pontificiis percussi destiterunt, & ecclesiasticæ personæ, recepto suo, ab illis non ultra fuerunt vexatæ. Si vero deficiamus a Pontifice, qui est extremum fortunarum nostrarum persugium & sacra nostra anchora ac tutela, ignem & flagella undique habebimus: à Pontifice sacris prohibebimur: à Rege ad mancipiorum vilitatem redacti, pro libertate ecclesiæ ne hiscere quidem audebimus. His moti reliqui omnes in ejus sententiam descendunt, & juramento se astringunt, ad permanendum in fide Pontificis, nec ullum Lutheranae religionis caput, dum vivant, approbandum. Quantum tamen possint in hoc rerum lubrico statu, se medios tenere velle: donec pontificia religio & sacra, quod sperent, aliqua vi majore efflorescant. Id quod multis contestationibus sub pavementum templi abditis & postea repertis firmarunt. In comitiis Arhosiensibus rex capita instituendæ consultationis à cancellario ordinibus proponi jubet, in hanc sententiam: Gratiis senatui populoque actis, quod prompti & frequentes adesse voluerint, Rex illis in memoriam revocat faciem initi sui imperii; & quomodo tunc eos Dei ope a præsentis interitu & seva dominatione Christierni, extrema regno intentante liberarit. Deinde quum adeo pressa respublica paulum erecta esset, convocatis ad comitia Vadstenensia atque iterum Strengnesiam senatu regni populoque ad paucos, tunc prob dolor! redactis, ob imminentes adhue graves regno tempestates exhaustum viris & opibus regnum, nobiles

mobiles vulgi animos, diffensionibus, turbis, factionibus & mutationi principum ante pronos, aliasque graves causas, clavum imperii à se ad alios translatum iverit. Sed quum nemo civium succedere voluerit, omnibus deprecantibus, & obtestantibus de non deferenda tam bene capta provincia, tandem accepisse, eâ spe, ut populus tot adversis & ferme propinquo excidio, quæ sub Christierno passi erant, nunc monitus, in posterum magis sibi caveret ab intestina discordia, insidiis & facili præsentium mutatione. Sed quomodo hoc à nonnullis observatum sit, in aperto esse. Vix enim restituta regno pristina libertate, captas adversus regem conjurationes, extra omnem tamen suam, quantum sibi conscius sit, culpam, primum à Petro Iacobi & Canuto, dein à Dalecarlis, pessimum nebulonem, alienæ se familia falso inserentem, imo sceptrum affectum impunè foventibus; mendaciis, calumniis & insidiis adversus legitimum suum magistratum pertinaciter indulgentibus. Quin jactare audeant, se regem imposuisse fastigio suo: dum post Deum primi fuerint vel auctores vel adjutores victoriæ Arhosiensis adversus Christiernum; quum tamen re solum capta nondum perfectâ domum plerique recederent; & omnes regni arces à Gustavo non solum cum eorum sed totius regni viribus adhuc hostium manibus extorquendæ essent. Vulgum tamen Dalecarlorum sibi persuadere, omnia suis armis & ingeniis patrata esse, ideoque pro suo arbitrio quemcunque extollere & emovere regno velle. Si quis ergo subditus ad seditionem sollicitare velit, pronam & facilem istic esse viam. Quæ ratione nemini sit lubido imperio præesse, si in perpetuo commutationum metu periculoque versari debeat. Præter illud conqueri illos, se nimis tributis onerari, & minis ac tumultuando se ab illis liberatum ire: quum tamen non plus ab illis exactum sit, quam regni tot bellis & difficultatibus conflictati necessitas postulaverit, omniumque consensus admiserit, ad publica onera levanda, & fidem de ingenti ære alieno, quo regnum hætenus Lubecensibus obstrictum sit, aliquando liberandam. Suis autem seditionibus nihil aliud eos quam miscere patriam, seipsos præsentis capitis & famæ discrimini exponere, aliosque in contagionem publici mali secum trahere. Regi insuper impingi culpam annonæ, quasi ipse Deus sit, & in sua manu habeat vim cæli & temporum fata. Sibi itidem crimini dari, quod metationibus onerentur empõria ac cænobia: quum id tamen autoritate & necessitate publica factum sit, ut supra dictum. Item monasteria & templa ab eo spoliari & dirui: quum solum inde subsidia quædam in publicum usum cum procerum con-

consensu deprompta sint. Novæ religionis authorem perhiberi, si supersticiosos ecclesiæ ritus & flagitia monachorum extirpari, potentiam episcoporum intolerandâ, quæ olim in Regē insurrexerint, & externos principes subditorum cervicibus graves induxerint, minui, & incorruptum Dei verbum propagari velit. Se rem commissurum veræ religionis peritorum, à studio partium alienorum, & omnium ordinum iudicio, ut, quæ pars sanam complectitur doctrinâ, vincat, confirmetur & defendatur ab omnibus, & omnis discordiæ occasio in posterum præcidatur. Significatū insuper ordinibus, de regno opibus exhausto armis & depredationibus hostium, ambitione & avaritia potentium & præsulum, atque metallicorum fructuum, per tot civiles motus incultu, novis subsidii ad belli nervum, aula, legationum, rescditionis arcium, nuptiarum regiarum impensas, in beneficiorum & præmiorum in nobiles aliosque bene meritos conferendorum copiam necessariis. Ab emporiis primariis querelas ad regem sæpe deferri de illegitimis per provincias commerciis. Quæ si rex ex lege, ut decet, corrigat, quasdam provincias obstore. Si verò conniveat, urbibus & publico hoc detrimento esse ipsiq; regi imputari: quæ quam gravia sint iusto imperio intendenti, ipsos facile videre. Sed maxime metuendum esse, si ita subditi contra seipsum dissidentiant & discordia civili collidantur, ne exteris dominandi cupidis faciliorem viam ad spes pravas aperiant. Hæc incommoda seriò ventilata & in animū admissa annon iustum satis ipsi momentum, ad imperium deponendum, senatui verò populoque, ad ejus difficultatibus medendum, ipsis ulterius sedulòque ponderandum committere. Quum rex urgeret responsum, silentio facto Ioannes Braschius episcopus Lincopensis primus sic verba fecit: Nos qui in statu ecclesiastico sumus, haud diffiteri possumus, quod sanctissimo patri Pontifici Romano juramenti religione addicti simus; ita ut nihil in doctrina aut aliis sacris ipso inscio aut invito mutare nobis integrum sit. Nisi quid minutarum superstitionum à monachis aut presbyteris institutum sit, quod eorum antistites non approbarint. Nihilominus etiam jurata fide, subiectione & obsequio præsentis nostro Regi devincti sumus, si modo nihil præcipiatur nobis, quod decretis & conciliis pontificum adversetur. In nostra itidē manu non est, aliquid spondere nostra resignare vel alienare de bonis soli vel mobilibus ecclesiæ; quæ Pontifex nos ut sanctum patrimoniū religiosè tueri iussit. Ad istæc, rex senatum & nobiles rogat, num recte responsum sit? Turo Ioannis regni magister aulæ, & ejus socii se non aliter animadvertere posse ajunt, quin appositè responsum sit; licet nondum satis ad omnia capiat. Hic rex admodum commotus: sibi non placere, hoc modo

modo eorum regē esse. Se modestius ab illis responsum expectasse. Sed se jam nihil mirari, si plebs insaniat & cornua regi obvertat: quā tales habeat authores & duces. Facta sua criminationem, quum decus & laus deberet, sequi. Si cælum sit siccum aut nubilum; si fames aut lues se viat, in se culpā conjici. Hoc nimirum esse præmium indefesse sollicitudinis, & vigiliarum regiarum pro communi regni & omnium civium salute. Quosdā illorū optare securim capiti ejus impactam esse, licet nemo manubrium apprehendere velit, ut est in proverbio Suetico. Tali mercede & cura æquē se atq; alium quemcunq; facile supersedere posse. Equidē quum illorū caput & rex constitutus sit, plus laboris & molestiarū quotidie sibi pro patriæ rebus subeundum esse, quā quisquā eorū cogitare queat. Et tamē illos vel supra vel juxta se attollere conari præsulem, presbyteros, monachos & id genus alios pontificis clientes & mancipia. Vi verbo dicat, omnes in se tanquā ipsis obnoxium imperium & censurā exercere, neminē fermē dicto audientiē esse cupere. Proinde sciant, se hac lege regnum nolle, sed planē abdicare; contentū quē velint regē eligere, & in votis habere, ut talem nanciscantur qui illis semper & per omnia placeat. Hoc tamen præcauto, ut se bona fide liberent regno, atque sibi dependant omne suum patrimonium & possessiones soli, aliaque quæ ex propriis in regni usum expendisset. Hoc postquā factum fuerit, se fidem de repentino abitu ex regno daturum, & nunquam huc rediturum. His dictis rex oculos lachrymis suffusus ex comitio statim in arcem vadit. Inde Cancellarius alloquutus ordines, eos in tanto negotio, in quo totius regni salus vertatur, Deum salutare consilium rogare & unanimiter in medium consulere monet. Ex duobus unum eligendum esse, ut vel exorent regem eique pareant; vel si videatur alius eligendus, Gustavo de omnibus expensis publicis satisfaciant, ut ex ipso audiverint, aliam viam non dari. Sed omnes attoniti sedere & inter se mullitare, donec declivi die solverentur comitia. Turo Iohannis prævio tympano & tubarum concentu ferox ingreditur hospitium suum in via jactans: a nemine se ethnicum, Lutheranum aut hæreticum hoc anno redditum iri. Postero die cum redirent ordines in conventum, in contrarias adedò sententias ibant, ut planē non congruerent, sed magis alienarentur animi. Quin populus senatum ac proceres urget absque strepitu & tumultu in rem consulere, & regi nihil indignum postulanti obtemperare, nisi malum experiri velint. Sed quum turbas & murmura passim miscerent, silentio tandem facto, Magnus Sommerus ita ordines adfatur: Quum salus & incolumitas regni nunc maximē in dubio sit, illis seriō

per-

perpendendum esse, utrum duorum in medio positorum expeditu facilius sit. Vnum, recusare regem Gustavum & aliū sibi quærere, quam male illis eveniturum sit, vel puerum, nedum vires persuare posse. Alterum, exsolvere regi patrimonium & omnem impensam, in hac rerum difficultate illis arduum f. Et ut ait impossibile fore. Turonem quidem laude dignum esse, quod ecclesiam catholicam ejusq; antistitis tam strenuè defenderet. Sed si nimis asperè ageret, periculum fore, ne plus inde mali quā boni redundaret. Non bene publicæ rei consultum iri, si ita pro causa sua pugnent, ut tot us inde regni securitas in discrimen vocetur. Satiū esse cedere temporī & obliquato sinu paulatim velificari, quam obstinatè renitendo publicæ salutis j. Etiam facere. Meliora paulatim, instaurato nunc regni statu, speranda esse. Si verò, quod Deus prohibeat, rex esset discissurus, non diu ab hostiū huic regno quavis occasione imminentiū insidiis tutos permansuros: quin exitio præsentī subj. Etiam fore rempublicam, ut navim r. Etore dist. Etant. Hujus sententiæ non pauci accesserunt ex populo, clamantes, si procures ultra obnitantur, se regis Gustavi ope eorum pervicaciam ulturos. Ita nobiles, inprimis VVestrogothi mitius agere ceperunt; & inter eos Magnus Bryntonis ad moderatiora consilia animum Iohannis Turonis induxit, nisi ultima pati vellet. Plerisque sententiā populi victis, atq; re satis discussa stetit mittere conspectioris dignitatis viros ad regem placandum & revocandum, quod aliquoties tentatū eos frustra habuit: quum rex immotus adversus quosdam pertinaces staret. Tandem tamen humilibus & toties iteratis eorū deprecationibus se moveri passus, quarto die rediit in comitium. Isthic decretum de præcipuis consultationis capitibus editum est in hanc mentē: Ordines regem & regnum ab omnibus insidiis & conjurationibus, præsentemq; statum pro virili defensorus. In perducelles & proditores, ubicunque deprehendantur, severè animadversuros. Fri. Etus regni diminutos, & ad episcopos ac reliquum sacrum ordinem ex superfluo translatos, ab iisdē ad coronam ur. a cum arcibus revocandos esse. Quæ verò sint oppignorata, à veris hæredibus ex lege redimi fas fore. Nimiras opes, ut oiii, luxuriæ & rebellionis materiam, præsulibus accidendas, honesta vitæ subsidia relinquenda esse. Controversias religionis à peritis Theologis ventilari & decidi, purum Dei verbum in ecclesiis doceri, & contra male feriatos defendi è re fore. Residuum contributionum, à subditis solutioni aris alieni destinatum exigendum esse, VVikie & Gothlandiæ negotium integrum ad legatorum

ex tribus regnis conventum & transactionem remittendum. De personato Sturio a Dalecarlis regi tradendo. De illegitimis negociationibus prohibendis. Hæc deinceps exsequutioni mandata sunt, præsertim de superfluis præsulorum opibus ad coronam retractis. Præter arces enim, tredecim millia prædiorum, quæ episcopi & ecclesiastici possederant, ad coronam & ordinem equestrem redierunt: quum regnum & nobiles vix tertiam partem bonorum in comparatione possessionum sacri ordinis antea tenerent. Ex Dania legati Holgerus Georgii & Axelius Vgrupius nomine Friderici sui Regis, auxilium a Gustavo Rege petunt contra Ferdinandum Imperatorem Caroli V. fratrem: qui armis Holsatiam infestare agitabat, & in regnum Daniæ reponere Christiernum. Ne Gustavus arte Ferdinandi a sædere cum Friderico dimoveri vellet. Ut conventus publicus de arduis trium regnorum negotiis ex decreto Malmogiensi propediem institueretur. Ut Vikia a Gustavo restitueretur Friderico. Gustavus Rex auxilium Friderico promittit, & de fide sua dubitare vetat. Se & ingenio & tot exemplis doctum non tam pronum esse ad fidendum hostium artibus & dolis, quam illi ad utendum iis esse possint. Christierni immanes quoque actiones nondum animo ejus excidisse. Seque facile providere, si in Dania novum belli incendium ab ipso excitetur, etiam in vicinam Sueciam illud brevi transiitum. Itaque sædus & amicitiam sibi cum Friderico salva & fida fore; modo ipse pro se satis isthæc servet. In nonnullis baud satis videri ex fide egisse; dum Severinum Norbyum non confestim ex pacto Malmogiensi Visbyo exegerit, sed detrimenta non levia regno Sueciæ inferre passus sit, a Friderico jure ipsi resarcienda. Si enim ejus promissis de expellendo Severino fidem non adhibuisset; se Gothlandiam ei non tradidisse. Friderici legatos quoque neglexisse Lubecæ transactionem & discussionem de Gothlandia, uti convenerat. Et postmodo se inconsulto nova iniisse pacta de eadem provincia cum Lubecensibus. Tormenta itidem & alia instrumenta bellica sibi ex pacto non restituta esse; nec nobilibus Sueciæ possessiones & prædia in Dania. Nec servatam esse a Friderico pactationem de non tolerandis proditoribus unius regni in alterius regno: dum præter alios iste ex dolis & mendaciis consutus falsus Sturius in Norvegia toleretur. Hæc emendari fœderis & amicitiae conservandæ causa se expetere. Convenium trium regnorum sibi quoque volenti fore: modo tempus & singulis accommodus locus a Friderico

Friderico designarentur. De Vikia se prioribus literis mentem suam declarasse, & de eadem in dicto conventu ulterius agi sibi non displicere. Cum hoc responso & literis securitatis publicæ hic in Suecia pro se obtinendæ, ut petierant, si Ferdinandus Daniam incurfaret, legati dimittuntur. Ad frequentes civium obtestationes & desideria, rex tandem in coronationem sui consentit, his tamen conditionibus: ut tumultus apud Dalecarlos prius sedaretur. Si quid novorum aut malorum occurreret, quod in posterum motus dare posset, hoc in tempore regem monerent, antequam se illigaret imperio. Quod & factum est, & regis inauguratio proximis à die trium regum, ut vulgo vocant, feriis solennibus auspiciis ac ritu instituta est. Equites à rege creabantur Laurentius Siggonis Ericus & Ivarus Flemingii, Ioannes Turonis, Turo Erici, Birgerus Nicolai, Carolus Erici, Nicolaus Olai, Canutus Andreæ, Magnus Iohannis, Magnus Bryntonis, Petrus Durus, Benedictus Nicolai. Epulæ publicæ præbitæ, ludi equestres habiti omniaque ad festam lætitiæ & applausum comparata fuere. Post inaugurationem rex aggreditur regni negotia, & senatum ponderare jubet responsum suum legatis Daniæ nuper datum. Illi pensitata re, recte à rege responsum aiunt, tempus autem conventus publici trium regnorum proximam æstatem, vel quod opportunius videretur Friderico, & locum commodum Ladosiam aut Kongellam Daniæ decernunt. Si Vikia cedendum sit, impensas in Gothlandiam regno refundendas esse. Et ad Norvegos scribendum de non ferendo istic proditore Sturio. Rex de his Fridericum regem Daniæ certiore facit, & simul eum rogat de turbis nuper in Norvegia contra Sueciam, num ipso consulto motæ essent? A Friderico responsum, se prorsus inscio hoc factum, & nunc seriò monuisse Norvegos, ut nullum istic reciperent ex Suecia profugum aut proditorem. De loco conventus idem sibi placere. Sed tempus ad S. Laurentii diem dilatum. Hic quidam annales ferunt, Gustavum viduis & virginibus nobilibus si conditionem nuptiarum sibi parem, ob penuriam nobilium virorum à Christierno magna parte sublatorum, invenire non possent, aliis honestis viris, etiam si nobili loco nati non essent, nubere permisisse: quos, ubi rectè factis & virtutis studio mererentur, honoribus ornare vellet. Inter illos fuisse Ionam cognomento scribam, qualis ex molitore factus, &

regis

impensa literis informatus, postea ex occasione commemorata Magni Greenii viduam uxorem claro matrimonio domum duxit. Rex illum insuper nobilitatis insignibus, dignitate & opibus donabat. Sed huic homini usu venit, quod illis, qui postquam diu in obscuro delituerunt, quum subito in lucem prodeunt, ejus impatientiores esse & facile offendere solent. Ita ex humili in altiore sortem productus, dum eam reverenter habere negligit, seipsum tandem præcipitavit. Ad comprimendam insolentiam Dalecarlorum rex cum expeditis copiis proficiscitur, quos Tunæ collectos, corona militum cinctos, & ob tumultum denuo concitatos severè objurgat. Illi primo se purgare, deinde convicti culpam deprecari. Intercedente regni senatu auctores factionis ad supplicium traditi, reliquis vitæ gratia facta est. Sic motus ille præsens compositus est. Occasio etiam regem alliciebat ad ulciscendum Norvegorum inprimis Vincentii præfulis Nidrosiensis & sociorum factiones & conjurationem cum proditore regni, Sturii nomen & genus mentiente; nisi fœderis cum Friderico rege Daniæ respectus paciora consilia dictasset. Ad factiosos tamen in Norvegia scripsit, *ut, nisi sceleratum istum hominem ipsi plecterent, aut sibi traderent, se hostes suos, ubi deprehendere posset, persequuturum.* Hac denunciatione belli territi præful & ejus amici, facessere jusserant proditorem. qui Rostochium profugus, ibi à senatu urbis regis literis persuaso in vincula coniectus, capite pœnas perfidiæ dedit. Inde rex movet ad Helsingos, Medelpadios & Angermannos, causamque contumaciæ adversus præfectos & exactores tributi percontatur. Illis supplicibus & offensam regis deprecantibus Gustavus exorabilis ignovit, paucis in carcerem coniectis, sed mox dimissis. qua clementia effecit, ut eum in posterum magis revererentur, quam formidarent. Helsingis etiam sub data fide officii & promptæ militiæ, quoties opus esset, vetera privilegia confirmavit. Hoc anno magna frumenti penuria & famēs Vplandiam affligens, non paucos absumsit. Plebs mali pœnam mutatæ religioni acceptam retulit, ab episcopis & sacerdotibus sic edocta. Sed tam sacer ordo quam populus intra se mali culpam hære, nullo peccati experte, non recordatur. quæ plures neci datura fuisset, nisi rex ingentem frumenti copiam in

Q

Livonia

Livonia & alibi coëntam inter egenos viritim pro æquo pretio distrahi curasset, & publicam inopiam ita sublevasset, ut etiã tributo regi pendendo sufficerent. In conventu Ladosiensi Fridericus rex Daniæ per suos legatos exceptiones movet ad responsum à Gustavo præterito anno Holmiæ ad Friderici postulationes datum: Primò agit gratias Gustavo regi Sueciæ pro constantia amoris & sæderis inter ipsos. Dein de damno ipsi à Severino Norbyo illato resarciendo negat se teneri: cum ex ejus perfidia plus damni ipse acceperit: & dum eum persequutus sit, evasisse. Discussionis Gothlandiæ neglectiorem non sibi aut suis, qui præstolati sint ad tres hebdomadas adventum legatorum Sueciæ, sed Regi Gustavo. & ejus legatis, qui ad dictum diem ex pacto non advenierint, imputandam esse; & multam C. M. aureorum ab ipso ea de causa ex ejusdem pacti lege præstandam. Nova ejus pacta cum Lubecensibus de Gothlandia non fore præjudicio Gustavo, nec fraudi pacto Malmogiensi. Tormentorum Gustavi jacturam se præstare non posse, quum ejus incuria non perierint; sed ad Lubecenses pervenerint: qui nullam de iis satisfactionem subire velint. Ad querelam de prædiis nobilium Sueciæ in Dania nondum restitutis, respondet, Gustavum satis scire quibus conditionibus pactum de restituendis certis prædiis in Dania factum sit: quod jam impletum credat, aut si nondum impletum sit, se effecturum ut exitum brevi sortiatur. Idem se desiderare à Gustavo in restituendis certis prædiis Sueciæ ad nobiles Daniæ pertinentibus. Ex Suecia profugis in Norvegia non tolerandis se sæpe ad istius regni procures scripsisse, & illum fallacem Sturium jam Norvegiâ exterminatum, Restochii morari: cujus loci senatus à Gustavo de tradendo aut puniendo reo sit monendus. Vikiam regno Daniæ ex pacto Malmogiensi restituendam esse: quia à legatis Gustavi transactio de ea negligenter habita sit. Ad has Friderici exceptiones legati Gustavi reponebant. Excusationem Friderici de Severino suo Regi non satisfacere: quum non contraxerit cum Severino sed Friderico & senatu regni Daniæ, quorum pacto stare velit, & horum auctoritatem fidemque sequi. Non posse ulla ratione probari, Succicorum legatorum incuria disceptationem de Gothlandia prætermisam fuisse: etiamsi Lubeca non eodem temporis momento, non præscriptum erat & ipsi optarant, adsuerint. Quippe loca, per quæ terrâ transeundum, hoste repleta periculosum iter fecisse. Maritimo verò itinere diuturnum adversum ventum remora fuisse. Quod quum casu contigerit, humanitatis hic rationem habendam, nec tam distri-

districte cum illis agendum esse. Quin eo tempore advenisse, quo negotium de Gothlandia & aliis controversis adhuc integrum commodè transigi potuisset, nisi aliud quam simplex jus specioso pretextu quæsitum, & legatis Danicis remanendi animus fuisset. Sed hæc Deo & conscientie ipsorum se committere. Interim desiderare, ut Gothlandia, quam rex Danie incognita causa possideret, Sueciæ, cui jure deberetur, cum mulctæ dictæ præstatione sine longiori mora restitueretur, vel ab incorruptis judicibus res definiretur. Si verò juris via sibi præcludatur, nec magis respiciantur amicitie & vicinitatis officia, quam hætenus; sibi de alia, nimirum facti via quamvis invito cogitandum esse. Sed se moderatiora, non tam verbis, quam reapse præstanda, ab illis expectare: quæ etiam pari affectu sit remuneraturus. Vikiam usque ad causæ cognitionem de Gothlandiâ & ipsa Vikiâ se bona fide retenturum. Quum de his hinc inde incassum disceptaretur, in alium commodum conventum res producta, & fœdus amicitie mutuique auxilii adversus Christiernum ejusque socios redintegratum est. Conventum inter regem Gustavum & nobiles regni Sueciæ, de decem marcis ex cujuscunque prædii beneficiarii, ut vocant, fructibus & proventu solvendis ad expunctionem æris alieni coronæ: de armorum lustratione equestri proxima hyeme instituenda. Quum legati Danici abiissent Ludosia, regni negotiis quantum pro tempore poterant peractis, rex voluit ut, quum ipse aliis justitiam administraret, sibi quoque lege frui liceret, & ut senatus regni jus diceret in lite inter se & Ingeburgis Stenonis Sturii senioris viduæ hæredes de quibusdam rebus soli, quas rex suo parenti vi extortas querebatur, in quarum possessionem Ingeburgis hæredes jam venerant. Ille autem desiderabat, eas ad veros hæredes, qui illis diu extra suam culpam caruerant, ex lege iterum redire: quum non legitime præscriptum revocari posset. Causa satis dictâ cognitaque, senatus non aliter judicare potuit, quam quod tertia pars bonorum soli hæredum Ingeburgis regi jure deberetur. Hoc Turonem Ioannis causa cadentem admodum pungebat, & libenter vindex injuriæ, ut putabat, à Gustavo sibi factæ fuisset; sed pennæ ipsi pleræque jam evulsæ erant, ut alius volare non posset. Sequenti tamen anno non parum seditionis excitavit in Vestrogothia & Smalandia, ut suo loco dicitur. Incunte anno rex concilium Orebroë instituit, habi-

tum ab ecclesiæ antistitibus & eruditis viris de instauratione sacrorum & ceremoniarum : ut in omnibus ecclesiis earum conformis usus esset , discordia sopiretur , concordia stabiliretur. Hoc concilium extat in historia ecclesiastica Sueo-gothica Baazii. Rex per suos Lubecam ablegatos agit de solutione æris alieni & rationibus ejus purgandis , quamvis ob moram Lubecenses pecuniæ summā auxisse dicerentur. Cum iisdem transactum est de mutatione quadam privilegiorum ipsis à rege ante aliquot annos Strengnesiæ concessorum : quum regnum inde nimium caperet detrimentum. Convenit inter eos hoc modo : *Vt nulla alia civitatum Vandalicarum quam sola Lubeca-frueretur immunitate à vectigalibus in hujus regni emporiis , Holmia , Calmaria , Sudercopia & Aboa: ita tamen ut mercium domini quotannis in dictis urbibus coram præfecto regio literis assertoriis juratis probarent , istas merces ad ipsos , veros cives Lubecenses , non alios pertinere. Si secus deprehenderetur , eas fisco regio addicendas esse. Nec aliter exonerandas & deponendas , quam inveteratus mos ante indulta hæc privilegia obtinuisse.* Post concilium Örebroense publicatum , rex aliquot idoneos Evangelii concionatores à se auditos singulis cathedralibus ecclesiis & earum episcopis commendavit , ut eos probatos gregi præponerent , & adversus vim tutarentur. Sed ad Scaren-sis ecclesiæ episcopum missus ita excipiebatur , ut mox fuga salutem peteret. Nec meliori fortuna usus scholæ ibidem rector , qui cum Evangelium Matthæi provectioribus scholasticis extra ordinem interpretari cœpisset , ab iisdem lapidum obrutus procella , & schola exactus , Vadstenas confugit. Hujus petulantix authores fuerunt isti ex proceribus gente Vestrogothis Thuro Iohannis , Nicolaus Olai , Thuro Erici , Magnus Bryntonis & episcopus Scaren-sis Magnus. Qui nulla alia causa quam ob Pontificiæ religionis antiquationem in regem conjurabant ; exuta omni fidei & jurisurandi regi antea præstiti reverentia. Thuro Iohannis dux & caput hujus conjurationis & postea subsequutæ seditionis , juratus Christiæni cliens , quique proditorem animum occultè sub pectore gerere credebatur , tres suos filios in Vp-landia degentes , Iohannem , Laurentium & Georgium præpositum ecclesiæ cathedralis Vpsal. literis hortabatur ad arma

&

& vires secum contra Gustavum jungendas. Sed Iohannes & Laurentius fratres tam constantes in fide erant, ut literas patris non resignatas de manu in manum regi traderent, rogantes ne ipsis malo esset prava patris adversus regem molitio. Se pro regis salute vitam & omnia sua devoturos. Sed Georgius præpositus Vpsaliensis alia omnia sentiebat, in prædio suo Biörnöensi paræciæ Frotunensis ex colluvie sceleratorum centum militum manum cogebat, patri suppetias laturus. Rex per literas eum monebat *quiescere, nec patris machinationibus se cum periculo capitis & fortunarum immiscere: ad se sub fide pub. venire, & patrocinio regio, ut reliqui ejus fratres, frui.* Idem monere ipsum fratres & cognati frustra. Quocumq; progrediebatur, patris literas quasi Fecialis ejus plebi inculcabat, quarum sententia erat: *Se Lutheranismum & templorum ac monasteriorum desolationem ulturum;* quo plebem in suas partes ductabat, eamque obsequium regi velut hæretico detrectare impellebat. Si quos sacerdotes Evangelium rite docere comperiret, eos verberibus æde sacra expellebat. In Helsingiam pergens regis prætorem Olam Martini persequitur & die Dominica in æde ope sacerdotis istic captum cum ministris carceri tradit; qui tamen mox cura presbyteri in Norala liberatur, ministris præpositi eorum vicem iterum inclusis. Sed ipse præpositus è cœnaculo prospectans adventantes, per posticum in silvam clam evasit. Noralenses insequuti hominem & frustra quæsitum in silvis, tandem in lacum tacitis remis proVecti, in lintre sedentem à tergo invadunt, & ubi deprehensum se sentit, in lacum se proiicere conantem corripunt. Ille desperatione fugæ, an metu ne ob istam prædam obtruncaretur, catenas aureas & annulos, quos penes se habebat, in profluentem abiicit. Illi verò hominem Holmiam abducunt, ubi carceris incola per sesquiannum, postea tamen à Gustavo dimissus est. Noralenses pro Bollenäsensibus apud regem intercedunt, & ipsi noxam facti gratiam facinoris supplices petunt, & impetrant. At Thuro Iohannis & reliqui conjurationis socii ad malè consultà non segnes & remissi, Smalandorum partem ad seditionem concient. Hi autem sibi legunt consulem Iencopensem Nicolaum Arvidi. Ille quidem integritate erga regem inconcussa, tamen simulatâ facinoris societate major

rem fidem apud conjuratos meritis, occulta principum rebellionis facilius elicit, & regi cuncta aperit unàque literas conjurationis interceptas ei transmittit: unde rex eorum flagitiosa consilia discit. Smalandenses quatuor regis præfectos trucidant. Regis sororem Iohannis comitis Hoiensis conjugem, quæ nuper ex Saxonia nuptiarum pro rege conciliandarum causa redierat, una cum secretario regio VVolfango Gylero & aliquot civibus Ienecopiæ captivam abducunt. Quos ægrè postea raptorum manibus rex liberavit. Idem sub sigillo civitatis Ienecopensis ad Ostrogothos aliosque scribebant, quomodo *resignata regi subjectionis fide, constituis-
sent armis persequi iniquum regis imperium.* Hoc enim obtentu utebantur: uti scelus, quum justam ad sui patrocinium rationem non habeat, à vano prætextu autoritatem quærit. Itaque eos secum ut vicinos facere & idem velle cohortabantur. Parem in modum Thuro Iohannis Montanos & Dalios literis ad defectionem allecabat, & ad *Gustavum conjunctis viri-
bus ob Lutheranam hæresin, quam foveret, regno exterminandum.* Se sibi alium *quæsituros regem, imperio magis parè & subditis æquiorè.* Quæque alia hujusmodi indigna, non tam ex obstinata animi malitia quàm præpostero & inconsulto vindicandæ suæ religionis ardore scripserat. Sed ne molitiones conjurationis fociis secundum sua vota provenirèt, & rex improvise opprimeretur, pleræque omnes conjuratorum literæ singulari Dei nutu in manus regis devenerunt: unde cogitata facinora perduellium edoctus, malo suo tutius occurreret. Montani quoque & Dalecarli respondebant Vestrogothis & Smalandis, monebantque, *ut ipsorum exemplo discerent esse cautiore: dominationem
quærentium improba consuetudine abstinere, conquiescerent & captivos dimitterent.* Si verò prava facinora mallent, facerent suo periculo; & scirent, seditionem, ut incendium, facilius excitari, quam exstingui; & in eam involuos potissimum adurere. Se in fide mansuros, & omnes in caput regis conjurantes vi & armis persequenturos. Ut conjurati firmiter haberent adversus subitas hostium impressiones munimentum, mille militum copias sub Tivedia ad Hovam locant, ductore Nicolao Hualstadio: qui ex prætore sacerdos, ex sacerdote iterum tribunus militum factus erat; ad quemvis fortunæ habitum aptus, aut potius veruminus. Ad eum mittunt literas, ex occasione ad quos da-

tæ erant, bene curandas. Sed accidit ut juvenis, civitatis Holmiæ apparitor, Iohannes cognomento Audax, quod ad omnia audenda prompto esset animo, natione Vestrogothus cõ mitteretur, conjuratorum actiones exploratum. Is per avia contendens in Vestrogothiam, hostium castra & excubias latens, apud suos aliquamdiu commoratur. Inde ad castra hostium redit, & à custodiis se non invitum capi passus, ad tribunal ducitur: qui ut exploratorem ex Vplandia huc missum increpat, & arctè custodiri jubet. Ille verò ut more exploratorum nosceret, non nosceretur, per quadriennium se Vplandiam vidisse negat; hæcenus in Vestrogothia moratum, sanctè adfirmat. Mox quatuor militibus custodiendus traditur: quos ut deludat, post aliquot dies morbum simulans, tussit, sreat, vomitum molestè & laboriosè minatur, quasi stomachum intemperie gravem exoneraturus. Familia domus hominem miserata, lectulum ei sternit, & valetudinem ejus utcunque curat. At excubitores malè habentis tædio, an quod infestam veri morbi vim crederent, securi tandem solum relinquunt: id quod ille unicè quærebat. Dum enim illi absunt, & nemo ex familia intus est, occasione capta, scrinium in angulo temerè locatum arripit, & literas conjuratorum in eo reperit. Mox suo loco reponens, lectum morbumque suum repetit & corpore se pessimè affectum fingit; voce, gestu, suspiriis ægroti dolores ingeniosâ & latente fraude imitantibus, Proxima nocte surgens, literarum capsulam secum aufert, & clam se domo proripiens, lecto vacuo & mendaci morbo relictis, qua venerat via Vpsaliam revertitur, & literas velut opima spolia ad regem adfert. Imò quavis præda chariores regi fuerunt istæ tabellæ, dum consilia conjuratorum tam securè sibi commissa, sed tam imprudenter & incuriosè servata regi quovis indice fidelius enunciabant. Vbi Vestrogothi ad Larvæ convalles ex edicto Thuronis Iohannis & Magni episcopi Scarensis convenissent, in lucem productum est, quod clam ante animis versarant. Populum enim sibi juramento adstringere & proclamare regem Magnum Bryntonis constituerant; eique regium honorem habere cæperunt. Thuro Iohannis alloquutus Vestrogothos, gratias eis egit, *quod se ut primum procerum omni honore & benevolentia prosequuti essent. Quam verò*

rex, quem nunc habeant, à vera religione defecerit ad Lutheri sectam, & novam populo invito obtruserit fidem, à fundamentis demolitus sit: & exspoliavit templa & monasteria, & in juramento coronæ præstito prudens præterierit caput de ordine equestri & sacro, eorumque bonis tuendis, non minuendis: atque sic fidem coronæ & subditis debitam violavit, ipsos quoque non obligatos esse vice mutua servare fidem sacramenti ipsi præstitam, sed è re fore publica sibi alium eligere regem. Si ergo velint amovere Gustavum, se prospècturum illis de alio probo rege, qui ipsis cordi futurus sit. Equidem se non semel cognovisse quod boni Vestrogothi Lutheri sectam abhorreant odioque habeant, & in antiqua & avita perseverare religione, pontifici R. cardinalibus & episcopis morem gerere, atque ab eorum doctrina neutiquam divertere velint. Episcopus Scaresensis Magnus addebat: Pontificem R. habere potestatem eos absolvendi sacramento fidelitatis Regi Gustavo heretico præstiti, & hoc se facile procuraturum. Ceterum Vestrogothi, incorruptis erga regem animis manifestè sentiebant, illos improba cupiditate & incontulta temeritate transversos agi. Proinde penso melius consilio, duos ex concione pro se respondere jubet: Se nullo modo posse incusare regem Gustavum, sed potius summo beneficio ipsi directos esse, pro liberatis ejus industria & virtute subditis & universo regno à crudeli dominatione Christierni, & defensa patria adversus omnem vim ac injuriam, in otio & pace administrata cuilibet justitia. De religione verò ipsorum non esse judicare, fortè rem secus se habere, atq; fama ferret. Hoc tamen se videre, periculosæ aleæ opus esse, sæpe mutare reges. raro in melius verti. nihil magis præstare, quam stabile imperium. Si tam stolidi essent, ut eorum consilium sequerentur, fore ut se, liberos & posteros in diuturnas turbas, & in præsens discrimen ac perniciem, hujusmodi turbarum comites, præcipitarent. Proinde sibi tutius & magis ex usu videri, in fide semel regi jurata constanter perseverare. Dicentis verba omnis concio erectis manibus & communi assensu comprobavit. Hic multum attoniti conjurationis principes, secus quam cogitarant rem evenire, metu multitudinis securitati suæ consulere cæperunt, rogantes quatuordecim dierum spatium de pacis & amicitiae regiae commodiori ratione cogitandi, plebem & mox quoque exercitum suum dimiserunt. Militum dux VValestadius rogatus, quid de literis conjurationis ad amicos scriptis fecisset? respondit: se cremasse, quum sentiret ex voto conata non processisse, nec vias per quas trans-

mit.

mitiēda erant, satis tutas esse. Sic illi conquieverunt, ignari literas interceptas esse. Dum verò singuli, destinatione animorum irritā, capiti suo metuūt, Nicolaus Olai, Thuro Erici & Magnus Bryntonis, exilium grave & morti fermè æquandum rati, constituerunt in regno permanere & regis favorem experiri, vel juri se permittere. Spem enim illam fovebant, neminem ipsos facinoris alicujus convicturum, epistolis conjurationis, ut putabant, exultis. Ceterum Thuro Iohannis & Magnus Scarenensis non audebant se committere Gustavo & patriæ, sed rebus optimis convasatis abibant in Daniam & inde in Germaniam; ubi loco, non animis mutatis adhuc prava machinabantur adversus regem Gustavum & regnum; donec ad Christiernum in Belgium venissent, & una cum Gustavo Trollio ipsi authores fuissent movendi cum exercitu in Norvegiam, uti postea memorabitur. Simulac rex compertit motus Smalandorum & procerum aliquot Vestrogothiæ, malo, ne morâ vires caperet, in principio occurrendum arbitratus, parentes emisit literas passim ad subditos; quibus eos monuit, non venire in societatem hujus tumultus, sed omnia in meliorem accipere partem, & quieti publicæ consulere. Sibi animum esse, prima occasione regni senatum & ordines convocare, ut exquirat causas hujus seditionis, & remedia quibus hi motus absque Christiani sanguinis effusione componi possint. Omnibus notum esse, quanto cum labore & vitæ discrimine patriam à vi & manibus hostium vindicavit; & quomodo ipsi sua sponte & benevolentia se regem tale quid nihil affectantem, sed aliquoties recusantem elegerint. Se nihil cepisse, tractasse aut decrevisse in religionis, episcoporum, monachorum, monasteriorum aliisque negotiis, nisi cum consensu procerum & ordinum. Testem Deum & conscientiam suam appellare, se nunquam voluisse aut in posterum velle aliter regnum, tot ante tempestatibus exagitatum, quam in pace & concordia ad populi salutem moderari, si per ipsum staret, nec inquieti homines aliò mentes suas dividerent. Si quæ navi aut offensiones in republica deprehendantur, præstare eas consilio & equi juris via leniter sanare, quam vi & armis inflammare. Nulli equidem usui & decori esse Suecis bellum civile, quo in propria membra & reipublicæ perniciem grassentur; sed eorum hostibus latitiæ & incitamento fore, ad eos discordia fessos opprimendum, & regem velut prædam in medio

positam, occupandum. Proinde caverent cujusquam literis aut molitionibus à se deflecti, sed in fide semel ipsi juramento firmata, ut bonos & non degeneres patriæ ciues deceret, immoti persisterent. Se nullâ occasionem prætermisurum, qua eorum commodis & bono studere posset. Ejusdem fermè argumenti literas ad ordines regni scripsit senatus, quibus eos ad quietem & fidem hortatur. Rex insuper Gudmundum Petri præfectum arcis Holmensis & Andream Simonis consulem Holmensem in Ostrogothiam misit, plena facultate instructos agendi cum Holgero Caroli, Magno Iohannis, cum sacro ordine Lincop. & senatu cuiusvis urbis Ostrogothiæ & de tumultu Smalandorum aliorumque sedando. Illi cum pluribus operam sociantes, primò tentarunt animos populi: à quo ad duces factionis remissi, cum illis hoc modo transegerunt: ut armis positis & captivis dimissis, præteritarum injuriarum oblivio sanciretur. Ut hæresis nulla in regnum introduceretur, sed vera religio cum receptis ritibus defenderetur. Ut subditi de redintegranda fide suæ & existimatione regia literis caveret. Hæc utrinque à rege & subditis rata habita & subscripta, pax ac concordia restitutæ sunt. Thuronem Iohannis & Magnum episcopum rex blandis literis & spe gratiæ in regnum revocare, sed frustra conatur: quum negarent se decreto Arhosiensi, cujus in literis mentio facta esset, adquiescere posse. Sed Nicolaus Olai, Thuro Erici & Magnus Bryntonis se literis ad regem excusatum eunt, petuntque comitiis ad se purgandum sisti. Comititia Strengnesiæ, ut desiderarent, instituuntur, ad quæ proceres cum rege & senatu accedunt. Rex seditionis illos absque causa motæ, patriæ turbatæ & læsæ majestatis accusat. Sed Thuro & reliqui conjurationis participes excusandis motus causis, regem incusabant præve religionis, violatæ juramenti fidei in non defensis ecclesiasticis personis & bonis ad coronam & nobiles translatis, quorum cupiditate religionem mutasset; in expulsis regno episcopis & monachis, expoliatis cœnobiis & templis. Item de facta mutatione missarum, ut vocant, sacramentorum, jejunii, cœlibatus clericorum. De subditis nimio tributo oneratis; peregrinis in senatum & arcium custodiam contra fidei & legis obligationem admisfis. Conjugium regem cum extranea virgine principe, in civium oppressionem, à peregrinis sponsam huc comitantibus metuendam, inire constituisse. Rex ad istæc respondet: Animo suo maximè ægrum fore, si aliud hic in regno doce-

doceretur, quam quod Deus ipse jussit, nimirum parum Dei verbum & Evangelium; idque decreto Arbosienſi confirmatum eſſe, cui ſententiam ſuam ſubſcribat. Et tamen ob enatas in religione diſcordias nihilominus ad generale concilium ejuſque rectum judicium provocet: eoque hæreſis inſimulari non poſſit. Se ſatis recordari, ſibi poteſtatem à Deo commiſſam eſſe ad patrocinandum bonis & plectendum malos. Quod cum jurarit & hætenus impleverit, & porro in tuendo eccleſiam & ejus membra, id eſt Chriſtianos regni ſubditos implere paratus ſit, ſe violati in hoc juramenti argui non poſſe. Si vero ſecundum nonnullorum mentem dictum juramentum de episcopis, præſulibus & ſacerdotibus ſit accipiendum, & violatum exiſtimetur in eorum poteſtate civili & ſuperfluis opibus diminutis, id approbatum eſſe à regni ſenatu & populo in comitiis Arboſienſibus ob graves clericorum, uti appellant, abuſus & motus civiles non ſemel ab illis adverſus ſupremum magiſtratum excitatos. Quibus ſi caſtrum imponatur, & injuriarum in populum occaſio materieſque amputetur, ſe exiſtimare rectè defendi eccleſiam ejuſque membra. Aliàs ſi tuendi eſſent clerici in peſtiſera ſua potentia & injuriis quas aliis inferunt, illud fore opprimere eccleſiam, non defendere & tutari, ut juramentum vult. Regem episcopos non exigiſſe regno, ſed ſeiſpoſ, quum ad turbandum regnum hinc conceſſerint ad exteros principes, uti Guſtavus Trollius, Magnus Scarenſis, Iohannes Lincopenſis & alii. Se verò mirari, litem cum episcopis de eorum facultatibus, poteſtate & privilegiis novæ religionis cauſam allegari: quum ante eam receptam antecedeſſoribus ejus non minor cum illius temporis præſulibus quam ſibi contentio fuerit. Itaq; ſe non aliter videre, quàm quod religionem prætexant proſervie, ambitioni & avaritiæ ſuæ, vero improbarum molitionum adverſus principes fonti. Opes nimias & immunitates, in dominatum & rebellionis anſam male uſurpatas, illis aliquantum eſſe circumciſas; nec injuria: quum ex propriis eorum decretis, privilegio & beneficio mereatur exui, qui eo abutitur. Monachos verò exceſſiſſe monaſteriis, partim ob licentiam & luxum eorum refrenatum, & abundantes eorum reditus in meliorem regni, eccleſiæ & ſcholarum uſum ex ordinatione Arboſienſi converſos; partim ob fictæ ſanctitatis larvam à ſanioribus deprehenſam. Cænobia & templa ſe non ſpoliaſſe, ſed ſub imperii ſui primordia, cum conſenſione procerum neceſſaria inde bello ſubſidia prompſiſſe, quæ regno planè à Chriſtierno opibus exhauſto tunc aliunde non ſuppeteabant. Ritus eccle-

ecclesiæ quosdam non à se sed peritis Theologis esse in melius, ut sperat, mutatos, nec sine exemplo exterarum ecclesiarum: nec de fore qui illud verbo divino, in quod ipsi nulla sit potestas, defensuri sint. Si secus, se invito factum. Tributis negat se gravasse regnum ex sua auctoritate, sed regni ordinum, & ex necessitate usuque rei publicæ: cuius rei rationem reddere paratus sit. Legem de peregrinis ad senatoriam dignitatem & arcium præfectorum non adsciscendis sibi videri interpretandam de huiusmodi extraneis, qui huic regno, non ducta hic uxore & liberis ex ea susceptis tanquam fidei obsidibus, baud essent obstricti. Matrimonio verò domesticò hic innexos, videri regno tam bene velle, quam indigenas. Nec illam legem se existimare tam strictam esse, quin cum regni senatus consensu quandoque ad usum publicum dispensari possit, quod nec prorsus inusitatum olim fuerit. Affinem suum Comitem Iohannem de Hoya (qui hic maximè tangeretur) in multis negotiis regno non parum profuisse & adhuc prodesse. Si ergo res cum insigni commodo, nec detrimento regni conjuncta sit, legem non ita interpretandam esse, ut regni commodum ea re possit abeatur. Conjugium cum extranea virgine principe sibi nulla lege prohibitum, & à regni proceribus comprobatum, nulla ratione sibi posse exprobari. Sed & oppressionis civium, quæ hinc timeatur, nullum fore periculum: quum tales principes femina non plures ministros quam illis permittatur, secum adducant. Se vero sperare talem se præbuisse erga suos, ut eorum non perniciem, sed curam & salutem quæsierit, & porro sibi eam supremam legem esse velit. Rex causâ peroratâ jubet regni senatum sedulò momenta negotii huius ponderare & diiudicare, num jure num secus seditionosi proceres fecissent, num decreto & pacto Arthosien- si paruissent aut minus. Eiusdem decreti causæ & ulterior declaratio atque confirmatio circa hoc tempus publicatæ sunt. In reos, licet fide dignis testimoniis, propriis literis & ipso facinore indicarentur, tamen ab ipso rege & senatu toties spe mitioris sententiæ de ingenua confessione monitos sed culpam obstinatè dissimulantes, ultimi supplicii acies ex lege perduellionis stringebatur. Magnus Bryntonis in fugâ præsidium vitæ positurus, ex conclavi, in quo custodiebatur, in subiectos scholæ Strengnensi hortos defilire tentat: captansque pyri rimum, quo saltum innoxium juvaret, sed frustrante nisu decidit in terram & crus frangit.

Inde

Inde in agrum vicinum siliginum ægrè prorepens, postero die istic fermè semianimis reperitur, & ex fuga reprehenditur. Thuro Erici ad matris suæ Gunilæ Erici Thuronis in Benhammero viduæ, probæ matronæ, tot supplices preces & lachrymas vitam ingenti vi pecuniæ redemit. In senatorum supplicio affectorum locum Magnus Iohannis, Benedictus Nicolai de Eka, & Ionas Nicolai de Hakestadio suffecti sunt. Isto motu sedato, non longe absuit alius. Ut enim fluctus fluctum in mari ventis agitato, ita tumultus excipit tumultum in turbato ab ambitiosis & inquietis ingeniis regni statu, nec dum satis confirmato. Quippe Thuro Iohannis & Magnus episcopus Scarenfis in Dania contra legem pactorum Malmogiensium tolerabantur, & Vestrogothiam per suos prædones, inprimis villam Matthæi Kaslii diripiebant: quod pravis eorum consiliis obstisset. At Gustavus hoc ægrè habuit, & Fridericum regnique Daniæ senatum de fœderis lege ex fide servanda, nec ferendis istic patriæ perfidis commonefacit. Si vellet pro amico facere, huc eos transmitteret: non ut vi sed lege cum illis ageretur. Hoc Fridericus noluit, sed interponere se & conciliare eos regi obferebat. Verum id Gustavus recusavit, Thuronis levitatem haud ignorans. Tandem tamen, ne Gustavum prorsus offenderet, eos & una Gustavum Trollium ex regno suo proscripsit. Illi dein Lubecam, & ibi non recepti, in Ducatum Mechlaburgicum profugerunt, ubi fidem pub. nacti, Suerini, VVismariæ & Rostochii subinde versabantur: donec ad Christiernum confugerent. Ab eo se patriæ dignitati & fortunis suis beneficio auxilii, quod à Carolo V. præstolabatur, restitutum iri sperabant. Sed frustra. Thuro sæpe gloriabatur, si bis aut ter mille milites in expedito haberet, se totam occupaturum Sueciam ob partium in regno factiones, quarum favorem sibi pollicebatur. Interim Gustavus civitatem Holmensensem privilegiis ornat, ad urbis & commerciorum incrementa spectantibus: quæ postea à successoribus vel mutata suis locis, vel aucta sunt. Regis Daniæ Friderici filius Christianus dux Holsatiæ cum agmine movet in Norvegiam ad electionem sui ex jure regni hæreditario capeffendam; quamvis infecto negotio, dum loci præsul & alii ex Norvegicis obnitebantur. Inde fama circumfertur de

Vikia

Vikia ex occasione armis à Christiano occupanda, si amicè non liceret. Qua re Gustavus etiam in procinctu fuit & cum instructis copiis in Västrogothiam concessit, non ignarus, mutuo metu gladios intra vaginas contineri. Nec quidquam hac vice tentatum. Postmodò missus à Friderico in Sueciam Iesperus Brocmannus regius secretarius de Vikia ex pacto Malmogiensi restituenda, & quinquaginta millium aureorum mulctatitia pecunia. Sed quum rex Gustavus de utroque, ut anno superiori legatis Danicis in conventu Ladosiensi, respondisset, nihil ultra actum, sed negotii diremtio in conventum VVardbergensem dilata est. Circa finem hujus anni hîc sævire cæpit transmarinus morbus, sudor Anglicus dictus, quod in isto solo primum ortus, inde vicinas oras ac Germaniam pervagatus, huc tandem quoque penetravit. Iste morbus tam vehemens ac pestilens erat, ut, dum quis optima valetudine uti videbatur, improvisò invaderet eum frigidus sudor. Quo correptus nisi statim lectum peteret, & bene reclusus, ita ut ne minima quidem aura corpus ejus adflaret, ac infomnis per viginti quatuor horas virus exsudaret, intra duas aut tres horas exstingueretur. In comitiis Vpsaliensibus tractatum inter cetera est de reliquis nominum, quibus Suecia nexa erat Germaniæ inprimis Lubecæ, solvendis. Quum vero istæ nomina ad universum regnum pertinerent, decretum est, *ex singulis regni templis quæ quatuor aut quinque æris campani notas haberent, depromere maximæ proximam ad eorum solutionem: idq; cum minori subditorum onere & molestia fore, quam si ex proprio pensitare tributum necesse foret.* Incolæ Vikiæ in Norvegia tumultuantes obtruncant aliquot regis Gustavi ministros instinctu Danorum, ut putatur, qui omni studio ferebantur ad Vikiam quocunque modo recuperandam. Iacobo Crummio Vikiæ præfecto munus suum resignanti substituitur Achatius Claudii. Quo cum ita rex contraxit, ut ad arbitrarium tempus Vikia una cum fructibus ejus & redditibus pro sexcentis selibris argenti quotannis ad diem Michaelis pendendis frueretur, & simul inde aleret tot milites, quot opus esse crederet ad arcem loci, Caroloburgam nomine Gustavi tuendam. In conventu VVardbergenfi oratores regis Gustavi urgebant, ut antea, refusionem mulctæ & damni à Severino ex Gothlandia regno Sueciæ

ciæ factâ pace dati, à Friderico rege Daniæ præstandam; item tormentorum ad Blekingiam & Lysstriam tempore pacis Suecis ademptorum, expensarum in Norvegia factarum, & prædiorum in Dania Suecis priorum restitutionem. De Gothlandia litis cognitionem & alia ex pacto Malmogienfi & Nylosienfi suscipi apud oratores Danos seriò contendebant, hoc fructu ut se obligarent Dani solennibus literis ad hæc pacta: *Vt rex Gustavus Vikiam quam Christierno tyranno jure belli ademerat, cum subjacentibus ejus bonis, salvis subditorum & ordinis equestris ordinario censu, jure & privilegiis, à die S. Laurentii ad sexennium adhuc teneret, eoque elapso ex fide restitueret Friderico regi Daniæ aut ejus succesori, sublata, irrita & cassa omni prætensione & postulatione pecuniæ mulctatitiæ aut restitutionis damni. Ius tamen de Gothlandia, si quod haberent, Suecis integrum esset, usque ad causæ cognitionem; ut & prædiorum in Dania & Norvegia sitorum, quotquot eorum essent, recuperationem impetrandam. Incolumē quoque fore & omni parte ratum fœdus pacis & mutui auxilii inter reges Sueciæ & Daniæ.* 1531.

Orebrogæ iterum in conventu regis & ordinum agebatur de una cujuslibet ædis campana, ut vulgò vocant, aut æstimatione ejus præstanda; ubi verò hæc non sufficeret, illius anni decimis suppleretur ad creditæ pecuniæ adhuc residuæ solutionem. Exigendi hujus subsidii causa emissi sunt viri moderati regio mandato instructi: & à plerisque subditis lenitate & ratione persuasis obtinuerunt, quod petatum venerant; exceptis quibusdam Dalecarlis in Lixanda, Alia & Gagnefåia: qui à metallorum redemptoribus, quos vulgò montium viros vocant, instigati æris campani nolas unctas & consecratas ad profanos, ut sibi persuadebant, usus tradere religioni ducebant, & semet exactoribus earum opponebant, authoribus præcipuis Magno Nicolai in Asboda, Andrea Petri in Rankhyttan, ante quidem quieto & fido, sed nunc opibus & felicitate elato ac rebeli. Hi coacto agmine, duce Nicolao in Sörby procuratores & exactores regiois indignis modis & verberibus excipiebant. Incolas Tunæ, Torsensis agri, Snåffuingie & Akerboe quoq; sollicitabant ad parem motum. Regiam domum in Henemora & Thuronis Erici prædium in Råfueilstadio diripiebant. Hoc cum ad regis aures accidisset, duos modestos viros Stephanum Henrici consulem Vpsalicum,

scm & Beronem Holmensem misit ad Dalecarlos cum potestate tractandi cum eis, & rectius eos de hoc negotio eiusque causis docendi. Sed paulò longius ad Henemoram progressi, à sexaginta militibus per Nicolaum in Söderby & Magnum Nicolai in Asboda emissis viasque passim observantibus intercepti fuissent, nisi alia ac tutiori via Holmiam rediissent. Vbi regi illorum molitiones exposuissent, *illis jam insaniendi, sed sibi suo tempore vindicandi spatium fore*, respondit. Mox Vpsaliae comitia indicit animo cum subditis praesertim Dalecarlis & vicinis agitandi de turbis denuò apud eos ortis; & commoda compescendi eas ratione. At seditiosi Dalecarli, praesertim ultra Longhecdiam colentes, non solum non accesserunt, sed contra literis ad regni ordines datis eos ad Arbogensensem conventum sub ultimi supplicii minis satis pro imperio convocarunt: *uti memores aviti fœderis & fraternitatis, in unum consentirent, & de controversiis religionis, demolitione templorum & cœnobiorum & novis oneribus sibi impositis prius communicarent, quam regis iussis satisfacere possent.* Sed ordines regni praesertim Helsingi responderunt; *se quidem meminisse fœderis & fraternitatis majorum, sed pacis & quietis pub. non turbarum causa facte.* Horrantur eosdem ad fidem regi integram servandam, & una cum ipsis tolerandam collationem aris campani ad solutionem nominum regni perquam necessariis; nisi bello cum exteris implicari, & mari ocluso praecipuis victus adjumentis carere velint. Si quid offensionis adversus regis praefectos haberent, id jure non tumultu, sibi & patriæ noxio, persequerentur. Se vero nolle conventui isti Arbogensi, ut factionis incendio interesse. Sic iste conventus, sociis in diversa tendentibus, dissolutus est. Sed ad concionem Vpsal. sub dio in colle veteris Vpsaliae rex verbis factis ostendit: *Fidem eorum se fermè in dubium devocare, & pro subditiis an hostibus habere debeat, non satis certum esse, alio motu super alium constato.* Rogati porro, cur ad conventum Arbogensensem invitati non comparuerint: sibi istic nihil negotii fuisse, respondent. Inde causas exactio-num nolarum illis exponit, nimirum *ut fides regni tandem liberetur, residuum debita pecunia integrè persolvatur, & incommoda longioris dilationis, à petentium creditorum impatientia, vi & armis metuenda delinquentur.* Se nihil inde in suos usus versurum, sed per honestos viros liquidam accepti solutique aris rationem redditurum. Quærenti

verò

verò regi, *cur in tam necessario negotio tam pericaces & difficiles essent*, non habebant quod jure obloquerentur. Erant tamen, qui ne quidem à maledico ore sibi temperarent. Inde rex incensus irâ, equum retorquere, gladium stringere, & se non verbis more ignavorum, sed armis adversus rebelles certare, si non aliter velint, paratum ostendens, ad pugnam & fortunæ periculum faciendam præsentis laceßere. Quamvis autem ad vim & arma, velut præsens iracundiæ & vindictæ refugium decurrere, & equestri agmine, quo succinctus erat, si calor impetum & strictæ ultionis occasionem sequi voluisset, istos rebelles circumfusus occidione delere in proclivi fuisset; tamen animi sui potens iræque moderatus, supplici & deprecanti multitudini ignovit. Subditi verò saniores denuo se verbis & scriptis obstringunt adversus omnes salutis & quietis publicæ hostes, ad extirpationem perfidiæ & fidei constantiam erga regem, & residuum imperati tributi solvendum. Rex finitis comitiis seditionem Dalecarlorum præcipuè factionis principum ita dissimulabat, ut obliviscenti quam vindicaturus propior videretur. Sed ille rebellionis memoriam animo, pœnam occasione servabat, ut post biennium patuit. Ne tamen interim dilatio supplicii partium duces metu suspensos in desperationem adigeret, ut malum reipublicæ novum cuderent, ille omnibus provisus sedulo præcavebat. Dalecarli verò societate facinoris, quod plures essent, se tutos rati, hoc solum in consilio habebant; quod, dum in armis & excubiis erant, labores quotidiani, quibus sibi suisque victus quærendus erat, neglecti jacerent. Itaque consultare cœperunt de capeßenda quiete, si rex his conditionibus secum pacisci, privilegia eorum & hæc duo præcipuè confirmare velit: *Ne transeat Brunsbeckii vadum, ubi trajectus in interiores Dalecarlorum oras patet, ipsis insciis & absq; fide publica. Ne rex illis alios quam ex sua gente præfectos & judices præponat.* Leges pacis regi tanquã domini aut victores, non ut subditi, imò rebellionis pœnam meriti, ponunt: ne quid pudori reliquum faceret insolentia. Vnde & factionis duces hæc ante tempus, tacita conscientia sua prædamnati, ad regem eliminare vetant. Nihilominus tamen sacerdos Tunensis regi per literas patefacere, eumque rogare ut Dalecarlis præfectum Ingellum Iohannis in Gylla, illic natum, constitueret,

tueret, sic illis facilioribus usurum. Rex etsi tunc severius cum illis agere jure potuisset, tamen de adventu Christierni certior factus, indulget tempori, si forsan die & quiete sanarentur, qui ratione non poterant; & simul illis desideratum præfectum concedit, silentio transmissis ceteris. Rex Daniæ Fridericus misit duas epistolas regi Gustavo, quarum unam Thuro Iohannis eques, Gustavus Trollius præsul olim Vpsaliensis & Magnus episcopus Scarensis ad Christiernum tyrannum profugi, scripserant ad Iohannem Andreæ episcopum Othoniensem, alteram solus Thuro Iohannis dederat ad Petrum Lyckium præfectum Nyburgensem de recipiendo sine sanguine Christierno in regnum Daniæ; quum Cæsar & ejus fœderati tentarent copiis & armis ejus restitutionem promovere. Quæ res etiam movebat Fridericum, ut auxilium maritimum ex lege fœderis à Gustavo per Axelium Vgrupium peteret. Etsi hac tempestate ob motus intestinos & suspectam fidem præsulis Norvegici, justæ copiæ domi habendæ essent; tamen, si quid Christiernum adversus regnum Daniæ tera marive moliri pro certo constaret, in ipsius usum auxilium fore paratum Gustavus promisit. His peractis Laurentius Petri scholæ Vpsaliensis rector, præsul Vpsaliensis electus est, de ecclesia præclare meritis. Proxima æstate rex emisit classem magnificè instructam cum aliquot proceribus Laurentio Siggonis, Birgero Nicolai, Gustavo Olai & aliis, & cum nobilibus aliquot matronis ac virginibus, adductum huc sponsam regis, Ducis Saxonie Magni filiam. Quæ cum paulò ante festum Michaelis cum illustri suo comitatu huc prosperè advenisset, rex cum ea solennes nuptias ipso die Michaelis celebravit. Circa idem tempus constitutio regia lata est *de illicitis regni portubus; & quomodo in licitis commercia exercenda sint.* Gustavus Trollius corrogat suppetias à duce Megapolitano, Marchione Brandenburgensi, & in Norvegia à præfule & ceteris episcopis, quos Christierno transmittat. Christiernus copiis & pecuniâ adiutus à Cæsare & Belgis, cum decem millium classe & comitibus Thurone Iohannis & Magno Scarensi episcopo ex Hollandia petit Norvegiam; hæc tria regna borealia recuperandi proposito. Sed vix in altum provecto, tanta ex euro procella oborta est, ut per illam tota ejus classis adstricta dissiparetur & elideretur, undecim solum salvis. Cum
his

his ingressus Norvegiam ad se vocat Gustavum Trollium ibi delitescentem, & in publicum literas edit: quibus exponit adventum ejusque causam de repetendis tribus suis regnis. Qui ultrò se in fidem ejus dederant, illis præteritorum veniam & benevolentiam suam promittit, secus rebellibus. Ita in fidem suam subditos Opsloæ accepit, & sacramento adegit. Thuro Iohannis primates Daniæ & Sueciæ ac Dalecarlos blandis suis literis, in melius flexum Christierni animum, spem singularis ejus clementiæ & libertatis publicæ promittentibus, ad defectionem sollicitare nequicquam conabatur. In Vikiam Christiernus cum mille ducentorum agmine movet, & Caroloburgum arcem obsidione cingit; quam etsi Suecica præsidia strenuè defenderent, tamen cæso eorum duce Achatio Claudii, tandem expugnat & incendit. Vbi rex Gustavus Christierni successum in Norvegia cognovit, Fredericum regem Daniæ literis admonuit *de obviam properando Christierni progressibus, & tutando Norvegos. Se pro virili ex pacto fæderis succursurum.* Ita rex Laurentio Siggonis, Holgero Caroli, & Canuto Andræ ductoribus pedestres & equestres copias Ostrogothorum & VVestrogothorum Ladosiæ expedit, ut Vestrogothiæ adversus vim hostis præsidio essent. Iacobus VVestrogothus & Petrus Iohannis cum agmine ad Dalios observandos & si quid moverent, reprimendos emissi sunt. Tordo Petri & Olaus Martini cum iustis copiis Helsingiæ præsidio mittebantur. Rex Laurentium Siggonis per literas monebat, *ut omni ratione prudenter & circumspecte ageret, ne inopinato hostis superventu opprimeretur. Ut re communicata cum Danis, intentus esset eorum consiliis & molitionibus. Se mirari, cur Christierni sortitam in Norvegia tam securè transmitterent. Quare se nolle sua agmina magis quam Danorum in discrimen adduci. Temeritatis esse, cum hoste manus conserere, si opportunitas non alliciat, aut vires non æquent. Si verò Dani serio in hostem adversum ire & signa conferre velint, se quoque ut fæderatum deceat, suis partibus haud desuturum.* Lustratas Arbogiæ Vplandorum, VVestmannorum, Sudermannorum copias rex VVestrogothis auxilio misit, hortatus, ut militem ultrò reciperent, & commeatu juvarent. Præstare enim illos ad tempus alere, qui ipsos contra vim hostis tutaturi essent, quam hostili deprædationi omnia ex-

ponere. Legatus ex Dania Christophorus Othonius nomine sui regis auxilium contra Christierni incurfiones à Gustavo ex fœdere desiderat ac impetrat. Vterque rex suos & vicinos in fide confirmant. Gustavus autem duos legatos in Daniam mittit Petrum Durum, & Suenonem episcopum Scarensem, cum hoc mandato : *Vi regi & senatui Daniae ob oculos ponerent periculi à Christierno tribus regnis intentati magnitudinem : quæ securitatem & remissas manus non serat. Quæ occasione tam facile in Norvegiam sit admissus, se ulterius doceri cupere. Non se videre causam justam, cur Gustavus Trollius in Norvegia tam diu à Friderico toleratus sit, & nomine Christierni cum subditis istius regni agendi licentiam habuerit; præsertim cum episcopis loci, qui non parum suis & ecclesiæ opibus tyrannum sublevarint. quod procures quosdam Daniae, non solum Sueciæ, insidiosæ literis impune corrumperit, & ad Christierni partes traduxerit. Præterquam quod cum Germanicis quibusdam principibus & civitatibus de modo ipsum in horum regnorum sedem & possessionem restituendi convenerit; sibi mirum accidere, cur Fridericus auditis his molitionibus Christierni & amicorum ejus, non statim expediverit agmina in Norvegiam, ad prævertendos Christierni conatus & impresiones. Si verò nunc occupatâ à tyrano Norvegiâ, Danicæ copiæ proximo demum vere essent adversus Christiernum mittendæ, periculum fore ne vires interim hostiles cum exiguo Norvegorum emolumento corroborentur. Sibi uique in tanto discrimine non cunctandum videri. Quod ulterius illis cogitandum & una cum suis deliberandum relinquat. Se verò non destitutum sua ope, copiis & impensis Fridericum, nec pro illis arces, aut terras mercedis loco poscere, veluti nec Fridericus idem vellet. Se jam Ladossiam transmisisse suum exercitum, ubi responsum & suppetias expectet.* Absente Friderico rege in Holsatia senatus Danicus consultavit cum legatis Sueticis de viribus terra marique ad exigendum Norvegiâ Christiernum conjungendis. Quæ tamen tardius processere. Peditum agmen sub tribuno Gulielmo Succis ad Ladossiam auxilio mittebant; quod tamen hoste ne quidem conspecto, mox recessit, haud absque populatione. Exercitus equestris Sueconum trium millium bene instructus excursionem fecit Ladossia Hisingiam, in hostem recta iurus. Postquam Christiernus qui tunc Kongellæ tendebat, eos con-

tem-

templatus est, ad Thuronem Iohannis : *Tu me profecto inquit, egregiè circumvenisti, negans ullum in Suecia equitatum esse. Qui nam ergo hi sunt ? num muliebre agmen ?* Itaque graviter ea re offensus Christiernus, ut postero die primo mane Thuro Kongellæ in viam abjectus amputato capite reperiretur : & mali consultoris, sed peioris patriæ proditoris condignam mercedem ab ipso hoste ferret. Adversus Suecos miles hostilis egressus, viribus inferior, sed loci beneficio & arte superior fuit. Quippe dux hostilis agminis loci peritior, quam Sueci, ipsos quoque animosius quam cautius impetum in agmen hostile facientes, in amnem glacæ sed ob rapidum aquæ cursum minus firmâ concretum elicit: in qua pars equitum merisi, pars vertentes terga, cum per objectum fretum ulterior in hostem non pateret progressus, excepti ab hoste tormentis, clademque non tamen inulti passi sunt. Dum enim Christiernus prope Bahusiam in paræcia Skiplandiæ castra metatur ad com meatum suis copiis curandum, qui jam deficere cæperat, Sucones ipsis intercludunt com meatum, aut advehentes eundem vel inquirentes hostes velitationibus aut capiendo ita atterunt, ut pauci superessent, ac superstites fame contabescerent. Idcirco inde castra movens Alosioam, vix duo millia in exercitu numeravit. Gustavus autem literis exprobrabat Friderico, quod tam remissè opem sibi tulisset. Si seriò manum auxiliarem præstare sibi voluisset, jam debellatum fore Christiernum. Hac re motus Fridericus classem aliquot navium Danicarum & Lubecensium adversus hostem emisit, ad opitulandum Magno Gyllenstiernio præfecto arcis Akerhusiæ, quæ ab hoste circumscissa erat. Hæ quinque optimas naves Christierno virtute & industria Friderici Brunii Lubecensis præfecti eripuerunt. Quod quum Gustavus ex relatione Axelii Iulii regii secretarii ex Dania huc missi comperisset, læto gratoque animo accepit, & desideranti Friderico navem prætoriam & classem suam subsidio promisit, simul ac armis necessariis instructa esset. In conventum insuper Hafniensem operam & legatos suos condidit. De VVikia pro mille ducentis aureis Friderico cedenda, cum præfecto Bahusiæ Claudio transigit. Iemptiis hoc petentibus rex suppetias mittit agmen selectorum militum tribuno Petro Nicolai, & simul eos hortatur ad constantem

erga Fridericum regem fidem, si sua amicitia & libero in Helsingia commercio frui velint. Rex Fridericus & Vandalicæ civitates iterum adversus Christiernum classem instructis, simam armarant ducibus Canuto electo episcopo Othonien- si & Erico Gyllenstierniis fratribus & Reinholdo Heiden- storpio Germanorum militum tribuno, quæ appulsa in sinum Asloensem, igne in classem Christierni immisso, totam incendio perdit. Inde quum jam fermè conclamatae essent res Christierni, & commeatus inopiâ utrinque laboraretur, legati ex castris Danicis ad Fridericum regē mittuntur, qui quo loco res essent regi exponerent, & nova mandata ab eo acciperent. Dum legati absunt, Canutus Gyllenstiernius & socii in collo- quium, quod expetiverat, cum hoste descendunt, & regis Fri- derici nomine pollicentur ei fidem publicam, ut armis positis ipse toram cum Friderico patre de conditionibus pacis age- ret; & transactione forsan exitum non habiturâ, tutò rediret in Norvegiam aut Germaniam. Sed cum accessisset in Daniam, post quinque dierum spatium abducitur Hafnia Sunderbur- gum Holsatiæ arcem, ubi per viginti septem annos custodia detentus, in eadem tandem decessit: de quibus in vitâ Chri- stierni, & historiæ Danicæ authores plura. Gustavus hanc transactionem non æquo ferebat animo, quippe *se inscio & imprudente contra fœderis leges factam*, de qua re ad Fridericum scripsit; & simul *de toleratis in Norvegia Gustavo Trollio & Magno Scarenfi episcopo, manifestis Sueciæ perduellibus*. Eos sibi transmitti cupit juri sistendos, vel istic includi: ne in perfidis moli- tionibus adversus patriam impune grassarentur. Quamvis enim cu- stodiæ in Norvegia traderentur, mox tamen dimissos & in Dania iterum adservatos, melius quam digni essent, in libera custodia, & gratuito victu haberi. Itaque rex Gustavus indignante animo cum rege Friderico & senatu Danico exposulavit, hanc igno- miniam sibi pro labore, auxilio & impensis præstitis in debellando unâ Christierno illatam. Nec esse quod Magni episcopi Scaren- sis insidias simplicitatem interpretarentur, & vulpi vestem ovil- lam induerent: quum satis per se nosceretur. Vel sibi dede- rent istos perduelles, vel ipsi plecterent. Sed Fridericus ex Da- nia dimisit, quo vellent abituros. Sic illi ad Albertum, Ducem Mechlaburgicum aliosque infensos hostes Sueciæ se receperunt, perfidis usi non solum adversus Gustavum

sed

sed & Fridericum animis. In colloquio quod Gustavus Succiae & Fridericus Daniæ reges, ut & Vandalicæ civitates per suos oratores de ope maritima Christierno ab Hollandis lata, ejusque rei compositione Hafniæ & deinceps Amstelodami instituerunt, suo pro se quisq; honori, ut solet, æstimationi damni dati & securitati consuluerunt. Armorum lustratione & delectu virorum Arhosiæ factò, rex clam habet, 1533. quo agmina ducturus sit, ut solus arcani conscius imparatos invadat; & se præeuntem sequi jubet. Quum demum appropinquarent Montanis, ducibus & tribunis, ut parati essent, aperit: se rebellium toties Dalecarlorum effrenatam insolentiam aliquando compressurum: ne mali labes ad plures manaret. Rex simul advenit, Andream Petri in prædio suo Rankhyttio statim comprehendi curavit, & inde Magnum Nicolai in Asboda, carbonariis suis, in quas confugerat, extractum. Ita ducibus nudatam plebem ex Tuna, Lixanda, Mora & Ålia nolentem volentem, & una presbyterum in Lixanda Petrum, Edvardum in Cuprimontanis & Petrum in VVika, qui cum Magno Nicolai conjurarant, adesse jubet, & milite circumdatos, per suos amicos Laurentium Siggonis, Ivarum Flemmingum & Ioannem Olai in Haakestadio, severè compellat. Maximam tamen partem rex ipse alloquitur, percontatus: Num meminissent pacti ante sexennium cum ipso initii, & quam promptæ fide illud adfirmassent, quam malè servassent. Quamdiu ipsum pro ludo habere velint? sed nunc finem ejus fore. Se malle nullos, quam immorigeros subditos, & provinciam incolis vacuam, cæcis solo aequatis, quam hostilem; aut se ita repurgaturum, ut ne canis quidem & gallinaceus relinquatur. Mox rogat eos, ubi profectionis terminos ipsi definituri sint, an ad Brunebeckii vadum, uti Magnus Nicolai & ejus socii vellent, an alibi? num regi non liceat transire Brunebeckium, nisi prius ab illis veniam ac fidem publicam emendicaverit? num quis nobilium vel plebeiorum unquam sando audiverit, in hoc vel alio quoquam regno consuetudine vel usu receptum, aut subditos tam projecto pudore fuisse, ut ad suum ingenium & arbitrium in ordinem cogerent regem & dominum suum; eique legem de modo & terminis itineris dicerent, cui jurata fide & reverentia sint obstricti? velut hi jam conarentur. Omnes respondere: Absurdissimum fore, subditos regi designare limites itineris in suo regno, & ex lege fidei pub. Sed quid causæ fuerit, instat

rex percontando, quod Steno senior & junior & Suanto Sturii nunquam ausi fuerint transire vadum Brunebeckii, nisi imperato à Montanis libero comiteatu? illi subdicere, in causa fuisse suspensionem, proterviam & insolentiam rebellium Ultramontanorum adversus legitimum suum magistratum, & divini ordinis contemptum. Ita protraheretur colloquium ferme ad vesperam. Iussi profiteri authores seditionis, nominarunt Magnum Nicolai, Andream Petri, Nicolaum Söderbyensem, Ingellum Iohannis. Illi anquiruntur & capitis damnantur, bonis eorum publicatis: quæ tamen illorum hæredibus rex iterum ex gratia concessit. Reliquæ promiscuæ multitudini, quæ supplex veniam delicti rogabat & sanio rem mentem pollicebatur, gratia facinoris facta est: ita tamen ut quæ opibus metallicis antea insolentior esset, æquali deinde cum ceteris regni subditis jure esse, & omnia subjectionis officia regi præstare cogeretur. His motibus domi sedatis, foris novi à Lubecensibus orti sunt, qui mare viginti quatuor navium classe infestabant, ad prohibendum Belgis in mare Balthicum ante insolitas nunc frequentes navigationes, ipsorum & aliarum Vandalicarum civitatum commodis haud parum inimicas. Classi isti præposuerant Marcum Meierum, qui ex humili loco suis artibus emergens Lubecæ consul tandem factus est. Hujus favore & consilio Georgius VVollenvveberus paulò ante senator & intra mensem consul & collega ei adjunctus est. Hi duo, homines audaces, rerum appetentes, pravè facundi, summam reipubl. pro suo arbitrio, sprete senatus auctoritate, Lubecæ administrantes, hæc suos ablegabant, qui desiderarent à Gustavo auxilia adversus Belgas, præ se ferentes, regem Daniæ quoque in societatem hujus belli venturum. Sed explorato regem & senatum Daniæ hoc recusasse, & hujusmodi societatem his regnis septentrionalibus parum ex usu fore, Gustavus hoc itidem denegavit. Lubecenses istud indignè ferentes, in naves ac merces Suecorum in urbe sua manus injiciunt. Quâ injuriâ quamvis multis immunitatum suarum ademptionem mereri viderentur, tamen rex, ut potuit, dissimulavit; donec consul VVollenberus cum aliis nimis inflata & procaci voce jactitasset: *Sese, ut Gustavum ad regni fastigium extulissent, ita vicissim inde detracturos esse*; rex tantam eorum insolentiam amplius pati non potuit. Indignissimè enim acceptum, eos regiæ famæ ac honori obtruncare

stare & insidiari : quæ principes juxta cum vita , nisi supra
 eam , æstimant ; quod utraque non ad ipsos solum , sed
 etiam rempublicam pertineant. Quin cœlestis providentiæ
 auspicia , Gustavianæ virtutis merita , & consentientia Suc-
 corum suffragia in creato rege posthabentes & velut procul-
 cantes , sibique regii fastigii fortunam & arbitrium inusitata
 superbia , ex ope Gustavo nondum regi quondam in angu-
 stiis lata , arrogantes , rex eos loco hostium habuit. Quorquot
 Lubecensium hic in regno negociabantur , custodiæ tradi mer-
 ces eorum , omnemq; vectigalium immunitatem & libertatem ,
 quam maledico ore corruperant , eis adimi jussit. Hoc istius
 Thraſonis VVollenvveberi & quicumque alii cura eo facie-
 bant , intemperantia lingvæ & fastus effecit. Manifesto expe-
 rimento , ut uno vel paucis prudentibus & moderatis rectori-
 bus tota civitas fruitur ; ita unū vel paucos stolidos & feroces ,
 si ad clavum sedcant & autoritate præpolleant , toti civitati
 detrimento & calamitati esse. Quamvis enim Gustavus postea
 captivos dimitteret , & post emotū dignitate VVollenvveberū
 Lubecenses privilegiorum suorum restitutionem sedulo ur-
 gerent , & ad controversiam sive jure sive per arbitros finien-
 dam se offerrent , tamen istas immunitates difficilimis tempo-
 ribus obtentas , nunc verò malè ab ipsis usurpatas , à se & sub-
 ditis suis non amplius indulgeri tolerariq; posse rex contēdit ;
 in quo etiam tenax propositi perseverare pergit. Multis qui-
 dem iptorum promeritis istæc privilegia deberi Lubecenses
 jactabant. Sed illis responsum est à rege : *quæcunque auxilia &
 subsidia suppeditasset regi , tempore expulsi Christierni , non minus
 ipsis quam sibi profuisse ob tyranni odium tam infestum adversus
 Lubecenses , quam Suecos. Præterquam quod omnia ad assem illis
 essent persoluta ; imò plus æquo. Velut planus ille Hermannus Israel ,
 more æriscatorum & quæstui soli deditorum , qui etiam operis
 oculis lucra sua quamvis injusta computent , octo millia & octo-
 ginta marcarum , uti vocant , Lubecensium unius anni solutionem
 ignavis creditoribus suppresserit , quæ in accepti tabulas non re-
 tulissent. Quin sibi potius gratias deberi à Lubecensibus , quod to-
 ties eis non absque suo discrimine & cum proprii commodi negle-
 ctu succurrisset , in occupatione Bornholmia , quam ad tempus bene
 longum ipsi possedissent , in expugnatione & direptione Helsingö-
 ræ , in bello contra Severinum Norbyum commanem tunc hostem.*

Sed quid detrimenti attulerint ei Lubecenses in bello Gothlandico, satis in comperto esse. Ejus damni se potuisse expertem esse, si missis factis Lubecensibus, opes militares in regni usum impendisset. Parvi temporis intervallo consul VVollenvveberus magis à se quam senatu urbis allegatus, ut nonnulli volunt, in Daniā ivit, ut Lubecensium nomine cum regno Daniæ (rex enim Fridericus nuper decesserat) perpetuum fœdus pacifceretur, eoque excluderet Gustavum Sueciæ regem & Christianum Holsatiæ ducem [quod etiam sequenti anno legati Danici ad Gustavum fassi] auxiliaque adversus Hollandos peteret. Sed quum Dani hoc prorsus abnuerent & se in fœdere cum Gustavo rege Sueciæ & Christiano Holsatiæ duce permansuros respondissent, fremens abiit. Gliscentibus hinc inter Gustavum & Lubecenses odiis, Iohannem comitem ab Hoia, principem regis amicum & affinem per Hermannum Möllerum à rege Gustavo in suas partes adduxerunt. Quum ille obtentu diuturnæ febris curandæ se Revaliam iturum simulasset, secedit Lubecam, & frustra revocante Gustavo dux copiarum Lubecensium constitutus est. Sed & consilio Marci Mejeri, Suanto Stenonis junioris, regni quondam gubernatoris filius, in aula Magni ducis Saxonæ usus civilis causa tunc vitam degens, dolo interceptus, Lubecam abducitur: prætexto, quod uti Gustavus cives Lubecenses eorumque ministros Holmiæ in vincula condidisset, & facultatibus multasset, ita Lubecenses, ubicunque gentium possent, quemcunque Suecum apprehensuros. Suantonem verò facile inductum iri sibi persuadebat, ut more levium juvenum, quibus natura profudit cupiditates, & in magna fortuna natorum nec minorem quibuscunque artibus affectantium, promptis Lubecensium opibus adiutus, spe regni Sueciæ, quod ipsius pater & avus olim tenuissent, in Gustavum & patriam hostis esset. Itaque subornatus à Meicro civis Lubecensis nomine Ludenius Möllerus, ad Suantonem sub amici personâ venit, & læto nuncio exhilaraturus, Claudium Bisterfeldium consulem Nycopensem, qui nuper ex Suecia advenisset, à matre ad ipsum literas, equos, numos habere ejusque adventum Mollæ præstolari significavit. Simul, ne qua insidiarum suspicio in Ducis Magni animo suboriretur, ab eo petit liberi itineris literas ad Gustavum re-
gem

gem in Sueciam, quo se propediem cogitare dicebat. Suanto facile credulus, præsertim desiderio & fide eorum quæ ipse à matre expectiverat, it Mollam. Sed ibi nullum à matre nuncium, nullas tabellas reperit. Post paucos dies intempesta nocte Meïrus & Möllerus accessere, turma equitum comitati. Sequenti mane fingunt nuncium advenisse, & multis blanditiis atque ingentium honorum pollicitationibus illicere juvenem tentant, ut Lubecensibus obsequatur. Quod cum nollet, invitum Lubecam abducunt. Dum ibi attinetur, illi literas suo & Suantonis nomine & adulterino ejus signo impressas, quod ille nesciebat, ad nonnullos quos sperabant rerum novarum cupidos, in Sueciam scribunt; consilio, etsi irritò, ciendi contra Gustavum motus. Tandem quum Suanto, ad recta eductus, nullis artibus aut promissis à fide erga Gustavum dimoveri posset, & quamprimum dimitti, vel causas detentionis sui doceri cuperet, responsum accipit, se non Lubecensium sed Meieri & VVollenvveberi captivum fuisse. Iussus ipsis scripto cavere de non postulando aut vindicando hanc injuriam, amicorum suasu hoc ipsis denegavit, adfirmantibus se eorum captivum non fuisse. Sic ipsi integrum fecere, quo sibi placeret abire. Atque ille recta Leoburgum ad Magnum ducem rediit. Hoc anno exeunte dies Lucix Ericum principem, primum Gustavi filium, difficili matris nixu triduum durante, in lucem dedit. Regius medicus, qui etiam astrologus erat, quum in reginæ cubiculi atrio investigasset, ecquid procederet partio, & responsum tulisset, nondum enixam esse reginam cum doloribus luctantem, ergo, inquit, *omnes precamini Deum, ne illud in hoc temporis articulo fiat; si enim nunc in lucem edatur, infelici fidere nascetur, & vobis totique regno doloris filius evadet.* Vix effato medico, nascitur infans & flere auditur. Quidam volunt etiam in utero materno semel lacrymasse. Sed utut res sit, parum prosperum & optatum imperii ejus fatum regno fuit, quum ei admoveretur. De natalibus ejus tamen multum sibi gratulabatur regnum, quod certo successore, & si bene educeretur, meliori spe imperii, pravæ aliorum molitiones adversus regem supprimerentur & quiescerent. Ex Daniâ 1534.
legati Trudo VVilstrandius, Nicolaus Lungius & Axelius Iulius cum Gustavo & regno Sueciæ nomine senatus & regni Danici

Danici fœdus mutui auxilii adversus communes hostes pacis & commerciorum initum venerant. Rex Gustavus & ordines regni illud ultrò approbarunt, & mutuae amicitiae, fidæ vicinitatis conservandæ & status publici amplificandi causa feliciter pepigerunt. Quod quum anno MDXXXVII. inter Gustavum regē Sueciæ & Christianum regem Daniæ, nonnullis mutatis renovatum sit, eo referri satius erit. Actum est & confirmatum eodem tempore de jure & restitutione prædiorum, quæ nobiles Sueci in Daniâ aut Norvegia adhuc possiderent, sed à rege Iohanne ad nobiles Danos alienata & translata essent, à duodecim arbitris cognoscenda & absque mora determinanda; interim fructus illorum in sequestro essent. Agitatum insuper & decretum de bonis naufragis in alterutro horum regnorum, & navibus recipiendis pro æqua extractionis & servationis mercede. Quum rex satis edoctus esset de Lubecensium literis ad Comitem ab Hoia Iohannem datis & quomodo suis eum adversus Gustavum regem machinationibus involvere cogitarent, rex ab eis serio comitem avocare conatus, sub fide publica & amicitiae redintegrandæ spe huc reverti monet. Ille verò surdus horum monitorum, cum uxore & liberis absque regis venia excedens VViburgo Revaliam, ubi reliquit suos, inde Lubecam abit, prætexto quasi anno millesimo quingentesimo vigesimo nono fidem suam tunc ad Lubecenses legatus interposuisset: nisi ad dictos dies æs alienum penderetur, cum triginta equitibus se illis militaturum, donec omne debitum esset exsolutum. Sed hic merus erat fucus: quum hoc tempore jam satisfactum esset Lubecensibus. Aut si nondum plenè satisfactum fuisset, tamen devinctiori nexu juratæ prius fidei comes obligatus erat regi Gustavo & regno Sueciæ, quam Lubecensibus; nec implere posterius promissum, si tale fuisset, inconsulto & invito rege poterat. Itaque cum meliora sibi de eo non polliceretur rex, arcem VViburgum ab Erico Flemmingio & Nicolao Grubbio iustis copiis obsideri & expugnari jubet. Cujus tamen Iohannes Gerstenbergius ultrò deditionem mox facit. Quum senatus regni Daniæ Gustavo regi operam suam obtulisset ad amicam compositionem inter ipsum & Lubecenses, si vellet; hanc conditionem rex accepit, missis in Daniam legatis suis Gustavo Olai in Torpa & Iohanne Olai in Hakestadhio, pleno mandato

mandato instructis, modò in Dania, vel alio loco quam Lubecæ tractatio susciperetur; nec ipsi fraudi esset pax domus Burgundicæ cum regno Daniæ & Norvegiæ, ducatu Holsatiæ & Lubecensibus facta, qua ipse exclusus erat. Quum Lubecenses vocati in Daniam non adessent, sed protracto tempore arma pararent contra Danos, legati re infecta domum redierunt. At Lubecenses lecto sibi duce Christophoro comite Oldenburgico cum quatuor mille peditum & sexcentis equitum armis invadunt Holsatiam, nullo indicto bello: quum Comes paulò ante scriptum publicasset de hac expeditione suscepta ad liberandum sobrinum suum regem Christiernum custodiâ, & regno restituendum. Lubecenses etiam in animo habebant adoriri mari regnum Sueciæ; & quidem absque omni belli indictione. Literis tamen pub. ad omnes civitates Anseaticas editis, graviter exposulabant de rege Gustavo: quod per eum non liceret privilegiis & immunitatibus suis in hoc regno frui, ideoque vellent fœderis socios supersedere advectione rerum necessariarum in Sueciam. His cognitis rex, ne præverteretur, arma adversus eos terra marique adornabat. Convenit etiam inter regem, senatum regni & nobiles de classe aliquot navium & celocibus in belli usum sua impensa parandis. Prompti enim erant patriam adversus vim hostilem suis etiam opibus tutari, aliosque exemplo suo incitare. Senatus & ordo equestris in Vplandia navem centum quinquaginta amphorarum bene instructam expedit. Idem in Finlandia & VVestrogothia factitatum. Subita irruptione in Holsatiam occuparunt hostes Eutinum episcopi arcem, Tritoviam ad Billenam fluvium & Plönâ oppidum. Inde Segeburgum præcipuum Holsatiæ munimentum diripiunt, & ad Dravi ostium excurrentes in Daniam traiciunt, invadunt Mõöniam, exurunt & spoliant prædia nobilium, & occupant Sialandiam, Fioniam, Lalândiam, Falstriam & alia loca: quo tempore Bernhardus Mylius in partibus Lubencesium erat. Cives Malmogicensis mira insolentia, instinctu Georgii Mynteri consulis, capto Magno Gyllenstiernio arcis præfecto, solo æquant arcem. Trudonem Gregorii & Claudium Podebuscium regni Danici senatores Hafnia Malmogiam venientes & harum rerum ignaros in novem hebdomadarum captivitatem abstrahunt.

Chri-

Christophorus comes cum classe Lubecensium petit Roschildiam : ubi Georgius Cocus ex urbe Malmogia cum centum equitibus comitis partibus accedit. Ibidem cives, ne diriperet urbem, sacramentum dicunt Comiti; qui Gustavum Trollium donat episcopatu Roschildensi. Quum verò Lubecensium naves in anchoris starent ad Helsingoram, prohibendi transitus ex Scania in Sialandiam causa, & postea ad Hafniam exscenderent in solum, Christianus dux Holsatiæ & senatus Daniæ sedulo auxilia petierunt à Gustavo rege adversus comitem Oldenburgensem, Lubecenses eorumque socios. Rex, ut fidus amicus Christiano affini suo ex lege fœderis opitulatur, & absque mora quatuor alas equitum & quatuor signa peditum Nicolao Olai & Nicolao Boethio ducibus in Daniam auxilio mittit, una cum decem navium classe, præfecto ejus Arvido Trollio, qui non levem cladem inferunt Lubecensibus in sinu Revaliensi. Suis etiam literis rex Hollandos, Scanios, Sialandos, Blekingos & Hafnienses ad fidem erga Christianum constanter tuendam hortatur. Sed cum Hafniam, post octidui oppugnationem à Iohanne Vrnio præfecto, Christophorus comes & Lubecenses in deditiorem accepissent, irritum negotio, magnisque impensis frustra factis, Gustavi agmina domum remissa sunt. Mox Comes Sialandia tota absque difficiliore negotio potitus est, quum caput provinciæ cepisset. Hinc in Scaniam traducto exercitu, hanc quoque in fidem suam Christierni suoque nomine cogit. Quin se pro rege acceptare, compellit. Quod Gustavus indigne ferens, equestrem ordinem in Iutia & Fyonia literis admonet fidei Christiano duci Holsatiæ de facta electione debitæ, nec minus admiratur subitam nec summa necessitate extortam deditiorem arcium & urbium in Sialandia & Scania. Christianum verò confirmat de auxilio prima tutaque occasione tam in numis quam copiis sub cautione, & ne se infcio ac præterito pacem cum hoste faciat, præstando. Quod etiam, quum hortatu Gustavi Iutia & Fyonia jurata fide regem Christianum designassent, Gustavus ipsa re præstitit, Tretovio pecuniæ acceptandæ causa huc misso, & verè certum amicum in rebus Christiani incertis & ancipitibus se præbuit. Copias etiam bis mille equitum & sexcentorum peditum ducibus & præfectis Iohanne Thronis, Laurentio Siggonis,

gonis, Holgero Caroli, Carolo Erici, Petro Duro, Birgero Nicolai & Turone Trollio ipsi suppetias misit. Dum Comes Oldenburgicus amoris & voluptati se tradit, rerum belli securus; quod commutationis fortunæ prævium argumentum erat; Succii totam Hallandiam & Scaniam strenuâ manu in gratiam Christiani occupabant, exceptis Malmogiâ & Lands-crona, quas hostis adhuc tenebat. Interim rex Gustavus firmatum ivit copias in Scania. Quum autem ejus amici Bernhardus, dux Megapolitanus & Albertus dux Prussiæ sæpe suis literis & legatis sollicitassent regem ad auxilia maritima & naves Christiano mittendas; eique spem fecissent de nautis, sociis navalibus, militibus & viris belli maritimi peritis ejus classi subministrandis, rex expedivit hac spe, licet irrita, classem. Sed vix altum ingressa ingenti tempestate percellitur, & passim spargitur. Ivarus Flemingius suis recollectis enavigat in Pomeraniam cum tabellis & mandatis regis ad ducem Megapolitanum, sed Ericum navarchum ad littus Prussicum adversa tempestate delatum petere liberum commercium à Dantiscanis & ibi exponere merces, reficere naves, sibi que occurrere jubet. Impetratis liberi itineris literis per Petrum Petri, sub conditione de nullo intra Gedanensium oras maritimas infestando: quod nescius, an neglectui habens Ericus, in sinu Dantiscano quatuor naves interceptit, & deinceps alias atque alias, quotquot potiri datum est. Ea re graviter commoti Gedanenses, armis ultionem quærunt. Suecos in mari captos & abreptos in urbem male tractant, naves eorum & bona apud se sistunt & detinent. Tandem res ex intercessione Alberti Prussiæ ducis, rogati à Gustavo hic se interponere, ad compositionem vel compromissum, uti vocant, deducitur, sed non sine probro & incommodo regis; donec tandem per Christianum regem Daniæ amicè transigeretur. Inter Christianum & Lubecenses, contemplatione Holsatiæ non Daniæ, pace, conciliatoribus Henrico duce Megapolitano & legatis Hassicis, Luneburgensibus & Hamburgensibus, initâ, reliquum exercitum, in Daniam Christianus traducebat cum copiis quas à Gustavo acceperat, & plures opperiebatur. Lubecenses etiam suas in Daniam vires expromunt, inde perrecturi in Succiam & deturbaturi regno Gustavum, & Albertum ducem Megapolitanum in ejus locum reposituri, uti ferociter

&

& vanè iecerant. Sed Sueci eis in itinere atque Scania occurrentes, strage data, prætumidum eorum inceptum turbaverunt.

1535. Iohannes comes de Hoia literis dehortabatur Trudonem Vlslandium à dedenda arce & urbe Vardberga Suecis. Se mox illis præsidio venturum & satis parem fore Suecis, ante virium experimentum temerè jactabat. Sed Trudo & ejus collega Claudius Bildius has literas, quod senatus regni Daniæ sigillo non essent obsignatæ, non tanti fecerunt, easque Iohanni Turonis exercitus Suetici imperatori ostendentes, se Comitem, ut hostem excepturos eidem confirmarunt. Itaque comes duodecim signis peditum obsedit Halmstadium, cui cum bis deditionem imperasset, hoc à Iacobo Baggio obfessorum præfecto responsum accepit: *quia à vero domino & rege suo Gustavo tam perfidè absque omni iusta causa defecisset ad regni Sueciæ capitales hostes Lubecenses & eorum fœderatos; se regis sui nomine non obligatum ipsi esse ad aliud, quam armis infestis excipiendum.* Cum tertia vice comes tubicinem suum cum literis ad eum mississet, literas acceptare noluit, sed iussit cum faceßere nec reverti. Hoc indignatus comes, oppugnare cepit urbem. At Sueci hostes tentantes murum primò veteribus quibusdam tormentis explosis salutarunt: quæ studio pulvere pyrio nimis onerant, ut rupta dissilirent & hostem propius allicerent: quod ita quoque accidit. Hostis enim maioribus copiis eruptionem fecit. Hic Sueci non amplius pro ludere, sed omnibus tormentis majoribus & minoribus exoneratis hostilia agmina ita diverberare, ut maiore parte fusa, hostis cum ignominia desistere obsidione cogeretur. In eadem oppugnatione Baggium glante plumbea in femore percussus, sed non lethifero ictu, animoque invictus, militem ad strenuè hostem summovendum, si secundum oppugnaret muros, hortabatur. Quum verò Sueci, qui obsidebant Vardbergam, comperissent Baggium esse vulneratum, properarunt Halmstadium ad succurrendum obfessis. Hostes inde Vardbergam contendebant: quos è vestigio insequuti nostrates, quanta potuerunt illos clade affecere, & Engelholmia receptum petivere. quò equestri ordo Scaniae Iosephum Falsterum & Christophorum Ottonis misit, qui iicerent fœdus æquum cum Suecis adversus hostes, nomine Christiani. Eodem fine renunciato juramento Christophoro comiti, sacramento

mento dicunt Suecis, qui pertendentes expugnant Helsin-
goburgum, diripiunt & incendunt, captis consule Lube-
censi Marco Meiero, Michaelē Bleckio, Christophoro
Hœckio & aliis. Nec suis partibus defuit Tycho Crabbius
arcis præfectus, strenuè evibrans in hostem tormenta, pri-
moque ictu sternens quatuordecim milites. Vnde reli-
qui terrore conciti, fusi vel capti sunt. Mille se ultro
fidei Sueconum tradiderunt. Qui unius mensis stipendium
facere pro redemptionis pretio iussi, per reliquum tempus
menstra æra meruere. De Marco Meiero non satis conve-
niebat inter Suecos & Danos. Illi suum volebant esse capti-
vum ob titulum victoriæ ab hoste reportatæ, ideoque de-
stinabant eum in Sueciam mittere. Sed hi nolebant ex Dania
dimittere, suum contententes esse captivum, quum com-
prehensus Danis non Suecis manum & fidem dedisset. Tan-
dem stetit sententia, mittere VVardbergam in custodiam ad
Trudonem VVistandium, donec reges, quid de hoc fieri
vellent ipsi decernerent. Inde Sueci cursum victoriæ perse-
quentes, Lundam, Malmogiam, Coronam, Landscronam
vulgò vocant, obsident. Quum Scaniae ordo equestris resig-
nasset juramentum Christophoro comiti, ut ante dictum, ille
expiaturus hanc injuriam, procures & nobiles in Scania &
Fyonia comprehendi facit, quotquot poterat, & eorum ar-
ces ac prædia diripi. Lubecensibus autem pro ope & opera
sibi præstita, fiduciario jure concessit Gothlandiam, Helsin-
goburgum, Anconam, Falstiam, Möniam, Bergas Nor-
vegiæ, & vestigal Öresundense. Quum hostes terra marique
suas vires auxissent in Sialandia, & rex Christianus absque
militari classe satis instructa copias suas trajicere non posset,
ipse cum senatu Cimbrico misit ad regem Gustavum legatos
suos, Ovenum Langium & Ivarum Iulium, qui Lubecensium
machinationibus detectis regem sibi cavere monent, opem-
que in classe & pecunia suppeditandis, & ut hætenus, sinceram
fidem continuare obtestantur. Rex Gustavus, fidei, si
quis alius, observans, non ex ingenio verba dantium, &
majora quam pro re, sui solum commodi causa, promitten-
tium, sed quod pollicitus erat, præstat; & nunc illi octingentas
felibras argenti, mox trecentas, postea etiam copias & classem
submittit. Alius ex Dania legatus accessit Claudius Bildius
§ regis

regis Daniæ Mareſchallus , qui nomine ſenatus ſermè in eandem mentem cum Guſtavo egit , rogavitque pro ſolita fide conferre operam : ut Chriſtianus ab illis legitimè electus & rex adpellatus, regno Daniæ tandem potiretur. Marcus Meierus, de quo jam antea, VVardbergæ captivus, à Trudone VVſtandio non malè habitus , hoc gratiæ rependit hoſpiti , ut corruptis pecunia & ſpe majori aliquot ejus miniſtris & militibus urbis , arcem VVardbergensem Trudoni præiperet; & quidem hac arte. Milites conjurati ſibi conficiunt ſcalas plagarias , quibus noctu clam ſubibant arcis murum , ſupra quem Meieri cubiculum erat. Ille verò funiculo per fenestram demisso ſcalas attrahebat; & cruribus earum ſupernè firmiter affixis , milites octoginta commodè aſcenderunt , quos in conclavi ſuo condidit , donec Trudo mane deſcenderet arce in urbem, ad inſpiciendam & conſiderandam navem iſtic fabricari cœptam. Sic abſente Trudone Marcus cum ſuis manipulis in arcem deſcendit, obvios cædit, portas arcis occludit. Trudo reverſus , & quid rei ſit intelligens , effringere portas aggreditur. Sed à miniſtris in turri ſtantibus admonitus excuſſionis hoſtium ex urbe jam arci appropinquantium; ne in eorum manus incideret , arrepto equo fugam cepſit. Tali fraude Marcus capit arcem , & in ea conjugem Trudonis & ſex liberos. Facultates ejuſdem diripit, & Axelii Gõix aliorumque nobilium nummos metu belli iſtic depoſitos , ſex millia aureorum. Vxorẽ tamen & liberos Trudonis, ad Chriſtophorum comitem ſcribens, hac conditione ſolvendos captivitate recipit, ſi VVolffgango Gylero, qui à Guſtavo rege ad ipſum transfugerat, uxorem & liberos, exorata à rege venia, reſtituere Holmiã incolumes poſſet; quod impetravit. De iſta arcis VVardbergensis occupatione ſenatus regni in Scania Guſtavum ſtatim certiorẽ facit , & hujus rei utile conſilium ab eo petit. Rex illis reſcribit, *ſibi ingratum eſſe in fauſtum rei nec opinatæ nuntium , monetque in poſterum ope divinã magis , quam ſua ſapientia & virium fiducia nixos curatius agere, fidos ſibi deligere milites, nec promiſcuè quibuſcunque , ſed fidis fidere ; & tutiora potius quam ſpecioſa ſectari. Si Meierus ex ſuo conſilio ad ſe miſſus fuiſſet , fortè inſectum fore quod nunc factum eſſet. Aliàs quantum in ſe eſſet , pro virili illis ſubvenſurum. Iam procinctam in portu ſtare claſſem, modò vires ſuas*

suas conjungant ex fide promissi dux Prusſiæ aliique ; & ex Cimbria accipias socios navales naviculariam facere ſuedos , atque aliquot peritos militiæ maritimæ , quibus præſectis claſſis uti poſſit. Hic enim hujusmodi virorum , quot opus ſit tantæ expeditioni , copiam omnem haud haberi poſſe. Cives verò VVardbergenſes initio ſtabant à Meiero , & pari ferocia exſpoliabant prædia nobilium , donec Sueci milites obſeſſa VVardberga , eos præmonerent mali , niſi ſponte deditionem urbis facerent. Ita fide Meiero renunciara , coque hoſte declarato , urbem in Suecorum fidem tradunt. In hac obſidione quatuor ſigna militum à Chriſtiano miſſa ſunt ad firmanda caſtra Guſtavi , & ſacramento ſibi obliganda , ut ante convenerat. Sed compoſitò & fraude aliorum denegarunt fidem Guſtavo , quam Chriſtiano jurarant ; licet Guſtavi ſtipendio jam ad quinque meſes alerentur. Poſtea rex abnuſit ulterius pendere ſtipendium ſibi nullo fidei pignore auctoris. Sed & nummi ejus unciales ex bonæ notæ argento , ad ſolutionem ſtipendii militum emiſſi , pro tribus ſolum marcis Danicis acceptati ſunt. Deinceps æquum ſœdus cum rege Guſtavo à Chriſtiano confirmatum eſt : & ne alterutro ſociorum inconſulto pax cum quoquam hoſtium iniretur. Guſtavus claſſem undecim navium præter frumentarias & liburnicas præſecto Magno Sueconis in VVeſterby , contra hoſtes mare tunc ingenti claſſe pervagantes auxilio mittit affini ſuo Chriſtiano. Hæc Danicæ & Boruſſicæ claſſi conjuncta ſe mutua fide obligat ad communem ſortem ſubeundam , prædamque ex æquo à quatuor cujuſlibet claſſis viris partiendam , aliaque ex formulis & præſcripto legum nauticarum peragenda. Solvenres orâ , primò petunt Öreſfundam. Inde cognito claſſem hoſilem ad Bornholmiam ſtare , eodem contendunt. Propius in conſpectum hoſtium delati , illis venti commodum intercipere conabantur ; etſi fruſtra laborarent , ingenti orta procella. Mox navis prætoria Sueconum aggreditur claſſem hoſtium , decertandi conſilio. Sed hæc curſum avertit Haſniam. Nilominus Suetica prætoria navis expedite & citatis velis navigans , hoſtilem adſequitur ; quæ , ut vulpes canibus ceſſim ſe ſubducens , occaſionem fortunæ captabat. Noſtra omnia tormenta in hoſilem exonerans , dum navali prælio decernere conatur , illa exploſo tormento dejecit noſtris ſiparum.

Quod ubi adducere illi tentāt, hostis interea plenis velis abit. Nostri tamen illicō consecretantur, & tormentis ita perforant navem pretoriā hostium, ut fermē depressa subsideret. Exinde cum reliqua classe congregiuntur & fortiter dimicant. quod si Danicę & Borussicę naves paria fecissent, nec eos nox oppresisset, ea die superiores evasisset. Postero die viginti fermē navium hostilium partim onerariarū, partim militarium majorū & minorum prelio subactarum aut deditione captarum nostri ad VVismariam, Drave ostium atq; Suineburgum potiuntur. Christianus verō pluribus in Sialandia arcibus & munimentis occupatis, in Fyoniam progressus, terrestri prælio ad Asnium facto, sex millia hostiū fudit, in qua, præter alios alicujus nominis viros, Comes Tekelaburgēsis in acie cęsus, Iohannes comes de Hoia captus, & mox, dū descendit equo, ab Holsato nobili Detlevo Reventlovio ex inveterato odio interfectus est. Gustavus Trollius graviter vulneratus, brevi postea Gortorpii decessit. Hęc nobilis victoria Fyonenses & Scanios fidē subjectionis Christiano jurare persuasit: qui paulo post etiā Hafniam classe Suecorū adjutus obsedit. In Sueciam ipse Christianus profectus, & magnificē exceptus *amplissimas gratias corā egit Gustavo, pro verē fraterno auxilio in rebus arctis sibi præstitis; in eodem affectu perseverare rogat, & adhuc aliquo subsidio pecuniario ad expensas belli sublevare. Se satis ipsi daturum pro omni credita pecunia, & debita fide, studio & amore tantam Gustavi beneficentiam quavis occasione prosequuturum.* Præter hæc aperit Gustavo arcanum consilium Caroli V. de Friderico electore & comite palatino, qui Christierni tyranni filiā Dorotheam Caroli ex sorore neptem in matrimonio habebat, ad tria hæc regna, quantum per ipsum staret, evehendo. Quod consilium sequenti anno se prodidit. Cum Gustavo renovat foedus ante pactum. Qui ipsi suppeditat quatuor millia selibrarū argenti & tredecim millia nummorum uncialium, pro quibus Christianus ei oppignerat Bahusiam, Akerhusiam & VVikiam in Norvegia. Octiduo post abitum Christiani Holmiā honorificē dimissi, regina Catharina prima Gustavi uxor morbo lethifero correpta decessit. Dum Lubecensis classis in statione ad Hafniam, defendendis urbem & prohibendi Suetici auxilii causa, sedet, Sueci & Dani circumfusa illis à tergo sua classe ita clausum mare tenent, ut nulla hosti spes inferendi commeatus esset.

Quia

Quin eadem occasione quinq; præstantes naves militares interceptiunt, quas Henricus rex Angliæ Lubecensibus subsidio miserat ex lege fœderis, & spe regni Danię, ut nonnulli volunt, ipsi facta: quasi in ipsoꝝ potestate jam esset. Coronam Sueci, dum vim in naves ipsoꝝ ad urbē stantes & nautas exercitā ulciscuntur, ad deditionē compellunt, tutam ibi stationē nacti. Quum nostri constituissent octo majores naves in altū ad urbē Hafniā demergere, ut ostium portus & exitū hosti obstruerent, Hafniēses contra emisere quasdā naves hoc prohibitoras. At Sueci noctu plures conficiunt crates terra aggesta cōpletas, quibus pro munimento ad orā littoris usi, & tribus colubrinis in cō locatis prætoriam navē impetunt ac deprimunt. In quam cum scaphis & lintribus impetu factō, cædunt capiuntque obvios, ac tormentis ac reliquo instrumento bellico exuunt navē. Hoc ubi Lubecę percrebuit, cives expediunt octodecim armatas naves præfecto classis Georgio VVollenvvebero: quibus Suecos facile debellari, & portu aperto urbem copiis & com meatu juvari posse credebant, si præfectus à tergo, Lubecēses qui Hafniā obsederant, à frōte Suecos invaderēt, & sic utrinq; circumstiterent non evasuros. Sed ubi Sueci hoc consilium acceperē, classē suā in duas partes dividunt, unā ad Hafniensia, caltra præsidio relictā, alterā adversus VVollenvveberum expeditā. Sic in alto concurrētes præliantur à meridie ad solis occasum, eo successu, ut Suetica classis hostilem in fugam ageret. Inde Sueci receptum & hyberna in portum Coronarium petunt. Vbi ab com meatu laborabāt, eum frustra à Danis desiderāt; quamvis illi profugos spe hujus aliaq; mercede allecarent. Tandē tamē necessariis à Gustavo milites sublevabantur. Coroneburgum ope tormentorum ex nave Sueonū prætoria 1536. Danis usu datorū à Christiano expugnatur ut & VVardberga; quæ cibi penuria fermē ad ultimū redacta, & ab Alberto Pelt-schero arctā obsidione pressa, deditionem facere coacta est. Marcus Meierus, qui arcē illam dolo recuperatā, ut ante dictū, hætenus tenebat, captus, & in quatuor partes dissectus, totidē rotis ad Helsingōram impositus est. Eodē supplicio afficitur ejus socius Georgius VVollenvveberus. Cum enim vi pœnalis mandati, uti vocant, camerę Imperialis, emorus esset officio consulis, & specie honestioris ex urbe discessus, præfecturam Bergerdorpsensem ad Bilenum fluvium recepisset, indeque iter faceret Bremam, ab episcopo Verdensi captus, & ad ejus fratres

Hensricum ducem Brunsvicensē in arcem Lycaoniam (vulgò VVolfferbuthum) transmissus est. Vbi post diuturnum carcerem, ipsis quoque Lubecensibus ei crimen intendentibus, quod bello non necessario contra Christianum Holsatiæ ducem ex mera libidine moto, abdicatoque senatu, & se novisque successis, aliisque seditiosè admissis non parum vexasset rempublicam, tandem dictam poenam dependebat. Ita homines inflati, turbidi & inquieti, dum tranquilla miscendo quærunt emergere, & ingenio non nisi suo utentes, multa non necessaria injustaque agunt, etiam patiuntur, quæ jure meriti erant. In comitiis Arbogensibus decretum est de militia equestri, classe & copiis maritimis supplendis ab ordine equestri & præcipuis provinciis: de ope Christiano regi Daniæ ulterius adversus communes hostes, & novum inimicum Fridericum electorem Heidelbergensem, Norvegiæ regnum auxilio Caroli V. & præsulum in Norvegia affectantem, ferenda: quum vicinum incendium, nisi in tempore occupetur ac supprimatur, facile proximas partes corripere queat. Hæredes Iohannis comitis de Hoia literis ad regem Gustavum significarunt se jure ipsum convenire velle de interfecto comite, & ut arces quas hic possederat, ejus hæredibus restituerentur. Sed rex respondit, se nullam ejus morti vel defectioni causam præbuisse. Quidquid incommodi & perniciæ hoc ipso cepisset, id acceptum referret & Lubecensibus, qui eum in suas partes traxissent; & sibi ipsi, qui incerta hostium promissa certæ regis amicitie, affinitati, fidei, beneficiis antehabuisse. Arces verò ipsi non donatas, ut jure dominii ad hæredes suos eas transmitteret, sed ut fiduciarias & ad tempus vidæ cum fructibus earum teneret: uti literæ concessionis evidenter docerent. Se tamen non recusare, quin relictam comitis viduam & liberos, si in regnum & fidem suam redire velint, omni favore amplectatur. Dirissima conjuratio, jam ante biennium cum Regis Gustavi secretario Germanico, VVolfgango Gylero contra Gustavum agitata, hoc anno detecta est. Hæc aliquot Germanos Holmiæ, quam non germanos cives, quin diabolum & malitiam ipsam, contra magistratum à Deo institutum & tam bonum regem, auctores habebat. Conjurarant regem vel pulvere tormentario, regio sedili in æde sacra suffosso, vel sica aut veneno de medio tollere. Quo perpetrato arcem, proceres, magistratum urbis & cives Sueticos excindere, eaque vastitate omnibus illata,

illata , vacuum imperium & urbem tradere Anscaticis civitatibus. Quidam nauta nomine Iohannes VVindranckius ad immittendum pulveri nitrato, quo rex delendus esset, incensum funiculum conductus erat. Ille à sociis largè invitatus & vino plenus, hoc per ebrietatem aperit vicinæ suæ, hæc marito, maritus arcis præfecto Girmundo Suenonis, hic regi. Sic re enunciata, examinata, convicta & confessa, rei omnes capitis & rotæ supplicio affecti sunt, bonis eorum publicatis. Ad intercessionem tamen reginæ Margaretæ relictis pleraque hæreditas à rege restituta est. Equidem iusta Dei, cui regum à se proximorum salus cordi est, ultione, dum vitam infando parricidio regi suo & patri patriæ ereptum eunt, pro qua tuenda suam honestè vitam profundere obstricti erant, eandem infami sed condigno supplicio ipsi perdiderunt. Hujus prodicionis & ultra metuendi periculi causa, præsertim quod rex Christianus Hamburgi inscio Gustavo & contra datam fidem, cum Lubecensibus & Vandalicis civitatibus pacem fecisset, classem suam & copias ex Dania rex domum revocavit. Sed Christianus missis legatis Holgero Vllstadio & Axelio Vgrupio excusat se Gustavo, quod principibus & amicis intercessoribus, ipsaque necessitatis vi victus pacem cum Lubecensibus & eorum confæderatis iniverit: ut Burgundicæ domus consiliis & machinationibus de Friderico Comite Palatino in Daniæ regnum introducendo commodius obviam iret. Hanc pacis compositionem sibi non parum gravem fuisse, dum Lubecensibus & sociis civitatibus sua in regno Daniæ privilegia & immunitates confirmare, insulæ Bornholmie usum fructum ad annos adhuc quinquaginta pro ope eorum & impensis belli adversus Christiernum gesti concedere; atque si Albertum Ducem Megapolitanum & Christophorum Comitem Oldenburgensem è Daniæ regno intra sex hebdomadas abducere possent, quindecim mille aureos promittere necesse habuisse, præter alios prioris compositionis Lubecensis irritæ factæ, & belli jam in tertium annum trahi ingentes sumtus. Regem Gustavum, Albertum Ducem Borussia, Comitem de Hoia, Bernhardum Mylium & alios Christiani amicos hac pace quoque contineri; ita tamen ut Gustavus Lubecensibus privilegia in Sueciæ regno salva relinqueret; & de controversiis cum illis ac heredibus comitis de Hoia & Bernhardo Mylio coram rege Christiano in Dania intra semestre jure experiretur. Quod ut

facilius posset, se præstantem ei jurisconsultum & pragmaticum daturum, qui causam ejus expedite ageret. Si verò amicæ compositioni vel late à Christiano sententiæ Gustavus adquiescere nollet, Danos ad opem illi contra adversarios ferendum obligatum non iri. Contra ea Gustavus, se inscio nec opinatò adversus tot tabellis & signis expressam & firmatam fidem, nec consiliis actisque ullis intra quatuor menses secum communicatis, initam cum Lubecensibus à Christiano pacem sibi admodum adversam significabat. Inprimis quod Christianus recepisset, se nulla ope Suecis adversus inimicos suos subveniendum, si jure vel amicè inter ipsos & Lubecenses convenire non posset. Quid si iniquas adversarii ferrent conditiones, num illis vellet, videntem & prudentem, quasi capsum oculis aut mente subscribere? Equidem se auxilio Christiani destitutum & solum, fidum tamen hæcenus ipsi amicum & affinem novi belli periculis expositum iri. In quo non tantum magna ipsi fieret injuria, sed etiam directè contra fœderis inter ipsum & Christianum leges pugnaret. Se verò causæ suæ fiducia in controversiis cum Lubecensibus, Comite de Hoia & Bernhardo Mylio incorruptum subire judicium esse paratum, atque si fidum advocatum ex promisso Christiani habere posset. Interim se dilationem in annum & semestre causæ melius instruendæ petere. Si cum Lubecensibus inire pactionem pacis voluisset, uti nunc fecisset Christianus, se confestim initio hujus belli hoc potuisse, præsertim ipsis Lubecensibus ad istud se offerentibus & quibusdam regis amicis se interponentibus. Quippe Lubecenses per legatos suos sollicitasse secum fœdus adversus Hollandos, ducatum Holsatiæ & regnum Daniæ, spe compensationis Hallandiæ & Scaniæ, potestati regni Sueonum subjiciendæ. Se vero noluisse deserere Christiani partes ut ille nunc se deseruisset, sed ex fide tueri fœdus iam sanctè pactum. Legati Danici quocunque possunt honore verborum regis causam excusantes, & Gustavi animum placantes, non hanc esse mentem dictæ compositionis, ajunt, ut Christianus Gustavum deserat, sed in fœdere persistat. Si legatos suos Hafniensi conventui sistere velit, omnia sibi integra fore in manibus, & exitum causæ, qualem ipse exoptet. In hoc responso Gustavus adquievit. Quin excusanti Christiano cessionem Akerhusiæ, Bahusiæ & VVikiæ arcium hæcenus ob seditionem præfulum in Norvegia dilatam, & petenti classem Gustavi in Daniæ adversus vim domus Burgundicæ remitti, tam æquus & moderati animi erat Gustavus,

vus, ut resignata Akerhusia, contentus pignore arcis Bahusienfis & VVikienfis, quatuordecim ipsi naves armatas mitteret. Quæ ubi Calmariaë portum ingressæ essent, fama de traditâ Christiano ob commeatus inopiam Hafniâ allata est. Lubecensibus in Sueciam ad intercessionem Christiani sub certa lege libera navigatio, dimissis Teutonibus hic detentis, iterum concessa est. Rex Gustavus à Christiano desiderans cohortem militum post recuperatam Hafniam exauthoratorum sibi stipendia ex mutui fœderis pacto facere, misit eâ causâ in Daniam Georgium Linthenerum. Sed rumor etiam inter conspicuæ dignitatis viros & quosdam ex senatu divulgabatur in Dania, quasi rex Gustavus illis militibus ad Scaniam invadendam uti vellet: veluti potentiaë æmuli ad quascunque auditiones, nonnunquam etiam fictas pro veris acceptas, & ad suspiciones proni sunt. Quod tamen Gustavo nunquam in mentem venerat, tantum aberat, ut faceret. Quidam tamen tribuni militum Danicorum, præsertim Conradus Penningius contra fas gentium sævius tractari & compedibus vinciri dictum Linthenerum jubet. Nonnulli etiam ex senatu & ordine equestri dein ad custodiâ solutum scripsere, ne plures ducentis quinquaginta educeret milites, nisi hostile quid ab illis expectare vellet, & cum illis è regno facefferet. Quod ægerimè ferens Gustavus graviter expostulavit, *tam malam gratiam sibi referri pro benefactis.* Hæc foris. Sed domi Gustavus secundas nuptias celebravit cum illustri virgine Margareta, Erici Abrahami in Laholm Equitis aurati & VVestrogothiaë gubernatoris, regni senatoris filia. Post nuptias suos legatos ex conventu Hafniam ad Christianum, jam regem Daniaë misit, Laurentium Siggonis regni Marschallum, Birgerum Nicolai in VVienäs, Gustavum Olai in Torpa & Christophorum in Schällerydh regni Cancellarium cum mandato de confirmando inter utrumque regem fœdere, de exposcenda satisfactione pro mutuo data à Gustavo ingenti vi pecuniæ Christiano, & lite de bonis inter trium regnorum nobiles controversis terminandæ, quæ pleraq; feliciter peracta sunt. Instrumentum enim fœderis rex Christianus & senatus regni Daniaë sua subscriptione & sigillis solenniter firmarunt. In mutuaë fidei & gratitudinis

significationem Gustavo se Christianus obstrinxit, ad subsidium classis duodecim navium mille quingentis viris & aliis necessariis instructæ, & mille equitum, quingentorum peditum auxilium, re sic exigente, quinque mensum spatio conficiendum & præstandum. Cavit etiam Gustavo de proventibus VVardbergæ, Bahusæ vel VVikiæ arcium percipiendis, donec debitam pecuniæ summam ipse vel hæredes ejus in solidum solvissent. Verum contra hunc contractum vel mutuum pignoris usum excepit Gustavus, & admittere velut iniquum noluit: quum credita Christiano pecunia viginti quinque millium & centum aureorum Rhenanorum summam expleret; fructus autem oppigneratarum arcium vix quadringentos octoginta quinque aureos quotannis æquarent. Nec in contractu expressum erat, an iidem in vicem usurarum, an verò sortem imputandi aut deducendi essent. Si verò ex credita XXVMC. aureorum summa annuæ usuræ pendendæ sint, eas non fore minores MCCLV. aureis, quinque pro centum æquis usuris computatis. Quum ergo Gustavo Christianus duas Norvegiæ arces Bahusiam & VVikiam pignoris vel hypothecæ loco tradere vellet, & solutionem æris alieni differret: cupiebat Gustavus dictas usuras mille ducentorum quinquaginta quinque aureorum quotannis sibi Holmiæ ad diem S. Iohannis pendi, donec caput ipsum aut summa sibi solveretur. De lite possessionum ordinis equestris in tribus regnis adhuc indefinita convenit, cum Halmstadii S. Olai die per duodecim arbitros finiri. Num Linthenerus tam indignè in Dania conscio Christiano tractatus fuerit, scire Gustavus expetit. Sed quid ad istæc à Christiano responsum sit, in Annalibus filetur. A Gustavo

4537. rege legati in Russiam ad Magnum Ducem Iohannem Basilidem mittuntur Canutus Andreæ de Norrenäas Eques auratus, & Bero Claudii de Köppas. Post solennem Magni Ducis salutationem, legati nostri rogantur, *num quid donorum adferrent, quibus Principem honoraturi essent?* Traditis donis, in aliud palatium introducuntur, ubi senatus illis datus est. Negotiorum summa hæc erat: *Regem Gustavum desiderare novam quinquaginta annorum pacis confirmationem, tabulis nuper ab oratoribus Gunmundo & Matthia Laurentii subscriptis, nunc rescindendis: quum mandati fines in*

eis

eis Gunmundus excessisset. Cognoscendam & tollendam vim depræ-
 dationum, ac insolentiam Rusforum in finibus Finlandiæ. Commer-
 ciorum in Russia modum & loca Magnum Ducem Suecis mercato-
 ribus certò definire velle. Suos autem prævæ monetæ in Sueciam in-
 vectioe abstinere. Fundos in Narvia Sueonum proprios à Sueoni-
 bus ex more prisco coli. Re maturè utrinque consultata respon-
 sum & unanimiter decretum est, ut sædus antiquato priori, ad
 sexaginta annos renovaretur. In conventu Sabolinensi de fœderis
 confirmatione & limitum terra marique distinctione ageretur secun-
 dum regis Magni & Ducis Novogardiæ Georgii tabulas & or-
 dinationem: ita ut limites ducantur à mari per Systerbeckium, &
 inde per omnes finium terminos usque ad lacum Caianensem. Que-
 cunque injustæ actiones & lites inter utrumque jure absque dolo malo
 & sine armis terminentur: Suecorum lites à præfecto Notheburgensi
 & Kexholmensi, Rusforum à præfecto Viburgensi. Profugi ex Sue-
 cia in Novogardiam, aut ex Novogardia in Sueciam sive servus
 sive ancilla, debitor aut fidejussor cum omnibus abreptis bonis sua
 quisque territorio restituantur. Viæ, portus, itinera singulis utrin-
 que legatis & mercatoribus tuto liberaque sunt. Si bellum inter
 Ruthenos & Polonos vel magistros Livoniæ oriatur, Gustavus &
 regnum Sueciæ his contra Moschum nullam opem ferat. [Sed ne ex
 diverso Rutheni Sueciæ hostibus suppetias ferrent, incuria
 oratorum prætermissum erat.] Prævæ monetæ injectio in re-
 gnum Sueciæ etiam sub pœna vetita est, salvo interim fœdere pacis.
 Laurentius Siggonis, Holgerus Caróli & Iohannes Turonis
 in Smalandiam cum exercitu missi sunt ad domandum isthic
 incolas rebelles & pervicaces, inprimis Morenses & Veren-
 dios, qui in bello Lubecensi adjutassent Scanios regis hostes
 commeatu, abnuissent tributa & decimas, vendicassent sibi
 domos in nobilium prædiis exstructas velut hæredes illorum,
 homicidiâ impunè aliave insolenter patrassent. Fagos &
 quercus exstructis earum loco villis pro lubitu & contra ia-
 terdictum cum magno coronæ & nobilium detrimento succi-
 dissent, quibus jus non esset. Recensebatur eadem tempestate
 omnis exercitus Lincopiæ, civibus urbis & Vadstenensibus
 temporaria immunitate à rege donatis. Decernebatur iti-
 dem, militiæ equestris operas, pro ratione reddituum ex præ-
 diis in certos codicillos referendis, citra fraudem esse præ-
 standas. Sorore Gustavi I. Margareta Iohannes Comitis de
 Hoia

Hoia vidua Revaliæ defunctâ filius ejus Petrus Braheus domum ad bonorum suorum in Suecia possessionem revocatus est. Rex Gustavus Laurentium Siggonis regni Marschallum & præfectum arcis Örebroensis, Birgerum Nicolai præfectum arcis Lecköensis, Gustavum Olai de Torpa, & Christophorum Andreæ de Hedåker misit Hafniam ad transactionem quandam inter comitis de Hoia hæredes, Bernhardum Mylium & Lubecenses instituendam, cui interpositurus erat suas partes Christianus rex Daniæ, ut ante convenerat. Ericus Comes de Hoia postulabat fratris sui Iohannis liberos ad maternorum bonorum hereditatē admitti, & ad VViburgi & Novi castelli vel parium possessionem, ut parens eorum possederat. Respondere legati, Gustavū comiti Iohanni non dominii & hereditario sed fiduciario jure dictas arces concessisse, nec aliter vi legū Sueciæ potuisse. Regem tamen erga eos boni ac fidi avunculi animo ac favore regio fore, si modo ipsi se dignos eo præstarent, nec patris vestigiis in turpi & ingrati animi defectione insisterent. Vnum etiam filiorum se ad maternam hereditatem admissurum, sed ea lege ut Christianus rex Daniæ & Ericus frater comitis caverent de fide ejus erga Gustavum. Alteri filiorum in Comitatu paterno de victu prospiciendum esse; ita tamen ut sumtus alimentorum ex regia dispensatione & dignitate utriusque fratris, æqualiter decernerentur. Bernhardus Mylius desiderabat immitti in possessionem uxoris suæ bonorum in Suecia, aut æstimationem quindecim millium aureorum sibi præstari. Ad hæc responsum, regem nihil ipsi præstare aut refundere velle, quum tam perfidē adversus ipsum & regnum egisset, cum tot impensarum & bonorum virorum jactura. Præterquam quod famosis suis libellis & mendaciis lacerasset regium nomen & famam. Lubecenses adhuc urgebant reliqua æris alieni, & ne jure privilegiorum legitime sibi in Suecia quæsito obientoque deturbarentur; neve Suecis permitterentur transitus ac navigatio per fretum Öresundense. De his quum diu utrinque sed incassum disceptatum esset, & Gustavus honestis atque æquis non indignis conditionibus pacem cum civitate Lubecâ pacisci vellet, tandem quinque annorum induciæ inter illos convenere. Dani quædam in medium protulere, quibus se gravari à Suecis querebantur: nimirum de novo & inusitato Nylosiæ vectigali, & de Babusia recepto vectigali, de commerciis VVardberga & Halmstadii in Suecia recusatis. Hæc ad

ad æquam decisionem, receptum usum & justam moderationem facile reducta sunt. Sed majoris difficultatis erat lis toties recocta inter nobiles Suecos & Danos de prædiis avitis Suecorum in Dania & Norvegia, & Danorum in Suecia. Hujus litis componendæ causa delecti utrinque arbitri Halmstadii convenerunt. Vbi Nicolaus Petri de Akeröo à Tychone Crabbio repetitum ibat avi materni Nicolai Claudii de Viik bona, quæ Tycho à rege Daniæ Iohanne emerat. Sed Tycho contra contendebat, Suecos se olim obligasse regi Daniæ Iohanni in suis fidelitatis literis, ut si quis opponeret se regi aut filio ejus, fama & bonis exueretur. Quod cum Sueci fecissent, earum bona fisco coronæ Daniæ sub Iohanne jure addicta fuisse, à quo ille Nicolai Petri prædia istæ emisset. Sueticis arbitris cupientibus, sibi copiam fieri istarum tabellarum, Dani binas exhibuerunt, unas anno millesimo quadringentesimo nonagesimo nono ea sententia, qua dixi, publicatas, de quibus egi superius in vita Iohannis II. alteras anno millesimo quingentesimo quinto Calmariae editas, quarum argumentum etiam in vita Suantonis Sturii senioris fusius enarravi. Continebant autem Sueticorum & Germanicorum aliquot legatorum regniq; Daniæ ac Norvegiæ senatorum sententiam de publicandis quorundā Sueciæ procerum Calmariam evocatorum, sed contumaciter, ut putabant, absentium bonis; inprimis de Stenonis Sturii senioris & Suantonis Nicolai, Suetiæ quondam gubernatorum, Nicolai Claudii, Stenonis Christierni, Petri Turonis, Achatii Iohannis, Trottonis Magni equitis, & Antonii Erici prædiis: quæ ut vacuas possessiones nobiles Dani justo emtionis titulo sibi adquisivissent. Ad primas literas Suetici arbitri responderunt: quum subditi regem Iohannem elegerint, hoc sibi jus servasse, exemplo etiam Danis usitato, ut si fidem juramenti rex subditis præstitam prior violasset, subditis quoq; impune à pactis recedere liceret. renunciationem ergo fidei Iohannis ex justis causis factam, Suecorum obligationem solvere. Ad alteras responderunt: In pluribus comitiis à tempore sententiæ Calmariae latæ, præteritas offensiones perpetua oblivione deletas esse. Velut etiam in pactiōne Christierni II. & Christinæ Stenonis junioris viduæ & civitatis Holmensis, antequam Christierno arx & urbs traderentur, factum esset, cum promissa restitutione omnium bonorum in quocunque horum trium regno sitorum. Sed istam pactiōnem postea non à Sueconibus sed

Chri-

Christierno ruptam esse: dum cum Suecis tam immaniter egeris, & non solum vitam & fortunas, sed etiam omnes literas & documenta illis ademeris. Ut ergo Sueci bonis suis hereditariis in Dania & Norvegia privarentur, contra omne fas & equum esse. Quum Dani reposuissent: literas pactionis Christierni nullius ponderis & efficacie esse, quum tam injuste fuerint ejus actiones; subiecere Sueci: si literae quibus Suecis fidem suam obstrinxisses, essent rescindenda; pari ratione diplomata ejus, Danis nomine bonorum emtorum & oppigneratorum data, nullas vires habitura esse. Quum Nicolaus Petri Magnum Gyllenstiernium convenisset de bonis maternis in Dania & Norvegia sitis, arbitri Danici responderunt: Eadem bona dictae sententiae fuisse subiecta. Sed Sueci reponebant: Si maritus damnatus fuisset bonorum suorum, quod tamen haud factum esset; non uxorem eidem culpae succubuisse. Dani: si non aliter, tamen jure belli suis deperdita. Sueci: eandem rationem fore bonorum nobilitatis Danicae in Suetia. Porro sciscitati Sueci; cur Nicolai Haqini & Nicolai Brabei uxorum bona in fiscum regni Daniae non addicerent, quum in majori culpa fuissent? Ad hoc regerebant Dani: Eorum uxores regni Danici incolas esse. Sueci percontabantur: Num aliam legem pro alienigenis, aliam pro indigenis haberent? Ad quae Dani siluere. Tandem Sueci arbitri, sententiam illam, cui tam pressè insistebant, ibiquam & naturae legi contrariam esse, dixerunt, ut tam innocentes viduae & pupilli quam viri in impari culpa parem subirent poenam. Quod ulterius Danorum conscientiae permitebant, & simul eis in mentem revocabant Gustavi & nobilitatis Sueticae beneficiorum praeterito bello in illos collatorum memoriam. Scribit eadem de re rex Gustavus suas ad Tychonem Crabbiū literas; quibus ei exprobrat acres illas contentiones de obligatione Suecorum erga Iohannem regem Daniae, quibus querat contaminare nobilitatis Sueticae nomen & famam; quod tamen ei non succedurum sperat. Hujusmodi obligationem regnis inusitatam vi, necessitate & diffidentia erga Suecos per regem Iohannem post obtentum pacis regnum & firmatum, a subditis extortam fuisse. Notas etiam esse insidias Iohannis adversus Stenonem Sturium & alios proceres paratas; nec minus peregrinorum praefectorum in populum dominationes. Inprimis hoc satis eluxisse ex filii ejus Christierni tyrannico imperio & fallacibus promissis. Si rex Iohannes sperato eos favore complexus fuisset, effecturum, ut ejus clementia sub-

*subditorum fidem provocasset. Sed quum in discrimen adduci suam
 & ipsorum salutem cernerent, inexpugnabilem necessitatem, quæ
 etiam ferrum frangere dicitur, securitati suæ quocunque modo con-
 sulere coegisse. Quod præter istac exprobet Succis, eos Calmariam
 in jus à rege Iohanne, in quorundam Germaniæ principum legato-
 rum conventu, vocatos absuisse, se dijudicandum omni Christianæ
 & prudenti cognitioni relinquere, num obligati fuerint hostium suo-
 rum iudicio se sistere: qui non solum bonis sed & capite eos damnare
 potuissent; & haud dubiè sic constituerint. Cur ipse Tycho noluerit
 ire ad Christophorum Comitem Oldenburgensem, Hafniam ipsum
 evocantem; cur? quod hostis ejus esset. Equidem si quis non certus
 vitæ suæ & salutis, vel centies ab hoste vocetur, non tamen, nisi
 planè demens sit, se ejus manibus commisiturum. Se non induci posse
 ut credat, ideo Tychonem velle bonis suis in Dania privari, quod
 ejus vocationi non paruerit. Monet ergo Tychonem cum reli-
 quis collegis seipso excutere, nec nodum in scirpo querere; sed ita
 rem moderari, ut quilibet ad justam bonorum suorum possessionem
 redeat, nec penitus oblivisci meritorum, nec strictè nimis agen-
 do, communem concordiam turbare. Hic ex occasione silen-
 tio non transmittendum, quod, quum anno millesimo
 quingentesimo trigesimo quinto rex Christianus ad regem
 Gustavum Holmiæ viseret, inter alia fidem ei dedit de reci-
 piendis hæreditariis in Hallandia possessionibus, quas olim
 reges Daniæ fisco suo addictas aliis nobilibus regni vendi-
 derant. Quin hoc confirmavit Gustavo patentium literarum
 fide. Elector Saxonix, Iohannes Fridericus, Philippus Hassiæ
 Landgravius & alii nonnulli Germaniæ principes Evangeli-
 ci & civitates, quum Gustavi constantiam in religione, fidem
 in amicitia, potentiam in armis perspexissent, per legatos
 & literas suas fœdus religionis cum eo expetunt. Idem Da-
 niæ rex Christianus per suum legatum Axelium Bragdium
 regi significavit, & ex usu fore putavit isti fœderi nomen
 suum, ut ipse dedisset, quoque dare; ad quod negotium
 provehendum suas etiam curas obtulit. Gustavus legatis Ger-
 manicis honorificè exceptis respondit: In omnibus quæ ad
 Christianam fidem, & veram Evangelicam doctrinam promoven-
 dam ac tuendam facerent, se talem præbiturum, ut nihil in se desi-
 derari facile possit. Sed regi Christiano hoc responsum dabat:
 Si prius edoceri posset, quibus conditionibus ad istud fœdas nomen
 suum*

suum profiteri velit Christianus, se propensum ad idem, ut deceat, fore; amicè petens, ut in hoc & aliis in rem suam consulere velit, uti sibi de ipso fraternè polliceatur. Se par pari quavis occasione relaturum. Christiani legatus etiam in mandatis habebat agendi cum rege Gustavo de argento & pecunia, quam Christiano proximo bello mutuam dederat, quid de ea fieri vellet, num ejus solutionem ad certi temporis terminos prorogari vellet. Ad prius respondebat Gustavus: Christianum antea hac de re ejus mentem accepisse. se non quidem adeò desiderare annuas usuras, sed malle capui & sortem creditorum nummorum recuperare. Verumtamen quum ipsi hoc tempore commodum non esset illam exsolvere, se bono & amico animo designatas usuras remittere, & sortis nimirum viginti quinque mille & centum aureorum solutionem in quatuor annos proferre paratum esse. ita ut quotannis sex mille ducenti septuaginta quinque aurei dependantur, donec totum exsolveretur. Id Christiano fore tolerabilius quam expresas usuras annuas præstare: quibus vi possit in subsidium sortis expungendæ. Ad posterius: Equum esse, ut dictum fædus non solum à Christiano approbetur & ratum habeatur, sed etiam in propria persona ad illud obstringatur. An vero illud fædus ultra poenali obligatione stabiliendum sit, quum Christiana & regia fide, ut sanctè servetur, jam confirmatum sit, se ejus arbitrio permittere. Ante biennium ex Moræ Australis in Smalandiâ rusticis coorti sunt latrones & grassatores, quorum dux erat Iohannes Andreæ. Hi pervagati silvas interfecerunt aliquot regis prætores & ministros, inprimis Matthiam Mogium. Rex plebem eos persequi & si possent, corripere hortabatur. Sed illi in Blekingiam transfugientes, tutum ibi receptum habebant. Proinde rex Gustavus Axelium Bragdium, Axelium Vgrupium & Mauritium Olai per litteras monuit, ut memores istius capitis fæderis de non recipiendis hospitio aut ferendis in uno alterove regno latronibus & aliis sceleratis, Iohannem Andreæ & socios apprehendi & in arcem Calmariensem transmitti curens, ut memoratum fædus sanctum rectum servetur. Secunda Gustavi conjunx Margareta primo filii Iohannis, postea regis Sueciæ, partu, exeunte anno S. Thomæ die, felix erat. Rex Holgerum Caroli & Christophorum Andreæ in Norvegiam misit ad litem in conventu Opsloensi dirimendam inter Trudonem Gregorii Daniæ & Iohannem Turonis Sueciæ regni senatores de litigiosis aliquot in Norvegia pos-

possessionibus, & tradendo ex fœderis lege ad supplicium Berone, qui regii ministri Nicolai Iesperii fratrem occiderat, & in Norvegiam transfugerat. Quædam naves Rostochien- ses hîc authoritate regia attinebantur ad satisfaciendum Nor- copie & Vadstenarum mercatoribus pro direptis earum navibus & mercibus, post Hafniam Christiano regi Daniæ deditam. Quum rex cognovisset, colonos Smalandenses novas villas in sylvis glandiferis exstruxisse cum detrimento pub. & desolatione antiquorum prædiorum ac fundorum: qui redigerentur in pascua, nemora & alias commoditates ad prædia antiqua pertinentes, eas prohibuit & dirui iussit. Si qui verò prisca & vacui fundi reperirentur, qui frugiferis syl- vis non essent incommodo, & vivis testimoniis aut scriptis documentis probari possent, in illis ædificari permisit rex prædia tributaria, ex quibus definita & æqualis annua pensio præstaretur. qui verò destituerentur evidentibus hujusmodi fidei faciendæ argumentis, in fundis exstruerent villas in emo- lumentum coronæ, unde & *coronaria prædia* adpellarentur. Iohannes Andreæ latronum ductor, de quo supra, Lubecam ex Blekingia profugit. Istic Ericus comes de Hoia & Bernhar- dus Mylius donis aliquot oneratum in Blekingiam ad motus istic ciendos remiserunt. Ei se adjunxit Nicolaus Dakius in Blekingia natus, in territorio, quod *regium* dicebatur, colens, homicidii & incesti reus; cui ad intercessionem propinquo- rum & amicorum qui opulenti erant, pœnæ capitis gratia facta est, sed hætenus, ut vadibus datis ingenti multa vi- tam suam redimeret. Is cum majori parte multæ præstita, reliquæ pendendæ vel non sufficeret, vel ex protervia solvere nollet, exigentibus acrius prætoribus, vadimonio deserto & omni spe melioris vitæ abjecta, sylvas petebat, & cum Io- hanne Andreæ aliisque latrocinia in obvios exercebat; do- nec opibus factionis confirmatis, anno millesimo quingen- tesimo quadragesimo secundo apertam seditionem, ex eaque bellum faceret, Dackianum ab authore dictum; quod non nisi triennio post magna cum difficultate repressum quievit. In conventu Arbogensi præter alia decretum est, ut, quum se- dulo vigilandum & ad quorumcunque hostium vim arcendam quasi in specula standum sit, in singulis in posterum provinciis armorum & exercitus lustratio institueretur. *Ut argentea moneta effectio inter-*

T

dice-

1539. *diceretur. Regis Christiani III. legati ex Dania VVodislaus VVobisserus, consiliarius & præfectus Draxholmenfis, & Axelius Vrnus secretarius, regi Gustavo significarunt de itinere Brunsvicensis regis Christiani, & qua ratione in rem Gustavi nihil aliud effecisset, quam ut Bernhardus Mylius Lubeca decedere, nec in locis suspectis versari jussus esset. Ex colloquio verò cum legatis Gustavus eos suspectos habere cæpit, quasi eo fine huc solum missi essent, ut elicerent arcana regis consilia, & vix aliud negotium haberent. Sed cognito, Saxonem & Hassum principes & quosdã Bernhardi Mylii amicos & cognatos Brunsvigæ Christianũ ejus nomine convenisse, & expositulasse tanquã de injuria Mylio à Gustavo in denegatis uxoris sue bonis illata; rex irritatus respondit: *Se spem bonam concepisse de affine suo rege Christiano, ut justam ipsius causam sibi commendatam haberet, publicam innocentiam tutaretur, & rem eo deduceret apud amicos suos, ne ab hujusmodi perfido, perjuro ac proditore tam indignè, contumeliosè & infamibus mendaciis & calumniis apud Evangelicos principes ejus existimatio laceretur. Quamvis autem rex Christianus & Dani cum rege Gustavo & Suecis fœdus inivissent, tanquam fidum & æternum, quod servarent Sueci; & de Danis non nisi fiduciam bonæ vicinitatis, pacis & concordie forent; ei tamen confederatorum animos non respondere; quod non unis experimentis didicerit. Danos enim hoc fœdus sua magis quam communi utilitate metiri & servare. Quippe si illi ab hoste aliquo petantur, Suecos statim posci opem terra marique. Si Sueci sollicitent Danos de auxilio sibi præstando, parum hoc præsto esse. Ab iisdem recipi Sueciæ capitales hostes Bernhardum Mylium, Olaum Brömsium, VVolfgangum Gylærum & alios plures, eorumque perfidas & injustas actiones foveri, contra Gustavi & Sueconum justas & æquas purgationes & defensiones suppressi, & in deterius præter omnem ejus culpam interpretari. Lubecenses in nupero conventu Hafniensi haud dubiè cum Gustavo amicam pactionem aut pacem fecisse; nisi detruissent eos Dani; quo alio consilio? quam ut Suecos intra angustias contineant, & pro suo arbitratu tractent. Regem Daniam miratum esse hîc in regno æquari quasdam vias; quasi hoc ipsi periculo futurum esset. Hanc verò non levem adversa suspicio-**

nis

nū significacionem esse. Nuper etiam Hafniæ regis Gustavi præfecti ministrum Georgium Iohannis, quem privati negotii causa eò miserat, pro exploratore habitum & excussum esse, si fortè literas quasdam occultaret. Promissa Christiani de solutione aris alieni Gustavo præstanda, non magis quam alia apparere. Regem Christianum & subditos ejus talem de Gustavo sparsisse apud Germanos & Danos famam, quasi fœdus ferire cœpisset cum Imperatore contra regem Daniæ & Evangelicos principes. Unde non aliud colligere posset, quam eum velle se in sinistram opinionem apud exteros adducere, & quò posset inimicos adversus se excitare. Quod num justè fœderis aut fidi vicini sit, quemvis facile disjudicaturum. Hinc nata mutux diffidentix semina, suspicionibus, fama & rumoribus aucta, vicinorum actionibus & consiliis curiosius animum intendere fecerunt. Quum regius præfectus Georgius Ioannis iudicium territoriale in VVesbo institueret, & duo ejus ministri vadimonium caperent à colono istius loci, qui boves & equos contra regis interdictum in Daniâ distraxerat, rustici hoc solum nomine eos occiderunt. Quoties præfectus eò juris dicendi causa redibat, rustici armati in iudicium veniebant; minantes ipsi & ministris mortem; quasi ipsi jus in vi & armis haberent. In tributis pendendis se difficiles & contumaces præbebant. Inter illos nonnulli sacrilegi & facinorosi pari insolentia interminabantur eidem direptionem & incendium prædiorum. Rex Gustavum Olai de Torpa aliosque nobiles in Smalandiam misit investigatum facinoris authores, & iusta ultione punitum vim in regios ministros exercitam. Inde ad Gedanenses scribit de Olao Brömsio istic in urbe à Nicolao regio secretario deprehenso, qui tam perfidè adversus regem cum ingenti pecuniæ jactura egerat, sibi transmittendo vel istic iudicio sistendo: sic regem remissurum actionem adversus ipsos & diffidium. Ad sextum diem Iunii nascebatur regi filia Catharina, postea Edzardo comiti Frisiæ orientalis nupta. Quum regis & regni bona tributaria hoc tempore non parum acciderentur & alienarentur, dum ea nobiles ubicunque poterant, ad se emptionis titulo transferebant; sed & in finium inspectione inter nobiles

& tributariorum prædiorum possessores instituta , plerumque modo hic modo ille coronæ fundus nobilibus favore arbitrorum adjudicaretur , idque in fraudem census regii , à quo nobiles immunes erant , & directè contra legem fieret , rex severè interdixit : *ne quisquam nobilium , clericorum , prætorum aut civium sub offensa & vindicta regia auderet emere , pignori capere , aut pro mul. Et sibi vendicare ulla bona aut prædia censuaria.* Limitum verò inter coronam & nobiles litigiosorum inspectioni rex in posterum suos delegatos scripto mandato instructos interesse voluit. Si quis contra faceret , in eum ex lege animadversurum iri. Rex in autumno , gravi , lento & deploratæ fermè spei morbo correptus , tamen Dei beneficio convaluit. Ex Daniâ legati Canutus Gyllenstiernius & Birgerus Vlfstandius petebant regem ipsum in limite velle ad colloquium cum affine suo rege Christiano accedere : ut istic ageretur de utriusque regni bono & stabili statu ordinando , cui petitioni rex locum dedit. Ad negotia verò peculiariora legatorum , regis responsum hoc erat : Ad primum caput : *Scaniis commerciorum usu in Suecia citra veterem consuetudinem interdictum fuisse ; quæ tamen Suecis in Daniâ libera essent , reposuit rex : si i hoc ignotum esse , nec facile credere posse Scanos absque gravibus causis commerciorum hic in regno cultu prohibitos fuisse.* Quod si investigatum deprehenderetur , rite emendatum iri. Ad alterum caput : *Famam passim ferre , inter regem Gustavum & se omnem vicinitatis & amicitie necessitudinem extinctam & intermortuam esse . qua re utriusque hostibus animi magis crescant , responsum : se pro certo tenere , regem Christianum coram Deo vel hominibus justam conquerendi causam non habiturum , se in culpa cujuscunque disensionis aut existimatæ discordiæ fuisse ; sed se erga vicinum & affinem suum , in rerum angustia adversus hostes ejus verbis & factis fidum , opibus & copiis promptum hætenus fuisse.* Sed quid auxilii consiliiue contra suos adversarios & manifestos transfugas , proditores & perjuros à Christiano sibi vicissim præstitum sit , hoc se ejus conscientiæ ponderandum dare. Quin se ab illo , nullo suo merito , in sinistram vocari suspicionem , & plus fidei haberi vago & fallaci plebis de se rumori , quam testatis & publicis regiæ beneficentiæ documentis. Et forte se apud alios Christianos principes non absque regii nominis dede-

core indignè traduci, quasi omnia vicinitatis, fraternitatis & adfinitatis jura & fidem conculcare, omnem propinquitatis conjunctionem & amicitiam obliterare velit. Quod ut in posterum silentio ac patientia transmittat, sibi nimis arduum & molestum fore: si pro benevolò suo affectu non nisi malæ existimationis notam mereri debeat. Ad tertium caput: de querelis sibi à rege Gustavo non uno scripto insinuatis, quibus ut in colloquio & conventu solenni satisfiat se opem daturum, ita responsum: se non posse dissimulare, quomodo toties de justitia administranda, & jure possessionum suarum tot tabulis ac promissis firmato tandem exsequendo à nobilibus imploratus esset. Quod ut fieret, se impensè cupere, ut tot flagitationibus aliquando liberetur & cuique jus suum reddatur. Ad quartum caput: regem Christianum cum reliquis suis cognatis ita se aquè Germanos aliosque gessisse, ut nemo eum jure insimulare possit, & nolle se regi Gustavo causam de injuria sibi facta exposulandi dare, respondebatur: quia nullius alterius nationis mentione in suis tabellis facta, Gustavus proprias suas difficultates Christiano bona mente modestè & maturo consilio significasset, tali morsuuncula aut retorsione parum opus fuisse. Si tamen, quæ literis & sigillis sibi ac subditis promissa ac firmata sint, & alia quæ Christianam & propinquam necessitudinem deceant, nec uni parti emolumento, alteri detrimento sint, bona fide servantur, rata habeantur & præsentur, se non habere de quo conqueratur, aut æquas conditiones respuat. Ideoque de illis tractandi animo per se vel legatos suos commodo utrique loco & die comparituum. Lubecæ oratori Sebastianò Ersamio huc missò ubi senatus dabatur, gratias egit regi de fide publica Lubecensium legatis data ad agendum de pace. Senatum populumque Lubecensem excusavit de legatione non ampliò huc missa, ob alienum anni tempus; numerum senatus nondum suppletum; & quorundam adversam valetudinem. Ne Rex gravius in ipsos consuleret propter nuperos motus adversus ipsum à Marco Meiero & Georgio Vollenwebero concitados: quorum culpam nolit luere novum senatum & multos bonos cives innoxios; quibus hoc nolentibus esset. Petebat insuper, regem ipsum suæ præsentis copiam facere velle, ut commodius & majori cum fructu de pace, concordia & societate veteri instauranda & renovanda coram agi posset. Quod si regi commodum non esset, se pro tempore minora negotia senatui aperturum, do-

nec ad caput rei descenderet. Illa esse hujusmodi : ut rationes æris alieni inter regem & Lubecenses ad liquidum deducerentur. ut detentio vel arestum , uti vulgò vocant , mercium Lubecensium hic relaxaretur , & civibus sua nomina absque noxa & remora exigere liceret. Ad isthæc à senatu, quum rex ipse propter corporis imbecillitatem oratorem audire non posset , hoc responsum accepit : Regem nullam Lubecensibus causam ad nuperum bellum præbuisse , sed ipsos ex mera insolentiâ regis & subditorum suorum navibus in libera Imperiali civitate , contra vicinitatis & amicitie fœdus manus injecisse ; regem injuria & insigni probro affecisse. Quibus ad justam defensionem impulsus, ingentes belli expensas fecisset : quas cum omni damno dato Lubecenses ipsi refundere tenerentur. Quod autem orator negaret, novum senatum tunc in tumultu urbe pulsum , in crimen vocari posse ob improborum aliquot civium culpam ; senatum tamen non posse per privatum suam innocentiam excusare, quod publica civitas aut populus admisset. Nec enim inficias iri posse, quin pars senatus aut vires subministravit improborum audaciæ, aut consilio consensuque eos juverit ; eaque ratione se alienæ culpæ participem fecerit, ac jure ad expensas teneatur. Vt autem rex Gustavus illis illorumve creditoribus ablata & non necessario bello moto perdita restitueret, se nulla lege naturæ cogi posse. Quippe ex vulgato dicto : neminem propriam culpam aliis obiectare posse ; æquum ergo esse, ut ex damno sua culpa dato ipsi obligentur. Regem tamen ut pacificum Principem nolle honestas pacis conditiones repudiare, si orator plena potestate de pace agenda instructus esset. Respondit orator : In hoc summam rei & legationis suæ verti, ut si rex vetera illis privilegia restituere, & civitates Hanseaticas ad mare Balthicum sitas iisdem ornare velit, æternam, æquam & ratam pacem utrinque facile sint inituri. Monitus orator, si aliam potestatem haberet nomine Hanseaticarum civitatum agendi, easque simul includendi, præter fiduciæ literas, illam regiis senatoribus exhiberet : ne quod uno die decretum esset, altero irritum fieret. Ille regerit, Lubecam caput esse Hanseaticarum civitatum : quæ nisi cum illis ea de re convenisset, ipsi in mandatis non dedisset. Post aliquot dies orator Lubecensis ab ipso rege auditus, hoc responsum retulit : Notum Lubecensibus & aliis esse, uti regnum Sueciæ antea magnâ discordiâ agitata

datum fuerit; interdum inter regem & subditos, interdum inter sacri & civilis ordinis homines, nonnunquam cum vicinis principibus. Vnde reges Sueciæ necessitate circumventos, nisi instar iuvenorum ad mactationem duci vellent, coactos fuisse ex consilio præsulum & aliorum ad Lubecensium desideria, quæ regni fuerint detrimenta & libertatem ejus venalem fecerint, rata habenda & confirmanda. Lubecenses verò una cum clericis statim à coronatione regia huic rei velut leones prædæ inhiasse, sibi persuadentes, regem ipsis mancipio fore; quod tamen illis Dei beneficio non provenerit. Si quidem Dei virtute & gratia populum suum & regnum à cruentis hostium consiliis & sæva dominatione vindicavit, & gladio ac viribus armatis sudò à Lubecensium iugo ac vi liberavit; velut Moses Israelis posteros educebat Ægypti carcere in terram promissam; & eripuerit Sueciæ regnum excidio ac turbis, & in quietum statum ac pacem reposuerit. Ideo se non posse coram Deo & hominibus excusari; ut regnum suum armis recuperatum Lubecensibus velut spoliū obiectaret, & restitueret illis nunc culpā suā amissas & antea dolo extortas immunitates ac privilegia: quod bellicosum principem non deceret, nec jure ac consuetudine receptum esset. Quapropter sibi spem facere de illis ut qui Christiani sint & Evangelici audire velint, non tam impensè ipsius & regni detrimentum ac perniciem sui commodi causa, sed potius, ut Deus eos docet, vias & compendia tam proximo quam sibi salutaria & proficua querant. Quod si fiat, se rite & honorificè suas quoque partes expleturum. Ne verò legatus qui pleniori potestate agendi de pace non erat instructus, diutius impendente hyeme itineri incommoda, detineretur, regni senatus cum cum hoc responso dimisit: Regem etsi gravi injuria à Lubecensibus affectum, tamen publicæ tranquillitatis majori studio, quam acceptæ injuriæ memoria, paratum esse cum illis amicam pacem reintegrare, sed illis conditionibus quæ juri majestatis, libertati & regno non essent detrimento. Nec tamen velle prius ullas condiciones accipere, quam sibi pro dato damno, belli sumptibus & injuriis satisfactum esset: quum non ipse, sed illi belli causam dedissent. Cetera amicè cum illis & omnibus vicinis tracturum, regia tamen auctoritate & eminentia, regnique libertate salvis. Hoc responsum Balthasar Funckius comitatus oratorem Lubecam, senatui Lubecensi tradere jubebatur. Orebrogæ senatus & procures regni, 1540.

rerum momentis serio discussis, quantum in Principum regno destinata stirpe sit reipublicæ stabilimentum, & quanto promptius tutiusque cooptetur jam certus, quam quærat in-
certus successor; æstimatis verò maximè Gustavi meritis, iusto, benefico & prospero ejus imperio, in regia familia ejusque continua serie regnum fecerunt hæreditarium. Cujus ut rata magis fides esset, digitis stricto regis gladio impositis, juramento & sacramenti usu firmarunt. Ritus autem ante præmissum à proceribus juramentum, ab ipso rege adhibitus talis erat: Cum senatores regni & equestris ordo collocassent in stricto regioque gladio digitos suos, rex his verbis velut sacro carmine præivit: *In nomine Patris, Filii & Spiritus Sancti, Amen. Ex omnipotentis Dei divina vi & potestate mihi & omnibus meis regis hæredibus ac principibus concessa vobis & omnibus meis subditis imperandi, extendo hunc justitiæ gladium super vos in testimonium.* Mox jussit eos solenne juramentum præstare. Et præstitum est in præsentia regis & duorum ejus filiorum Erici & Iohannis principum, à regni senatu, proceribus & episcopis. Idem postea Nylosiæ in conventu publico confirmatum & signatum est. Ibidem regni constitutio à cancellario Conrado à Phy ex regis jussu de justitia recte administranda & felici imperii statu conservando publicata est. Seditio Laurentii Iohannis in Ostrogothia contra nobiles & alios qui Evangelicam fidem amplectebantur excitata, mox factionis ducibus capite plexis, conquievit. Inde in conventu Calmariensi inter Suecos & Danos legatos definitum est de ære alieno cum æquis usuris quinque pro centum Nylosiæ proximo anno a.d. XVI. Februarii solvendo, vel ducentis equitibus, ubicunque placeret, usque ad plenam solutionem alendis, aut immittendo regem Gustavum ejusve nomine delegatos in possessionem arcis Bahusiæ, Akerhusiæ & VVikiæ, aut si immissio istæ cessaret, regni Daniæ commissarios & senatores quotquot legerentur, sub existimationis suæ periculo obligatos fore cum quinque equis & ministris Nylosiæ convento loco se sistere, nec inde digredi, donec Gustavo regi satisfactum esset. Ibidem de Gothlandia & qua ratione ad Sueciæ regnum redire possit, sed irritò conatu, agebatur; resque

resque in sequentis anni comitia Calmariensia una cum aliis de prædiorum in utroque regno & confœderationis jure controversiis suspendebatur. Vnde princeps legationis Conradus à Phy concellarius regis offensam incurrit, quod non tam accuratè & prudenter negotium egisset, atque rex jusserat. Cæcilia regis filia vertente anno in lucem edita, & postea in matrimonium Christophoro Marchioni Badensi elocata est. Ob annonæ penuriam hic ad tempus prohibetur evectio frumenti, boum & aliorum ad victum 1541. pertinentium: ut domesticæ necessitati serviret domi natum; donec uberiori annona etiam in externos dispescit ac distrahi posset. A Eris alieni summa, nimirum triginta unus mille nonaginta septem cum dimidio nummi unciales Nylosiæ persoluti sunt regio nomine senatoribus aliquot regni à Gustavo eò missis per amicos Christiani. Qui etiam ab illis in solutionis fidem receperunt omnia chirographa & signatas obligationes, cum dictæ summæ apocha. Constitutio à Gustavo edita est, *Vt prædia tributaria sarta testâ facilius habeantur, impensam tertia aut quarta parte pensionis annua deducendâ sublevari. Recognitionem ædificiorum sub pœna publicationis prædiorum statis temporibus institui. Qui majorem partem prædii tributarii possideret & maxime idoneus esset ad possidendum, illi facultatem fieri redimendi reliquorum partes pro aquo & usitato pretio. Nec ulli potestatem fore dicto aut factò contrahi illam eundi.* Quod eo consilio fiebat, ut unum prædium ab uno possessum majori cura haberetur, commodius instrueretur & melius coleretur, nec plures de eo contendendi & rixas fovendi locum haberent: nec tributo regio à pluribus unum commune prædium colentibus fraus fieret. Item edictum publicatum Vpsaliæ de sacerdotibus non onerandis hospitando, nisi volentibus, & pro aquo pretio; exceptis regiis ministris literis com meatu sub sigillo regio instructis, qui tamen necessario victu contenti essent. Ad comitia Calmariensia rex mittebat oratores ex senatu Conradum à Phy, Stenonem Erici, Laurentium Siggonis, Iohannem Thuronis, Birgerum Nicolai, Magnum Iohannis & Georgium Normanum cum hoc mandato & potestate, ut congregarentur cum Danico Senatu in limite

Brömschbroensi , animo decidendi controversias inter utrumque regnum intercedentes , quæ proximè elapsis comitiis Calmariensibus huc dilatæ erant , donec ambo reges ipsi convenirent : ne interea tempus inutiliter tereatur , & reges longa aut inani disceptatione diu fatigarentur , sed pax , concordia & quies ocyus utrinque sanciretur. Dicti regis Sueciæ senatores & legati cum regis Daniæ Christiani senatoribus & legatis Axelio Braggio , Trudone Vllstandio , Canuto Gyllenstiernio , Birgero Trollio & Iespero Brocmanno congressi , de his capitibus egerunt : de jure Gothlandiæ Suecis competente. De octingentorum mille thalerorum , ut vocant , damno resarciendo , quod passus esset Gustavus in nupero bello , pro regni Daniæ & incolarum ejus defensione & salute suscepto. Ut prædia in Dania & Norvegia quotquot istic sibi vindicant Sueones , illis absque impedimento restituantur ; & sententia de illis in Dania lata tradatur Gustavo , & cassa & irrita pronuncietur. ut caput decreti Hamburgensis de Regis Gustavi & Sueciæ regno Comitis Iohannis heredibus , Bernhardo Mylio & Lubecensibus rescindatur. Ut disidium inter regem Gustavum , ducem Prussiæ ac Dantiscanos componatur. Ut Gustavus in sædus Evangelicum recipiatur. Ultimo de utriusque regis conventu agatur. Capita priora de Gothlandia & Sueconum bonis in Dania & Norvegia , remissa sunt à legatis Danicis ad arbitros utrinque à studio partium alienos eligendos. Reliquis verò posterioribus à Christiano satisfactum iri fidem dederunt. Postea Reges Gustavus & Christianus obsidibus utrinque datis in utriusque regni limite Brömschbroensi convenientes pacem quinquaginta annorum & sædus adversus quoscunque hostes renovarunt iis legibus : Ut paribus animis & fide commune bonum procurarent , malum arcerent. Eosdem hostes , nisi pax interveniat , haberent : & socii stipendio durante bello , aut deficientibus cibariis , nec statim suppetenibus , ab altero socio pro æquo pretio juvarentur. Ut bellum , pax cum hostibus de trium regnorum sententia iniretur : ne quid temere aut in fraudem socii fieret. Leges militares litibus finiendis & quæ exercitui pro norma vitæ & actionum essent , conderentur. Terrestri bello Sueci Danis & Norvegis prima compellatione & expeditione subvenirent duabus equitum sex peditum centuriis. Dani & Norvegi Suecis totidem equitibus , sed octo peditum centuriis. Sæcunda

cunda expeditione, si majores hostium vires essent, quater mille quingentis militibus, aut pluribus, si necesse foret. Maritimo bello instructa clasfis utrinque præsto esset. Locus aut provincia in socii solo hosti erepta, socio bona fide restitueretur, cujus ante fuerat. Si verò castella aut munimenta hostilis terræ occuparentur, ea vel sola aquarentur, vel socio milite ac præsidio communirentur. Pars bello lacescita dimidium rerum ab hoste captiarum obtineret: quia sumtus belli vel solos vel præcipuos fecisset, pars auxiliaris tertiam partem teneret, donec ipsi belli expensæ refunderentur. Si verò pares utrinque sumtus facerent, ex æquis partibus bona hostilia capta dividerent. Si unum horum trium regnorum tam gravi bello infestaretur, ut solum ei sustinendo diutius non sufficeret, alterum regnum obligatum erit succurrere infestato regno, nulloque modo illud deseret, sed finire bellum victoria aut pace adjutabit. Si verò quietum regnum bello adstrictum non ulterius usque ad pacis aut belli finem adjuvare posset, aut pacem pecunia venalem coemere & consummare nollet, & oppressa pars pro se pacem ex necessitate facere cogeretur, hoc ipso non faciet contra fœderis legem, sed illud nihilominus firmum ac ratum erit. Regnum tamen ad pacem ineundam compulsum, maxime operam dabit, ut alterum regnum eadem pace comprehendatur. Sed si Dei Omnipotentis providentia (quod utraque pars indies à Deo precabitur) & amicorum interpositione cum trium regnorum hæreditariis hostibus æterna pax iniri posset, unum regnum se non sejunget ab alio, nec solum, sed reliquis consultiis & conscientibus pacem faciet. Pace verò irrita, societas tamen & mutuum auxilium stabunt. Nullum horum regnorum fœdus, amicitiam aut contractum cum quoquam principum aut reipubl. inibit; aut privilegia & immunitates promittet, in fraudem alterius. Si unum ex his regnis adversus quosdam suorum hostium seorsim bellum facere velit, & socio tale, ut minus necessarium, viribus juvare commodum non sit, illa pars, quæ contra alterius consilium nihilominus bellum urget, de auxilio, quod non abnuendum, cum socio seorsim aget, libero utrinque transitu. Omnis rebellio ac seditio subditorum communibus opibus reprimetur ac plectetur. Si quædam offensiones aut dissensiones inter hæc tria regna de privilegiis, sive jure alterutrius regni, sive alia causa oriantur, sex aut duodecim arbitri secundum negotii naturam, communi consensu & jussu eligentur, & stato commodoque utriq; loco plena cum potestate conveniēt, veritatis investigandæ, justis

justi injustive cognoscendi causa. Quod ubi factum, sub Christiano honore, fide & conscientia obligati erunt inde non digredi prius quam absque omni privato affectu & cunctatione negotium illud vel jure deciderint, vel amicè composuerint. Et quod ita cognoverint & pronunciarint, scripto consignatum exproment, ea integritate, quam Deo & hominibus probare possint. Si lis aut dissidium oriatur inter quosdam trium horum regnorum nobiles, equites aliosve incolas de rebus soli, proprietate, homicidio aliave causa, sex vel octo pro re nata boni, non suspecti arbitri consensu jussuque communi constituentur, qui litem secundum loci, in quo res controversa sita aut delictum admissum est, statuta dirimant aut amicè componant. Si quidam horum regnorum equestris ordinis viri aut alii incolae fortè falso accusentur & deferantur ad suum dominum vel regem, eoque nomine ejus offensam mereantur & proscribantur ex sua patria, atque se recipiant in aliud horum regnorum, ibi tolerabuntur & fide publica ac patrocinio, prout fas & jus est, non cum alterius regni adversâ voluntate aut probro, fruuntur, donec in jus vocentur aut ad amicam transactionem. Si eorum causa tam justa sit, ut jus & judicium admittat, octo arbitris à studio partium alienis, quatuor ex uno & quatuor ex altero regno fissentur, qui eorum causam ventilent & examinent, eamque jure vel amicè, ut ante dictum est, decident; & quidquid illi pronunciarint, princeps & reus ratum habebunt. Si verò causa rei manifestè injusta sit, ut si quid insidiosum aut hostile machinatus sit adversus regem suum aut patriam scripto aut ore, verbis aut factis, atque sic ei lege frui non liceat; nequaquam in aliquo horum regnorum feretur in præjudicium aut injuriam alterius; sed ut profugus & facinorosus justa persecutione & damnatione afficietur. Si nobilis alicujus aut alterius minister fugiat ex uno regno in aliud, nec à domino suo, cui servitutem servavit, cum bona gratia & literis commeatus dimissus sit, à nullo istic detinebitur, aut in servitium recipietur. Si verò in mandatis aliquid habuerit, & aufugerit cum codicillis rationum, absque domini sui apocha; detinebitur in carcere vel sub idonea satisfactione ab illis apud quos deprehendetur: donec hujus facinoris arguatur, & promeritam pœnam subeat. Omnibus inconsultis & temerariis dissidiis occurratur; concordia & pax refarciatur & stabilietur, salvo tamen singulis regibus eorumque posteris ac hæredibus suo jure, regalibus, privilegiis & libertate, salva etiam pro regnorum, temporum, seculorum statu

statu & fato addendi, augendi, mutandi, detrahendi huic fœderi, ex communi consensu, & facultate. Singula fœderis capita, sub pœna vel multa C. M. numorum uncialium cum expensis damni dati inviolata servabuntur. Secundum superiorem confœderationem decretum inter utrumque regem factum est in Rotnebyo Blekingiæ in hanc sententiam: Si rex Gustavus, Lubecenses & alii in decreto vel recessu, ut vocant, Hamburgensi comprehensi coram rege Daniæ aut arbitris ejus litigaturi sententiæ latæ parere nolint aut æquam insistere viam, sed regem Gustavum & Sueciæ coronam infestent, Christianus rex ei contra eos auxilio & consilio præsto erit. Si Elector Saxoniæ & Landgravius Hassiæ aliivæ quocunque modo juxerint & promoverint Bernhardum Mylium ad moliendum quid hostile contra regem Gustavum & Sueciæ regnum, pari modo Christianus rex subveniet regi Gustavo. Si verò Christianus Gustavo cavere pro Bernhardo, & iste per jugulum revocare velit calumnias & famosos codicillos in Gustavum editos, se ter mille thaleros, ut vocant, ex dote uxoris aliàs in publicum additū laturum. Si dux Prusiæ à Christiano rege corrigi velit, aut regi Gustavo tradere profugos ex Suecia VVolffgangum Gylerrum, Olaum Brömsium, Fridericum VVidmannum, Iohannem VVitium, & plures alios, sed inimicum quid machineatur adversus regem Gustavum & regnum Sueciæ, Christianus ex lege fœderis Gustavo opitulabitur. Dantiscum cum rege Gustavo amicè conciliabit, quod si non possit, fœderi nihilominus stabit. Statim post hanc confœderationem Christianus occludit Hollandis transitum Oresundæ inscio Gustavo, eosque sibi inimicos reddit. Dum Gustavus est Calmarix, legatus Christophorus Richerius à Francisco Valesio rege Galliæ, tunc bellum adversus Carolum V. parante ad eum venit, societatis & amicitix contrahendæ causa. Quod tam gratum fuit regi Gustavo, ut per legatos suos Stenonem Erici reginæ fratrem, Conradum Phy, Canutum Andræ equitem auratum & Georgium Normannum ad regem Galliæ missis cum eo fœdus, uti pluribus munimentis insisteret, confirmaret his conditionibus: ut alter alteri suppetias veniat sex mille militum copiis præter classem & arma, quum ab ipso postulabitur; sed impensa postulantis. si majore ope opus sit, invicem sibi succurrant cum viginti quinque militum exercitu & quin-

quinquaginta navium armata classe adversus quemcunque
 exceptis, qui hoc fœdere essent inclusi, nimirum regibus Da-
 nie, Scotia, duce Borussia, Geldria & Clivia, item rege
 Anglia, si intra semestre suum ad hoc fœdus nomen det. Si
 rex Scotia quibusdam copiis auxiliaribus Francia eguerit,
 regem Suecia ea causa compellatum Gallis classem sex mille vi-
 rorum impensis Scotorum expedire paratum fore. Parem ope-
 ram & auxilium regem Scotia ex Gallia in Sueciam exprom-
 turum. Si quis confœderatorum principibus hujus fœderis, ve-
 lut regi Suecia vel Gallia bellum facerent, Gallos obstrictos
 fore Suecis talem opem ferre, qualem Sueci ipsis ferent. Sub-
 ditis utriusque regis libera fore iura commerciorum in utroque
 regno absque ullo interdicto. Milites emissos tam tuto commeatu
 fruituros in eo regno, in quod devenirent quam in proprios
 1542. modo quieti essent. Has conditiones juramento & patentibus
 literis firmabant. De Nylosia cum Elfsburgi arce majoris
 præsidii ergo conjungenda decernitur. Quod tamen triennio
 post demum effectum est. A Ferdinando I. legatus Iohannes
 Georgius Paumgartnerus huc ad regem Gustavum accessit,
 de censu, ut vocant, Turcico in bellum contra Christiani nomi-
 nis hostem, etiam à rege Gustavo desiderato. Sed rex Gustavus
 ararii bellis intestinis & quorundam tyrannide exhausti, æn-
 que alieni difficultate civiliter hoc excusabat, aut si quid opum
 superesset, adversus vicinum hostem Russum non ferme mi-
 nus infestum, impendendum esse. Se tamen, si Christiani
 principes & membra imperii cum ceteris Christianis regibus &
 ordinibus jungere suas vires & animos contra Turcam velint,
 suis quoque partibus non defuturum, cum spe cautionis Fer-
 dinandi de pari ope & animo in quovis necessitatis articulo.
 Circa hæc tempora Nicolai Dackii seditio, ut tabes, morâ
 invalescit, & plura membra corripit; ita ut primò ad cen-
 tum, inde ad aliquot millia factiosorum excreceret; & à
 cædibus ac rapinis vires sumens, ægrè comprimeretur. In
 Moringia australi regium ministrum Nicolaum Andreæ
 cum tribus servis Dackius trucidat. In VVartorpio Nico-
 laum Laurentii territorii præfectum & Arvidum VVest-
 gothum virtute bellica clatum capit, ejus prædium exspo-
 liat; inde vestibus exutos arbori alligat & telis transfigit.
 Gud-

Gudmundum Slattium nobilem virum focii ejus impetunt, prædium ejus Gräfskiälense diripiunt, in morbo jam biennium decumbentem & in extremis ferme agentem tribus glandibus plumbeis Dackii commilitones aut potius sicarii transverberant, beneficium rati, si mortem ipsi festinarent. Ne quidem à sacris præcones manus abstinent. Quid enim illi divini aut humani juris fœdus curarent? quibus nihil sanctum erat, quod eorum avaritiæ & prædationibus obvium esset. Ex æde VVeckelsongensi rapiunt Magnum Petri de Liema cum Magno Holmio, qui scribæ operam postea Dackio locavit. Colonis istius paræciæ pro ejus sanguine ingenti vi pecuniæ redimendo fidem suam interponentibus nihilominus prædam in ejus villa faciunt, quam in Blekingiam abripunt ibique partiuntur. Vt rex accepit, quomodo seditiosi isti receptu & viribus à Blekingiis inprimis consule Rotnebyensi juvarentur, ad Christianum I. scripsit de puniendis eorum receptatoribus. quod & Christianus promisit, sed nullo fructu atque exsequutione. Gustavus, ne vires seditionis nimis augescentes tandem remedium ipsum superarent, omnia, quæ suppressendæ illi facerent, adhibuit. Smalandenses literis monuit, ut memores juratæ fidei & obsequii in regem, quiescerent, nec se miscerent factioni reliquorum, nec eos domo aut mensa reciperent. Adversus seditiosos coegit armatam manum, ut qui molliori via nollent, vi coercerentur, Gustavo Olai & Severino Kylio ducibus. Interim Dackius Suantoni Sturio arcis Stegeburgensis præfecto, si ducis partis capere & avitæ eos libertati permittere velit, nimis feroci spe ac spiritu obtulit regnum & cum suis obsequium; quasi, qui vix ingressus limen regni, jam rerum potiretur & nutu suo partiri sceptrum ac potestates valeret. Sed quid sibi non promittit effrenis & armata malitia? Suanto perfidum inceptum, aversatus, sua sorte contentus, & fidei integer mansit. Armorum ferias, quas cum eo Gustavus Olai & Severinus Kylius pacti erant, non servavit Dackius, nullius fidei homo; Thuronis Trollii aulam Berquaram deprædatus, uxorem ejus à puerperio recentem lecto exegit. Duos prætores regios occidit. Magnus princeps regi Gustavo hac tempestate natus, postea dux Ostrogothiæ & Dalicæ factus est. Incendium ingens

gens Vpsaliae ortum maiorem urbis partem absumpsit. Ab incendiariis excitatum creditur, ab hoste publico emissis: quum intra tecta passim funiculos incensos & fomitem repererint. Rex Daniae Christianus invitat regem Gustavum ad colloquium in limite & consilium de novis insidiis à Christierni liberis & horum tutoribus contra tria regna cogitatis. Sed Gustavus ob domesticos Dackii motus & aliorum hostium vicinorum Russorum, Megapolitanorum, Lubecensium, Cæsarianorum, Palatinorum, & Christierni fœderatorum abesse non poterat. Quippe domi in perpetua cura adversus eorum machinationes excubabat, & ad vim arcendam paratus, copiis in patriâ forisque apud amicos principes conductis & in expedito stantibus, ab hoste externo magis formidabatur, quam lacebatur. Dum verò Dackius intestinus hostis aut verius latro grassari pergit, Laurentius Siggonis & Iohannes Turonis in Smalandiam excurrunt, aliis cum agmine in Ostrogothiam missis: ne coloni fortè vicini mali contactu ibi quoque tumultuarentur. Bina militum signa à Gustavo Holmia ducibus Botuido Laurentii & Petro Hannobero emissâ, dum ad Gustavum Olai & Iohannem Turonis firmandi copias eorum causâ tendunt, in Kindiâ, inter prærupta montium & sylvarum, quum, itineribus dejectu arborum septis, alia via non pateret, deprehensi & circumfusi cæduntur; haud tamen inulti. Quippe mox trecenti Dackianorum ad pagum Haddetorpium in paræcia Slaka ab Abrahamo Erico & Botuido Laurentii partim somno graves exusti, partim in acie trucidati sunt, quatuor solum nostrorum desideratis. Mox clades clade, & quidem iusta, ut in perduelles, cumulatur, dum Laurentius Siggonis, non solum titulo sed & virtute dux, sceleris duces Iohannem cum quadringentis militibus, Ionam Hanium cum trecentis & Nicolaum Scarfuium cum centum fudit. Hac strage aliquantum domiti Dackiani, pacisci cum rege Gustavo desiderant. Quin rex, ut malo & sanguini civium finem quocunque modo faceret, in pactiones cum illis ivit. Agrestes & plebei obtentu, ut solent, motibus civilibus sumto; querelis de injusto imperio, de injuriis sibi factis, jure à dominis & prætoribus denegato, nec fide promissorum servata, de ornamentis non

uni ædi sacræ detractis, & ceremoniis veteribus sacrorum abolitis, de invidia cultiorum vestium & ædificiorum illis facta; de armis ademptis, de interdicto cædendi sagum, de nimio tributorum onere aliaque ad regem deferabant; Quorum etiam si quædam vera esse possent, tamen qualiacunque conjurationem adversus magistratum & arma civilia non excusabant. Nihilominus rex, si quiescerent & parerent, nec intestino tumultu seipsos aliosque ad exitium usque fatigaret, illis quæ hætenus ignorarat & remedio digna videbantur, emendationem promisit. Quin graviter eos allocutus, præsentis statu, quem pravi homines inconsulta audacia permiscerent ac turbarent, contentos esse jubet: & dum ad veterum temporum sortem iterum aspirando, pristinae libertatis imaginem & quas non immunitates sibi somniarent, videre, ne inani spe ac desiderio præsentem felicitatem temerè permutarent. Nec enim omnia prisca regno salutaria; nec annis, sed ratione & usu hominum instituta metienda esse. Quin novum hoc magis in rem patriæ fore, ut pacis tempore de bello quoque cogiteatur: ne subito exorti motus imparatos opprimant; ideoque regnum majoribus & concinnius armatis copiis, instructiori classe & armis, quam ante, præmuniatur. Ad luculentioris autem & necessarii belli apparatus majores etiam solito expensas & tributa requiri. Quod tamen à vulgo parum pensi habeatur, veteres subinde mores crepante, nec quid nostrorum temporum necessitas jubeat, aut utilitas regni suadeat, est mænte. Nihilominus plebem à vi hostium per magistratum suum defendi, tutela armorum & securitate publica frui cupere, sed quam minimo suo impendio; & ut proverbium habet, calescere velle, sed integra salvaque lignorum strue: quasi commoda absque onere quodam & impensa esse possint. Post fidos & cordatos cives, regni præsidia esse arma, classem, fiscum; quibus majorum ætate non satis suppeditantibus, non unam nec levem cladem & calamitatem accepisse patriam. Quantos autem ipse sumtus fecerit in extrahenda jugo Christierni patria, & aliis deinde hostibus vicinis aut domesticis debellandis, cui ignotum esse? & tamen modica subditis tributa imperasse. Quæ si nunc paulum intendantur, annona ingravescente & crescentibus rerum pretiis, nihil mirum aut insolens fore. Si tamen cum superiorum temporum & nuperæ ætatis afflicta fortuna contendantur, levia & pene nulla esse. Et si enim majoriunc frugum ubertas & rerum vilitas, quam hodie, tamen fructus regni grassantium

V

quo-

quorundam principum & presulum avaris & violentis manibus
 præda fuisse. Quod verò intolerabilius, vitam, facultates & cor-
 pora tyrannorum libidini, conscientias alienæ dominationi, &
 animas æternæ salutis discrimini obnoxias fuisse. Nunc verò pa-
 triam Dei ope & Gustaviana cura non solum à sevisimi tyranni
 manu, sed & superbo episcoporum regno & animorum periculo ex-
 entam, verâ libertatis & tranquillæ pacis aurâ respirare. De quo
 sibi civis maxime gratulari, in quiete & fide esse, nec malevolorum
 pravis sermonibus aut factionibus auferri, fas & pietatem erga
 suum magistratum postulare, publicæ & domesticæ prosperitatis in-
 teresse. Bis mille Dalecarli armati suppetias ivere regi contra
 Smalandos; sed pactione cum rebellibus facta, domum re-
 missi, & laudata eorum fide promptaque opera, alii occasione
 parere iussi sunt. Rex Gustavus iterum per Daniæ Regem
 Christianum, ablegato Georgio Cörpero, à novis Chri-
 stierni tyranni cognatorum & fœderatorum adversisque mo-
 litionibus sibi cavere monitus, ad colloquium de junctis vi-
 ribus contra communem hostem parandis invitatur. Patentes
 ab eodem literas accipit, quas rex Daniæ ad Smalandenses
 destinarat, si Gustavo sic placeret, hujus sententiæ: Si rex
 ipsorum gravis eis fuisset, se hanc rationem initurum cum Gu-
 stavo ipsis volentibus, ut remedium huic rei aptum inveniretur.
 Sed quò hæ literæ valerent, Gustavus suspicatus, in manus
 Smalandensium devenire noluit: ne his velut classico quo-
 dam, aut nova spe ad majorem rebellionem accenderentur;
 aut, quas vellent, pacis leges Gustavo ferrent. Itaque literas
 istas in Daniam remisit. Christianus insuper per secretarium
 suum Gustavo significabat, se transitum per Daniam aliquot
 Germanicis copiis, in Sueciam stipendii sub Gustavo me-
 rendi causa cunctibus dedisse. Se propediem plures auxilio
 submissurum. Gustavus Cancellarium suum Christophorum
 Andræ in Hedåker & Georgium Normannum in Daniam,
 comite quoque Christiani secretario, expedit, ut regio no-
 mine cum Christiano consultarent de via & modo pro-
 cellis motuum belli ac seditionis foris domique impen-
 dentibus occurrandi; & de auxiliaribus copiis ex lege fœ-
 deris ab eodem capiendis. Quia verò suis legatis Gustavus
 mandata dederat, ut post negotium regi Daniæ expositum
 sejungeretur; & Normannus diversus iret in Pomeraniam, à
 duci-

ducibus Barnimo & Philippo liberum istic recensendi militis à Gustavo conducti spatium & tutum iter petendi causas; Christophorus autem in Dania subsisteret, ad responsum à Christiano accipiendum, cum quo statim huc terrestri itinere reverti iussus erat; ille, incertum qua mente sibi inspiratâ, illic remansit, nec responsum remisit. Revocatus domum non paruit, sed specie valetudinis curandæ, uxorem ac liberos cum pretiosis quibusque in Germaniam adduci fecit, atque istic commoratus, animum redeundi, ut feræ bestię solent, amisit: non tamen ex dignitate muneris, & fide patrię debita. Gustavus scœdus religionis, ad quod ante à Christiano allectus erat, cum Saxone & Hesso ferit, publicę securitatis & ecclesiasticę quietis communibus opibus tuendæ causa. Dackius autem, ut ad illum redeamus, obduratę perfidię homo, pactis haud diu sterit. Prædatione in speciem prohibita & pace indicta, mox tamen ad ingenium redit, cæsus in Sunnerbo & VVexionia cogit, agrestes denuò concitat. Quidam tamen eorum, qui Laurentii Brömsii prædium exspoliant, à Gustaviano milite, in confinibus Smalandiæ & VVestrogothiæ adversus tumultuantes excubante, capti pœnæ servantur. Dackius autem magis stimulatur literis Alberti ducis Megapolitani ad eum missis per civem Rostochiensẽ Iohannem Pflugium, qui factiosa etiam colloquia cum eo ferebat. Postmodò in Daniam digressus & literis liberi com meatus à Dackio instructus, in quibus nomine ejus mutato Laurentium Iohannis adpellabat, istic captus & capite plexus est. Paulò ante mortis supplicium, ut Christianus Gustavo per literas indicarat, factus est: Albertum scripsisse ad Dackium, *Sibi compertum, quomodo cum Smalandis adversus Gustavum conspirasset, & per emisfos obtulisset Christiano regnum Sæciæ; quod ille tamen recusavit, & copiis Gustavum contra se suosque juverit. Verum si Dackio ejusque asseclis placeat, se regem eorum fore, ac ducem ad profligandum regno Gustavum; ita tamen, ut pecuniâ conducendo militi, & ope sua ipsi præsto esset.* Dackium respondisse: *Se jam regi Gustavo conciliatum, sperare fidem promissi sibi servatum iri; quod si Gustavus faciat, se meliorem sibi regem haud exoptare. Si minus, adesset Albertus, sed bene nummatus.* Ita nec suam ei operam clausurum. In pessimo deinceps instituto progressus

Dackius, à Rotnienſibus receptum & commerciorum libertatem expetit. Sed illi, donec regis animum de hac re diſcerent, abnuunt. Inde odio inſteſtino ex ſævitia in ſuos orto, quod conſenſum factioſorum & vires ſeditionis diſtrahere pronum eſt, dum Magnum Hanium, Smalandenſem colonum gente non obſcura natum obtruncat, & ſenes aliquot ruſticos duris compedibus conſtrictos abripit ſevèque tractat, in ipſius vitam non pauci factioſorum coire & conſpirare cæperunt. Hiſce mox acceſſere nobilium aliquot familiæ: quum Georgii Erii prædium exuſſiſſet, Iohannem K ylium ſenem, Iohannem Nicolai & Iacobum Andreæ in Glandia truciſſet. Quum ergo ſe non ſatiſ tutum cerneret, ad Magnum Iohannis, Petrum Bragdium & Georgium Erii regni ſenatores ſcripſit: *agerent cum rege de ſua ſecuritate & prædiis aliquot ſibi concedendis: ex quibus regi centum milites ad tuendam Smalandiam alere poſſet.* Homo impudentiſſimæ audaciæ pro maleficiis beneficium repoſcit, ſed qui arma in manu ſua habebat; & fiducia Cæſaris, Alberti ducis Megapolitani, Bernhardi Mylii, archiepiſcopi Iohannis Svinefootii, Olai Beronis & Lubecenſium, opem ipſi contra Sueciam & Daniam, ut non ſemel ipſe palam jaſtarat, promittentium, arrogantior factus, quidvis petendi, ac ſi negaretur, ſuo ſibi arbitrio ſumendi facultatem eſſe credebat. In eandem ſerè ſententiam ad ipſum regem ſcripſit. Rex ipſum ad ſe évocatum it ſpe tuti aditus, ſed ille tantorum facinorum conſcientia regi non fidens abeſt, & ſeditioſas actiões urget, colonos immunitatis præmio ſibi addictiores facit, cædibus & direptionibus incumbit. Rex comitiis Örebrogæ ind.ictis, cum procerum conſenſu ex omnibus regni oris contrahit Vadſtenas militem, ut juſtis armis Dackio & factionis ſociis, ne nimis invaleſcant, obſiſtat, & duces ſuis expeditionibus & hoſtis conatibus per certos fidosque homines explorandis intentos eſſe jubet, & inde ſua inſtituere conſilia, progreſſus & actiões. Dackius verò Moringiam auſtralem populando pervagatus Calmariam tendit, & duobus caſtris ad Haſnoùm & Kleckebergū eam obſidet. Sed à Germundo Suenonis arcis præfecto cæſis amplius centum ſtrénuè repulſi Dackiani Stegeburgum aggrediuntur. Inde quoque fortiter à Suantone Sturio arcis præfecto reſecti, unius menſis inducias paſci cæperunt. Eaſdem à Suan-

tonc

tone obtinebant his conditionibus : *ut tormenta & equos sibi ablatos reciperet, & in primis aquam recentem*: qua maxime arcibus & munimentis belli tempore opus est. Insertum etiam pactis, *ut dux eorum in gratiam & fidem regis Gustavi reciperetur*. Suanto Sturius in Tiustiam, Iohannes Turonis & Laurentius Siggonis coniunctis copiis in Kindiam & vicinas oras moventes, Dackii milites & socios partim in fidem ac deditionem accipiunt, partim internecione delent, Dackio etiam in utroque femore graviter vulnerato. Sic, uti consuerunt adversa plerumque vulgi animos & fidem commutare, plerique superstites dissipantur & fugæ se mandant, extremam cum Dackio fortunam non laturi, nisi quos illius falsus rumor de sævitia Sueconum victorum in quosvis, etiam inermem sexum, ad seditionem revocarat. Ipsum verò præcipuè animabant promissa & literæ Alberti Mechlaburgici, Cæsaris, Electoris & Magni episcopi Scarenensis, postea interceptæ. Vnde cognitum, quod Cæsar Nicolao Perenotto Granvellano intimo suo consiliario in mandatis dederat, proficisci aut scribere in Sueciâ Comitum Palatini causa, & civibus persuadere: *uti sub fide religionis & privilegiorum confirmationis, Comitem palatinum pro rege suo acceptarent*. Inter Cæsaris mandata etiâ reperta ejusdem syngrapha, & præter alia hæc verba: *Et nos de gente Gothorū sumus*. Literis Magni episcopi Scarenensis inclusæ erant electoris ad Dackium, quibus ipsum hortatus ad institutum suum provehendum, confirmat de insignibus nobilitatis, honoribus & præmiis. Itaque resumens vires, cædibus & rapinis obvia de populari pergit. Contra eum expedita nova agmina ducibus Axelio Erici, Iacobo Baggio, Germundo Suenonis, qui rebellēs armis cæsos, vel supplicio affectos, vel deditione acceptos perdomuerunt. Tandem etiam ipse Dackius à Raphaele Petri ejusque sociis in Blekingiæ sylva Rødebyensi circumventus, quum vivus capi non posset, telo transfigitur & Calmariam abducitur: ubi in quatuor partes dissectus, rotis impositus est, capite ejus cuprea corona insigni. quidam captum & in crucem actum perhibent. Talis istius immanis perduellis fuit exitus; qui sub velo mutaræ veteris religionis & concussæ libertatis in integrum restituendæ, omnem licentiam, vim & proterviam, latrocinia & incestas libidines, quarumcunque legum & pudoris habenas nihili faciens,

faciens, exercuerat, & à regis Gustavi hostibus ac invidis ad-
 turbandum & penitus evertendum regni statum instigatus
 erat. Sed & socii ejus dignas conjuratione pœnas suo tem-
 pore persolverunt. Conradus à Phy, vel ut quidam vocant,
 Pyhy, aliàs vero nomine Peutingerus dictus, juris consul-
 tus qui Lipsiæ invitis parentibus, Iohannis Vnberdii filiam
 • Catharinam uxorem ductam, & per Germaniam ac Belgium
 secum tractam, homo vagæ & desultoriæ libidinis, quasi
 impedimentum itineris aut sarcinam abjiceret, istic deserue-
 rat, & in egestate ac miseria reliquerat. Hinc in Sueciam
 comite concubina profectus, regi Gustavo operam suam ob-
 fert ingentia de se professus: quod promptæ linguæ & versuti
 ingenii esset, magnis honoribus, etiam cancellarii dignitate
 ornatur. Sed malæ cupiditatis, utilitatis privatæ studio &
 avaritiâ muneris decus scœdans, in legationibus in Galliam
 pravè versatus, & officii mandatique terminos egressus, cum
 Principibus & magnatibus exteris, ab iisdem largitione &
 pollicitationibus captus, arcana consilia, in scio rege & col-
 legis, agitarat. Ottonem Ducem Brunsvicensem spe summi
 militaris officii in Sueciam illexerat. Qui cum se offerret, si
 quo usus operæ esset, rex ea se non adeò indigere ostendebat.
 Et tamen, ne virum principem ignominiosè rejiceret, cum
 annuo eum salario dimisit. In Dania, Gallia & alibi mag-
 nam pecuniæ vim octoginta quinque millia, sexcenta & sexa-
 ginta sex numerorum uncialium, intra quinquennium incon-
 sulto Gustavo mutuo sumserat & interverterat. Vnde carceri
 inclusus, imminutæ existimationis pœnâ expilationes & frau-
 des suas luere cogebatur. Rex Gustavus ulcisci Ducis Alber-
 ti insidias in hoc regnum non semel tentatas subita incursione
 1544. in ejus Ducatum cogitabat, nisi hyems intervenisset. Incun-
 te anno Arhosiæ comitiis habitis rex ipse apud ordines regni
 concionem habet: Præmissis solennibus, *illis recognoscendum
 dat, quomodo arduum illud imperii ex solo amore patriæ suscepti onus
 hæctenus sustinuerit, regnum quod valde quasatum, servitute ferme
 oppressum & viribus exhaustum acceperat, nunc quietum, liberum,
 opibus firmatum, & contra vim externam internamque munitum
 reddiderit, atque in otio & pace per viginti quatuor annos tutatus sit.
 Nec solum civilem regni statum bene fundavit, sed etiam, ut deceat
 fidum magistratum, animarum & salutis æternæ subditorum curam
 egerit,*

egerit, sublatisque erroribus, abusibus & superstitione, de sana & Christiana doctrina & bonis verbi divini ministris animarumque custodibus illis prospexerit. Quamvis eo nomine apud quosdam non magnam gratiam inierit; quum tamen non pro se & suo arbitrio, sed in publicis conventibus cum bonorum virorum utriusque ordinis sacri & civilis consilio, religionis emendationem instituerit. Se mirari, quid adeò supersticiosos ecclesiæ ritus abolitos & pontificios episcopos iterum desiderent, ejusque rei causa turbas dent: quum satis constet, eos plus detrimenti, quam commodi regno attulisse, & in causa fuisse, ut nonnulli veterum regum & regni administratorum tam indignè regno & ditionibus expellerentur, nonnulli bello & tumultu tam acerbè conflarentur. Quid usuvenerit etate Caroli Cahtuti, notum esse; quum Iohannes præsul eum absque omni honesta ratione regno exterminaret: quid incommodi præstiterit senex anisses Iacobus bono principi Stenoni Sturio seniori; & nuper archiepiscopus Gustavus bono principi Stenoni Sturio juniori; quid jam agitet præsul Scarenfis Magnus in hujus regni perniciem, in recenti memoria versari. Non ergo esse, quod adeò votis expetant tales animarum & salutis prædones potius quam præsules ac custodes. Quod verò illos pro suo lubitu grasari non permiserit, nolle se perperam fecisse videri. Ut paucis omnia complectitur, se egregio publico semper pro viribus adfuisse; de quo ad cujusque viri boni conscientiam & testimonia provocare velit. Sed quid præmii reportarit à quibusdam, in propatulo esse. Quin quo plus beneficii illis præstiterit, eo minus gratiæ retulerit. Ut, nisi Dei & conscientie suæ fiducia, similibusque bonorum principum exemplis se erigeret, jam dudum ob tantam ingratitudinem se abdicasset regno. Iam verò convocasse ordines, ut certior fiat de causis motæ nuper seditionis. Si quarumcunque offensionum se insimulare easque probare possint, se paratum emendare. Quod etiam per literas significarit Smalandensibus ad comitia Ostrogothica evocatis; sed illos adventum ejus præstolari noluisse. Se sibi persuadere non potuisse, subditos, rege iam benigno, imperio iam iusto, ferrum & arma in ipsa patriæ viscera defixuros: quum vi nihil opus fuerit, ubi jure agitur. Quin irreparabilem jacturam vitæ, facultatum, sanguinis hac fœda seditione patriæ illatam esse. Regni fructus & opes per multos annos publico bono & adversus externum regni hostem tam impensè collectas; nunc adversus proprios subditos consumptas esse. Præterquam quod hosti motibus istis intestinis ad pravas molitiones contra regnum janua sit aperta. Se quidem &

propriis & fœderatorum viribus satis parem fuisse ad insolentiam justis armis tam severè vindicandam, ut liberis posterisque eorum terroris & cautionis exemplum in reliquum tempus edereur. Sed ex singulari gratia & commiseratione erga ipsos & amore ac studio erga patriam, suique officii memorem, quum sciat se regem servandis subditis non perdendis datum esse, se promeritæ pœnæ temperasse, ut adhuc spatium regressus ad sanam mentem ac meliorem statum, & juratam sibi fidem instaurandi facultatem haberent. Si verò domi à subditis nihil nisi malevolentiam & turbas expectare, & tamen hostiles insidias foris imminentes propellere debeat (quod non possit, nisi rebus domi pacatis & iutis), alia sibi consilia necessariò capienda esse. Nec enim Christierni tyranni cognatos & amicos, aliosque hostes, ut quidam opinentur, altum stertere, sed in regni excidium, ut Deus prohibeat, satis vigilare. Proin se scire velle, qua ratione, quibus & quot copiis & auxiliis regnum adversus infectos patriæ hostes tueri destinarint. Et ut residuam factiosorum turbam seridè reprimant, eorumque authores justo supplicio subdant, ceteros in fide contineant, junctis animis & viribus adversus omnem vim & metum opus fore. Quod si sponte animi ex usu publico fecerint, se nullos imperii labores detrectaturum, eamque viam institurum, ut ipsi, eorum familiarum & posterorum regum amorem & animi propensionem jam verbis declaratam, ipsa re experiantur. In iisdem comitiis Arhosiensibus Succix regnum, quod suffragiis & electione antea deferabatur, hæreditarium factum, & accipiti, incertæ & sæpe pravis aliorum cupiditatibus ac turbis opportuniæ eligendi rationi tollendæ, & maximè insignibus ac fermè incomparabilibus Gustavi I. regis erga regnum ac patriam meritis remunerandis, ad familiam regis Gustavi ac mares ejus hæredes ac posteros solenni lege & pacto, quod *unionem hæreditariam* vocant, alligatum & adstrictum est. Ista successionis lex postea, ut hoc ex occasione addatur, anno MDCIV. Norcopiæ, & anno MDCXI. Ny-copiæ unanimi ordinum regni consensione repetita & ad istius temporis ac reipub. usum accommodata est. Sed deinceps à morte G V S T A V I M A G N I deficientibus maribus hæredibus, & superstite unica filia regis Gustavi Magni CHRI-STINA Principe, annis MDCXXVII. MDCXXXIII. MDCXLIV. eadem lex successionis renovata, & ad CHRI-STINAM Reginam transcripta est. In ejusdem corona-tione

tionē, quæ solēnniter celebrata est anno MDCL. & comitiis successio regni à morte Reginae, cuius vitam Deus diuturnam esse velit, CAROLO GVSTAVO Principi, Comiti Palatino &c. ejusque filiis legitimis, & posteris maribus ac hæredibus descendētis, ut vocant, lineæ communi ordinum regni assensu & suffragiis designata, jurata & confirmata est. Quum regis Gustavi primogenitus filius dux Ericus idibus Ianuarii rex Sueciæ diceretur, undecim annorum erat. Eadem hora conspiciebatur illustris arcus cælestis. Non uno discrimine & minis tempestarum tunc impendentium adversus Sueciam ab Comite palatino & aliis Christiæni hæredibus, & à nostris vicinis Alberto Duce Megapolitano, Russis & pluribus aliis, discussa & decreta sunt, indictis comitiis Arhosiensibus, sequentia capita:

Vt ordo equestris & nobilitas per indicem libellum regem certorem faciant, quot milites & equos pro modo facultatum & possessionum soli expedire possint, si quid adversi accadat regno. Vt arces prudentibus præfectis sub obligatione fidei, & veterano, fido ac perito milite, qui ante in præsidiis fuerit, instruantur. Si regnum ab hoste ex mari Balthico petatur, universi regni milites Arhosiæ, si ex mari occidentali, Scara si in Smalandiâ, Vadstenis conveniant; quæ vallo, fossa & aggere adversus subitam hostis incursionem cingantur. Milites in numerum referendos, ut de supplemento in tempore cogitetur. Civitates in proximis nundinis Disensibus regi significant, quanta manu ipsi regnoque opitulari velint. Præfecti provinciarum ad primas regis literas, una cum magistris equitum & tribunis militum cogant exercitum. Si ab hoste nimis potente strages nostris inferatur, ut nova subsidia & vires in promptu sint, ex Smalandia quintus, ex aliis provinciis septimus quisque delecti in procinctu sint, sed extrema necessitate viritim agmina scribantur. Holmiæ ostingentorum militum præsidium imponatur. Arx Holmensis & Gripsholmæsis tormentis, annona, milite aliisque necessariis ita muniantur & instruantur, ut obsidioni toleranda, si ingruat, sufficere possint. Edes lignæ urbis Holmiæ destruantur, triremes valide exstruantur, arcendis hostibus & excursionibus inter Stocholmiam & Gripsholmiam idoneæ. Vt nemo Holmensium in civium numero sit, nisi uniûs anni annona instructus. Vt Bothsnienses & Finlandi primo vere com meatum

Holmiam advehant, aris litorum & portibus Finlandiæ & Stocholmiæ adversus subitas impressiones, & pro tuto itinere vel transitu nostratum bene munitis & custoditis. Ut viæ militares & regie purgentur. Ut duo vel plures, si necesse sit, ex senatu quot mensibus regi præsto sint, ne solus indies nimis negotiis oneretur. Hoc anno a. d. V. Martii leges aulicæ à Gustavo auctæ & publicatæ sunt. Reliquæ factionum & seditiosorum Dackii militum passim in sylvis latitantium aut vagantium extirpantur. Georgius Lyckius ex Dania legatus, sui regis nomine pecuniam Conrado Peutingero & Christophoro Andrea creditam, tormenta Christiani Stenoni Erii utenda data & dein oppignerat, & æs alienum Gustavi militum mercenariorum, quum per Daniam hic in Sueciam ivissent, contractum repetebat. Sed Gustavus ad nummos dictis personis creditos solvendum se obligari negabat: quum partim injussu ejus mutuo sumti, partim in rem ejus conversi non essent; aut si versi essent, sibi non liquere; quod se prius exploraturum, & inde Christiano satisfacturum. Tormenta dicta usu à Christiano accepta & oppignerata inficias ibat Steno Erii. Militibus mercenariis, antequam pedem extra regnum posuissent, satisfactum esse, ut eorum epochæ testarentur. Hoc si monitus fuisset ante eorum abitum, maluisse Danorum bono creditum de summa deducere, quam illis solvere. Sed jam serum esse. Reliquam victus impensam non oportere Christianum tam rigidè exigere, quum ad ejus usum pars istorum militum sustentata esset. Rex Gustavus à Christiano rege Daniæ comprehensus est fœdere pacis, interpositione quorundam regum & principum cum Carolo V. Christierni nomine factæ, sed hætenus, ut intra semestre ratum haberet. Quod tempus fermè contractus Gustavo accidebat, non absque suspitione festinationis à Christiano injectæ, ut hac occasione solutus & sejunctarum hîc partium esset à Gustavo. Sed ille jam ab aliis hoc resciverat. Hac æstate cælum valde pluvium erat, & ager inde tam madidus, ut periculum calamitatis frugibus adhuc in solo exstantibus esset. Ideo Gustavus ad deprecandum à Deo meritis delictorum pœnas, hoc anno, octo dierum & deinceps quot annis quadridui supplicationes publicas, pio & salutari instituto, indixit; seriò hortatus populum ad fugiendum verbi divini contemptum, luxum, crapulam, juramentorum abusum & levitatem, homicidia,

micidia, stupra, adulteria aliaque delicta, plagarum publicarum causas: earum verò remedium optimum ratus, serias ad Deum preces, & ad meliorem mentem receptum. Ex Muscovia legatis expostulantibus de vi & molestia subditorum Sueciæ in limite Russiæ habitantium, Rex regessit, longè maiorem insolentiam, prædationes & incendia exerceri in Suecos à Ruthenis. Et quum istæ emendari utrinque per arbitros & ex æquo ac bono vel per sententiam dirimi in finibus proxima æstate vellet, Rutheni hoc cum indignatione & minis accipientes, infecta re abierunt. Albertus Dux Megapolitanus quærens aliquo malo afficere Suecos, huc misit profugos ex Suecia Olauum in Grellestadio, Matthiam Caroli & Carolum Biurium. Hi Stralfundia excurrentes in Blekingiam, istic nacti literas fidei publicæ à VVernero Passebergio præfecto Blekingiæ, & in fines Sueciæ evagati, trucidant præfectum regium Cronebergæ, Georgium Ioannis, quum ad iudicium Kongehæredense proficisceretur; & mox receptum in Blekingiam petunt. Rex accusari reos in iudicio Rotnebyensi, quod est Blekingiæ, curavit, sed intendentes crimen sævis dictis à rusticis repulsi sunt. Post tamen Trotto Makius unus latronum captus & capitis supplicio ad VVexioniam subjectus, de Alberti Ducis Megapolitani tentata incurfione in Snalandiam exhibitis ejus literis, professus est. Die S. Viti nascitur in arce Holmensi Regis Gustavi filia Anna, postea comitis Palatini Georgii Ioannis uxor. Rex author civibus non solum mare Balthicum, ut hætenus, sed etiam mare occidentale navigandi: quia civitates ad mare Balthicum sitæ nimium hic quæstum exercerent; ejus æquas partes ipsi ad se derivare possent. Civibus navibus onerariis exstructis, Regis consilium cum non exiguo suo compendio sequebantur. Regni monetæ erectio sub pœna capitis vetita est, ob nummariam difficultatem & alias causas ante suo loco memoratas. Quum per occultos Gustavi inimicos & invidos atque per extorres quosdam Suecos libelli in Regem maledici in Germaniâ & alibi passim sparsi essent, Rex ad suam existimationem & regium nomen à calumniis vindicandum, in lucem edidit prolixiorum apologiam. Ad primum calumniantium caput, quod *Regnum Sueciæ injusto titulo possideret, quum absque legitima vocatione seipsam*

seipsum regie dignitati ingessisset, respondit ex historia Christi-
 stierni II. Daniæ Regis, qui regnum Sueciæ vi & armis sub ju-
 gum servitutis redigere tentavit: quod cum non posset, leoninæ pelli
 vulpinam adjuisse, & in proceres ipsumque Regis Gustavi patrem
 ac familiam, ac in regni subditos promissis & fidei simulatione cir-
 cumventos immanissimam sævitiam, variis innocentium suppliciis,
 duro carcere, cadibus, rapinis, violentis seminarum stupris &
 aliis atrocitatis exemplis exercuisse. Vnde subdit: non ut adversus
 Principem suum, sed ut communem patriæ pestem & hostem pu-
 blicum, qui totius regni excidium quæreretur, arma iusta ipso Gu-
 stavo duce sumserint. Tyranno autem regni finibus expulso, & li-
 bertate patriæ restituta, sibi tanquam libertatis per Dei opem vin-
 dici & patrono omnes regni ordines ex divina providentia, per legi-
 timam electionem liberaque suffragia, quamvis non semel renitenti
 regnum & imperium detulisse. Ad alterum caput, Quod in Chri-
 stianam religionem inusitata & Christianæ fidei contrarias muta-
 tiones invexerit, ita se explicat: se errores quosdam in religione,
 rituum abusus & superstitiones ex verbo Dei per orthodoxos Theo-
 logos satis refutatas, iusta moderatione tolli, & earum vicem talem
 religionis emendatæ & ceremoniarum formam introduci curasse, quæ
 verbi divini normæ & puritati fidei esset congrua: quo nomine etiam
 ad generalis concilii censuram ulterius provocare velit. Episcopis, qui
 regis opibus & ambitione facies tot motuum intestinorum fuissent,
 nervos eorum, fortunas æquo ampliores animosq; minime Apostolicos
 aliquantum depressisse, eosque iustis & honestis stipendiis assignatis,
 ad ecclesiastica munia fidelius obtunda remisisse. Vnde quidam ultrò
 se abdicantes officio & spontaneum eligentes exilium, in exteris lo-
 cis per sibi deditos domi clientes & factiosos homines non desierint
 turbare patriam. Ad tertium caput, Quasi clandestinas socie-
 tates cum quibusdam Regibus & Principibus in aliorum Principum
 & Imperii Romani perniciem inivisset, quo sibi Imperatoris &
 Germanicæ nationis odium & sinistras suspiciones pepererit; respon-
 det: se quidem cum vicinis & aliis Regibus & Principibus fœdera
 fecisse, non tamen in fraudem ullius, sed justæ defensionis adversus
 injustam exterorum hostium vim, pacis & quietis publicæ conservan-
 dæ, amicæ consuetudinis & commerciorum causa, salvis aliorum
 Principum & Rerumpub. eminentia ac libertate: quod publicis docu-
 mentis probare possit. Talia autem fœdera jure naturæ & gentium
 semper licita fuisse. Ad quartum caput, Quod pecuniarum submini-
 stra-

stratione, inquieto ingenio, & occultis suggestionibus exterorum Principum & Rerumpub. pacem & quietem turbavit, motusq; inter Christianos excitavit, reponit: Se Deum testem vocare posse, quod in sua regia functione, quæ ad Dei gloriam, nec solum ad patriæ sed etiam quantum in ipso esset, ad aliarum Christianarum Rerumpub. salutem, pacem & concordiam facerent, sectatum esse. Nec immiscuisse se rebus alienis, quum suis ipsi negotii in suis esset. Se verò opes, non superfluas quidem, quæ tamen honestè partæ nec sibi pudori, nec aliis graves, & aulæ statui necessarie essent, clam vel palam ad permiscendas aliorum Respublicas, impendisse, neminem amicorum aut inimicorum unquam probaturum. Ad reliqua capita: Quod erga confæderatos, bene meritos, vicinos, & ministros suos præsertim exteriæ nationis, haud ita ut deceat, se gesserit, ita rexit: quod ipse exprobretur se fæderum leges migrare, hoc nihil aliud calumniam struere, quam ut omnes Christiani Principes & Respub. ipsi adversæ reddantur, nec apud quemquam in posterum aliquid honestæ opinionis aut fidei habeat. Ceterum in hoc se appellare non modo suam sed & sociorum conscientiam, qua fide & integritate in fæderibus & pactis versatus sit. Benefactorum merita, quantacunque etiam jactentur, pari vice, si non majori compensasse. Erga vicinos se ut fidum amicum & confinem præbuisse. Nec meminisse se unquam difficiliorem fuisse, nisi quid ab eo postularent quod contra communia jura & omnem equitatem pugnaret, aut cum publicæ utilitatis ac libertatis damno conjunctum esset. Ministros suos etiam exteriæ gentis, si fidi essent & publico magis quam sibi ipsis studerent, ita ornasse, ut potius causam ipsi grates agendi quam exposulandi haberent. Si infidi non parem gratiam meruerint, de seipsis non alio querantur: uti nuper Conradus Peutingerus Cancellarius, qui per peculatum & sordes indignum se Regis favore fecerit. Ultimò rogat Imperatorem, Principes, Resp. aliosque, quum omnibus placere in nullius potestate sit, calumniis de se & mendaciis non temere credere, nec existimationis regiæ obtrectationi faciles aures præbere, priusquàm adversus eam se justè defenderit. Et quemadmodum ipse non tulerit quemcunq; extraneum cujuscunq; loci & ordinis à suorum quoquàm infami sermone differri; ita suam innocentiam & honestam famam apud extraneos & suos laborare ne permittant. Hoc se omni amicitie, vicinitatis & favoris officio remuneraturum. In comitiis Arbogensibus super alia regni negotia, i 546. consultatum est de regni hostiū & exulū proditorum apud Danos, Lubecenses, Palatinos, Mechelburgenses receptu, in Regis

Regis & regni invidiam contra fæderis leges factò inhibendo : de Caroli Holgeri itidem liberatione , qui à Rege Gustavo cum literis & mandatis ad Romanum Imperatorem missus , VVormatiæ , ubi tunc Cæsar morabatur , media luce per quosdam Germanos , qui Regis Gustavi olim ministri fuerant , proditur & calumniosè defertur atq; à Nicolao Hastedio captus abducitur , interceptis omnibus regiis literis. Iste Hastedius præterita æstate singulari beneficio à Rege affectus , dum pro eo solverat ter mille nummos unciales , malum regi pro bono rependit ; ex pessimo hominum genere , quos demerendo non devincias , sed irites. Sanè beneficia in ingratos , improbos ac perfidos collata , non solum , ut semen in sterilem terram jactum , pereunt , sed etiam insolentiæ , odii noxæque materia sunt : ut verè benefacta male locata , malefacta , non auctoris sed accipientis culpâ , dicas. Actum insuper de Christophoro Andræ regni olim Senatore & Cancellario nunc exule , & quid de eo faciendum esset. Dicebatur ad annum millesimum quingentesimum quadagesimum secundum , qua ratione legatus in Daniam missus , emanferit. Istius emanationis causam vi & injuriæ sibi tanquam à Gustavo illatæ adscribebat , eoque non leviter in suis ad Regem Danię literis illum tetigerat. Nunc autem in his comitiis senatus regni & nobiles permoverunt Regem , ut ipsum sub literis tuti reditus in regnum revocaret. Quod & fecit , easque literas per fratrem ejus Ericum VVitebergam , ubi tunc erat , transmisit , adiunctis insuper Senatus literis , quibus eum ad reditum in patriam hortabantur & de integra juris vi adversus quoscunq; certum faciebant. Quod si recusaret , offensam publicam & legis rigorem experturum. Sed velut surdo omnia dicta : donec biennio post Lubecæ decederet : ubi in primaria æde quam Dominicanam vocant , conditur , tumulo sic inscripto : *Anno Domini MDXLVIII. die XXV. Martii obiit nobilis ac strenuus Vir D. CHRISTOPHORVS ANDRÆ VVestgothus , artium liberalium Magister , Eques iuratus , regni Sueciæ Senator.* In iisdem comitiis agitatum est de Regis Gustavi liberis ex dignitate alendis. Consultatum insuper de remediis arctioris annonæ jam per quadriennium ingravescantis ; & post maturam deliberationem leges annonariæ Vpsaliæ & Gripsholmiæ editæ sunt : quæ non solum

solum præsentī malo mederentur, sed etiam parī futuri temporis timori occurrerent. Lubecensibus sedulo privilegiorum restitutionem flagitantibus indulta est immunitas à vectigalibus in quatuor emporiis Holmia, Aboa, Calmaria & Sundercopia; quod si placeat, ante diem S. Michaelis ratum habeant, si minus, induciæ ad decennium prorogentur. Christiernus interpositione Imperatoris Caroli V. & aliorum principum dimittitur ex arce Sunderborgensi, hac lege ut renunciato omni jure in Sueciæ & Daniæ regnum, præteritorum oblivione sancita, in arce Koldingensi regio cultu & victu à Christiano rege Daniæ haberetur, & ex regno Sueciæ Friderico Palatino Electori & Carolo Duci Lotharingiæ dos, quam socruī suę deberi contendebant, tribueretur: quod quum Christianus Gustavo per legatum Claudium Vnium significasset, Rex hoc remisit ad comitia Strengnensia. Vbi decretum est à R. ordinibus nullam dicere vel dare dotem Christiani filiabus, quum ipsi tantam vim & immanitatem à tyranno passi & optima post pietatem regni dote, libertate fermè in totum, nisi avertisset Deus, exuti fuissent. Si verò postulata à Christierni generis & hæredibus armis fortè quarantur, armis paratos esse se tutari. Recitatur in iisdem comitiis Ordinibus R. Gustavi Testamentum, & quas provincias ac ditiones jure fiduciario filiis ad se exhibendum destinasset. Quod ab omnibus æqua mente acceptum iuventique ad sensu approbatum est. Hoc anno nata est Regina filia Sophia, nuptui data Magno Duci Saxonie. Rumor ex Dania & Germania de variis molitionibus adversus Gustavum eò paratorem cum fecit ad vindicandum, si ipsum aggredierentur. quo comperito, quieverunt. Rex Christianus hoc anno cæpit uti trium Coronarum insigni, quod Sueciæ regni vetus ac proprium est. Nec ipse antehac, nec ejus parens Fridericus usurparat. Sed, quam Annales Sueciæ causam perhibent, regno Sueciæ nuper hæreditario facto, & spe huic inhiandi sibi & successoribus præclusa, ut tamen colorem quendam juris in illud retineret, & ex occasione disceptare & resuscitare posset, quod hætenus sopitum fuerat, ex quorundam amicorum instinctu illud suum quoque facere voluerit, obtentu unionis trium regnorum à Margareta cæptæ, & quasi regni Daniæ hæreditarii tituli. Quum tamen satis constet, dudum ante istam

1547.

1548.

istam unionem Reges Sueciæ eo ut regni genuino insigni
 usos fuisset. Ea causa quum Rex Gustavus cum Christiano
 non semel & graviter exposularet, tamen operam lusit; do-
 nec res in apertum bellum, præter alias etiam ob hanc causam,
 inter Ericum Regem Sueciæ & Fridericum Regem Daniæ

1549. maturesceret ac crumperet. Monetæ Sueticæ digna & vera
 æstimatio contra externos contemptim habentes & exinde præ-
 tium mercium augentes, sub gravi multa regio edicto ad-
 fecta est. Liber Interim inscriptus & Caroli V. auspicio in
 Germaniâ editus atque huic quoque regno obtrusus, ex
 censura sacri ordinis rejectus est; de quo plura in Historia
 Ecclesiastica. Elisabetha regia filia Gustavo nata; Christo-
 phoro Duci Megapolitano postea nubit. Arcis Vpsaliensis
 fundamenta à Gustavo jaciuntur in colle, quo nunc sita est.

1550. Edvardus VI. Rex Angliæ per legatos suos Ioachimum
 Gundelfingerum & Thomam Camertanum *commerciorum fæ-
 dus cum Rege Gustavo petit & peculiaria quedam privilegia & li-
 bertatem tam in continentibus & superioribus, ut à situ vocant,
 quam maritimis urbibus negociandi.* Rex Gustavus *fædus illud sibi
 quidem placere respondit, sed quum non absque magnis im-
 pensis merces terrâ in superiores urbes transvehi possint, ideo pere-
 grinis mercatoribus parum è re futura, etiamsi huiusmodi privi-
 legiis fruantur.* Præterea Suecos cives istis domi immunitatibus &
*scriptis statutis frui: ut nulli extraneorum mercatorum alibi quam in
 maritimis urbibus negociari liceat, quibus Rex nec possit nec velit
 eos privare.* Ad fædus utrique commodum ferendum An-
 dreas Olai IC. & Iohannes Laurentii in Angliam missi sunt
 cum hac regia admonitione: *Vt discordiam ex emulatione pru-
 dentia inter nostratis nasci suetam fugerent: cā enim res præclaras
 & negotia publica eos vel turbare vel demorari.* Sed istud nego-
 tium mox in irritum cecidit extincto Edvardo, ut suspicio
 erat, veneno aut alia violenta morte & valde quassato regni
 Anglici statu. Mox alii legati Georgius Normannus R. Se-
 nator, & Olaus Laurentii Secretarius Elfsburgo Bruxellas ad
 Carolum V. Imperatorem à Gustavo de pace & libero com-
 merciorum Germaniæ usu missi, proximo autumno rebus
 feliciter confectis redierunt. Quum Lubecenses ugerent pri-
 vilegium retrahendi ad se & urbes ad mare Balthicum suas
 Sueconum merces ac navigationem, non verò in regna &
 urbes

urbes ad mare occidentale sitas, inter cives & mercatores Sueciæ hoc indignè ferentes in nudinis Strengnensibus convenit, navigando non adire Lubecam & reliquas maris Balthici civitates, sed, quum Gustavus cum exoticis regnis pacem & foedus commerciorum in verit, navigationem & negociationem cum majori commodo divertere in Hispaniam, Galliam, Angliam, Belgium & alias remotiores terras: quod cum aliis de Evangelica religione & perpetua fide Regi servanda pactis à Rege Gustavo confirmari petierunt & impetrarunt. Ita mercibus in dictis oris à prima manu emtis, quas Lubecæ & in vicinis urbibus à tertia vel quarta manu mercari necesse habuerant, non exiguam rem & quæstum fecere Sueci. Quod Lubecenses quotquot tunc Holmiæ erant, ægris animis accipientes, insidias in urbem, arcem, & navalia parabant: quæ tamen accuratis excubiis, industria & curâ prohibitiæ sunt. Sed & Ducis Megapolitani Georgii Alberti F. Marchionis Brandenburgensis, Alberti & Palatinorum incursiones in Sueciam, interdicto eis à R. Christiano transitu per Daniæ, & Gustavi R. cura & apparatu militari cessarunt. Regis Gustavi minimus filius Carolus Holmiæ feliciter in lucem editus est. Quum Carolus V. cæpisset victor esse Electoris Saxonix & Landgravii Hassiæ, Rex Gustavus temporis serviens, æquè ac R. Daniæ, suos ad Cæsarem legatos Magnum Iohannis, Georgium Normannum & Andream Olai Augustam Vindelicorum misit de novo cum Palatina & Lotharingica domo pacto per eum faciendo, de commerciorum in Belgio foedere feriundo, & nupera pace rata habenda. Pax quidem à Cæsare rata habita est, sed novum illud pactum negabat Carolus absque consensu domus Palatinæ & Lotharingicæ, quarum inprimis interesset, secum seorsim iniri posse. Foederis commerciorum in Belgio tractationem remisit ad Mariam sororem, Belgii tunc gubernatricem. Lubecenses circa idem tempus querulum & supplicem libellum Augustæ tradebant Carolo Imperatori per syndicum suum Iohannem Rudelium IC. in quo exposculabant cum Rege Gustavo de denegato sibi commerciorum in Suecia & privilegiorum usu: quæ tamen à majoribus Gustavi & ipso, facultatibus suis, sanguine & sudore sibi peperissent: petentes ut Imperator illos tueri, & ad conservanda dicta privilegia opem ferre velit. Hac re

a. d.
IV.
Octob.
1551.

- istam unionem Reges Sueciæ eo ut regni genuino insigni
 usos fuisse. Ea causa quum Rex Gustavus cum Christiano
 non semel & graviter exposculetur, tamen operam luit; do-
 nec res in apertum bellum, præter alias etiam ob hanc causam,
 inter Ericum Regem Sueciæ & Fridericum Regem Daniæ
 1549. maturesceret ac crumperet. Monetæ Sueciæ digna & vera
 æstimatio contra externos contemptum habentes & exinde præ-
 tium mercium augentes, sub gravi multa regio edicto ad-
 sersa est. Liber Interim inscriptus & Caroli V. auspicio in
 Germaniâ editus at, ut huic quoque regno obtrusus, ex
 censura sacri ordinis rejectus est; de quo plura in Historia
 Ecclesiastica. Elisabetha regia filia Gustavo nata; Christo-
 phoro Duci Megapolitano postea nubit. Arcis Vpsaliensis
 fundamenta à Gustavo jaciuntur in colle, quo nunc sita est.
1550. Edvardus VI. Rex Angliæ per legatos suos Ioachimum
 Gundelfingerum & Thomam Camertanum commerciorum sæ-
 dus cum Rege Gustavo petit & peculiaria quædam privilegia & li-
 bertatem tam in continentibus & superioribus, ut à situ vocant,
 quam maritimis urbibus negociandi. Rex Gustavus sædus illud sibi
 quidem placere respondit, sed quum non absque magnis im-
 pensis merces terrâ in superiores urbes transvehi possint, ideo pere-
 grinis mercatoribus parum è re futura, etiamsi huiusmodi privi-
 legiis fruantur. Præterea Suecos cives istis domi immunitatibus &
 scriptis statutis frui: ut nulli extraneorum mercatorum alibi quam in
 maritimis urbibus negociari liceat, quibus Rex nec possit nec velit
 eos privare. Ad sædus utrique commodum ferendum An-
 dreas Olai IC. & Iohannes Laurentii in Angliam missi sunt
 cum hac regia admonitione: *Vt discordiam ex emulatione pru-
 dentia inter nostrates nasci suetam fugerent: cā enim res præclaras
 & negotia publica eos vel turbare vel demorari.* Sed istud nego-
 tium mox in irritum cecidit extincto Edvardo, ut suspicio
 erat, veneno aut alia violenta morte & valde quassato regni
 Anglici statu. Mox alii legati Georgius Normannus R. Se-
 nator, & Olaus Laurentii Secretarius Elfsburgo Bruxellas ad
 Carolum V. Imperatorem à Gustavo de pace & libero com-
 merciorum Germaniæ usu missi, proximo autumnio rebus
 feliciter confectis redierunt. Quum Lubecenses ugerent pri-
 vilegium retrahendi ad se & urbes ad mare Balticum sitas
 Sueconum merces, ac navigationem, non verò in regna &
 urbes

urbes ad mare occidentale sitas, inter cives & mercatores Sueciæ hoc indigne ferentes in nundinis Strengnensibus convenit, navigando non adire Lubecam & reliquas maris Balthici civitates, sed, quum Gustavus cum exoticis regnis pacem & foedus commerciorum in verit, navigationem & negotiationem cum majori commodo divertere in Hispaniam, Galliam, Angliam, Belgium & alias remotiores terras: quod cum aliis de Evangelica religione & perpetua fide Regi servanda pactis à Rege Gustavo confirmari petierunt & impetrarunt. Ita mercibus in dictis oris à prima manu emtis, quas Lubecæ & in vicinis urbibus à tertia vel quarta manu mercari necesse habuerant, non exiguam rem & quæstum fecere Sueci. Quod Lubecenses quotquot tunc Holmiæ erant, ægris animis accipientes, insidias in urbem, arcem, & navalia parabant: quæ tamen accuratis excubiis, industria & curâ prohibita sunt. Sed & Ducis Megapolitani Georgii Alberti F. Marchionis Brandeburgensis, Alberti & Palatinorum incursiones in Sueciam, interdicto eis à R. Christiano transitu per Daniam, & Gustavi R. cura & apparatu militari cessarunt. Regis Gustavi minimus filius Carolus Holmiæ *a. d.* *IV.* *Octob.* liciter in lucem editus est. Quum Carolus V. cæpisset victor esse Electoris Saxonie & Landgravii Hassiæ, Rex Gustavus temporis serviens, æquè ac R. Daniæ, suos ad Cæsarem legatos Magnum Iohannis, Georgium Normannum & Andream Olai Augustam Vindelicorum misit de novo cum Palatina & Loharingica domo pacto per eum faciendo, de commerciorum in Belgio foedere feriundo, & nupera pace rata habenda. Pax quidem à Cæsare rata habita est, sed novum illud pactum negabat Carolus absque consensu domus Palatinæ & Lotharingicæ, quarum inprimis interesset, secum seorsim iniri posse. Foederis commerciorum in Belgio tractationem remisit ad Mariam sororem, Belgii tunc gubernatricem. Lubecenses circa idem tempus querulum & supplicem libellum Augustæ tradebant Carolo Imperatori per syndicum suum Iohannem Rudelium IC. *in quo exposculabant cum Rege Gustavo de denegato sibi commerciorum in Suecia & privilegiorum usu: quæ tamen à majoribus Gustavi & ipso, facultatibus suis, sanguine & sudore sibi peperissent: petentes ut Imperator illos tueri, & ad conservanda dicta privilegia opem ferre velit.* Hac re

licet parum profecerint, tamen quo animo erga Gustavum & Suecos essent, declarabant. Legati Regis Gustavi contra scripto codicillo docuerunt: *Lubecenses non jure repetunt ire privilegia, quæ dudum sua culpa amisissent; & facere contra inducias Calmarienses decennales, & amicum in iis pactum.* Annonæ gravitate regnum premente, cujus princeps causa præter siccitatem agri videbatur luxus & ingluvies; Rex publico edicto imperavit frugalitatem & temperantiam, opposita vitiiis remedia. Margareta Regina Sueciæ mortem obiit. Sol eodem die, quo decesserat, lumine defecit, quasi in consensum doloris. Birkarenses & alii incolæ Bothniæ Borealis, qui ex piscatura in mari occidentali vitam tuebantur & simul mercaturam faciebant, conquerebantur Gustavo, de interdicta sibi à præfectis Norvegiæ libera piscandi in occidentali oceano, & cum Norvegis vel Succis, Lapponibus & Finnonibus maritimis negotiandi facultate; quod tamen ipsis jus ex inveterata majorum consuetudine liberè usurpatum dudum fuisset. Rex causa cognita, patentibus literis eis dedit liberum piscandi jus, absq; ullius interpellatione & impedimento sub gravi pœna vetito, in oceano occidentali in posterum, ut ante, exercendum; ita tamen ut Succis, Finnonibus maritimis & Lapponibus in lacu, diverticulo aut fundo maris eorum prædiis adsito nullam remoram aut præjudicium facerēt, sed in aperto mari, ut alii, piscarentur. Ut itidem cum Norvegis & aliis liberè & honestè commercarentur, aut etiã pisces suos in Sueciam pro æquo pretio distrahendos advenirent. Finnones autem ad mare colentes & Lappones regiis literis adversus vicinorum Russorum aliorumve vim & omne illegitimum tributum, præter ordinarium Regi debitum, protexit. Gustavus tertias nuptias cum illustri virgine Catharina Gustavi Olai de Torpa, Equitis aurati & gubernatoris VVestrogothiæ filia, reginæ Margarete sobrina, vel defunctæ uxoris sororis suæ filia facere instituit. Sed antequam dicta virgo solenniter ipsi conjungeretur, scrupulo conscientiæ injecto, sententia præsulum & episcoporum tunc Vadstenis congregatorum à Rege exquisita est, num hujusmodi matrimonium, ut licitum, ex jure divino probari posset. Quum antistites hac super re non parum perplexi dubique essent, quid responderent; tandem post maturam negotii discussionem

1552.

nem, ad spectu præcipuè civili, mentem suam ita exposuerunt: Hoc matrimonii genus in S. Scriptura conceptis verbis vet. tum non esse. Sed ut Rex propitio Deo, & tranquilla conscientia in Christiano conjugio degeret, nec è re foret, eo tempore apud externos dispicere sponsam, nec aliam legendi quæ placeret Gustavo facultas esset, permissum videri hoc matrimonium, nec offensionem inde facile metuentdam. Accedere, quod ea quoque ratione regiorum heredum & universi regni bono, quieti, dignitati, internæ conjunctioni, paci & concordie consuli posset. Ex quibus causis ante à Pontifice & Evangelicis, Christianis Cæsaribus, Regibus & Principibus concessum fuerit, etiam in propinquiori cognationis vel affinitatis gradu, si utilitate publica adversus subditos pensari posset. Quum ergo ex tali necessitate & respectu aliis sublimibus personis usurpatum, nec tamen inde commune scandali exemplum præbitum sit; & Gustavus ex patriæ & regni salute sacrum Dei verbum & Evangelium tam fideliter & graviter promorit & tuitus sit; post Regios Filios & Principes, etiam Præsules, unà cum R. Senatu; Equestri ordine & Nobilitate unanimiter decernere, ut Regi in nomine S. S. Trinitatis quiescente cum conscientia dictum matrimonium ingredi liceat. Illud sese contra aliorum quorumcunque dissensum aut impugnationem pro virili verbis & factis defensuras esse. Gravi incendio ex tabernis & ædificiis ligneis Holmiæ exorto, in posterum ligneas ædes Holmiæ exstruere prohibitum est. Exercitus lustratio & census ordinis equestris per universum Sueciæ regnum instituitur. Sinus Vvedoensis 1553. perfossus, purgatus & septus est, ut inde facilior & tutior transitus, quam ante, per mare Stocholmiam versus pateret. Quum Lubecenses minacibus literis immunitatum, & damni mercium in Lubecensi bello hîc amissarum restitutionem atque residui debiti pro ope Gustavo contra Christiernum præstita solutionem exposcerent, Rex ad eos misso Olao Laurentii secretario, se nihil eis ultra debere simpliciter & absque ambagibus respondit; si Lubecenses quid hostile tentarent, ad arma & defensionem paratum esse. Laurentius Siggonis R. Marschus, ut vocant, vel supremus militiæ præfectus vir domi bellicæ clarus obiit. Ferri erectio hoc anno prohibita est, quod vilioris æstimationis apud externos esset. Pretium ejus insuper auctum, ne velut abjecta aut improba merx extraneis ultra puteret. Conventus Elfsburgensis inter Suecos

& Danos habetur, de regni finibus, de difficultatibus inter duo regna à tempore pactorum Brömsebroensium intervenientibus, earumque remediis aliisque negotiis. Sueci contra legem fœderis à Danis factum contendebant in receptu, subsidio, distractione prædæ, & tuto commeatu pessimo perduelli Dackio in Blekingiâ concessis, aliisque injuriis: de quibus quum jure agi in foro Blekingensi & sententias executioni dari postulasset, vel jus non dictum, vel sententiarum executionem à corruptis judicibus suspensam aut intermissam fuisse. Item manipulos aliquot rusticorum ex Blekingia effusos in Sueciam, & limitem regni transgressos in sylva hujus regni cecidisse arbores, venatos ac in vicinis lacubus piscatos esse. Cædes, rapinas in oris Sueciæ & finibus proximis non semel exercitas, & quidem permisso aut indulgentia præfecti Blekingiæ VVerneri Pasbergii. Parem vim & insolentiam ex Hallandia, ex territorio Bahustensi nostratibus illatam, & in sylvis propinquis cæsum aliquoties, aut in mari occidentali & ad Gothlandiam piscationem à Norvegis & Danis prohibitam fuisse; Lagone Truttonis Hallandiæ, Claudio Bildio Bahusiæ, Christierno Huilseldio Norvegiæ aliisque præfectis conniventibus ac permittentibus. Præterea de furibus aliquot ex Norvegia profugis, & in Daniam contra fœdus receptis, de cive Gevalio Magno Olai à civibus VVardbergensibus attentio, æris alieni Luheccensibus debiti nomine, qui tamen ad jus sed frustra provocavit. Item de navis Iohannis Thuronis in Daniâ detentæ relaxatione aut satisfactio-
ne promissa nec præstita exposulatum, & emendatio ad omnia ex lege fœderis & jure amicitiae desiderata est. Danici autem oratores hic tergiversantes, culpam à regno Daniæ in privatas personas aut reos rejiciebant. Inde literis à rege Daniæ de gravi paratu bellico quorundam vicinorum hostium adversus Daniam acceptis, domum revocantur, ideoque proferre hæc negotia in aliud tempus & congressum quærunt. Sed Suecis oratoribus ex adverso contestantibus, tandem convenit de congressu alio ad diem Philippi & Iacobi ex utriusque regis voluntate instituendo, ut interim res in suspenso & cujusque jus de finibus aliisque difficultatibus in integro esset, velut hætenus absque controversia ab utroque rege usurpatum sit. At Gustavus graviter in suis literis ad senatum regni Sueciæ Gripsholmiæ datis exposulabat de pacto à suis Oratoribus cum Danis inito præsertim super articulo
de

de finibus, quem directè omni sano sensui repugnare aiebat: quia omnis injuria Suecis in finibus à modo dictis prædictis Danicis illata esset proximis annis & utriusque regis imperii tempore, nec antea. Proinde Suecos legatos ad hoc se literis & manu obligasse, ut Rex Gustavus nihil aliud ab illis expectaret vel reciperet, nisi quod antea semper absque disceptatione possedisset. Iam autem in confesso esse, non opus fuisse literas & sigilla dari de rebus extra controversum positis, sed litigiosis: in quo illi imprudenter errarint, prout ipse actiones & verba liquidò doceant. Danorum autem mentem esse, ut absque lite retinerent, quod præterito anno de regni Suetici finibus decerpissent, & de aliâ insolentia exercitâ non convenirentur. Quum iidem Rex Gustavus non meminisset aliquid ab sua parte esse commissum adversus Danos, malè ipsum habebat, legatos Sueticos in fine negotii tam duram sibi legem dici passos esse, & quidem his verbis: Sed quæcunque admixta aut peccata ab alterutra parte, interim summa cum diligentia emendabuntur: ut omnis amicitia, concordia & bonæ vicinitatis officia inter regna & incolas eorum colantur & conserventur. Ex quando de aliis quibusdam admixtis aut difficultatibus ulterius erudimur, maxima cum industria insinuabimus eas R. Mti Sueciæ domino nostro clementissimo; nec dubitamus quin Rex, quoad fieri potest & fas est, sit eas sanaturus. Quia verò altera pars nimirum Dani talem obligationem non præstiterint, sed nudam solum dilationem, ut satis ex eorum literis pateat: non itaque necesse habuisse Suecos ita in antecessum se obligare ad id, cujus rei non essent. Vnde satis esset colligere, Danos abundè suis commodis consulentes, ad amissum sua exegisse, nec remisisse vel minimum de suo jure. Rex itaque excandescerebat, legatos non cautius egisse, sed commodam occasionem, quæ semel, ut avis, è manibus dimissa, non facile redit, temerè neglexisse: quum tamen legatis Principis aut Reipub. incumbat, opportunitati seriò intentos esse. Inprimis ut negotia publica prudenter & scitè tractare sciant; & si quæ voce, manu aut scripto comprobanda sunt, sedulò prius recognoscant & singula verba ad rationis libram benè pensitent: ne callidè quid vel ambigüe ab adversa parte dictum aut consignatum approbent, quod postea poenitendum, minus excusandum, aut Principe vel Repub. indignum aut publico damnosum sit; & absque imprudentiæ nota vel difficulter emendari, vel proflus non queat.

Magni Ducis Moschovię præfectus Novogardięsis Demetrius Fridericus Paleicovius huc misit tabellarium Michitam Kufninum cum literis ad Regem Gustavum datis, in quibus accusabat Regis præfectum Bothnię septentrionalis, quod excursionem facta in territorium Murense usque ad castellum VVathoviense, vi abripuisset Magno Duci Russię decem paræciarum censum, quasi suo Regi præstandum. Regem quoque destinasse direptionem cœnobii ad VVarhoviam arcem siti. Dictus autem Michita in itinere, præsertim VViburgi, non aliter præ se tulerat, quam se missum à Magno Duce Muscovię de pacis negotio. Vnde subditi limitanei securiores redditi, nihil mali suspicabantur; sed quum iste Michita interiora regni ingressus esset, Demetrius præfectus Novogardius contra pacis fœdus absque ulla belli denunciatione in Finnoniam copias quasdam emittit, quæ non pauca in limite regni loca diripuerunt, magna populatione facta. Proinde Sueci eos in Russiam repellere coacti, in ipsa velitatione reperiunt quasdam literas dicti Demetrii, quæ ferebant iussisse Magnum Ducem Muschovię nobiles prope limitem habitantes incurSIONem facere in Sueciam. Vnde Rex non aliud, quam Michitam magis explorandi quam alterius negotii causa huc missum, suspicatus, eum detineri iussit usque ad factam utrinque compositionem. Ad literas verò Demetrii Gustavus respondebat, *Se nunquam fando audivisse nomen aut situm Murenfis territorii & VVathoviensis arcis, priusquam ex Demetrii literis didicisset. Quare vel inde satis constare, se non in animo habuisse ulla huiusmodi loca aut censum ibi diripere; nec sibi verisimile videri, tale quid patrasse præfectum suum Bothniensem; aut si fecisset, injussu suo fecisse.* Rex autem ex veteri consuetudine jusserat exigi tributum usque ad Kola, quod Birkarense per aliquot annos suppresserant & inter se partiti erant. Kola autem alias VVathofua vocabatur; quod rex ignorabat. Russi præcipiti anno iterum impressionem faciunt in Finnoniam & populantur usque ad Rithamam, magna vi siliginis abrepta. Rithamam autem ad Magnum Moscovię Ducem pertinere ajebant, non ad Finlandiam; quod tamen non ita erat: quum literæ limitum testentur, omnia quæ cis has regiones à Syfterbeckio usque ad lacum Aâ sita sunt, ad Suecię non Russię ditiones per-

pertinere. Hæc Russorum impressio magnis motibus, & dein aperto bello inter Russos momentum fecit. Quod ut sopiretur, Russi novam limitum distinctionem secundum Ducis Georgii & R. Magni literas, de quibus ante suo loco dictum, urserunt. Sed hanc finium designationem non fore è re Sueconum, satis erat divinare: quum Russi ejus beneficio partem Finlandiæ ad se transferre conarentur. Itaque responsum illis, *litteras Georgii & Magni ignorari; nec animum esse Suecis innovandi fines, sed servandi præfinitum & jam ultra ducentos annos usurpatum limitem, qui est in Syfterbeckio, & inde excurrentem ad Oceanum occidentalem. Si verò Suecia non alia via posset retinere quietam ejus possessionem & usurpationem, adversus vim cum Deo defendere paratam esse.* Hic tumultus cum Russis R. Gustavo non parum ægrè erat; cujus tamen nullam ille culpam, sed ipsi Russi prima in Sueciæ fines impressione dederant, & quidam imprudentes Regis prætores, inprimis Andreas Nicolai in Kiffuenebben, qui Rege inconsulto & invito populatione quadam vexarant fines Russorum, ulciscendæ vastationi eorum in Finlandiâ. Quod tamen magis ex avaritia ipsorum & propria utilitate, quam in rem Regis ac regni fiebat, ut postea dicitur. Magister ordinis Livoniæ Henricus à Galen per legatum suum instigabat Regem ad bellum contra Russos, spe armorum eidem à se inferendorum, & auxilii Gustavo præstandi. Sed ubi ad rem ventum est, mutavit animum, & promisso non stetit. Dum Russi obsidere cœperunt VViburgum & vicina populari, post triduum confluunt in æquor Râfuchandense, in glacie consilium de summa belli inituri, depressa glacie omnes profundo hausti perierunt. A Sigismundo Rege Poloniæ legatus Machovius Vadstenis à Rege Gustavo auditus, offert ipsi sui Regis nomine amicitiae sœdus & opem adversus Russum, communem utriusque atque hæreditarium hostem. Rex Gustavus hæc quidem grato animo accipit, sed ea conditione, *si tutus interim esse possit ab insultu vicinorum ad mare Balbicum: qui quamvis nondum se pro hostibus professis gerant, tamen ex occasione, præsertim si regnum viribus & copiis adversus Russos emisisset & cum Sigismundo conjunctis nudatum ac velut inerme foret, hostilia tentaturi & subitam impresionem facile facturi sint.* Quare copias suas revocare cogere non absque levi

utriusque regni incommodo. Nec se videre quomodo tam longe dissi-
ntroque regno Suetico & Polonico, junctis viribus commodè aggre-
diendus sit Russus; nisi Rex Poloniae quasdam opportunas hujus rei
vias apud Magistrum ordinis in Prussia & Livonos reperire posset.
Hoc autē se ulterius cogitandum illi committere, cum spe tam prudens
ab eo consilium datum iri, quod maximè ex usu utriusq; futurum sit.
Inter alia pacis negotia Rex publicavit constitutionem de
domesticis mercibus utiliter distrahendis, & exoticis emen-
dis. Edictum insuper edidit de causis egestatis plebis & fru-
ctuum Coronæ diminutionis, earumque remediis. Equidem
rex totum reipub. corpus, cujus causa se caput esse nove-
rat, ita curat, ut quantum in se, non solum illud vi-
vat, sed & valeat. Vadstenis ad præfectos VVestrogothiæ
& Smalandiæ scribit monetque sedulo invigilare adversus Da-
norum molitionis: qui novum regem Fridericum ad nova con-
tra hoc regnum, non habita ratione sæderis, stimulant. Quip-
pe ipsum palam jactasse, se cum tempore regni sui fines longius &
quidem huc Holwedum usque proferendi viam inventurum. Eun-
dem in annulo signatorio uti trium Coronarum insigni: quæ non
fide consuetudinis tessere & argumenta essent. Inprimis jubet
R. Gustavus intendere animum præfectis in limite habitantibus,
& cum Danis commercia ac consuetudinem quandoque etiam
factionem colentibus, eamque prohibere. Quæ si nolint abstine-
re, ad se mittant hujusmodi socios, ut illis plebs, tanquam corpus
noxio humore purgatum, minus mutationi & morui sit obnoxia.
Russi iterum cum copiis XXX M. irruptionem faciunt in Fin-
noniam & Bothniam Orientalem, incendio, cædibus &
rapinâ sædè grassati; donec ultra mille eorum à nostratibus
cæsi, reliqui metu fugati sunt. Postea majoribus copiis pa-
ratis, Jacobus Baggius cum classe præmissus est VViburgum:
qui rebus & situ loci, excursionem triremium ad Nyam flumen
& colloquio cum nobilibus aliquot Russis habito, satis explo-
ratis, Regem qui Aboam ipse cum iusto exercitu venerat,
per literas & Olaum Scottum eò missum de omnibus docet.
Sed iste Olaus plura quam jussus erat Regi referens, & falsa
veris placendi studio miscens, ait Baggium inopia commea-
tus constituisse in Russiam movere, copiis satis munitum nimirum vi-
ginti millium, quum vix essent quatuor mille. Fortunam non de-
faturam, quum omnes nobiles Kexholmenses inclinaret in partes Gu-
stavi:

flavi: & arces Russiæ faciles occupatu fore ab alacri & bene armato milite, Russis contra morte Magni Ducis Moscoviæ consternatis; quæ tamen falsa erant. quibus Rex fidens permisit Baggio irruptionem facere in Russiam, sed cautè & cum consilio. Baggio jam imminente Russiæ finibus, Russi concrematis circumquaque pagis, commeatum in tutiõra deportant: ita ut Suecis nihil ad victum reliqui facerent. Terrestris copiæ ducibus Henrico Claudii de Kankas, Nicolao Boethii de Gennås & Claudio Christierni de Åminna, primo occurrentium Russorum agmine fuso, Nöteborgum arcem animo eam obsidendi petunt. Vbi verò propius accessere, deprehenderunt, arcem expugnationi non esse opportunam ob firmissima propugnacula, & rapidissimi fluminis quo circumfunditur impetum. Sed & ab una parte propius septingentis passibus, ob paludes interiectas, admolari tormenta non poterant: quod spatium nimis remotum esset. Ab altera parte non nisi insula in medio flumine arcem alluente sita erat, quo nec tormenta ob vehementem fluvii cursum absque periculo traduci possent. Denique vicino agro per Russos vastato, res frumentaria nulla ex propinquo suppetebat. Itaque tot difficultatibus objectis, relicta obsidione VViburgum regressi sunt: quum in reditu copias Russorum eos impetentes terra marique strenuè repulissent. Rex Gustavus ipse VViburgum cum ingenti classe & copiis accedens, omnia sapienter ordinat, & sua præsentia animam rebus, spiritum militibus addit. Insignibus quoque militaris prudentiæ monitis suos instruit, ut tutius ab ipso quam hoste discerent; aut qui jam usu, rerum etiam militarium magistro, didicissent; tanta authoritate confirmatiores redderentur. Duces & tribunos militum cum consilio rem aggredi monet. copias non longo intervallo disparare sed prope in subsidiis habere, quoties usus veniat: ut si vel cedendum sit majoribus hostis viribus, vel in pares impetus faciendus, breviori ac propiori spatio melius ordines serventur. Vbicunque impressionem facturus esset hostis, ad occurrandum ei non nimis incitato cursu ruere, sed prius per speculatores & velitationes explorare ejus iter, agmina & vires. Atque sic integros aut quiete refectos conjunctis copiis, & opportuno loco invadere Russorum itinere fessorum agmina. Ne verò temerè discrimini obijce-

retur exercitus, prius hostem exciperent tormentis, & interim subsisterent equites peditesque consulebat, donec hostis in fugam datus esset. Postea eum ex occasione, & pro viribus adorirentur. Quod si junctim & cautè in unum agmen Russorum (ut solent agmina partiri) suas effunderent copias, facilius illis detrimentum allaturos, quam si confertæ essent cohortes hostiles. Si verò unum agmen in fugam coniici possit, reliquos mox etiam exemplo territos aut metu pudorem superante, pariter terga versuros, ut solent isti populi stragem aliquam passi. Monendos etiam in tempore incolas Savolaxiæ & alios ad limitem colentes, ut semper in procinctu essent, & commeatu ad mensem aut longius è re nata instructi. Ex omnibus oris, quas transiturus esset Russus, segetem, scenum & alia ad annonam spectantia avchenda esse: ut hostis inopiâ ejus longius progredi non possit. Concæde arborum etiam hosti transitum intercludendum esse; ita tamen ut prope viam non statim adventantibus in conspectum daretur, sed à latere & aliquanto remotius à primo obtutu. Si vero jam constaret de adventu hostis, facile posse cæsis arboribus oppleri & obrui viam in fronte aut fine concædis, prout opus esset. Ordine verò collocandum esse nostrum militem cum justis armis ad seriem concædis: qui ex illa velut ex opposito propugnaculo adversum peteret hostem, uti Rex in charta delinearat. Quum autem hostis equite, pedite, tormentis & alio apparatu potentior esset, haud acie cum eo decernendum esse, nisi conjunctis omnibus nostratum copiis. Atque si necessitas conflictum imperaret, sole & vento secundis non adversis pugnarent, & in iis locis, unde, hoste forsan victore, tutus esset receptus. Sed nec velitaribus pugnis hostem laceffendum esse, nisi omnibus rerum momentis satis exploratis, atque si pares sint hosti. Non enim esse morem militiæ, ut pars imbecillior provocet ad prælium valentiores; sed qui plus possunt, viribus minores velitationibus elicere & carpere eorum agmina; donec ad manus deveniatur. Non autem satis esse, maturè rem deliberare, antequam eam aggrediaris, sed in tempore quoque patrandam. Consilium enim absque facto, esse velut nebulam
1556. absque pluvia in magna siccitate. Russi subsequenti hyeme multo majoribus copiis Finnoniæ fines invadunt, & omnibus
pagis

pagis inter VViburgum & regni limites in cinerem redactis, ita cædibus passim & immanitate grassantur, ut ne quidem inermi sexui parcant. infantes in fornacem flammis ustulandos coniciunt, aut sepibus suffigunt. Postmodò VViburgum obsidione cingunt, muros tormentis quatiunt, etsi cum exiguo obsessorum detrimento; quia mox vano terrore perculsi deseruerunt obsidionem. Dum enim noctu è vicino horreo certatim convektatur omne fœnum in arcem, ne fortè Russis prædæ esset, strepitu rotarum in ligneo arcis ponte gravem sonitum edente, qui in castris etiam hostium per totam noctem exaudiebatur, hostes rati aliquot millia equitum & peditum in urbem admissa esse, castris motis abscedunt; relictis tamen aliquot millibus suorum, ut quasi adhuc præsentium, nec fugæ speciem præbuisse viderentur. Baggius cum suis ex urbe se proripiens & terrore divinitus hosti incusso adiutus, omnes adversas copias pellit, eo successu, ut ad pacem tandem proclivior esset hostis; præsertim quum ad Novogardiæ præfecti literas stolidæ ferociæ plenas Senatus regni in absentia Regis ex vero respondisset, & uti meritis erat, iterum tetigisset. Itaque semestres induciæ factæ sunt, ut interim de pace commodius ageretur; ad cujus conciliationem etiam operam suam offerebat Sigismundus R. Poloniae, etsi exiguo cum fructu. Quin Rex ipse Gustavus, qui pacis & sistendæ sanguinis effusionis studio tenebatur, ad Magnum Ducem Moscoviæ de amicitia reconcilianda, salvis jure finium & libertate regni, literas dabat. Interim tamen, ne ex desperatione fortunæ arma detrectare videatur, aut hosti pacem nolenti se imparatum invadendi occasionem præbeat; vires, quot potest, ex Suecia & Finlandia colligit. Finlandiæ Principatus, ditio Aboensis & Alandica cum subiectis territoriis Duci Iohanni ejusque masculis hæredibus eodem tempore ad se ex dignitate tuendum concedebatur; sed sub fiducia restituendi Coronæ, si absque maribus hæredibus decederet: quod literis suis ulterius firmavit. Rex Gustavus ad regem Daniæ mittit legatos Iohannem Axelii & Iohannem Ritbergium cum literis quibus significat: *quomodo bello cum Russis invltus culpa Magni Ducis Moscoviæ sit implicitus. Quum autem Angli novum & inusitatum per mare glaciale, ut vocant, iter in Moscoviam ad portum S. Nicolai sibi aperuissent,*

ruissent, præterveſti Norvegiam; quod omnibus circumiacentibus regnis ſed & maris Baltici accolis & civitatibus inæſtimabili damno futurum ſit, dum omnis generis vetita bellica instrumenta & arma ad Ruſſos deportarent, quibus contra Chriſtianos nimis maniri, & ad exemplum potentia Turcica per Aſiam & Africam elata, etiam imperium in Europam affectare poſſent. Proinde ſe amicè deſiderare, ut rex Fridericus & ſuo emolumento tuendo, & aliorum Chriſtiani nominis membrorum ingenti detrimento amoliendo, iſtum navigationis curſum Angliſ præcludere velit. Eodem & communium commerciorum nomine ad reginam Angliæ miſit. Sed ab ea reſponſum accepit: *Se ſuis ſubditis libertatem navigandi quò velint ex privilegio naſtis, inbibere non poſſe. Velle nihilominus armorum inveſtitionem in Ruſſiam prohibere.* Quod tamen factum non eſt. Nec de mutuſ commerciiſ certi quid reſponſum. Guſtavuſ miſſiſ in Ruſſiam legatiſ Stenone Erici fratre Reginæ, Laurentio Petri Archiepiſcopo Vpſal. Michaele Agricola Epſcopo Aboenſi, Benedicto Gyltio, Canuto Canuti & Laurentio Laurentii ſecretario, pacem cum Ruſſiſ inſtauravit, quæ conſuetiſ ſolennibuſ & religione ſequenti anno confirmata eſt. Eodem ſerè tempore etiam ſcæduſ commerciorum inter Regnum Sueciæ, & Comitatuſ Orientaliſ Friſiæ contractuſ eſt, per legatuſ Arnolduſ Roſenbergiuſ & Martinuſ Helſingiuſ; licet, ut teſtatur Vbbo Emmiuſ in hitoriâ Friſicâ, adventuſ eorum præcipua cauſa fuerit tractatio matrimonii inter Gubernatricis primogenituſ filiuſ Edſarduſ & Regiſ filiam Catharinam; cujuſ negotii initium fecerat Franciſcuſ Lovvenburgiuſ Saxoniæ Princepſ, utrique domui propinquuſ. Sed hæc cauſa tunc vulgò latebat, dum alia ferebantur, nimirum de ſcædere commerciorum. Martino Helſingio etiam inſidioſæ molitioneſ exuluſ Suecoruſ, ut appellari volebant, Lotharingoruſ, Palatinoruſ, civitatuſ Hanſeaticaruſ & Conradi Vxkylii nobiliſ Livoni adverſuſ Sueciæ regnuſ, ab Arnoldo VValvicio in Friſia detectæ ſunt; quæ tamen divina ope diſſipatæ in ventuſ abierunt.

1557. Pax inter Suedoſ & Ruſſoſ ad quadraginta annuſ facta eſt hiſ legibuſ: *Vt limiteſ utrinque expurgarentur & renovarentur. Itinera tuſa & commercia apud utruſque libera eſſent. Captivi utrinque dimitterentur. De uſurpatione inſigniuſ trium Coronaruſ*

narum Gustavus in suis ad Christianum, & sequenti anno ad Fridericum successorem literis exposulavit. Sed hi parum hoc mori responderunt, ut antea. Rex edictum publicat de fugiendis enormibus delictis, maledictis, execrationibus, homicidiis, adulteriis, stupris, helluatione aliisque vitiis. de meliori vita agenda, de concordia & obedientia erga magistratum exercenda, de tumultu & turbis vitandis. de frugiferis arboribus non cædendis, hortis lupuli salictarii in usum & commodum rei familiaris instruendis. Livonis à Russo truci bello infestatis, Gothardus Ketlerus ordinis Livoniæ magister & Revalienses mittebant ad Ducem Iohannem in Finnoniam petitum pecuniam, milites & comitatum, pro certis Livoniæ ditionibus ei oppignerandis. Quod Dux Iohannes, ut juvenis & cupidus potentiæ, lubenti animo accipiebat, sibi persuadens se hac occasione Livoniæ parte potiturum. Sed simul illud innotuit parenti ejus Regi Gustavo, planè ipsi displicuit, & ab hoc serio dehortatus est filium Iohannem: *Si enim summitterentur eis auxilia pro oblato pignore, periculum fore offensæ & novi belli Magni Ducis Moscoviæ, tanquam ob violatum per hoc pacis fœdus. Sed & inimicos Sueciæ hac causâ fore Imperatorem Romanum, Regem Poloniæ, Regem Daniæ, qui omnes sibi jus in Livoniam aliquod vendicarent; aliosque ex Vandalicis civitatibus occasione belli intentis. Præterquam quod pignus forte non responsurum sit capiti vel sorti. Satius itaque esse tueri & firmare propria à Deo concessa, quam appetere aliena: nec spe ac desiderio incertorum certa in discrimen danda esse.* Stocholmiæ Gustavus iterum edictum publicavit de serio pietatis cultu, concordia, fide & integritate servanda, malis & consuetis dolis ac machinationibus, ut regni & patriæ turbamentis & peste fugiendis. De frugiferis arboribus classi extruendæ & pascendo porcorum gregi utilibus non cædendis, hortis lupuli salictarii plantandis. Princeps Ericus fiduciæ titulo accepit, tuendæ vitæ aulæque, arcem Calmariæ, Cronoburgi & Ölandiam cum adjunctis territoriis. Ille se scripto & verbis obligavit ad ea, quæ filius & Princeps patri regnoque jure debet, præstanda. Ingressus Smalandiam, equestrem ordinem adigit sibi sacramento, quod absonum parenti visum: quum satis ipsi de securitate antea cautum esset. Et, ut senectus plerumque suspicax & timida est, munivit se novis præsidiis & custodi-

1558.

dibus corporis. Rex purgabat mare, quâ alluit Sueciæ territoria, in primis ad Nylandiam piratis aliquot Revaliensibus Russos exspoliantibus: quibus tutum per Sueciam iter ex fœdere pollicitus erat. Ericus electus Rex & successor regni Sueciæ efflictim ambire cœpit nuptias Elisabethæ Reginae Angliæ per legatos Stenonem Erici, Nicolaum Gyllenstiernium Cancellarium, Carolum Geram, Gustavum Iohannis & Carolum Mornæum diversis temporibus in Angliam missos, sed nullo fructu. Habebat etiam in Angliâ perpetuum legatum Dionysium Buræum Gallum, qui coram istas nuptias sollicitaret. Sed Ericus vana spe, blandoque verborum honore lactatus, patris ærarium ingentibus & inutilibus sumptibus non parum exhaustit. Ad R. Gustavi manus non unæ literæ ex diversis locis venerunt, quibus monebatur sibi cavere à molitionibus Christierni tyranni familiæ & hæredum, qui magnas sibi vires & subsidia collegerant, & proxima æstate vel autumnno impressionem in hoc regnum minabantur, fortunæ suæ toties frustra tentatæ, nunquam tamen animo penitus dimissæ, periculum denuo facturi. Nec Danis satis tunc fidebat Gustavus, ob contumelias & alia fœderi communi adversa sibi illata. Proinde cogitavit de ratione terra marique regnum contra quoscunque infestos hostes tuendi, & in Vadstenensibus comitiis ea re satis discussa, decretum est, primò de pedestribus & equestribus copiis augendis, & ut singuli ex nobilium ordine in triennium aut quadriennium se pro ratione census prædiorum equis & armis justis instruerent. Dein, ut munitionem Elfsburgi tanquam portus & clavis orarum maris occidentalis, & portæ inter Norvegiam & Hollandiam sedulo persequerentur, ope subsectorum ei territoriorum. Ut itidem propugnaculum Naglmeesjundense velut transitum & viam regiam inter Daliæ, VVestrogothiam & Norvegiæ, atque amenum commodumque situ, exstruendum aggredierentur, ope Daliæ, territorii VVenæ & Asæ. Et quia jam bonum initium factum esset castelli Ienecopenfis, sius satis opportuni pro Ostrogothis, Smalandis, VVestrogothis & Nericiensibus, & unius viarum publicarum, nec incommodi divi-bitorio adversus vicinos Danos, aut aliam occasionem; majori industria, quam hætenus, urgerent. Præterea decretum erat de locis conventus, ut ex Vplandia, Sudermannia, Nericia & Ostrogothia milites convenirent Lincopiæ & Vadstenis, ex VVestrogothia Verme-

lan-

landia & Dalia Falcopiae, Smalandenses Calmariae & Ienecopiae. Denique, ut omnes viae publicae ac regiae à Dania ad fines regni per Smalandiam, & Vestrogothiam ferentes & peculiariter designatae quamprimum pronunciètur, & postea deligantur aliquot manipuli bonorum militum, eorumque decurio unus vel alter, qui aequaliter observent vias & per eas digredientes vel accedentes peregrinos tam à fronte quàm tergo, regiis praefectis indicandos. His ita ordinatis, aliquot perspectae fidei & moderationis viri constituti sunt, qui cum nobilitate per totum regnū in qualibet provincia transigerent de praestandis militiae equestris muneribus, pro modo & numero praediorum. Quia verò aliquot rusticorum filii inter nobiles reperti sunt, qui per matrimonii viam adepti erant quaedam praedia, nec immunitatem eorum sibi adquisiverant, ut lex Sueciae jubet; Rex respondit: Spectandum cujusque virilem animum & famam, ut lex vult, id est, prius explorandum, num ad immunitatem acquirendam sit idoneus; quod si factum fuerit, tum demum iudicandum esse, num ea dignus sit. Virtutem enim, prudentiam & fortitudinem claros & nobiles facere. Classem etiam bene paratam, armis, commectatu & milite satis instructam ad fines regni expedit, ut adversus incursionem quorumcunque hostium procincta staret. Quin Rex quotannis non absque magnis expensis in armis erat. Vnde factum, ut Dei ope & perpetua ejus cura, vigilantia & ad vim arcendam promptitudine hostis absterritus nihil contra eum moveret. Magister ordinis Livonici iterum mittit ad Iohannem Ducem Finlandiae, & inde ad Gustavum ipsum Regem, de ope praesertim pecuniaria contra Russum. Quidam ferunt, quum Revalienses Regē non illustrissimi aut serenissimi, more horum temporum, sed sua lingua illuminatissimi titulo in literis salutassent, Iohannem Principē eos tanquam honoris Regii non satis observantes dicto perstrinxisse: Regis Gustavi nomen non tam obscurum esse, ut Livonorum illuminatione opus haberet. Sed quod rem ipsam attinebat, opem regem rogantes, sufficiens pro ea pignus offerebant. Se etiam luculenta auxilia à Caesare, Principibus Germanis, Polonis, Lithuanis exspectare ferebant. Rex etiamsi calamitatem vicinorum misereretur, agrè tamen illis opitulari posse respondebat, ne retractaret & violaret leges pacis cum Russo, atque sic novi belli materiam daret. Auxilia à Caesare & Germanis bello Turcico distri-

strictis frustra expectari. A Polonis & Lithuanis se quoque magna sperare non posse, quum ante vanis eorum promissis deceptus esset, spe auxilii facti, sed nulla ope præstiti. Si tamen arcem Revaliensem cum aliquot munimentis Livoniæ ipsi cum certa cautione oppignerare vellent, se non alienum fore ab ipsis et iuvandis, ut sibi decorum & Livonis utile foret. Ad hoc responsum oratores negabant se posse mentem suam aut suorum explicare, quum nihil tale in mandatis haberent. ad referendum tamen accipere. Hac æstate navis oneraria ex Dania huc accedens, in puppi præferebat insigne trium Coronarum, quod Iohannes Dux Finlandiæ tunc Holmiæ præfens excindi jubet: quod illud Rex Daniæ Fridericus successor Christiani patris, uti in ore communis famæ erat, ad arrogandum sibi jus aliquod in Sueciæ regnum usurparet: quum ejusmodi insignia regia essent regni veri aut prætensi signa vel argumenta. Proinde R. Gustavus ad Fridericum R. scribit, & memoriam meritorum erga patrem & avum strictim repetens, ut Christianum & moderatum Principem hoc velut magni præjudicii incepto desistere monet. Se pari prætextu posse usurpare Daniæ & Norvegiæ insignia. Sed quale hoc amicitiae stabilimentum futurum sit, ipsum per se facile pensitare posse. Nihil se dubitare, quin multi opient & laborent inter hæc duo incluta regna dissensiones ac dissidia nasci, velut lupo & vulpes latis oculis adspiciunt, leonem & ursum de præda concertare, spe suæ quoque partis inde capiendæ. Ita nonnullos desiderare ut utraque regna discordia divellantur, uti eo commodius pravas cupiditates explere possint. Quum verò nihil magis in votis habeat, quam ut hæc regna in mutua amicitia & animorum conjunctione perseverent, eò se percipere, ut Rex Fridericus idem ex sua parte præstare velit & efficere, uti dissidia & offensæ de tribus coronis reapse tollantur & amputentur. Reliqua ab utriusque subditis in finibus aut alibi admissa postea facile corrigi posse, si utriusque arbitri commodo loco ac tempore conveniant. Sed hæc literæ & admonitiones parum loci apud eum habuerunt, donec postea ad arma cum Erico descenderetur, & hujus regni sitis vel quæcunque cupiditas effuso sanguine restingeretur. Quum Rex Gustavus de honorifico aut regno Sueciæ utili successu negotii Anglici desperaret, & nihil nisi pecuniæ profusionem progredi cerne-
ret, Erico filio suasit tam incertam spem non tanto pretio mercari, nec tam sollicitè rem dubiam urgere, sed Dei providentiæ
com-

committere , eumque sibi salutaria rogare. Sed Ericus & ejus
 frater Iohannes hic pertinaces, huius negotii studio adedò de-
 diti erant, ut nullis inde rationum machinis dimoveri possent.
 Quum his diebus à Dionysio Buræo legato in Anglia Sue-
 tico literæ adferrentur, quæ aliquid solatii Erici desiderio ad-
 spergerent, persuasum est Duci Iohanni Finlandiæ ut in gra-
 tiam fratris cum Stenone Erici R. Senatore in Angliam ad
 rem elaborandam iret. Hæc tam illustis legatio quantos sum-
 tus hauserit, facile cogitatur est. Sola expeditio Ducis Iohan-
 nis bis centum millibus aureis constabat. Quum ille itineri
 jam accinctus esse, Rex filium paternè monuit, ut nihil fœde-
 ris aut pactorum iniret, quod Sueciæ regno, legi successio-
 nis, juri & libertati patriæ fraudi aut incommodo esset. Quod
 cum patri promississet, velis & vento secundis discessit. Ed-
 zardi Frisiæ orientalis Comitis nuptiæ solenniter cum vir-
 gine Catharinâ filiâ Gustavi Regis, centum millibus num-
 morum uncialium præter alia dotatâ Holmiæ celebrantur in
 præsentia Francisci Ducis inferioris Saxoniae, Iohannis ab
 Hoia Episcopi Osnabrugensis, & sponsi fratris Iohannis Co-
 mitis Frisiæ orientalis. Ille annua pensione, & hic donativo
 mille aureorum, cum quindecim mille sub specie mutui ex-
 pectasset, ornati & novos conjuges affines comitati abie-
 runt; quamvis Episcopus animo non satis æquo & fido, quod
 postea in bello Danico & Elfsburgensi obsidione, cui quoque
 intererat, patuit. In itinere Rex Ericus Edzardi fratrem Io-
 hannem ob quam causam incertum, quamvis non tanti fu-
 isse constet, Vadstenis capi & in Vplandiam in custodiam
 Örebyensem abstrahi curavit: quæ protervia Erici animum
 Gustavi non parum vulneravit. Edzardus quoque regressus,
 non prius excedere regno voluit, quam fratrem secum re-
 duceret. Legati ex Anglia reduces vana spe nuptiarum du-
 cunt Ericum, usque ad ipsius in Angliam accessum. Hoc an-
 no fœdus amicitie & commerciorum renovatum est inter R.
 Gustavum & Franciscum R. Galliæ, & privilegia peculiaria
 Suecis in in Galliâ concessa sunt. Ingruente hyeme R. Gu- 1560.
 stavus ad tempus substitit Vpsaliæ, inde abiit Strömsholmiam;
 quò Steno Erici ex Anglia profectus est ad Regem, & quid
 spei esset de nuptiis inter R. Ericum & Elisabetham, retulit.
 Strömsholmia pergit Rex Vlsuefundiam, Arbogam & Iule-
 tam,

tam, ubi morbo & febre ardenti corripitur, donec ardore remittente convalesceret. Viribus Regis ita confirmatis ut æris patiens esset, petit iterum Vlfuesundiam & inde Melerum lacum, partim corporis reficiendi causa, partim ex consuetudine sua circumiens devenit Eskilstunam. Eò circa vesperam quoque dux Iohannes ad regem accessit, rediens ex Anglia, læto & lubenti animo à patre exceptus. Enarrans patri negotii sui successum, spem iniecit nuptiarum Elisabethæ, etsi ut docuit eventus, patris Gustavi & fratris Erici animi magis lætandi studio, quam certæ rei affirmatione. Licet enim Iohannes nihil non egisset, ut nuptias ad optatum exitum duceret, assidue apud Reginam procando, sumtus & largitiones in primates profundendo, etiam infirmorum benevolentiam captando, inter quos argenteos subinde nummos spargebat, dicens, fratrem, ubi advenerit, aureos plebi divisurum; tamen operam ludebat. quippe obstabat præcipue Elisabethæ animus à nuptiis abhorrens, utut adsimularet & tot procos deluderet: ut non minus verè quam venustè Lundino ad Parmensem Principem de Elisabetha scriberet Bernhardinus Mendoza: *Reginam singulis annis sponsam esse, nunquam verò nuptam.* Accedebat Regis Daniæ æmulatio, non passuri, quantum in ipso erat, Sueciam & Angliam in unum fœdus his nuptiis coire & Suecos nimis crescere. Qua re Fridericus II. Rex Daniæ patrum Adolphum Ducem Holsatiæ excitaverat, ut ille quoque nuptias Elisabethæ ambiret, & cum Erico vel speratas vel cogitatas inturbaret; uti locuples testis est Gulielmus Camdenus, historiæ Elisabethæ author. Holmiæ comitia solennia instituuntur, in quibus R. Gustavus publicari curat & confirmari Testamentum suum & successionem Erici ac reliquorum hæredum masculorum; & ut Iohannes Dux Finlandiæ in Erici absentia, si quid interim humanitus accidat R. Gustavo, regni vicariam administrationem suscipiat. Testamentum verò tam prudenter & fideliter à Rege conditum erat, ut non solum successionis & unionis hæreditariæ, sed & totius regni securitati ac prosperitati in eo consuluisse & præstruxisse videatur. Vnde & inter leges regni ab omnibus Ordinibus tunc relatum est. Finitis dictis comitiis, Rex Ericus properabat iter in Angliam, & expediri classē aliq̃ue

necessaria curabat. Rex autem Gustavus nequaquam eum à se prius dimittere volebat, quam solenniter regi no cavisset, quod nollet ullum fœdus aut pactum inire cum Anglis, cuod Sueciæ regno incommodo aut præiudicio esset. Itaque à parente ipsi quædam capita proposita sunt, ad eæ commotibâda Ericus initio difficilior erat, nec sine patris offensa Mortamen in gratiam rediit, quum nihil aliud Rex desideraret quam quod æquum & consentaneum erat. Regis Erici cautio patri & regno præstita talis fuit: Si Deus providisset ut corona & imperio Angliæ potiretur, se parenti & consanguineis, patriæ, regnoque Sueciæ bono ac præsidio pro summa facultate fore adversus omnes eorum hostes; & adlaboraturum, ut idem præstaretur ab Anglis. Si negotium ejus nuptiale in Anglia non succederet, duris forte conditionibus intercedentibus, se omnes expensas in se & suam partem recepturum, quæ ipsi in divisione bonorum mobilium inter fratres & sorores, secundum parentis testamentum cedere posset. Se nullum bellum inscio & inconsulto parente facturum. Nec absque ejus consensu ulli pacto subscripturum, quod parenti, familiæ, regnove quocunque modo quoad jura majestatis, successionem, statuta aut libertatem fraudi aut detrimento esset. Ne foris hujus regni nomine se contra alia potentia regna aut respublicas obligaret ad suppetias classis, militis aut pecuniæ, supra hujus regni vires, & re prius cum patre non deliberata. Si etiam Sueciæ regno aliquod bellum aut infestatio obveniret à Russis, Germanis, Danis aut aliis, se regno pro virili succursurum. Si Deo placeret ipsum ad Angliæ regnum extollere, ne extra Sueciam in Angliam exportaret omnem præsentem pecuniam, nec aulæ tuendæ majorem vim opum desideraret, quam pro paterna indulgentia. Ne oppigneraret aut quocunque modo diminueret quidquam ex regni possessionibus, arcibus, urbibus aut prædiis, patre, fratribus & regni ordinibus insciis. Ne inutilis sumtus faceret, ne mutuo sumeret magnam vim æris alieni, huius regno non tolerandi. Nec privilegia aut immunitates extraneis urbibus aut mercatoribus de integro daret, aut vetera confirmaret absque consensu patris. Ut pro se & suis posteris quam validissimè confirmaret & ratas haberet donationis paternæ liberas consignatas de fratrum Ducatibus, reginæ & sororum rata portione liberè & integrè ex lege pactorum utendis fruendis. Maximopere allaboraret, ut Sueciæ corona non solum incolumia conservaret sua jura & vetera beneficia, regalia & trium coronarum insignia, quæ Dani absque

omni jure & æquo, per vim sibi arrogarent; sed etiam eorum molitiones adversus patriam pro virili prohiberet. Denique fidem daret de omnibus his capitibus sincere servandis, inprimis de unione hereditaria: ne fratrum successioni alio modo fraus fieret; & ut Christianum Principem aut Regem deceret, & Deo omnibusque bonis gratum esset, ita se compararet. Navem Rex exstrui curarat nomine Elephantem, quæ vix parem ante habuerat, & Erico in Angliam vehendo destinata erat. Quam cum ingressus esset Ericus, & patri suo jam vale dixisset, Elsbürgum excurrrens, mox revocatus est ex itinere, subito patris Regis morbo & excessu. Corporis ægritudine & ardenti calore invalescente, Stenonem Erici & Olavum Laurentii secretarium ad se vocat, illisque se, regni laboribus fessum & exhaustum, morti vicinum indicat. Se quibusdam regni negotiis adhuc infectis & publico bono aliquamdiu superesse, si ita Deo placeret, optabat. Adstantes, cum vires Regis sermone debilitari cernerent, sibi & valetudini suæ consuleret, rogabant. Ille verò conversus ad eos, fida sua consilia toties ex occasione prompta illis serio commendabat. Quum ultima jam instarent, ad se filios suos accersit eosque monet, ne se temerè supervacuis & peregrinis negotiis misceant, sed sua sedulo & ex fide curent. Seipso nosse discant; nec majora viribus aggrediantur. Inde ordinat de superstitis uxoris Reginæ Catharinæ, Ducis Caroli decennis & filiarum bonis ac fortunis. Tandem mente ad cælum erecta, mundanorum curam prorsus animo excludit, & animam suā simul ac corpore sit exitura, Dei manibus credit. Quibusdum ei spem de hac vita & recuperanda valetudine faciētibz an fingentibus auscultare noluit, nec quicquam de excessu excusavit; quippe certus longè meliorem & beatiorem sibi vitam paratam esse. Ita spe cœlestis gloriæ & inexpu[n]abili patientia vim morbi mortisque superans, ipso S. Michaelis die rebus humanis placidè excessit, quum sexaginta novem annos vixisset, & imperium tot procellis intestinis & externis, Dei ope gratiaque feliciter ereptum, & heroicā virtute partum non in otio aut voluptate transegisset, sed utilibus patriæ institutis ac legibus, disciplina civium & vera religione, aliisque pacis bellicque præsidiis auctum & munitum cum insigni pietatis, justitiæ, prudentiæ & animi magnitudinis laude

laude triginta novem annos administrasset. Vpsalię in templo primario cum duabus conjugibus S. Thomę die regis exsequiis & omnium bonorum desiderio & memoria, certā boni Regis extincti significatione, honoratus est. Equidem quod regnum ab occasu restituerit, illud denuò condidisse jure dici potest. Ut autem G V S T A V O I. libertatis instauratę & renatę vindici, ita posteris ejus & reliquis deinceps successoribus à Deo proxima florentis & servatę patrię gloria debetur.

F I N I S.

SOLI DEO GLORIA.



Y 3

OB.

OBSERVATIONES
HISTORICÆ.

Lectori S.

Quum variantes quædam Historicorum Sueticorum narrationes occurrerent , quædam etiam dubia documentis publicis aut adsertionibus fide dignorum authorum ulterius firmanda essent ; quod commodè in ipso contextu propter continuam historiæ seriem fieri non poterat ; visum est isthæc seorsim paucis observare , & huc ad finem Annalium rejicere.

IOHAN.

JOHANNIS LOCCENII

B R E V E S

OBSERVATIONES

HISTORICÆ

Ad vitam Beronis vel Biörnönis III.

BERO vel BIÖRNO III.) Iohannes Magnus lib. xvi. Historiæ Sueticæ cap. vii. in fin. hunc Biörnönem vel Beronem ejus nominis secundum facit : cum tamen sit tertius; uti Baazius lib. i. Hist. Eccl. Sued. cap. iv. & vi. rectè quoque notavit. Idem ex Iohanne Magno, si rectè inspicatur, constat. Primus enim istius nominis Rex Sueonum & Gothorum est, cujus ipse mentionem facit lib. viii. suæ Historiæ cap. xxvi. alter, cujus meminit eodem libro cap. xlii. Ergo hic erit tertius, quem narrat lib. xvi. cap. i. Quamvis autem Iohannes Magnus iniciat mentionem Biörnönis lib. i. cap. xiii. tamen hic in censum non venit: quum fuerit rex solorum Gothorum; & Sueones tunc à Gothis divisi sub iudicibus vel regulis egere. Michael VVexionius Gyldenstolp lib. ix. Descript. Suec. cap. i. & Svaningius in Chronologia Danica hunc nostrum Beronem ponunt quartum. Haud dubiè ab illo Berone, cujus meminit Ioh. Magnus dicto lib. i. cap. xiii. calculum deduxerunt ad hunc nostrum, & sic erit quartus. Sed de hac differentia paulò ante dixi.

Saxo) lib. viii. Hist. Dan. circa fin. & Meursius Hist. Dan. lib. i. pag. 36. col. 2. in vita Gotrici cognomento Liberalis.

Ad Vitam Brautamundi.

BRAUTAMUNDUS) Erico Vpsal. lib. i. Hist. Suec. pag. xxxiv. Messenio Scandiæ illustratæ MS. tom. i. Brautamundus aliisque nonnullis dicitur. Verum ejus & proprium nomen fuit Amundus. Postea Brautamundus appellatus est à

prisca voce Gothica Braut vel Bråth via : quod excisis & eradicatis superfluis silvis æquavit viam.

Ad vitam Caroli VII.

Indeque Ferrei lateris cognomen accepit) Pontanus lib. 1. Histor. Danic. pag. 37. Nobilissimus Huitfeldius Biörnönem ferrei lateris, vulgo Iernside, cognomento afficit, authore ex quo id habeat, non addito. Imo Saxo Sialandus Hist. Danic. libr. ix. pag. 172. ita refert : Biörnus quod integer hosti cladem ingesserat, tanquam à ferrei lateris firmitate sempiternum usurpavit agnomen. Et Snorro Sturlæsonius in Chronico Norveg. pag. 118. Biörn Järnside Redbrocks Son togh Vpsalarijke och Swärige och begge Geeland. i. e. Biörnus ferrei lateris occupabat Vpsaliæ regnum & Sueciam & utramque Gothiam. Krantzius lib. v. Succ. Hist. cap. 111. Omnes qui prælio interfuerunt, graviter vulnerati sunt, præter unum Regneri filium Biörnönem, qui ex ea re nomen accepit, ut Ferrei lateris diceretur. Nec ejus nominis usurpatio aliis ex simili occasione inusitata fuit. Ita Emundus Ethelredi Anglosaxonum regis filius Ferreum latus (Järnside) vulgò nominabatur, quod esset animi & corporis viribus ferox, ut est apud Pontanum lib. v. Hist. Dan. pag. 148. In legibus Edovardi regis Anglosaxon. cap. xxxv. est Irensíde, ubi ad oram libri notatum est : id est ferreum latus, quasi Iferensíde per epenthesein. Ita Henricus Comes Holsatiæ ferrens ab invicta fortitudine vel robore corporis & animi cognominatus est.

Non à lana, ut vult Saxo, qui lanæum campum nuncupat, sed, ut videtur, ab Odini vel filio vel socio Vllero) Vetus est nomen Vllerdæter vel Vlleraaæter / & Vlleraaæterháradh / territorium prope Vpsaliam, idem appellationis hodieque retinet. Et in VVestrogothiæ Kylenei territorio duæ insulæ à situ Osverullerdd & Vterullerdd dicuntur, quarum mentio in Testamento Gustavi I. Sed unde hoc nomen traxerit, ex occasione disquirendum. Saxo lib. ix. pag. 170. edit. Stephanii v. 13. à lana (Vlle) deducere conatur: Apud campum, inquit, qui Latialiter lanæus dicitur. Stephanus in Notis ad hunc locum pag. 189. ex Regneri Epicedio quoque Vllur aæter dici notat, & esse locum in Suecia, ubi acre prælium commissum est. Antiquum id nomen esse, ante dixi: quod MS. Chronicon S. Olai satis firmat,

firmat, ejus mentionem aliquoties faciens : For Karl Hialti
 auster alle i Smediod / en er han sotti upp a Landet / tha senoi han
 men sina fram fire till Vpsala / oc senoi ord Ingigerdi Konungs
 Dotter / att hon skylldi fara ut a Blar ater i moti honem.
Comes Hialtus proficiscebatur versus Orientem in Sueciam. Quum
verò in superiorem tenderet regionem , viros suos præmittebat Vpsa-
liam et nunciari jubebat Ingigerdi Regis filia , ut ipsi obviam ad
Vlleri agrum procedere vellet. Et alibi: Hialti svarar : Et rid ut
a Blar ater medh Ingigerdi Dotter tine. Hialtus respondet: Ex-
spatior equo ad Vlleri agrum cum filia tua. Et pluribus locis non
 semel. Stephanus verò quoque reddit *laneum campum*, quasi à
 lana esset. Sed hoc alienum. Livius lib. xlii. p.m. 809. pro
 prodigio refert, quod Priverni lana pullâ terrâ enata sit. Mea
 conjectura est, salvâ aliorum, à Vile Odini filio, vel, ut non-
 nulli volunt, Vuli vel Uuli ejus fratre, vel Vllero ejus socio,
 (de quibus Stephanus in Saxonis Hist. Dan. lib. i. pag. 82.
 & lib. vi. pag. 137.) sic dictum: cui ob insignem artem, ut pu-
 tabant, magicam istos agros tribuerint, vel quod ipsis con-
 cedentibus eò coloniam deduxerit. Sed & Vlluna propin-
 quum hodieque Vpsaliæ prædium videtur olim ejus sedes
 fuisse: cui ditio vel territorium proximum fuerit subiectum.
 Velut à Semingo Odini F. Semingehundrat / Sueciæ præfe-
 ctura nomen accepit. Inter socios autem Odini refertur etiam
 Vllerus ab Arngrimo Ionæ in suis ad Stephanium literis anno
 MD xxxii. scriptis: *Migrationis Asiaticæ principes ÆSER*
Asiatici dicti sunt: cujus singulare est AS vel AAS, ipsi Odino
pat' i' Eoxn attributum, cum adjecto: den Almegste aas. Hi fuisse
traduntur numero XV. vel eo plures, quorum etiam nomina extant. 1.
 Odinus, alio nomine Vagur. ii. Thor. iii. Vngur vel Vnguar.
 iv. Frege. v. Vidar. vi. Valldur. vii. Eyr. iix. Nordur. ix.
 Brage. x. Hoddur. xi. Forsete. xii. Lofe. xiii. Bale. xiv. Be-
 ler. xv. Nimir. Ab isto decimo quarto Vllur vel Vllero, nisi à fi-
 lio aut fratre Odini, de quibus paulò ante, Viler æter nomen
 traxisse ex ea quam dixi causa videtur. Idem confirmari
 queat ex Iohanne Messenio Scondiæ illustratæ MS. tom. i.
 Ollerum ex simulacro responsa dedit. Postea ab Othino Vpsalia pul-
 sus in Daniam, insignis magus &c. Olerum ille vocat, quem
 alii Vllerus; item Aullerum vel Aullarum. Sic in S. Olai
 Chronico MS. Greinvider oc Arnvider ridu ut a Auller ater.

Frein-

Freinvidus & Arnvidus exspatiabantur in Aulleri agrum. Frequens enim pro ratione idiomatis appellationes hinc variare: velut Olaus Olle/ Bile vulgò diversè nuncupatur.

Ad Vitam Biörnnonis IV.

Saxo) lib. IX. p. m. 172. Idem ob conspicuæ fortitudinis meritum Suetica prælatione donatus.

Ad Vitam Ingialdi.

Ingevaldus) quidam Ingellum, alii Ingevallum appellant, ut videre est apud Iohannem Magnum lib. XVII. cap. VIII. sunt tamen, qui rectius Ingjaldum vel Ingevaldum appellari sentiunt Ita enim in quibusdam Chronicis MSC. est. Ingeldus Erico Vpsal. dicitur.

Widsaren) vid Eric. Vpsal. lib. I. Histor. Suec. pag. 34. Sic in quodam Chronico MS. Gale hin vnge war en widsaring. Falo junior longè peregrinatus erat.

Alia mali causa) Eandem refert Ioh. Messenius Scondiæ illustratæ tom. I. in vitâ Ingelli.

Ad Vitam Amundi cognomento Annosi.

Canutus Amundum petis &c.) Eric. Vpsal. lib. I. pag. 35. & lib. 2. pag. 66. non à Canuto ipso, sed Vlfone cæsum Amundum refert. Sed ille videtur sequi Chronicon Norveg. quod ad Vlfonem refert pleraque, quæ nostri Annales de Amundo habent.

Ad Vitam Amundi cognomento Vilis.

Quod Scaniam à Gothia distinctis limitibus secrevit) Quamquam pro fabula habet Iohannes Magnus lib. XVIII. Hist. Suet. cap. VII. ubi ait: Hic silentio implicanda non est insignis quedam fabula, quam nonnulla Danicarum Historiarum fragmenta præ se ferunt, de terminis, ut dicere volunt, inter Schoningiam, Vestrogothiam & Smalandiam tempore hujus Amundi Vilis & Suenonis ejus nominis primi Danorum regis. Quæ quidem assertio non solum Saxoni Danico verum etiam rationi temporis & ipsi veritati omnino repugnat. Quod ita porro probatum it, dum Amundum cognomento Vilem non Suenoni regi Danicæ, sed Canuto ejus filio coætaneum fuisse ostendit. Sed quid si hic Amundus ex nonnullorum sententiâ proximè ante Ericum Victoriosum ponatur? uti notat Ericus Vpsal. lib. 2. pag. 69. Aut si dicto ordine locandus sit ex fide veterum Anna-
lium,

lium, potuit fortè esse, ut valde juvenis haberet principatum & pueriliter ageret, metas ponendo prædictas (sunt verba Erici dicto lib. pag. 70) & id circo depulsus à regno; sed longævus effectus, ad principatum reversus emendare voluerit, quod deliquit. Quidquid sit, quod veteres nostri scriptores non accuratè observarint rationem temporis, in comperto est. Veritatem autem rei adstruunt non solum historiæ & leges Danicæ, sed etiam Sueticæ. Ericus Vpsal. lib. III. Hist. Suet. pag. 65. *Amundus Slemma temeritate sua vel caussâ aliâ quavis insanâ, Danorum forte, ut sæpe contigerat, inductus astutiâ, Scaniam divisit à Sueciâ limitibus designatis.* Aliud vetus Chronicon MS. *Amund Slemme thy han var sliseâr oc ey godhâr acþbra i thy mâle han vill frâmia. Han giorde stîal mâllin Swæritis oc Danmark / swa sum sight / i Landamârum.* *Amundus vilis aut dissipator cognominatus, quia profusus & negligens erat in negotiis peragendis. Ille limites faciebat inter Sueciam & Daniam, ut perhibetur, in finibus.* Idem firmannt leges Vestrogothicæ: *Emunder Slemman var Kenurgi Bysalun / oc Swen Tiugustiâg i Danmark. Ther sattu ristir / mâllin Swæritis oc Danmark.* *Emundus vilis rex erat Vpsalie & Sueno harba bifide in Dania. Illi limites ponebant inter Sueciam & Daniam.* Quamvis autem Cl. VVormius in Notis ad Fragmentum Codicis Sia'landici MS. de limitibus regnorum Sueciæ & Daniæ vel neget vel dubitet, Codicem LL. VVestrogothicarum exstare; tamen non est quod dubitet, quum in Archivo hujus regni veteri membrana scriptus exstet: quem totum perlegi & ex eo istam limitum distinctionem descripsi. Sed ad priora. Quibus accedit & illud, quod ipse Iohannes Magnus lib. XVIII. Historiæ suæ cap. IX. *Sten-chillum Danos ob regnorum limites bello aggressum superasse scribit, & cap. XI. eod. lib. Ingonē subjugasse Scaniam & regno restituisse.* Ergo ante fuit limitibus divisa, & à regno Sueciæ avulsa.

Inter Blekingiam & Moringiam non Norvegiam, ut Iohannes Magnus existimabat) Iohannis Magni verba sunt dicto libr. XVIII. cap. VII. circa finem: *Nisi fortè invincibile argumentum pro Danis faciat, quod sextus lapis limitaneus positus fuisset inter Blekingiam & Norvegiam, quod quam inepte dictum sit, facile novit, qui longissimam distantiam inter eas terras novit.* In legibus VVestrogothicis est: *Wællan*
Wællan

Blekinge och Möre. In legibus Scanicis est Mellan Blekinge och Möre. In LL. Sialandic. Mellan Blekinge och Miere. *Inter Blekingiam & Moream vel Moringiam*, ut aliàs vocant. Hinc error Iohannis Magni natus videtur, dum pro Miere / Dierre fortè in suo Codice scriptum reperit, aut, si rectè scriptum, non satis animadvertit. Quo nomine vehementius à VVormio in Notis ad dictum fragmentum pag. 32. v. 14. perstringitur.

Ad Vitam Halstani.

Ericus Vpsal. lib. II. Histor. in vitâ Halstani: *Invenitur in quibusdam Chronicis, quod post Ingonem regnavit ejus filius Ragvaldus & Helena regina, & Philippus patruelis Ragvaldi &c.* Idem Iohannes Magnus lib. XVIII. suæ Hist. cap. 23.

Ad vitam S. Erici.

Fåle Bure) Rectius absque diphthongo scribitur Fale. Sic enim in vett. Chronicis appellatur, ut postea accepi. Ioh. Bureus p. m. quondam Antiquarius Regius ex illis in Genealogia Bureorum hoc Excerptum notavit: *Fale i Byrestadhs höfswidzman för Helsingarna sem temnades S. Eric; ddd / blef slagen wid Falebroo / sem der af sig namn 1161. 18. Majj.* id est: *Falo in Byrestad dux Helsingorum qui ulcisceremur S. Erici mortem, occubuit ad pontem Falensem, qui inde nomen nactus est, 1161. 18. Majj.* Quod si verum est, non potuit ejus curâ exstrui templum Dannemarchiæ, ut quidam referunt: quum ille antea cæsus fuerit. nisi ab ejus posteris & hæredibus è Danorum spoliis excitatum & exstructum fuerit. Ab hoc Bureorum familia genus suum ducit, ut mihi indicarunt Iohannes & Nicolaus Bureus fratres, ille Professor Mathes. in R. Acad. Vpsaliensi, hic R. judicii Holmensis Secretarius; & excerpta quædam MSta de isto Falone & ejus stirpe mihi communicarunt.

Primum nactus est tumulum insacello) Nostra ætate clarif. p. m. senex Ioh: Bureus casu in præfurnio civis Vpsal. reperit lapidem, S. Erici tumulo, ex intervallo temporis, ut videtur, non statim à morte ejus impositum, cum hac inscriptione:

En lector celebri lapis iste est dignus honore.

Hic etenim sanctum requievis corpus ERICI.

Hunc ex umbrâ & fumo in lucem retraxit Ioh. Bureus, jus-
suque

suque Regio, prope scrinium S. Erics in æde sacra locavit.
vid Messen. in Tumb. cap. IV.

Ad vitam Canuti.

Sigtunam Sitonum populi nomine signasse Tacitum nonnulli volunt) In ea sententia est Pontanus in descriptione Daniæ pag. 689. 690. 691. in his Taciti verbis fundata: *Suionibus Sitonum gentes continuantur*, qua Sigtunenses à Sitonibus ortos putat. vid. pag. 673. & alibi. Alias Sigtunam à Siggone R. conditore nostrates scriptores dictum velle constat. vid. Ioh. Magnus Hist. lib. I. cap. VII. Messenius Sueopentaprotop. cap. XI. Alii ab Odino, quum ex Asia huc advenisset, constructam & filii sui nomine appellatam volunt. Sic Stephanus in Saxonis lib. VI. Hist. Dan. pag. 136. ex Eddæ Mythologia & Chronico Norveg. Snorronis Sturlæsonii norat: *Eligit sibi hic locum civitati exstruendæ idoneum, quem vocabat SIGTUM de filii sui nomine*. Et pag. 138. *Othinus ad fluvium Logger incolere capit, ubi civitatem condidit Sigtunensem*. Quinam verò Sitones primi origine fuerint, non satis inter Geographos constat. Cluverius lib. III. Germ. antiq. cap. XLI. pag. 669. & alii nonnulli ad Norvegos referunt. Sed Pontanus ad eos referri posse negat, dum Tacitus non contiguos esse, sed continuari Suionibus ait. Sittuna vel Settuna pagus prope Sigtunam, non procul à Sitonibus abludere videtur. Et Adamo Bremensi urbs *Sistona* dicitur. Sed hæc aliis ulterius disquirenda relinquo.

Ad vitam Suercheri III.

Bellum à Folcone duce eximio administraretur) Folco ab Erico Vpsal. lib. III. Hist. Suec. p. m. 103. & à Pontano Hist. Dan. lib. 6. pag. 306. appellatur. Alii verò Falonem vocant: quem Falonis senioris, de quo in vita S. Erics, filium aut nepotem fuisse scribunt, & magno præsidio fuisse Erico decimo in bello contra Suercherum: unde ab eo insignibus honoris, nobilitatis & opibus auctum notant.

Ad vitam Magni Ladulås.

Factionis principes capite plexi sunt) iusto crudelius, ait L. Paulinus in huius regis vita. quod non videtur, quippe in rebelles.

Ad vitam Birgeri Magni F.

Ad exemplum Didonis) siye verum siye fictum, nam pro fabula à vi-

à viris doctis habetur, pro eadem dudum explosa; licet Virg. 1. AEn. 372. Appianus bell. Pun. pag. 1. Iustinus lib. 18. Hist. cap. 6. tale quid etiam de Didone Carthaginem exstructura referant; cujus exemplum Birgerus imitatus videtur. Præter Scaligerum, Vossium & alios vid. Bochart. Geograph. Sacr. part. post. lib. I. cap. XXI V. pag. 513.

Ad vitam Magni Cmcet.

Ut ex literis Valdemari liquet) literæ Valdemari Regis Daniæ, quibus alienavit & transtulit in Magnum Regem Sueciæ pro certa pecuniæ summa Scaniam, Hallandiam, Blekingiam &c. ex Archivo regni Sueciæ descriptæ, & Latine versæ, tales sunt:

Omnibus has literas audituris aut visuris salutem dicimus Nos Valdemarus D. G. Danorum & Slavorum Rex, Dux Esthoniæ. Conscientia nobis suadet dictatque, ut ille partes quæ regnis conciliant pacem & concordiam, præsertim his regnis vicinis & eorum imperio, dirigantur ad sinceram constantiam & perpetuitatem: ut omnes fideles subditi, qui in pace & tranquillitate degere volunt, absque impedimento ulterius Dominum nostrum Iesum Christum, Servatorum nostrum pacisque conditorem pie colant: & ut Regi suo omni fide & obsequio ætatem addicti sint. Postquam regnum Daniæ post charissimi nostri Parentis Regis Christophori quondam Danorum & Slavorum Regis mortem, cujus animæ Deus propitius sit, ad longum tempus rege vacabat, & proh dolor eo tempore multi extranei & improbi homines nobile istud regnum miserum in modum vexabant & devastabant, ac primaria nobilitas & alii boni viri in Scania, Hallandia & Lysiria cum mercatoribus & populo animadvertabant, se multifariam aliorum servitio & tyrannidi, sævæ dominationi & oppresioni contra omnem honestatem, fas & æquum obnoxios esse, ita ut eorum privilegia, leges, jura & vetera instituta, quibus eorum majores & incolæ olim frui erant, penitus essent depravata. Insuper deprehendebant rapinis & incendio aliisque infinitis malis ita se affligi & perdi, ut nec interdiu nec noctu scirent, se tutos esse in corpore aut fortunis; idcirco plerique ordinis equestris & plebeiî deserebant patriam suam, bona & prædia, & ut servarent vitam, confugiebant ad Celsissimum Principem ac Dominum Dn. Magnum Sueciæ & Norvegiæ Regem, dilectum nostrum cognatum, in sui securitatem & præsidium, ut

eos prudenti & regia sua potestate à tali angustia, onere & vi liberare vellet. Et ad eum habentes singulare refugium, eligebant eum sibi Regem & verum Dominum, obligantes se illi homagio & fide in perpetuum. Post aliquod tempus prænominatus Serenissimus Princeps Rex Magnus Suedorum & Norvegorum Rex miserabatur eorum servilem conditionem & ingentem ruinam, considerans qua ratione eos à tam violenta dominatione absque bello & sanguinis effusione vindicare posset. Itaque ad se recipiebat ante dictas provincias & arces, quæ pignori datæ erant Illustrissimo Principi dilecto patrio, Domino Iohanni, Comiti Holsatæ & Stormariæ à dilecto nostro parente Rege Christophoro, pro ingenti pecuniæ summa, nimirum triginta quatuor millibus selibris argenti puri, ponderis Colonienfis, sibi & regno Sueciæ non sine magno incommodo & expensis. Ideo multos ex suis civibus obsides dabat: quod ipsi & Regno non levi detrimento ac præiudicio erat, velut expressè scriptum est, in literis & documentis comitis Iohannis. Cum ergo perpenderemus fidelitatis & homagii obligationem, quam prædicti Scaniæ, Hallandiæ & Blekingiæ incolæ, nominato Serenissimo Principi, Regi Sueciæ præstiterunt, idque literis & promissis confirmarunt, & simul grandem pecuniæ summam, quæ expendebatur dicto modo, & ingentes impensas ac dispendia quæ subsequabantur; Item ponderantes, quod Regia fide & existimatione promiserimus prænominato comiti Iohanni, in multorum bonorum virorum tam Danorum quam Germanorum præsentia, eo tempore quo decernebatur Lubecæ de nostri cooptatione in nostrum Regnum, omnia pacta conventa inter præfatum Regem & Comitem Iohannem de dictis provinciis earumque oppigneratione in omnibus capitibus & articulis omninò integra servare; ita tamen ut has nostras literas aut quemcunque earum articulum, cujus in illis fit mentio, dicto Regi Sueciæ vel ejus juri, literis aut obligationibus nequaquam fraudi esse velimus, sed potius illas & omnia earum capita nostris literis, consensu & confirmatione nostra ulterius & in optimâ formâ communire illis quorum interest: ut omnis res Serenissimo Principi prænominato Regi Sueciæ, dilecto nostro cognato ejusque posteris ac successoribus Coronæ Sueciæ sit absque damno. Et ut inter dictum Regem Sueciæ ejusque successores & posteros ab una parte, & Nos nostrosque successores & posteros ab altera parte stabilior pax, charitas & amicitia crescat & conservetur, & ut utriusque regni subditi de

cetero sibi invicem securitati & amori sint, alienamus his patentibus literis, quæ inviolatæ servabuntur, nuncupatas provincias, Scaniam, Hallandiam, Blekingiam, Lysstriam & Hucnam, cum omni jure regio, quod in illis provinciis ad nos pertinebat, cum omnibus earum possessionibus, arcibus, officinis monetariis, territoriis, præfecturis, redditibus & jurisdictione, cum Senatus nostri, Præsulum Ecclesiæ aliorumque bonorum virorum in nostro regno, consilio & unanimi consensu, non coacti nec invitati, sed spontaneo motu; & transferimus liberas ab omni contradictione aut inquietatione à Nobis nostrisque posteris & Corona Daniæ in potestatem Regis Magni in perpetuum dominium, renunciantes omni juri, potestati & proprietati pro Nobis, nostris heredibus & successoribus Regniq[ue] Daniæ Coronâ his nostris pat[er]nitibus literis & sigillo. Porro pollicemur Regiâ nostra fide & autoritate, quod reverendus pater in Domino Archiepiscopus Lundensis, qui nunc est, ejusque Ecclesia, Capitulares & Clerus ibidem, quoad corpora, jura ac privilegia sua ubique in regno Daniæ, ut & suffraganei ejus alique immunes & indemnes erunt. Eadem nequaquam diminuemus aut impediemus sive per Nos ipsos, sive quemquam eorum qui Nobis subiecti sunt. Sed eos regia potestate & singulari favore protegemus. Renunciamus item in dictis capitibus & articulis omni juri, exceptioni & modo in legibus expressis, quibus dominia sibi quis acquirere sive civilia sive ecclesiastica possit. Pariter renunciamus illi exceptioni in jure, quæ vult, quod universalis contradictio vel protestatio in legibus nihil possit. Item omnes clausulas & dictos articulos bona & Regia fide servabimus, nec rescindemus vel Nos vel aliquis nostrorum, quacunque occasione aut prætextu. Sed ut eò strictius observentur, volumus & expressè consentimus, si accideret, quod Deus prohibeat, ut contra aliquem dictorum articulorum faceremus, integrum fore nostris infra nominatis Fidejussoribus, nobis hostili modo se opponere, quod nemini noxæ erit, & ante nominato Regi Sueciæ ejusque successoribus contra Nos cum vitâ fortunisque suis subsidio esse. In rei fidem ac testimonium sigillum nostrum his literis affigi curavimus.

Porro Nos Ludovicus D. G. Marchio Brandeburgensis & Lusatiæ, Comes Palatinus Rheni, Dux Baviaræ, Imperii Archicamerarius, Bugislavus, Dux Stetini, Iohannes Comes Holsatiæ, Frater Iohannes in Roschild, Frater Tycho Berglan, Frater Nicolaus in Noos & Sueno in Adârs, Episcopus Henningus Skarpenbergh, Iohannes à Platzen, Petrus Vendelbo, Fridericus à Locken, Nicolaus Ni-

Nicolai Vls, Henricus Nicolai, Ingo Æschilli, Petrus Gothi, Petrus Grubbe, Iacobus Ingelonis, Inguarus Eguardi, Andreas Iohannis de Estorp, Paulus Slop, Escherus Brook & Iohannes Armiger, bona fide & existimatione promittimus omnes & singulos supra scriptos articulos, firmos & inviolatos servatum iri. Atque si contingere posset, quod Deus avertat, ut dictus Rex Valdemarus contra quemcunque articulum faceret, Nos prenominati dicto Principi Serenissimo Regi Magno ejusque successoribus fideliter suppetias feremus contra illum. In maiorem rei securitatem nostra sigilla cum Serenissimi Principis Regis Valdemari sigillo appendi curavimus. Actum & scriptum Helsingburgi Anno Christi MCCCXLI. 8. die post Ioh. Euangelist.

NOTA.

Non turbabit lectorem, quod superius in his literis triginta quatuor mille selibræ argenti exprimantur, cum alibi major summa ponatur. Nam prima vice, ut in his literis, convenit de dictâ summâ, altera vice nimirum anno MCCCCLIII. de quadraginta novem millibus selibris, ut est in aliis Valdemari Regis Daniæ literis, quæ exstant in Chronico Suetico Gustavi I. part. I. pag. 47. & seqq. tandem de septuagies mille argenti puri marcis, ut Pontanus lib. VI. Hist. Dan. pag. 455. testatur. Idem ib. testatur, prima vice triginta quatuor atque inde decem millia marcarum persoluta, donec paulatim quod erat reliquum expungeretur. Chronologi testantur jam anno MCCCXXII. & postea MCCCXXXI. agi cæptum à Danis cum Magno de harum provinciarum alienatione: quod deinceps anno MCCCXLI. & MCCCXLIII. continuatum & consummatum est.

Ad vitam Alberti.

Literæ Vplandorum ad Gothos) extant apud Pontanum lib. VI. Hist. Dan. pag. 497.

Vitalianorum fravrum) *Vitalie* Suecis & Germanis dicitur & accipitur pro annona, vel re cibaria, unde homines vivunt, à Latino *victu*, aut *victualibus*, ut vocant, vel Italico *vettoavaglia* deductum vocabulum.

Aliisque ornamentis aureis in publicum collatis redemptum fuisse) Id etiam de Suenone II. Rege Daniæ refert Meursius Hist. Dan. lib. III. p. 50. col. 2.

Quod autem Cranzius) lib. V. Hist. Suec. cap. xxxi.

Ad vitam Erici Pomerani.

Undecimo Calendarum Augusti lectus est) Hic numerus sup-
plendus est in lapide cui inscriptum tempus electionis Erici,
qui adhuc adservatur in prato Morensi. Verba hæc sunt:
ANNO DOMINI MCCCXCVI. ELECTVS EST IN
REGEM SVECIAE IN HOC LOCO ILLVSTRIS REX
DOMINVS ERICVS CALENDARVM AVGVST:
supple XI. CAL. AVGVST: ut rectè observavit Pontanus lib. ix.
Hist. Dan. pag. 526.

Benedictus Svenonis) Ita quidam Annales, alii Benedictum
Stenonis vocant, imprimis Ericus Vpsalien. Laurentius &
Olaus Petri.

*De sua filiique ob crimini ipsis datum Danicarum partium stu-
dium proscriptione graviter cum eo contendit*) In quodam Chro-
nico Germanico MS. est, ex æmulatione imperii contentio-
tionem, & inde necem ortam esse. Anno 1426. ward Haupt-
man Engelbrecht von Mans Bendsen erschlagen/weil auff in die
wahl zum Reichsfürsten kommen. Sed vera causa erat, quam
posui, & quidem ex quatuor rerum Suecicarum scriptoribus
Erico Vpsal. Laurentio Petri, Olao Petri & Iohanne Messe-
nio. Ericus Vpsal. lib. v. pag. 329. sic habet: *Adversus Benedi-
ctum Stenonis Engelbertus indignationem conceperat, pro quadam,
ut creditur, perfidia in regni negotio. Perfidia hæc credebatur,
quod suspecti essent pater & filius quasi clam facerent cum
Danis, ideo ab Engelberto proscripti erant. Hoc convenit
cum eo quod Laur. & Olaus Petri tradunt, Benedictum Ste-
nonis ex Engelberto Örebrogæ quæsisse, Num per eum sibi
liceret in regno permanere Idem postea Benedicti F. Magnum in
insula Göksholmiæ vicina ad eum repetiisse. Quod etiam
confirmat Messenius Scondiæ illust. t. 2 Engelbertum in procin-
ctu constitutum vir nobilis Benedictus Suenonis publica fide impetra-
ta convenit de sua & filii ob imputatum Danicarum partium favo-
rem proscriptione cum ipso vehementer exposulans &c. infirmum ac
increm nefariè trucidat.*

Publico momumēti desūcto Orebroæ positi elogio) quod huiusmodi
est: ENCELBERTVS. NATIONE. SVECVS. PARVVS.
CORPORE. ET. MVLTÀ. PRAECLARA. COM-
PLENS. OPERE. REGEM. ERICVM. POMERA-
NVM.

NVM. EXPVLIT. DE. REGNO. VICIT. CIVITATEM.
STOCHOLMENSEM. PLENAM. DACIS. ET. TEV-
TONICIS. ET. FVGAVIT. ILLOS. DE. REGNO. AC.
RECUPERAVIT. AMISSA. REIPVB. BONA. AD.
DEBITVM. OMNIA. STATVM. VIRILITER. RE-
DVCENS. A. QVODAM. MAGNO. BENEDICTI.
SVECO. MALVM. PRO. BONO. REFERENTE. IN.
BONA. FIDE. NEQVITER. OCCISVS. EST. CVIVS.
ANIMA. REQVIESCAT. IN. PERPETVA. PACE.

*Quasi rebellionis pœnam regi dedisset. Alii tamen à rebellionis pœ-
na liberatũ eunt Engelbertum &c)* Hac de re Olai Petri in Chro-
nico Suecię MS. tale est, sc. d. medium & ambiguum iudicium.
Verba ejus ex Suetico in latinum sermonem versa sic habent:
*Talem exitum habuit Engelbertus. Atq; si pro beneficio reputari de-
bet, quod liberaret regnum à tali servitute, in quam inciderat, indigna
ipsi gratia rependebatur, inprimis hoc modo, quod nulla pœna post ejus
mortem subsequeretur. Magnus Benedicti enim, qui eum occidebat,
planè liber noxę pronunciabatur, & Marschus promulgabat literas
per totum regnum, ut nemo hoc ipsi facinus exprobraret. A quibus-
dam pro levi factura habitum, quod Engelbertus è medio sublatu es-
set. Si Engelbertus verò haberi debet pro seditioso & rebelli contra le-
gitimum suum Magistratum, omnes seditiosi exemplo ejus timeant
suo. Krantzii verò Hist. Dan. lib. vii. cap. 18. hujusmodi de
eo est elogium: Engelberto nomen erat viro clarissimo & patrię
amantissimo. Quem non dominandi amor, non lucri cupiditas sed op-
pressorum commiseratio provexit ad rem gerendam. Denique Illust.
Steno Bielke, p. m. non minus eruditus quam prudens quon-
dam Regni Succ. Senator & in Pomerania legatus ac præfe-
ctus, in Discursu suo Politico quem olim Tubingę, quum
istuc studiorum causa degeret, publicè habuit de Iure Regio
th. 9. pag. 26. 27. hoc bellum pro necessaria & justa defensione
agnovit, ubi sic disserit: Populo quidem non ultio, sed in-
terdum defensio contra Principem invadentem conceditur, mo-
dò intra defensionis terminos maneat (cum scutum dandum sit sub-
ditis, sed non gladius, Liv. libr. 3.) præsentemque impetum,
quando nullum aliud superest remedium, propulset. Non au-
tem idè à debita obedientia recedat, aut Principem suum impe-
rio nudare affectet, sed gratiam & clementiam ejus imploret, &
quando Princeps offendere, statim se populus defendere desinat.*

Si defenſio hac moderatione inſtituitur, inter rebellionis ſpecies neutiquam recensetur. Sic David contra iniquum inſultum R. Saelis ſe defendit 1. Sam. 22. &c. Eodemque modo Sueci ſeculo ſuperiore adverſus intolerandam ſaviliam Regis Erici Pomerani trium borealium regnorum Principis, ejusque iniquorum præſectorum, duce Engelberto Dalecarlo ſelici auſpicio bellum geſſerunt deſenſivum. vid. etiam Barclaius 3, 8. in ſig. de Regno & Regal. poteſt.

Ad vitam Chriſtophori.

Inconſultis Suecis) vid. Chronicon Regum Daniæ Anonymi ab Expoldo Lindenbrogio editum in V. Chriſtophori, Eric. Vpſal. lib. V. Hiſt. Suec. pag. 353. Chytr. lib. 1 v. Chron. Saxon. p. m. 345. & 632.

Ad vitam Caroli Canuti.

Krantzius Hiſt. Suec. 5, 39. *Primum omnium regum de quo exſtat memoria, ex inſimo nobilitatis gradu electum.* Contrarium patet ex Ioh. Magno in vit. Caroli Canuti, & genealogia ejusdem apud Paulinum in Hiſt. Arctoa. In ejus epitaphio eſt :

Antiquis regibus ortus avis.

Corruptione ſuffragiorum elatum) Meurſius in V. Chriſtiani I. Regis Dan. Carolus, ut erat maxima cupiditate regni ſagrans, clam effecit, ut ſuffragia & cum iis quoque regnum interverteret. Hæc ex epitome Hiſtoriæ Regum Daniæ Anonymi à Lindenbrogio editi habet, ubi ſic in V. Chriſtiani I. Carolum contra trium regnorum ſolenne ſædus privatis quorundam ſuffragiis violenter intruſum eſſe Regem. Sed aliter author in V. Margareta: Et quoniam, inquit, in electione Erici regis Dania primum habuerat ſuffragium, mox in electione Chriſtophori regis etiam primum uſurpabat ſuffragium, (quod erat contra leges Unionis, per vices tribus regnis electionem dari volentes) qua temeritate & arrogantia offenſi Sueci, ſtatim elegerunt ſibi proprium regem Carolum Canuti. Hinc patet, vel ſibi contradicere authorem, nec antecedentia ſatis conſiderare, vel illum qui ſcripſit hoc compendium, alium fuiſſe ab eo, qui produxit & continuavit ad ſequentes reges. Quod etiam Cl. Svaningius in Prolegomenis Chronologiæ Dan. pag. 29. innuere videtur, ubi ita ſcribit: *Expoldus Lindenbruck hiſtoriam compendioſam ac ſuccinctam Sereniſſimorum Daniæ Regum, ab incerto auctore conſcriptam, & poſtea ad Chriſtianum IV. deductam reliquit.*

Si vera sunt, quae feruntur) vid. Eric. Vpsal. lib. v. Hist. Suec. pag. 357. 358. & Ioh. Magn. 22, 19. Ericus Vpsal. tamen lib. vi. p. 385. *omnibus modis procurasse electionem fieri, per quam & in qua ipse pervenerit ad coronam* (haec sunt ejus verba) non dissimulat.

Si verò pro naniis ex quorundam mente habenda) inprimis Pontani lib. X. Hist. Dan. pag. 618.

Ad vitam Christierni I.

Ambitioso, rebelli & ulciscendi cupida animo) Chytræus lib. i v. Hist. Sax. p. m. 346. *Carolus intestini dissensionibus & procerum aliquot rebellione, quorum Archiepiscopus Vpsal. duxerat, ejectus.* Olaus Petri in Chronico Suec. MS. *Hic primus fuit episcoporum qui regerebellavit, quod ipsi postea infelicitè cessit. Verbum Dei erat ipsi commissum, quo reprehenderet Carolum, non gladius.* Ericus Vpsal. lib. vi. Hist. Suet. p. 288. *Sentiens rex Carolus Archiepiscopum cum sibi adjunctis obstinato animo & implacabili odio contra salutem ejus unanimiter conspirasse.* vid. quoque Paulin. Hist. Arct. lib. 2. cap. 64.

Ad Vitam Stenonis Sture.

Obnitebantur subditi, eum dimittere recusantes) Krantzzius Suec. Hist. lib. V. cap. XLII. *Quem gubernatorem deputavere regni, ea fuit modestia, ut diu populus regem non desideraret.*

Inconsulto Senatu) in Chronico tamen Gothlandiæ Danico ad annum 1482. dicitur hoc cum consensu Senatus factum.

Ad V. Iohannis II.

Insidiarum suspicionem) vid. Petr. Parv. & Meurs. in vita Ioh. pag. 36. 37. 38. Sed de his insidiis nihil Annales Suetici, nihil Chytræus in Histor. Saxon. ad annum 1401.

Ad vitam Stenonis Sture junioris.

Ultra decies centena millia aureorum ex regni aquilonaribus Romam corraderet) Hoc ipse Ioh. Magnus circa finem Historiæ metropolit. in qua agit de Episcopis regni pag. 110. edit. Rom. testatur.

Balunsåds) Quidam Balingsåds. In Historia Danica Meursii est Salingsåds, sed, ut videtur, vitio typographico.

A C T A,
FOEDERA, PRIVILEGIA,
DECRETA ET CON-
STITVTIONES

Ad Gustavi I. historiam pertinentes;

Quarum passim isthic mentio fit ; ex Suetico in
Latinum sed popularem sermonem versæ ,
quum verbum verbo reddendum esset.

FOR.

FORMVLA IVRAMENTI

Ad
annum
1440.

DE VNIONE REGNI HÆREDITARIA,

super strictum Regis gladium Orebrogæ
ineunte Anno MDXL. præstiti.

Nos omnes & pro se quisque juramus in Deum & sanctum ejus Euangelium, quod velimus & debeamus potentissimo Principi ac Domino, Dn. GVSTAVO, Suecorum & Gothorum Regi &c. Clementissimo nostro Domino R. Ejus Majestatis liberis & hæreditariis regni Principibus, fideles, obsequentes & sinceri esse in omnibus regii imperii negotiis, bellicis expeditionibus & actionibus ac singulis regis edictis & statutis, tam pacis quam belli tempore, quanto possumus intellectu maturoque consilio R. M. salutem & commoda quærere. Atque si R. M. ac Sueciæ regnum progressu temporis brevioris aut longioris, armata alicuius vi infestaretur aut offenderetur, quicquid tunc adversus hostem ad belli apparatus necessitas postulaverit, hoc velut juratus regni senatus, unanimiter perpendemus, omnia hostium versuta consilia, fraudes & astutiam, omnes insidias sive clandestinas sive publicas, sive domesticas sive externas, absque cessatione antevertemus & impediemus. Ex hoc itidem die vel à R. M. Domino nostro benignissimo, vel hujus regni hæredibus, nullo vitæ periculo aliave quacunque causa deficiemus, sed ut R. M. constituerit aut suprema voluntate hæc omnia ordinavit, ita per vitam & ad mortem usque in R. M. Ejus & regni hæredibus tuebimur, aliaque plura, quæ ad publicæ aut militaris rei curam requiruntur, pro virili & fide summa administrabimus, & communi regni bono sedulo invigilabimus, ne regii Fiscus opes ac redditus minuantur, sed augeantur. Ut apud subditos, nobiles, cives, colonos, ecclesiasticos & politicos, bona pax, concordia & obedientia conservetur. ut singuli jure regio ac regni, uti par est, defendantur. ne rex in posterum tot querulis supplicum libellis & interpellationibus ac tam intolerabili labore ac sollicitudine nimis oneretur; sed ut in Christianâ, verâ & purâ conscientia, coram Deo & omnibus rectè sentientibus, cum R. M. imperio talis ratio

ineatur, ut tam superioribus quam inferioribus, egenis quam divitibus, pro summis viribus æqualiter jus reddatur. Nec ullo modo personarum aspectu, muneribus aut quacunque arte, per nos vel alios, à iusto nos deflecti patiemur: nec in senatu aut iudicio contra jus & æquum in favorem partium sententiam feremus. Non itidem enunciabimus, suggeremus, aut monebimus quemcunque partium quod in senatu cognitum aut decretum est; nec ulli ante vel post rem iudicatam illud aperiemus, nisi supremo magistratu aut collegio consentiente. Nullam causam malo proposito aut studio protrahemus aut differemus. Res imperii bonas & utiles constitutiones ex fide tuebimur & promovebimus. quicunque, nemine excepto, tentaverit in regio imperio & statu movere discordiam, aut R. M. vel Ejus regnique hæredibus male velle aut facere, illi scienter non connivebimus, sed cum seriò severèque persequemur. Præterea quidquid Regi regnoque utile ac salutare, & in mandatis nobis esse potest, absque contradictione pro virili fideliterque exsequemur. R. M. & legitimos Ejus regnique hæredes ac Principes apud omnes & singulos hujus regni Regalia, imperium, ditiones & populum, vita & sanguine, masculis animis & equestribus factis protegemus ac defendemus: à quo nec favor, nec hostium potentia, periculum aut necessitas, sed sola vis major aut mors nos avertet aut prohibebit. Quodcunque in constituto regio imperio matura deliberatione determinatum fuerit, perpetuo celabimus silentio; veluti nunc R. M. & Principibus regni hæredibus, dominis nostris Clementissimis in hoc Regio stricto ense, provoluti in genua, ex omni animi mente, temporariè & æternum juravimus. Et in verum, constans, pium & Christianum testimonium argumentum & fidem, verum Iesu Christi redemptoris nostri corpus in vino & pane piè accepimus. Ita nos Deus & sanctum ejus Evangelium æternum juvet.

VNIO HÆREDITARIA

REGNI SVECIAE,

Ad
annum
1544.

Arhosiæ anno MDXLIV. a.d. xiiii. Ian. facta.

Potentissimi Principis & Domini Dn. GVSTAVI, Suecorum, Gothorum & Vandalorum &c. Regis, omnium nostrum charissimi & clementissimi Domini, regni & imperii Senatus, Ordo equestris & Nobilitas: Nos subscripti Laurentius Siggonis in Sundby, regni Succiaë Marschus, Steno Erici in Loholm, Ericus Flemingius in Quidic, Ivarus Flemingius in Sundholm, Iohannes Turonis in Lindholm, Canutus Andreae in Ockna, Turo Trollius in Berquara, Gustavus Olai in Torpa, Magnus Iohannis in Bro, Birgerus Nicolai in VVines, Eques auratus, Ioannes Olai in Hackesta, Suanto Sturius in Ekefjö, Abrahamus Erici in Ekebergh, Petrus Bragdius in Ridboholm, Axelius Andreae in Lenda, Nicolaus Krummius in Orboholm, Georgius Normannus, Bero Claudii in Läppes, Laurentius Turonis in Penningeby, Gabriel Christierni in Möreby, Armiger, R. Mtis Senatores; Axelius Erici in Häridzsätter, Georgius Erici in Fuglevviik, Nicolaus Petri in Åkeroo, Turo Petri in Kråkerum, Benedictus Nicolai in Bergzhammar, Bero Petri in Follenäs, Axelius Nicolai in Diursholm, Arvidus Trollius in Engzsjö, Petrus Iohannis in VValestad, Henricus Claudii in Häpinemi, Iohannes Petri in Häringe, Nicolaus Grabbii in Grabbaca, Severinus Kylius in Hoffsnäs, Torstanus Bryntonis in Forstene, Magnus Suenonis in VVesterby, Germundus Suenonis in Gödebergh, Ioannes Olai in Siösa, Christiernus Laurentii in Fletna, Tordo Bondius in Tranebergh, Steno Benedicti in Stöfle, Axelius Possius in Hellekiis, Petrus Andreae in Branstorp, Nicolaus Ribbingius in Svanfriidh, Sueno Ribbingius in Festeriidh, Olaus Petri in Biurum, Laurentius Kaffius in Hallerne, Lindormus Kaffius in Rosendaal, Olaus Kaffius in Rodel, Ericus Boethius in Mule, Nicolaus Boethius in Gennes, Georgius Achatii in Tidön, Nicolaus Ryningius in Tyresjö, Carolus Holgeri in Birckevviik, Ioannes Canuti in Laucko, Axelius Antonii in Berga, Ericus

cus Antonii in Berga, Benedictus Gyltius in Påtorp, Claudius Cristierni in Åminne, Vilfo & Nicolaus Henrici in Tyl-
 lingerum Laurentius & Grabbo Petri in Segerstada, Haraldus Lakius in Vlffstorp, Canutus Ribbingius in Torestorp,
 Mauritius Olai in Råbeeth, Ericus Arvidi in Grabbacka, Andreas & Ericus Bondii, Sueno Kartius in Amor, Bot-
 vidus Laurentii, Iacobus VVestgothus in VVexiö, Mag-
 nus Petri in Eskilstorp, Ionas Olai in Asa, Isaacus Birgeri
 in Empteriidh, Georgius Ioannis in Empteriidh, Geo-
 rgius Ioannis in Hammar, Nicolaus Iesper i in Håbergh, Lau-
 rentius Iesper i in Grikelsboda, Troilus Andreæ in Raffnäs,
 Ericus Ioannis in Tuna, Ionas Suenonis in VVånga, Petrus
 Laurentii in Halqvvi, Ericus Laurentii, Ionas in Halleby,
 Andreas VVestgothus in VViika, Ericus Olei in Kyala, Pe-
 trus Sporrius in Geneerby, Ericus Sporrius in Höffvvikyle,
 Matthias Körningius in Almby, Ericus Magni in Brågz-
 vviik, Engelbertus Laurentii in Ekenäs, Olaus Gallus in
 Tanåker, Nicolaus Olai in Iärna, Georgius Olai in Håkon-
 nectorp, Ionas Scrifverius in Högstrum, Laurentius Bröm-
 sius in Barneholt, Gulielmus Tæto in Giötala, Iohannes
 Kyhlius in Erstavviik, Torchillus Andreæ in Hintzekind,
 Thomas Ioannis in Gesterby, Matthias Petri in Vpsåla, Ar-
 vidus Claudii in Siögårde, Petrus Nicolaus Fubbius in Ber-
 ga, Ericus Iohannis in Torckilstorp, Broderus Erici in
 Råffsiö, Esbernus Torchilli in Räck, Nicolaus Hårdius
 in Hendelunda, Benedictus Scriba in Karstada, Sueno Bi ug-
 hius in Näsby, Halstanus Baggius in Skellesnäs, Dn. Erlandus
 in Sorinda, Astridus Ioānis in Ekeby, Petrus Ioannis in Eke-
 backa, Petrus Ingonis in Ekenäs, Ericus Laurentii in Hambra,
 Petrus Erici in Skēdinge, Laurentius Erici in Skelby, Carolus
 Benedicti in Seglinge, Olaus Erici in VVesby, Olaus Ivari in
 Enecopia, Erasmus Klothius Birgerus Buddius, Nicolaus
 Laurentii in Horneby, Nicolaus Erici in Beck, Petrus Lau-
 rentii in Kyrckiesätter, Ionas Anrdeæ in Bråttensby, Ericus
 Andreæ in Hedåker, Ionas Canuti in Diula, Nicolaus
 Laurentii in Sparrestad, Ericus Arvidi in Sledhammar, Dn.
 Paulus in Floda, Andreas Petri in Hoffgård, Nicolaus Hof-
 fuenskålius in VVii, Lotharius Slatta in Söderby, Bertol-
 dus Ioannis in Rekavv, Nicolaus Petri in Ruda, Petrus
 Fle-

Flemingius in Friskale, Ericus Ioannis in Torckillstorp, Magnus Canuti in Blombergh, Andreas Benedicti in Hoff, Andreas Boethii in Slåby, Matthias Kaggius in Björnes, Birgerus Andreæ in Angeriidh, Ioannes Petri in Rådenäs, Petrus Canuti in Malma, totius regni Sueciæ Nobiles, nostro & omnium tam præsentium quam absentium nomine, notum facimus pro nobis & nostris hæredibus ac posteris, vigore harum literarum & obligationis, fatemur & testamur, quod, postquam omnes & singuli propria & libera voluntate non coacti, cum universo congregato & inseparato regni Senatu, Equestri ordine, Nobilitate, Episcopis Præsulibus, ordinibus, subditis, apud nos summopere ponderavimus & perpendimus, nos tanquam communis patriæ, regni & Sueciæ Coronæ membra & fulcra, tam futura quam præsentia & ante oculos versantia, Dei clementi ope & summo iudicio, prudentia & maturo consilio exsequi & effecta dare, & negotia quæ regno, coronæ & universis subditis bono, saluti, incremento, amplificationi, paci & tranquillitati esse possint, considerare deceat: ut coipso regni & omnium nostrum detrimentum & oppressio præcaveatur & præpediatur, consensio, amicitia & charitas animis implantetur, & interna concordia bona confidentia & conjunctio propagetur, contra omnis discordia, diffidentia & alia huiusmodi, quæ ex dissidiis fluunt, extirpentur & removeantur, Velut ergo nunc proprio motu & præmeditatis animis pensitavimus & ex veteri recentique historia aliisque exemplis satis evidenter cognoscimus quod omni ævo & plerumque, per regis ut capitis, & subditorum ut membrorum discordiam & distractionem in mundo multæ periculosæ & subitæ commutationes sæpe acciderint, & non rarò per huiusmodi scintillas & levia principia graves & intestini motus ac dissidia fuerint accensa: unde rapinæ, latrocinia, seditiones, sanguinis effusio, damna & irreparabilia detrimenta deinceps nata sunt, contra ubi divinæ gratiæ nutu, & bene deliberato provisu, consilio & constitutione media & viæ excogitata sunt, per quas inter magistratum & subditos constans & duraturus amor & fidum obsequium propagetur, isthic ab omni retrò ævo ad præsentem usque diem, ex omnibus rebus gestis & exemplis deprehendimus huiusmodi regnorum incrementum, e-

minen-

minentiam, vigorem, pacem & quietem. Etiam si verò hujusmodi regnis & rebus publicis nonnunquam ingentes tempestates, inimicitiae & adversa illata fuerint; nihilominus tamen à domestico sanguine & imperio bene administratae, defensae & in sua libertate conservatae sunt. Quia etiam ex veterum actis, & documentis satis ab omni parte animadvertimus, didicimus & percepimus, unde hujusmodi calamitosae & perniciosae dissensiones, ditionum & regnorum excidia plurimum orta & excitata fuerint, nimirum ex ancipiti, corrupta, confusa & discordi Principum aut Magistratus electione, si una pars hunc, alia illum designarit, vel si recta linea, familia & successio non rectè observata sit: è diverso unde & quo intestina pax, concordia & felicitas instituta & fundata fuerit; nimirum si in hujusmodi electione secundum Dei providentiam lex successionis & linea agnationis ex naturali ordine rite servata sit: qua re hujusmodi dissidia declinentur, & bona concordia firmitus & solidius hominum animis inferatur. Proinde volumus, velut indigenae Sueci, fulcra & membra regni & Coronae Sueciae, nunc, dum in vivis sumus, cum omnibus aliis regni subditis, nos obligatos agnoscere ad hujus regni, & omnium liberorum, haeredum & posterorum perpetuum vigorem, prosperam salutem, pacem, unionem & conjunctionem re ipsa promovendam, & ad omne damnum, praesudicium, & dissidii, dissidentiae & ruinae ex pravis aliorum suggestionibus olim metuendae causas amovendas. Ideirco nunc etiam cum frequenti & conjuncto regni Senatu, Ordine equestri, Nobilitate, Statibus, civitatibus, universis regni incolis & subditis initio inter nos ut fidos & justos subditos ex Dei mandato, & universi regni prisca & legitima consuetudine, statutis & jure naturae decet, maximopere perpendimus & consideravimus, qua ratione Serenissima R. Mtas Rex Gustavus, velut omnium nostrum à Deo provivus & ordinatus, & à nobis atque universis regni Sueciae incolis unanimiter electus, inauguratus & coronatus Rex, ad hujus regni eminentiam, dignitatem & laboriosum imperium, non ut extraneus aut vi obtrusus rex, sed ut regiae lineae, generis, agnationis & sanguinis beneficio, hujusmodi dignitatis & regio muneri proximus, & propter oppressi regni & sub-

subditorum salutem , solatium & liberationem , Regium onus & imperium subierit ; præsertim eo tempore quo omnium nostrum patriæ Regnum Sueticum , absque ullo jure , honesta causa & titulo , à summi , capitalis & perniciosissimi hostis , sævi & senioris regis Christiæni violentia , tyrannide & extrema calamitate , prædationibus , incendiis & sanguinis effusione tam miserè afflictum , & regni cives ac incolæ absque vindice , auxiliatore & pastore prorsus extremo exitio subiecti & deserti essent. Præterea , tanquam Christianus Rex & fidus patriæ salutis protector , nostro & liberorum nostrorum , omniumque Sueciæ tam præsentium quam futurorum incolarum subsidio & incremento , atque amore patriæ & iudigenarum Succorum , fortunis , sanguini & vitæ suæ non pepercit pro asserenda patriæ & nostrum omnium libertate & vita ab hostium oppressione & ruina , Deique auxilio nobis felicem pacem , quietem & florentem statum reduxit. Vt ergo Deus omnipotens pro tali beneficâ suâ gratiâ laudem & gloriam , & Clementissimus noster Dominus , Rex Gustavus , & Majestatis Ejus Hæredes , Principes , tam nati quam nondum nati , à nobis , qui membra & subditi sumus , gratitudinem & officia recipiant , Regnum & nos omnes Sueci incolæ in tali pace & tranquillitate Dei ope perseveremus & conservemur , interim ex una discordia regni non alia seratur & ex illa bellum , tumultus & regni ruina nascantur & crescât , sed ut hoc regnum , Magistratus & subditi eo efficacius firmo & indissolubili concordie vinculo connectantur ; omnes & singuli ex omnibus regni provinciis & territoriis delegati primò de hoc gravi & arduo negotio , ex desiderio populi & nostrum omnium nobiscum egerunt , ut de eo in tempore cogitetur & deliberetur , si quid in regno Magistratui humanitus accidat , cujus tamen vitam Deus clementer & diu servet , ut de alio successore & rege certi esse possimus , nec forsan de electione aut aliàs discordia quædam & turbæ in regni detrimentum excitentur ; itaque nos cum illis & illi nobiscum in nomine SS. Trinitatis , totius Regni nomine , secundum omnium illis commissam instructionem , potestatem & petitionem , maturo consilio unanimiter conveniunt , decreverunt , promiserunt & jurarunt , quod , quia Sereniss. R. M. Clementissimus noster Dominus Rex Gustavus ,
yclut

velut naturalis secundum lineam Coronæ Sueciæ Rex hæreditarius & aliàs in regnum electus, inauguratus, constitutus & confirmatus Rex est, & huic regno omnibusque tam eximiam fidem & beneficia præstitit, qualia & quanta in his regnis vix ante, vel à prima eorum fundatione, à quoquam Rege aut Domino præstita sunt, nimirum ad pacem & florentem statum nos extulit, & ab extrema calamitate nos liberavit; & quia R. Mti. Regnoque, Dei beneficio, nostro & totius regni solatio de masculis hæredibus & Principe prospectum est, accipimus eosdem Principes natos, & non natos, uti etiam nos secundum naturam, omnes Christianas constitutiones, jura & consanguinitatis lineam decet, pro veris nostris & proximis Sueciæ Coronæ & Regni hæredibus, omnimodò ut postea exprimetur, irrevocabiler, inseparabiliter & quam efficacissimè. Recessus etiam Örebroensis, velut ante super hac re à regni Senatu juratus & obsignatus est, ita nunc idem in omnibus suis capitibus & articulis quam firmissimè, uti decet, hoc ipso de integro confirmabitur & confirmatur. Vi hujus obligationis & literarum, hujusmodi unionem omnium nostrum juramentis & fide sancitam renovamus & repetimus, omnesque & singuli pro nobis ac posteris nostris, per Deum & sanctum ejus Verbum pollicemur & juramus, quod quia hæc successio & designatio, secundum Dei ordinationem & providentiam, veteres & receptas regni Sueciæ leges scriptas, & omnium nostrum & totius regni Senatus, Nobilitatis, Ordinum, Civitatum & universæ plebis unanime consilium, consensum & decretum, legitimè, convenienter, utiliter & ex omnium nostrum ac totius regni perpetuâ salute facta est cum Potentissimo Principe ac Domino, Dn. Gustavo, Suconum, Gothorum & Vandalorum &c. Rege, omnium nostrum Clementissimo designato, coronato, & à Deo ordinato Rege, & Ejus Majestatis hæredibus, Principibus, natis & non natis; velut prius nostrum homagium, juramentum & fides, quibus R. Mti & Regno Sueciæ obstricti sumus, continet, fidi, obsequentes & subiecti esse volumus ac debemus, & juramentum fidelitatis, ut fidos subditos, ex Dei mandato, omnibus civilibus statutis & hujus regni veteri & legitima consuetudine decet, inviolabiliter & irrevocabiler nunc & in posterum absque cessatione

fer-

servabimus, exsequemur & præstabimus omnia. quæ, ut fideles ubditi, Christiano nostro Regi ac Magistratui debemus, vitæ, facultatibus, uxori, liberis & omnibus nostris possessionibus non parcemus, pro R. M. te & patria, in casu necessitatis, & quando R. M. hoc postulaverit, impendendis & charissima quæque cum eo periclitabimur, fruemur, luemus, vivemus cum eo ac moriemur. si insuper (veluti tam potentium quam quorumcunque hominum vita in Dei manu ac potestate sita est) R. M. Sueciæ Rex Gustavus, Dominus noster Clementissimus, ex hoc mundo ad æternam beatitudinem evocaretur & decederet, quod Deus diu proroger, promittimus, fidem damus & juramus quam firmissime, in solidum & ratum, omnes & singuli, ut ante dictum R. M. primogenitum Filium, Celsissimum Principem Dn. Ericum proximum regni Successorum, à Deo provisum & nunc designatum Regem fore, velut etiam pro nobis & nostris posteris approbamus, confirmamus & acceptamus cum pro nostro Domino ac Rege, pari modo ei fideles, morigeri & sinceri futuri. Similiter, ut ante dictum, præsentì nostro Regi ac Domino Regi Gustavo tunc ut jam, & jam ut tunc fidem datam integrè servabimus, vitam & corpus pro ipso discrimini objecturi, & ei omnibus modis auxilio & præsidio futuri omniaque illa facturi & omissuri quæ fideles & sinceros subditos, existimationis, juramenti & promissi nomine decent. Si etiam talis iterum casus accideret, ut Serenissimus noster designatus proximus Rex Dux Ericus ex Dei voluntate, Principes mares hæredes post se relinqueret, primogenitus ejus Filius regno succedet, & postea quocunque decedente, de linea in lineam, proximus natu succedet, & prærit regno, & iidem ejus Filii, nati vel nascituri, à nobis & posteris pro legitimis regni Sueciæ hæredibus, designatis Regibus habebuntur & manebunt. Si verò Dux Ericus, qui nunc proximus, designatus & electus Rex est, per Dei voluntatem absque maribus Regiis & Principalibus hæredibus obiret proximè subsequens, Clementissimi nostri Domini ac Regis Filius, Celsissimus Princeps Dux Iohannes, qui juxta lineam secundogenitus est, omninò eo modo & forma, qualis in Duce Erico expressus est, Regio imperio designatus, juratus & electus Rex Sueciæ coronæ & regno succedet. Eundem dicto modo pro nostro

Rege ac Domino quam firmissimè & irretractabiliter accipiemus, & iuramentum fidelitatis ei semper, integrè, immediatè & absque omni contradictione servabimus. Parem in modum ei fideles, audientes & præsto erimus ac manebimus, etiam cum vitæ & salutis nostræ discrimine, & cum eo, ut fidos & sinceros subditos erga legitimum Dominum & Regem decet, fruemur, patiemur & subibimus quævis. Si quoque post Ducis Iohannis fatalem excessum Regii & Principales mares hæredes exstarent, primogenitus ejus Filius in regnum succedet, & postea, uti dictum, à linea ad lineam, alter post alterum, summitteretur, & velut in proxime futuri & designati nostri Regis, Ducis Erii præscriptis articulis verbotenus expressum est, servabitur & executioni mandabitur, & ut ipse, sic ejus Filius natus aut nasciturus, à nobis & posteris nostris pro vero hærede regni & Coronæ Sueciæ declarabitur, eligetur & jurabitur. Si etiam usuveniret, ut Dux Iohannes, qui nunc secundus in electione & successione Rex est, absque maribus hæredibus excederet vitâ, Regia dignitas & imperium in gloriosissimi Regis Gustavi Clementissimi nostri nunc imperantis Regis ac Domini minorem natu Filium, Celsissimum Principem, Ducem Magnum transferetur, & pari modo, velut verbotenus de duobus prænominatis & honorificentissime memoratis R. M. Filiis, Duce Erii & Duce Iohanne Fratribus, expressum est, ita regium imperium, ut designatus juratus & confirmatus Rex Sueciæ, suscepturus, proximè post alios à nobis pro nostro Rege & Domino hoc ipso efficaciter & irrevocabiler acceptabitur, inaugurabitur & fidelitatis iuramentum ei præstabitur, integrè absque omni prætextu, effugio & dolo servandum. Eidem fidi, sinceri, obsequio & subsidio erimus & manebimus, pro ipso vitam & fortunas periclitaturi, cum ipso usuri, passuri & subituri quodcunq; fidos & legitimos subditos erga legitimum ipsorum Regem ac Dominum decet. Si etiam quid fatale accideret Duci Magno, proximè post eum primogenitus ejus Filius Regiam dignitatem & onus in se suscipiet & hoc deficiente, à linea ad lineam, velut in Ducis Erii & Ducis Iohannis Successionis articulis declaratum est, pariter successio observabitur, qui verò proximus gradu erit, cum accipiemus & agnoscemus pro nostro & regni Sueciæ designato & electo Rege, eidem iuramentum

mentum fidelitatis præstabimus sanctè servandum , pro eodem vitam & sanguinem, si necesse sit, profundemus, & porro faciemus agemusque omnia, ad quæ fidi & sinceri subditi obligati sunt. Si etiam post Ducis Magni obitum nulli hæredes mares & Principes proximi superessent. tunc ille designatus & juratus Rex Sueciæ erit, qui proximus, secundum Dei providentiam , ex regio sanguine & maximus natu masculorum hæredum Principum superstes erit, & eo modo, à linea ad lineam, deficiente uno, subibit in locum alius in Regia familia, velut in tribus R. M. Domini nostri Clementissimi Filiis Principibus & maribus hæredibus, Duce Erico, Duce Iohanne, Duce Magno, & eorum Successionis articulis declaratum est; parique modo, absq; elusione & exceptione inviolabiliter & in perpetuum observabitur, consummabitur, confirmabitur, & succedetur. Proinde nos obligamus, pollicemur & juramus interveniente sacramento, nos hanc successionis legem, ut ad verbum hîc concepta & expressa est, quamdiu Serenissimi Regis Gustavi, Clementissimi nostri Domini Regia & hæreditaria Familia mascula superstes erit, ratam, firmam & stabilem habituros & impleturos; & quamdiu laudatissima Regis Gustavi stirps, propago & posterii supererunt, eos pro veris nostris & genuinis Regibus, Principibus & Dominis à linea & progenie ad lineam & progeniem, ut in hac successionis constitutione declaratum est, accepturos & agnituros, etiam cum ipso vitæ, corporis, bonorum, existimationis, salutis, uxoris, liberorum & omnium possessionum, ubi necesse fuerit, periculo. Eosdem contra omnes extraneos & internos Regni & eorum hostes (nullis cujuscunque nationis aut loci Principe aut Repub. exceptis) defendemus & propugnabimus, corpus & vitam pro iis periclitabimur; & re ipsa faciemus & præstabimus omnia, quæ legitimis nostris, naturalibus & indigenis Regibus & Dominis, & patriæ nostræ libertati, ut fideles Suecos viros & sinceros subditos decet, præstare debemus, & ad quæ Dei mandato & juramenti fidelitatis tenore obstricti sumus. Et ex hoc die nullum alium, indigenam vel alienigenam, quocunque modo unquam fieri possit, nullo excepto, pro nostro Domino & Rege agnosceamus, sed potius eum persequemur, eique corpore ac vita resistemus. Et quousque Sereniss: Rex Gustavus, & Ejus Regia

Familia & genus vivunt, eos pro nostris & totius regni naturalibus, electis Regibus, Dominis & imperantibus Principibus, universi & singuli profitebimur & habebimus, & inde nulla inimicitia, amicitia, favore, largitione, consanguinitate, odio, invidia, ullave alia causa; nec hominum calliditate, instinctu aut seductione nos deflecti, dimoveri aut persuaderi patiemur. Si etiam contingeret, ut indigena quispiam, provincia aut ditio una vel plures, nunc aut in posterum (quod tamen Deo juvante non fiet) deficeret, vel alias motum quendam aut seditionem excitare vellet, nos obstringimus, unimus, promittimus & fidem damus vi hujus juramenti & obligationis, nos hujusmodi seditionem, ex Serenissimæ R. M. clementi voluntate, seriò & conjunctim oppressuros & punituros, ejusque authores & socios nec clam nec palam recepturos nec consilio nec facto adiuturos, aut quocunque modo victum, potum, arma, aliave necessaria illis suppeditaturos, sed corpore & vita persecuturos & pessumdaturus, & tantis viribus, quantas R. M. desideraverit, ei suppetias ituros. Contra omnes iridem exterorum impendentes incursiones aut oppressiones, etiam viritim, si ita necesse fuerit, & masculè obviam illis ibimus, nec ullum corporis aut viræ discrimen subterfugiemus. Si ita quoque accideret (quod Deus prohibeat) ut R. M. Dominus noster Clementiss. Rex Gustavus, vita prius decederet, quam proximus in posterum regni successor & Rex ad justam ætatem pervenisset, volumus & debemus in tali regni statu (prout R. M. quatuor aut plures ex Equestri ordine, aut aliàs ad id constituerit, qui cum & juxta potentissimam Principem ac Dominam, Dn. Margaretam, Svecorum, Gothorum & Vandalorum &c. Reginam, Dominam nostram Clementissimam, regnum & imperium bono publico, & in pace & quiete interim administrent) Sereniss. & Clementiss. nostræ Regine, & quatuor aut pluribus juxta constitutis, obedientes, subiecti, solatio & auxilio esse, donec Dominus noster & proximè imperaturus Rex, Dux Ericus imperio ipse succedat, eiq; præesse possit, non secus ac si ipse cum imperio esset, & nos omnibus modis ut fidos & integros subditos geremus. Si etiam Sereniss. R. M. Clementissimus noster Dominus, Rex Gustavus, reliquis suis hæredibus, Principibus,

natis

natis aut non natis, qui ad regii imperii eminentiam & dignitatem pervenire nequeunt, secundum conditum Testamentum & Principalis sustentationis tenorem, veluti Regii Testamenti tabulæ & obsignationes de eo conficiendæ & confirmandæ fufius expreffuræ sint, quasdam provincias hujus regni, ex quibus Principalem statum & aulam tueantur & alant, cum Regni consensu designarit & tradiderit, erga illos Principes nobis ita constitutos, absque omni exceptione & effugio, velut naturales nostros Principes provinciales, & designatos Dominos fideles & sinceri erimus, & apud eos nihil aliud agemus aut tractabimus, quam quod fidos & integros subditos decet. Succiæ itidem Coronæ & Regi debitum obsequium & officia præstabimus, uti fidi & regno obligati sincerique subditi ac membra debent, & velut in Testamento continebitur. Adversus hanc de successionem regni æternam constitutionem & unionem, nullo prorsus modo ullam contraventionem aut contumaciam moliri volumus ac debemus, aut permittere à quoquam sive extraneo sive indigena fieri; sed conjunctim præsentibus & futuris temporibus hujusmodi Successionis pactum nostra omnium spontanea voluntate & erectis manibus accipiemus, & factis tuebimur, defendemus ac operam dabimus, ut Serenissimæ Regiæ Majestatis felicitas conserveatur, pax & tranquillitas promovetur, omne detrimentum & exitium in tempore præcaveatur, impediatur & avertatur. Si etiam usveniret (quod Deus clementer prohibeat) ut Serenissima Regia Majestas, & Ejus Majestatis mares hæredes, Principes absque Regiis & Principulibus hæredibus maribus decederent, & Filia una vel plures superstites essent, electio ad regni Senatum, ordines & plures regni fidos subditos, non verò ad extraneum recidet, ut Succiæ Leges indicant. Filiabus autem Regiæ Majestatis aut posterorū illius, ex universo Regno, regiæ ac principaliter, uti decet, & secundum Testamenti tenorem, de honesta dote providebimus, & reliqua capita & articulos Regii Testamenti irrevocabiliter & fideliter implebimus & exsequemur, & cetera omnia quæ in hac Successionis obligatione antea, ut & in Recessu Örebroensi & omnibus aliis deliberatis, decretis & scripto consignatis Tractationibus, Serenissimæ R. M. &

Ejus Hæredibus, per nos universos Regni Senatores, Ordinem Equestrem & Nobiles tam vivos quam defunctos, promissimus & stipulati sumus. Quod itidem in Regio Testamento verbatenus & articulatè, perspicue conceptum est, si quam fiducissimè, sine dolo malo, dilatione, novis elusionibus, vel utcunque hominum astutia vel ingenium quocunque tempore excogitare potest, exsequemur, implebimus & sanctè servabimus, veluti quoque nunc universi & singuli, per omnium nostrum Christianam fidem, famam, vitam & bona, & hoc Successionis iuramentum, in veram & æternam testationem, illud confirmamus & roboramus. A quo nullus favor, dona, odium, æmulatio, cognatio, amicitia, inimicitia, aliive hominum affectus, consilia aut commenta quocunque modo nos deterrebunt aut depellent: ita Deus & S. ejus Evangelium nos adjuvet. In maiorem rei fidem, cautionem & confirmationem, quod hæc Transactio, æternum pactum & unanimis consensio, & alia omnia quæ superscripta sunt, ex omnium nostrum & universi Regni Senatus, Ordinis Equestris, Episcoporum, Præsulum, Ordinum, Civitatum & populi totius regni universis & singulis petitionibus, desiderio & unanimi decreto, & libero nostro arbitrio, à volentibus, in universi Suetiæ regni, Coronæ & incolarum rem, quietem & salutem facta sint, eademque promiserimus, juraverimus, confirmaverimus & approbaverimus, omnes prænominati R. M. regni & imperii Senatores universi & singuli, omnium reliquorum collegarum, & universorum Regni Ordinum, Urbium & universæ plebis nomine, tam præsentium quam absentium, pro se quisque & suis hæredibus ac posteris, in perpetuam testificationem, quod omnia superscripta rata & firma futura sint, omnium nostrum propria & hæreditaria Sigilla, scienter appendi curavimus. Datum & scriptum Arthosæ, Octava Epiphan. Domini, quæ erat decima tertia dies Januarii Anno MDXLV.

LEX

LEX ANNONARIA, ET DE ILLICITIS COMMERCIIIS.

Ad
annum
1546.

Upsaliæ anno MDXLVI. a.d. xxv.

Februarii, publicata.

I. **S**Eges demessa & granariis condita majori pretio non ematur aut vendatur, quam in nundinis Disensibus proclamatum, & omnium consensu approbatum est.

II. Omnes illegitimi mercatores vicatim merces suas distrahentes, & omnes alii negotiatores non ordinarii in urbibus abrogantur, veluti nobiles, præfecti, prætores, opifices, equites sclopetarii, milites nautici aliive R.M. aliorumve ministri non exponant aut circumferant ulla merces venales sive in urbibus sive pagis. Sed si quis mercatura & civili victum quærendi genere uti velit, cum civibus onera publica ferat.

III. Nemo peregrini hominis pecuniâ commercia exerceat. Si quis alienam pecuniam usurpare vel mutuo sumere velit, ea palam utatur, in nullius fraudem & detrimentum, sed ut Leges Suevicæ & hæc Constitutio expriment.

IV. Nulli licitum sit marcaturam facere, nisi in bonis habeat, & peritus mercaturæ sit. Itaque in singulis emporiis aliquot prudentes & fidi cives constituentur, qui sedulam ejus rei curam & inspectionem habeant.

V. In omnibus emporiis non cuivis permittatur pro lubitu quibusvis mercibus negotiationem exercere. Sed qui tabernam vult aperire, tabernarias aut institorias merces vendat, alius pannum lineum, alius lancum, alius aromata venalia habeat. quidam salem & lupulum salictarium, pisces, butyrum & alia hujusmodi vendant.

VI. Quilibet opifex suam rem & opificium tractet. alter alteri in suo victus genere non molestiæ, impedimento, præjudicio aut detrimento sit. Opifex prorsus abstinebit mercatura; & mercator opificio. Nullus etiam mercator aut institor hujusmodi manu aut opere facta huc advehat, per quæ opificia perdantur aut destruantur. In quolibet opificio constituentur tribuni vel seniores, qui semper curam & inspectionem opificum habeant, ut bonum & inculpatum opus faciant.

A a 4

VII. Qui

VII. Qui ruri opificio aut mercatura uti volet, in urbem migret, ibique ritè utatur, cum civibus regni ac civitatis onera portando, exceptis plebeiis opificibus necessariis ruri permittendis.

VIII. Sacerdotibus mercaturam exercere prorsus interdictur. Illi quæ Deus ipsis mandavit curent, & mercatores sua tractare sinant.

IX. Omnes urbes & oppida singulis annis aliquoties omni inutili turba purgentur: ut coloni, cum opus fuerit, inde operas auxiliares in agris & pratis habeant.

X. Omne esculentum, veluti vivi boves & alia pecora siccata aut salita caro, butyrum, omnis generis pisces saliti aut siccati ad tempus evchi regno vetantur.

XI. Frequens illa navigatio lembis & scaphis hætenus instituta in posterum non permittatur; sed in quavis urbe maritima definiatur numerus onerariarum navium in mare emitendarum.

XII. Ne quis clam negocietur in alterius fraudem aut incommodum, & ut constet, quæ merces quotannis regno evehantur, accuratè per partes annotetur.

XIII. Mercatores qui exportandis & invehendis mercibus quæstum faciunt, ante omnia huc invehant & curent tantum salis, lupuli salictarii, pannorum aliarumque hujusmodi exoticarum mercium, ut populo de necessariis prospiciatur.

XIV. Idem mercatores hujusmodi necessarias merces sibi comparent in istis locis & urbibus, ex quibus alii extranei petunt: ne per tot manus eant indeque pretium earum intendatur.

XV. Nulli rustici emant ac supprimant frumentum vel alia esculenta, ad iterum distrahendum. Qui vero frumentum vel annonam ad Montanos aliove devchere ac vendere velint, illis integrum sit, quantum ex proprio prædio & agro percipere possint. Qui tamen ferrum pro permutato aut vendito frumento recipiunt, & quidem plus quam ipsi egeant, ad proxima emporia illud devchant ibique vendant, non verò vicatim distrahant.

XV. Plebs rusticorum & cives urbium eo vestimentorum genere quilibet pro suo statu & conditione, quo parentes &

ma-

maiores eorum contenti fuere. Splendor enim & superbia nulli est usui, sed in Dei offensam & publicæ ac privatæ rei detrimentum cedit. Colonorum optimus ornatus est ut agrum & prata bene culta & septa habeant, spulentam & farinam in horreis, & escam in domo.

XVI. Ex omnibus rebus venalibus, in nostro solo natis aut productis, juxta veram & sedulam æstimationem ac taxationem tertia pars pretii, præter omne lucrum, detrahatur.

XVII. Omnes opifices cujuscunque generis, tertiam partem de manus pretio deducant.

XVIII. Omnes pro mercede servientes equa mercede annua per æqualem deductionem, pro temporis & regionis conditione contenti sint.

XIX. De pecunia pro victu sive hebdomadali in urbibus, sive diurno ruri & pabulo equorum nocturno secundum cujusvis loci conditionem tertia quoque portio deducatur.

XX. Hi articuli inviolabiliter servantur. Multa in violatores prima vice quadraginta marcarum cum publicatione rerum illicitè emtarum aut venditarum decernitur. Iteranti transgressionem capital & publicatio bonorum esto.

CONSTITUTIO REGIA

De Annonæ caritatis causis & remediis, Gripsholmiæ 4. April. anno MDXLVI.
publicata.

IN Comitibus Arbogensibus actum est de annonæ caritate, qua regnum & subditi tunc oppido premebantur, ejus causis & remediis. Primò universè propositum quod in confesso esset, hujusmodi annonæ gravitatem aliasque plagas publicas, quibus Deus interdum in regna & respublicas animadvertit, Dei permissu velut peccatorum flagra hominibus infligi; tamen singulos

- rem seriò pensitantes inficias ire non posse, hujus mali publicæ causam & culpam etiam in plebis incuria & inertia residere. Dein per partes ad mali fontem & emendandi modos propius descensum est. In oris Septentrionalioribus, velut Dalia, Helsingia, Gestricia, Angermannia, Medelpadia & Bothnia rei frumentariæ incendium inde ortum probatur, quod crescente populo tamen parum agri colatur, & prædia in multas partes ab inquilinis dividantur, quibus alimenta non sufficiant. His ut remedium fiat, Rex cum Ordinibus præcipit, ut quisque pro suis facultatibus subigat, eradicet & colat agros & prata, atque exustis superfluis nemorum partibus, fundos segetis patientes reddat, & novas villas ac prædia exstruat, quibus loci commoditas non deest: ut ita agri ac frumentum inde locupletentur, & populo victus copia præsto sit. Desidibus pœna, gnavis immunitas ad tempus & oneribus publicis promittitur. Quum hoc quoque annonæ difficultati causam præbeat, quod in dictis oris coloni plus agrorum occupent & instruant, quam opus sit, quique pluribus sufficere possint, aliis autem juxtim colere volentibus invidiæ atque obstaculo sint, idem Rex severè interdicat, vetatque plures fundos instruere, quam quibus excolendis satis habiles sint, nec alios novas villas instruere citra ipsorum detrimentum parantes, ex malitia aut livore impedian. Reos quadraginta marcis mulctandos, vim facientes, ex lege puniendos. Quibus autem denegetur dicto modo nova prædia exstruere, si nullam aliam victus quærendi viam videant, mercaturam exercere, & quidem vicatim cum non exiguo regni & subditorum incommodo. quod Rex seriò prohibet, & vel in urbem migrare, ibique onera publica cum aliis civibus subeundo mercaturam facere, vel si hoc non possit, agrum colere jubet, sub multa quadraginta marcarum & mercium jactura prima vice, secundò centum marcarum, tertiò capitis pœna.
4. Sed & hanc non levem annonæ flagellationis causam esse, quod nemo colonorum velit liberos suos honestum aliquod opificium discere, unde se exhibere possint, sed sibi invicem oneri esse, aut alimentis deficientibus vagari ac discurrere per provincias, & ad triturandam segetem operam locare, non tamen pro pecunia, sed pro certis & æqualibus frumenti modiis, sive gravi sive vili annona. per quod magna parte segetis

getis agricolas exhauriant, ita ut tempore verno, quando
 sementis facienda, nonnunquam plus frumenti trituratores
 quam ipsi coloni possideant. cujus pretium domum redeun-
 tes pro lubitu intendant, aut pro piscibus permulent, quos
 vendendo iterum segete commutent, & tam pisces quam se-
 getem magno denique vendant, cum non exiguo subdito-
 rum detrimento. Proinde Rex serìò edicit, has operas inpo-
 sterum non pro segetis modiis, ut hactenus, sed pro æqua
 mercede diurna aut annua pro cuiusque conditione locandas
 esse & tam æstatis ac messis quam hyemali tempore, ut colo-
 nis, quoties opus est, usui esse possint. Idem de serv's, quo-
 rum opera per annum conducta est, accipi vult, ut pro pec-
 unia non frumento serviant. Annonæ flagellatoribus in-
 super interdicitur cumulare frumentum & pro nimio pretio
 vendere apud montanos vel alios, aut plus ferri pro segete
 commutare, quam ad usum suum. aut si plus acceperint, non
 vicatim distrahere, sed in proximis emporiis pro usitato &
 definito pretio vendere. Quosdam porrò majora prædia con-
 ducere, quam quibus rite colendis pares sint. in quibus si duos
 vel tres annos habitarint, & agrum attenuarint atque effæ-
 tum reddiderint, inde demigrare magno ære alieno prædii
 domino nexos, & alibi domicilium desultorio more figere,
 ibique parem fraudem facere. quod præfectos suos sedulo
 præcavere & antevertere Gustavus jubet. A Editui quoque
 vetantur Decimarum fructus autumnò vili coemere & vere,
 ubi crevit pretium, magno vendere, sub pœna ante expressa.
 Iidem providebunt ut Decimæ justè exigantur, nec eorum
 incuriâ deteriores reddantur, sub pœna restitutionis damni.
 Sed & pecuariæ majorem curam habere subditi jubentur in
 subsidium ac lætamen agri, & relevationem annonæ difficul-
 tatis; velut in VVestrogothia & Smalandia faciant; licet ibi
 minor agriculturæ cura sit, quam usus & non aliena prorsus
 loci facies postulet. Subditos ad agrum melius colendum sub
 pœna hortatur. Luxus etiam in vestitu, cibo & potu, ut non
 infima annonæ difficultatis causa, prohibetur, modicus &
 avitus corporis cultus & frugalitas præcipitur; & ut agrum
 bene cultum, pecus nitidum & curatius habeant, ni offensam
 regiam incurrere velint. Præcipua tamen annonæ caritatis
 causa feruntur tot à plebe malorum instinctu motæ sedition-
 nes:

5.

6.

7.

8.

9.

- nes: ad quas comprimendas copiis tam externis quam indigenis opus fuerit, quæ regni fructus absumserunt, terras populatæ sunt, bonam monetam aliasque facultates regno exheruerunt; ut alia mala, quæ intestinas turbas comitari solent, si leantur. quibus sacerdotes occurrere potuissent, si absque palpo, & seriò suos auditores ad obedientiam & fidem erga suum magistratum adhortati fuissent, cujus tam ipsos quam subditos sub religione juramenti sibi præstiti & periculo regie offensæ monet. Propoliis etiam annonæ incenditibus interdicitur, & coemptione rerum venalium pro alieno ære, quasi suum esset, cum exiguo suo sed ingenti peregrinorum lucro & majori civiū incommodo, sub pœna antè dicta XL. marcarū prima vice & jactura rerum emtarum, altera vice centum, tertia capitis supplicio, salvo tamen mutuo aliisq; licitis contractibus. Ultimo quæ alia in Nundinis Disensibus hoc anno Vpsaliæ super hac re constituta erunt, hîc repetuntur cum addita pœna in immorigeros.

Ad DIPLOMA GVSTAVI I.

annuum

Regis Sueciæ &c.

1555. DE CAVSSIS INOPIÆ AGRICOLARUM, & imminutarum Coronæ pensionum ac census, earumque remediis.

NOs Gustavus Dei gratia, Succorum, Gothorum & Vandalorum Rex, denunciamus Vobis, Nobis dilectis & fidelibus subditis, tam liberis, quam Nostreis & Regni Sueciæ censualibus rusticis, colonis & universæ plebi in Sueciæ regno habitantibus Regium nostrum favorem & gratiam, & vobis, dilecti subditi, notum facimus, quia verè cognovimus, quid causæ sit, quod pars colonorum ad egestatem magis magisque redigantur, ita ut nec ipsi vitam suam satis tueri, nec Nobis, Coronæ & dominis suis debitas pensiones ac censum exsolvere, nec Ecclesiasticis personis, spiritualibus suis patribus Decimas ex veteri consuetudine, aliaque tributa lege Dei & Sueconum debita satis pendere possint, nec suos boves, sues, oves & equos per annum alere possint, sed per incuriam fame perire sinant, sibi & aliis quibus pensiones debent, haud exiguo detrimento.

Quia

Quia verò Regii officii nomine tenemur, Sueciæ Coronæ & omnium Nostrorum subditorum damna & perniciem pro viribus præcavere & avertere, proinde bono & paterno animo hoc vos monemus, ut discatis, unde vestrum & Coronæ detrimentum exoritur, atque si chari subditi paternum nostrum consilium & fidelem commonefactionem sequi velit, speramus cum Deo, vos vestram conditionem & fortunam meliorem facturos, & in posterum pensiones ac censum jure debitum facilius præstituros.

I. Animadvertimus autem, Coronæ & Vestrum detrimentum ex his causis oriri: Plebem hujusmodi prava & damnosa consuetudo incessit, ut plus agrorum, quidam emptione quidam hæreditate aut divisione sibi acquirere & cumulare velint, quam sufficiant commodè usurpandis, & ad eorum prædia jure pertineant. Quando censualia quædam prædia hæreditatis jure ad quosdam perveniunt, vel ad liberos defuncti, separare & dividere volunt isthæc bona Coronæ censum debentia, prorsus ut alia mobilia in partes distribuere & secernere solent; ita ut quilibet suam portionem capiat, unus prata prædio villatico, alter agrum abstrahit, tertius undas piscium feraces, quartus nemora. Atque sic distrahuntur istæ possessiones in alia prædia, quibus jure subjacere non debebant, & Coronæ jura ac beneficia hoc ipso multum decurtantur & diminuuntur & perfidè ac furtivè cum corona agitur, & proh dolor! indulgetur. Res tandem hunc exitum habet, ut prædia olim bene possessa in tot partes secentur, ut vix denuò reperiri possint. Et ubi Corona olim habebat in una paræcia decem aut viginti colonos censiticos, jam vix habet duos aut tres. Quod Nobis utique ferendum non est, ut hoc modo cum Coronæ redditibus ludatur. Non leve utique damnum Coronæ est, eo jacturam fieri pensionum, veredorum præstandorum, operarum diurnarum, & aliarum contributionum.

II. Quidam agricolæ tam pertinaces, ignavi & propriorum commodorum negligentes sunt, ut quotannis aliam atque aliam agri partem incultam relinquunt & sterilescere sinant, & pari modo prata. Ita ut more majorum parta rectè tueri nolint. Sigillatim veteres fossas reparare illis iniquum videtur, sed funditus eas devastari æquo animo patiuntur.

III. Quæ

III. Quæ non consista in agro relinquuntur, & alias fructui esse possent, per moram, ignaviam & incuriam suis depascere permittunt, atque ita nec segetem nec gramen nanciscuntur, & quæ usui esse debebant vaccis aliique pecori, consumunt suos, pecora verò fame contabescunt: quod utique indignum est, & privatim publiceque noxium. Nec minus nos malè habet, illam pauperiem quam porci faciunt, impune haberi.

IV. Si quidam colonorum libenter velint fartos tectos vel integros tueri agros & prata, aggeres & fossas faciendo & eradicando, aliaque præstando, quibus bonus agricola scit vitam exhibere, per alios ejusdem pagi colonos ipsis non licet. Si unus enim fossas ducere & extirpare inutilia gignantia velit, alter vicinus recusat, alterique damnum exundatione infert. Vnde consequitur tandem, ut non solum colonis invicem sed toti regioni fraus fiat, inarati & inculti agri velut solitudine damnati jaceant. Et ubi antea terræ uber & solum herbidum fuit, nunc sit palustre & uliginosum, ibique muscus & palustres baccae nascentur. Sed quid inde commodi & fortunarum illi quorum interest inde capturi sint, in promptu cuivis est judicare. Quia verò nobilium agricolæ in uno pago degunt, & communes habent agros & prata cum censu alibus & coronæ rusticis, æquè colant, ut decet, suos agros & prata, fossas & septa circumducant ut censuales & coronæ coloni; nisi damno æstimata severè mulctari & plecti velint.

V. Hanc etiam non levem causam hujusmodi incommodi esse deprehendimus, quod nonnulli rustici nunquam fixum domicilium habeant, sed oberrent passim per ignaviam ex uno prædio in aliud migrantes, illudque perdescentes & secum alios. Tales erronei non ferendi sunt inter bonos viros.

VI. Sed & prætorum ac præfectorum ruris hic culpa versatur, qui cochlearis argentei vel alterius muneris causa, quo se corrumpi patiuntur, frugi & industrium colonum prædio ejiciunt & locant illud inutili terræ ponderi. quod sub gravi nostra offensa & poena eos in posterum evitare jubemus.

VII. Sed & rusticorum nonnulli negligunt totius agri cultum, & partem ejus duntaxat colunt, partem reliquam sterilem sinunt: ita ut qui conferere deberent agrum triginta vel qua-

quadraginta orcarum, vix octo vel decem serant. unde sibi ipsis egestatem & Coronæ detrimentum pariunt.

VIII. Sed & verum sationis tempus est in vere, præsertim ubi luteum solum est, ante nundinas Ericianas, cum tamen ante Pentecostes ferias feri soleat: quod cautus colonus non debebat. Et quia solum propter sata fossæ expertia in tempore non exsiccatur, inde sæpe sterilescit, vel in prata aut pascua taurorum, vitulorum aut vaccarum redigitur, donec totus ferme ager inutilis reddatur, cum gravi Coronæ damno, in posterum non tolerando.

IX. Magis etiam Nobis è re videtur, boves aratores & quibus messis in horrea subvehatur, quam equos majori impensa alere.

X. In rem etiam foret, vos computare temporis interval- lum inter Matthiæ & VValburgis diem, & rationem inire cum numero vestri pecoris, & quantum pabuli exigatur ad illud per hyemem alendum: atque si animadverteretis pabu- lum ei alendo non suffecturum, præstaret mactari pecus (quamvis ali, si queat, satius sit) quam fame perire: quod co- ram Deo & hominibus excusari nequit. Deus quoque beni- gnè alia media in defectu aut non magnâ copiâ foeni, alendi pecora suppediavit, velut stramē, virgultum betulę, juncum, scirpum, corticē & alia hujusmodi, quæ industriis obvia sunt.

XI. Vltimò quod foenum & seges justo tempore in hor- rea non condantur, ut fas erat, sed per negligentiam deper- dantur, in caussa sunt otiosi dies & festa Dominica quæ post sacra peracta conviviiis aut aliis inutilibus rebus transiguntur. quidam etiam hac falsa opinione imbuti sunt, ut putent, hoc verè esse dies festos celebrare, si nihil agant, quod tamen di- rectè Dei præceptis pugnat. Itaque paternè vos monitos vo- lumus, ut temporis rationem in condendis segete & fœno habeatis. Sed & nimio humore seges tempore messis cor- rumpitur, quod rustici nolunt sibi procurare siros vel condi- toria frumenti, uti moris est in Finnonia, in quibus siccare se- getem possint, sed potius in agro relinquunt, donec pluvia & madore computrescat, aut semisiccam invehunt in horrea, ubi postea amburitur & disperditur. Itaque vobis exstruite con- ditoria qualia Finni habent, ne vestrâ incuriâ ad incitas planè redigamini & totæ vobiscum regiones.

XII. Hisce

XII. Hisce causis hactenus enumeratis si remedia præscripta opposueritis & paternis nostris monitis ac jussis obtemperaveritis, Nos benevolos ac promptos ad salutem vestram pro virili procurandam habebitis, si secus, severos inobedientiæ vindices. Omnes & singulos Nobiles, Iudices provinciales & territoriales præfectos & prætores hortamur, sedulò curent, ut huic Nostro Regio mandato in omnibus clausulis mos geratur, & in contumaces ac immorigeros seriò animadvertatur. Iubemus etiam Nostrarum & Coronæ possessionum inspectores & inquisitores officium suum rectè exsequi, prout coram Deo, Nobis & omnibus honestis viris rationem reddere cogitant. Quicumque hîc fraudem fecerit, præter multam xl marcarum, damnum Coronæ refarciet. Quod omnes & singulos observare volumus. Datum Holmiæ 20. Iunii Anno MDLV.

Ad
annum
1556.

FOEDVS COMMERCIORVM

inter

S V E C O S

&

FRISIOS ORIENTALES.

Excer I. SVEcis jus esto liberè & absque impendio vestigalium
ptu ex cujuscunque generis in omnibus oppidis ac locis Frisiæ
Vbbo- orientalis, quæ Comitibus parent, negotiari, importa-
nis Em re, exportare, distrahere, emere, commutare, sive per se,
mii rer sive per procuratores suos. Excipitur exportatio in VVest-
Frisc. faliam, ditionem Groninganam, Frisiam Translavicanam,
bist lib propterea quod ea loca portui Emdano nimium sint vicina.
lx. p. Idem jus habento Emdani & omnes Frisiæ orientalis incolæ
954. per universum regnum Sueciæ, (a) præsertim Stocholmiæ,
955. Nicopiæ, Sudereopiæ, Calmarix, Nilosix; ita ut ne profiteri
col- quidem res istic emtas, quas exportare volent, habeant ne-
latu cū cesse. (b)

eo quod

II. Ad

exstat in Annalibus Sueticis Erici Georgii parte 2. pag. 344. 345.

II. Ad hæc Succis licebit merces in Frisiam orientalem importatas, si eas ex usu suo vendere aut permutare non potuerint, etiam in conditoriis repositas, sine vectigali exportare istinc quocunque lubebit: licebit id ipsum Emdensibus, & reliquis Frisiam hanc habitantibus, in Suecia.

III. Impostores nomen Succicum aut Frisicum mentientes non comprehenduntur. (c)

IV. Sueci domicilium fixuri in Frisia Orientali, & Frisii Orientales in Suecia à tributis in sumtus familiarum aut mensarum suarum omni modo exempti sunt. (d)

V. Emdanis & reliquis Frisiis Orientalibus fas non esto merces Succicas in in Sueciâ emtas aliò (e) quam in portum Emdanum, aut hujus regionis portus cæteros cis Visurgim fluvium inferre; nisi tempestatis vis major proximum quemque portum subire coegerit, exceptis portibus hostium regis: & contra.

VI. His feliciter cedentibus, ad ulteriora eatur utrorumque commoda & juris incrementa, ut nec hos in Sueciâ, nec illos in Frisia Orientali ad judices vocare liceat, (f) nisi ob causas ex contractibus hæc aut illic initis ortas. Ad has verò causas disceptandas ex ipsis utriusque gentis mercatoribus eorundem ipsorum arbitrio seniores designentur, qui iudicum locum teneant: à quibus ad judices ordinarios appellatio sit, si quis gravatum se sententiâ existimet.

VII. Sed quia gubernatrix Frisiae Orientalis tutoriam tantum potestatem habebat, atque ita diutius obligare filios, quam ipsi vellent, non poterat, eam ob causam lex addita est, ut hæc valerent, quamdiu & regi Gustavo, & gubernatricis filiis id esset placitum: nisi interea inter utroque sanctius aliquod foedus interveniret. Omnia sine dolo malo.

C O L L A T I O.

(a) Hæc verba non exstant in Fœdere commerciorum, quod memoriæ prodidit Chronicon Gustavi I. Suecicum; sed hæc sunt isthic verba: *Liberam mercaturam illis facere liceat in his subiectis regni maritimis urbibus, Stocholmia, Nicopia, Sudercopia, Calmaria, Absa & Elfsburgo, aliæ Nilosia.*

B b

(b) Nec

(b) Nec ista verba ibi reperiuntur, sed hæc: *Pro mercibus, quas ex Frisia Orientali in dictas urbes in vecturi ibique vendituri sunt, iterum emant aut permutent omnis generis Sueticas merces, quæ in regno communiter distrabuntur, & quibus regnum carere potest; & quidem absque omni vectigalium onere.*

(c) Hæc verba quoque aliter concepta sunt in Annalibus Sueticis, hoc nimirum modo: *Si quis non habitans in Suecia easdem merces Sueticas emat, vectigal inde pendere tenebitur, ut alii, qui tali immunitate non gaudent. Sedulo quoque utrinque curetur, ut hujusmodi advectiones, emtiones & venditiones absque fraude & periculo fiant.*

(d) Et hic alius verborum sensus est in Annalib. Suetic. talis nimirum: *Omnes mercatores habitantes in Suecia & Frisiam orientalem accedentes, si isthic negociantur & sibi ipsis de domo ac victu prospiciant, immunes isthic erunt quoad cibum & potum ab omni vectigali & onere, idque purè & simpliciter absque omni exceptione. Pari modo Frisi Orientales in Suecia commercantes eadem immunitate fruuntur.*

(e) In Annalib. Suec. est. *Nec ad ullas urbes maritimas maris Baltici.*

(f) In civilibus, additur in Chronico Suetico. *quamvis idem sequentia verba ob causas ex contractibus initis ortas velle videantur.*

Ad annuum **PRIVILEGIA SVECORVM**
1559. **IN GALLIA,**

inito Fœdere commerciorum inter
GVSTAVUM I. Regem Sueciæ &
FRANCISCVM I. Regem Galliæ.

I. **S**vecis absque omni molestia & impedimento liberè peregrinari & iter facere per totam Galliam terra marique liceat, ibique negotiari, emere & vendere prorsus, ut propriis istius regni subditis permissum est, nec ullum aliud vectigal isthic pèdere teneantur, quam subditi consuevi sunt prestare.

II. **I**dem

I. Iidem pondere, mensura & numero mercium ad eos pertinentium non magis in Gallia gravabuntur quam ejus subditi, nec plus pro iis expendent aut exigentur, quam loci subditi. Qui secus faxit, omnes expensas & damnum illis luet.

III. Si quibus Suecorum in Galliam proficisci & isthic permanere lubeat, illis hoc integrum erit, modo Rex Galliae aut eorum successores eo nomine per literas compellentur. Illis quoque licebit testamento legitime condito legata quibuscunque voluerint vel suprema voluntate, vel dum integra sunt valetudine, relinquere. Si quid donare velint, secundum loci statuta & mores donent. De bonis suis sive soli sive mobilibus ordinent & constituent, ut alii regni incolæ.

IV. Si verò accidat, ut pax, amicitia & foedus inter Sueciam & Galliam initum ob quasque causas aut casus frangatur, aut bellum oriatur inter Regem Galliae, aut alios Reges, Principes & Respublicas, per quod commercia in Gallia turbentur ac impediuntur, Suecis isthic habitantibus intra anni spatium, à tempore fractæ pacis, cum navibus, mercibus & bonis suis regno excedere licebit.

V. Si Rex Galliae gerat bellum cum alio Principe quam Rege Sueciæ, cuius Sueco liberum erit quoties velit, ultrò citroque commeari, ire, redire, nec quoad corpus, & fortunas & bona lædetur aut impediatur, ea tamen conditione, ne sub specie pacis mali quid per se vel alios machinetur adversus Galliam.

VI. Omnibus Sueciæ subditis liberum erit cum navibus suis, mercibus & commerciis proficisci ad Galliae hostes & inimicos eorumque portus, regiones & terras ubicunque eis commodum videatur, subsistere & commercari, abire & redire, quando volent: ita ut ea de causa non dicantur violasse pacem, aut mali quid eis inferatur à Francis. Et ut Sueci tempore belli commercia eò tutius & absque omni molestia exercere possint, dabuntur illis literæ tuti comiteatus, quandoque desiderabunt.

VII. Licebit etiam Suecis in Gallia tantum salis emere, quanto ad totius regni Sueciæ usum & necessitatem opus fuerit, pro eo pretio de quo inter emptorem & venditorem convenire poterit, & Gallie subditi inter se vendiderint: idque absque omni impedimento evehetur.

VII. Si dissidium aut lis suborietur inter Suecos de eorum navibus, commerciis aut aliis rebus dum in Gallia commorantur, eis permittetur, controversiæ citius terminandæ causa, ex suis eligere iudices vel arbitros duos aut quatuor qui litem inter eos decident.

IX. Lite inter Suecos & Francos aliamve nationem in regno Galliæ orta, à magistratu & præfectis prope oras maritimas degentibus aliquot viri à studio partium alieni diliguntur, qui omni diligentia jus illis dicant.

X. Sueci cujuscunque nationis causa non cogentur in Gallia vilius vendere merces suas, quam justum pretium esse possit, sed quam charissimè possint. Hæ literæ Regia Francisci manu subscriptæ & Regio sigillo subsignatæ sunt. Actum Ambasiæ septimo Calend. April. Anno 1559.

TESTAMENTVM GUSTAVI I. REGIS SVECIAE, &c.

Ad A. In æternæ & individuae SS. Trinitaris, Dei Patris Filii & Spiritus Sancti nomine, Nos Gustavus, ex eadem Dei gratia, Suecorum, Gothorum & Vandalorum &c. Rex, notum facimus & manifestè fatemur, quod omni vitæ nostræ tempore, & peculiariter ab imperii nostri primordio usque ad præsentem horam summo studio ac desiderio id laboravimus & quaesivimus, ut hoc inclutum Regnum Sueciæ, dilecta nostra patria à vi, turbis, dissidiis, discordia & omni alio discrimine defenderetur ac protegeretur, & in omni felicitate ac salute, tam æterna quam temporali custodiretur, amplificaretur & conservaretur. Veluti etiam sub ipitium fiebat, ubi senex captivus & crudelis Christiernus antea Daniæ Rex, immanissimè & inimicissime multi innocentis sanguinis effusione, rapinis, incendiis, suspendiis, rotarum suppliciis & crebris tyrannicis persecutionibus, hoc nostrum Regnum, exutâ omni mi-

miseriordia & humanitate, infestabat, populabatur & devastabat. quippe ejus propositum & tyrannica mens ad nihil aliud directa ac ac propensa erat, quam ad hujus incluti Regni æternam perniciem, & ingenui Suetici sanguinis ac generis, superioris & inferioris ordinis, extirpationem, Legum, juris & justitiæ oppressionem, & ad regnum hoc perpetuo ac intolerabili jugo externo ac vi subjiendum, & tam irreparabili excidio mactandum, ut nunquam in posterum resurgeret; cum pluribus hujusmodi, quæ hîc recensere nimis longum foret. Quare moti sumus & compulsi debito amore & benevolentia erga charam nostram patriam, tantum Regni onus in Nos recipere, per quod Nos variis curis, ærumnis & adversitatibus, nec exiguo vitæ & corporis periculo, velut prædæ exposuimus & objecimus: quum nullus alius vellet succurrere dilectæ nostræ patriæ à tanta calamitate & sævitia liberandæ, & maxima pars ordinis Equestris, & præcipua regni membra internecione miserè deleta essent. Quamvis autem ubique pericula impenderent gravissima, non tamen ab illis Nos averti aut absterri passi sumus, sed de viâ tantis angustiis, incommodis & instanti exitio prævertendi, & hoc oppressum ac funditus ferme deletum regnum, à devastatoris vi ac tyrannide, benignâ Dei ope, liberandi & pristinae libertati, genio ac viribus restituendi cogitavimus & conati sumus. Vnde etiam omnipotens Deus hoc nostrum Christianum, honestum & justum institutum ac opus fortuna & successu (pro quo ipsi sit gloria, grates & laus in æternum) semper donavit, promovit & firmavit, hoc modo ut non solum secundum divinum ejus auxilium, hoc regnum intolerabili jugo, quod eo tempore cervicibus illius incumberet, exiperemus, & in pristinam dignitatem ac libertatem reponeremus, subditos tam eminentioris quam humilioris status ad quietem, pacem & bonam politiam, omnium fortunas, bona ac possessiones reduceremus, sed etiam brevi post, de Dei sancto, puro ac salutaris verbo, quod ea tempestate hîc in regno, velut aliis quoque regnis ac rebus publicis mundi obscuratum & ferme extinctum erat, illis bene prospiceremus, multum offensionis, periculosas machinationes & pravas insidias eo nomine perpeffi & eluctati, & ab ipso imperii nostri initio, summa providentiâ, impensa,

labore, & proprii nostri corporis virium attenuatione operam daremus, ut quod exhaustum, deperditum & enervatum reperimus & occupavimus, ad illam rursus felicitatem & vigorem, in quo nunc est, redire & conservari posset: cui rei etiam in posterum semper, ut hactenus, pro viribus animum & curas intendemus, nullique operæ parcemus. Quum autem haud ignoremus, & ut Christianus Rex, pensitare queamus, omnipotentem Deum totum genus humanum, peccati causa, temporali morti, ad æternæ vitæ ingressum, subiecisse, & omnes homines nihil certius exspectandum habere quam mortem, nihil incertius verò quam tempus & horam mortis & excessus sui, Nobis verò & Regio nostro officio incumbat, amor & fides quibus affecti sumus erga Nostrium hoc regnum, postulent, ut tam à fatali Nostro decessu, quam vitæ Nostre tempore quam optimè curetur & administretur, hæc omnia & alia pro rei momentis observanda, integrâ adhuc valetudine, paternè & fideliter ponderavimus, & propterea consultò & bene deliberato animo de hac suprema Nostra voluntate disposuimus, eamque ex Regia Nostra autoritate, potestate & eminentia, Nostris hæredibus Principibus, dilectis Nostris Liberis, ut & Regni Nostri subditis, superioris & inferioris ordinis, hoc ipso in perpetuam rei memoriam publicari curavimus, & nunc publicari curamus; quam omnes & singuli, omnibus modis, nullo excepto, tam fideliter, firmiter & inviolabiliter in perpetuum servare, exequi & absq; ulla mutatione conjunctim implere & corroborare tenebuntur, quâ subjecta eorum obligatio, devotio, honor, Christiana fides & promissa, quibus Nobis obstricti & devincti sunt, hoc exigunt & poscunt, atque prout eos sub Christianæ animarum salutis & cœlestis hæreditatis periculo hoc seriò monemus, & confidenter Nobis pollicemur.

Primò gratias agimus & celebramus omnipotentissimum Deum, quod Nos ad propriam suam imaginem, & cohæredes æternæ vitæ creaverit, & Sancto suo Spiritu illustrarit. Deinde quod Nos ad hoc grave onus & Regiæ coronæ dignitatem vocarit & evexerit, & ab ipsis imperii Nostri principis, jam per triginta octo annos largis suis donis & paterna ope semper benignè ornarit, protexerit & tutatus sit; ita ut Nostrium Regnum adversus varias tribulationes, atroces mo-

litiones

liriones & callida consilia, in pace, tranquillitate & bono imperio, velut ante dictum, defenderimus & conservarimus, subditorum nostrorum animas pretioso & salutari thesauro S. Euangelii cibari & sustentari curaverimus, ad illam prosperitatem, existimationem & statum, in quo nunc degunt, eos extulerimus, cum intimo desiderio & voto, ut divina ejus benignitas illis porro & in perpetuum omnem felicitatem & salutem clementer largiri velit, quo ulterius in ea crescant, augeantur & floreat, & ab omni malo ac incommodio eos protegat ac servet. Nos verò ex hac calamitatis valle, in sacra redemptoris nostri Iesu Christi & professâ veritate, ad æternum gaudium & electorum consortium provehat: quod fidei nostræ confessio & animæ viaticum erit ac manebit. Sed corpus Nostrum terræ commendamus ad Regias & honorificas exsequias in æde Nostra Domicana Vpsaliensi, una cum dilectissimis Nostris Conjugibus, quando Deo Nos hinc ex mundo evocare placuerit. Postmodum tradimus hoc ipso Regiam Nostram Coronam, Sellam & Sceptrum dilecto Nobis maximo natu Filio, Serenissimo Principi ac Domino, Dn. Erico Dei gratia, ut vero Suecorum, Gothorum, & Vandalorum &c. designato Regi & ejus successoribus, legitimis hæredibus masculis, & attribuimus Ipsi talem Majestatem, eminentiam & potestatem fruendam, utendam & tuendam, qualem Vnio hæreditaria, ante aliquot annos Arhosiæ ab universi Regni Ordinibus ac membris sancita, & ad eorum intentas preces & desideria ab omni parte rata habita atque approbata, evidentius & prolixius in literâ exprimit & declarat: quam ideò quoque hic recognitam volumus. Præter hæc etiam jubemus ipsum ante omnia Dei gloriam ejusq; sacrum & salutiferum verbum amare & tutari; idem, velut Nos omnipotentis auxilio illud institui & in lucem reduci curavimus, porro in incorruptâ doctrinâ, absque ulla superstitione aut humana traditione propagari & prædicari facere. commune Regni bonum, commoda, amplificationem & incrementa, eodem, quo à Nobis factum est, modo, summa fide, industria & viribus, sibi commendata & accepta habere, pacem omnimodo quærere & dilatare; diffidentiam, suspiciones & quæ inde mala per dissensiones, discordiam & seditiones nasci solent, tanquam venænum & pestem omnium bene ordinatarum rerum.

publ. pro virili fugere & evitare, vel bonis & maturis consiliis prævertere: ut subditi sub ejus patrocinio, auxilium & solatium sperare habeant; ille verò Christiani, probi & pacifici Regis officium ac nomen gerat; atque inde ab omnibus diligatur ac honoretur, eaque ratione nostris insistant vestigiis. Sed & reliquis Nostris Filiis ac Filiabus omnem benevolentiam, fraternum auxilium, amorem & fidem semper præstet, erga illos ut propriam suam inseparabilem carnem & sanguinem, & summa Nostra pignora, ex Regio genere orta humanum se præbeat. Atque veluti Nos cum ad honores, dignitatem & futurum Regium fastigium præ ceteris paternè eveximus, ita vice versa eos honorabit & diliget, eorumque commoda & prosperitatem verè fraterna fide & amore eò magis procurabit & promovebit, ut coram Deo & omnibus Sueciæ fidelibus incolis & omni pariter honesto viro excusari velit & possit. In quod ipsi nempe dilecto Nostro Filio Domino Erico omnia quæ ad universam Sueciæ Coronam pertinent, eaque comprehensa esse oportet, ex quibus Regiam aulam, dignitatem, exultationem & imperium rueatur; exceptis tamen quæ reliquis Liberis Nostris singulis expresse & speciatim destinavimus ac donavimus: quibus etiam prospicere nos obligatos agnoscimus, non solum quod omnis civilis lex ac jus hoc exigit, sed etiam naturalis lex & amor omnium bonorum parentum cordibus à Deo insitus postulat: ut illis quoque de decenti ac Principali sustentatione provideamus, prout vires ac facultates regni Sueciæ hoc in casu ferre poterunt: quum eodem Regio stemmate & sanguine nati sint. Idcirco quod Principalem mensam reliquorum ante memoratorum Heredum Nostrorum masculorum, & Virginum ac dilectarum Filiarum nostrarum dotem & donationem nuptialem attinet, ut fidus Pater, prospera adhuc valetudine, & libeta nostra voluntate ac paterno affectu, cui libet ad honestam ac necessariam vitæ tuitionem, tantum attribuire & assignare volumus, quantum infra expresse declarabitur. Et in eo omnes ac singuli à dilecto Nostro Filio Erico &c. omnibusque regni Ordinibus & subditis tam fideliter protegentur & asserentur, quam Nos pro eorum & omnium aliorum Nostrorum subditorum bono ac salute, corpus, vitam & facultates nostras discrimini exposuimus & impendimus.

dimus. Et ut hoc inviolatum servetur, absque illorum vel cuiuscunque alterius contradictione aut impedimento, quocunque modo hominum ingenia aut astutia illud contra supremam nostram voluntatem excipitare queant : quod , & cætera omnia hoc ipso penitus irrita , nulla & cassa pronunciamus.

Post hæc damus & tradimus hoc ipso , & ultimæ huius Nostræ voluntatis vigore, dilecto Nostro Filio, Dn. Iohanni Dei gratia , Succorum , Gothorum , Vrndalorum &c. Principi hæreditario & posteris ejus masculis hæredibus eorumque postgenitas à linea ad lineam , in eorum Principalem sustentationem hæc subscripta Castella & Feuda in Finlandia , nimirum Aboensem arcem & feudum , Kumegårdiæ feudum , Rasborgiæ feudum & Alandiam , cum omnibus subjectis territoriis , populo , nobilibus , clero , civibus , rusticis , censu , proventibus , vectigalibus , multis & aliis redditibus ; item fundis , agris , pratis , silvis , jure foresti aut venationum , lacubus , salis & recenti aqua , jure piscandi , molendinis , aggeribus , inventis , & non inventis mineralibus , & in summa cum omnibus eorum adjacentibus oris & fructibus , prout Nos ipsi Coronæ nomine isthæc cum suis limitibus & finibus possedimus , nullo excepto. omnem itidem apparatus tormentarium , munitionum , annonæ & alia eò pertinentia , velut propriam & Principalem hæreditatem , absque omni taxatione , molestia & detentione , possidenda , utenda , fruenda , pro se , suis Principalibus hæredibus masculis à gradu ad gradum , in perpetuum , uti in Regis Nostris Donationis literis , prænominato dilecto Nostro Filio Domino Iohanni in hoc concessis prolixius exponitur. Et quum ita prospexerimus dicto dilecto Nostro Filio Domino Iohanni &c. de tam Principali & magnifica sustentatione ex Sueciæ Corona , uti memoratum , ille quoque vice versa omnibus modis , ut probum Filium , Christianum ac fidelem Suecum virum ac civem decet , ut & successores ejus masculi hæredes pariter obligati erunt se semper fidos , & promptos erga Deum , Nos , Sueciæ Coronam , & dilectum suum respectivè Fratrem , Serenissimum Principem Ericum &c. præbere , quando Deus ipsum ad Regium Sueciæ imperium ut Regem & caput , ab excessu nostro , admorit , ut & reliquos

ejus successores Sueciæ veros ac legitimos Reges, & dilectam suam patriam Sueciam; prout Deo & omnibus Sueciæ fidis incolis & universo honesto populo velit ac possit ejus rei rationem reddere. Ex ante dictis Feudis itidem alet quantum absque suo incommodo potest, copiarum & armorum, quibus Sueciæ, Regi & dilectæ suæ patriæ in omni necessitatis casu suppetias ferat terra marique, consiliis & factis contra omnes qui Sueciæ regnum, vel quasdam ei subjectas provincias aut terræ tractus opprimere, devastare ac deperdere conantur; quandocunque ea re opus erit, & per Sueciæ Regem ejusque fideles incolas & ordines ab ipso vel ejus hæredibus desiderabitur. Et quando extrema necessitas urgebit, quod Deus diu clementer avertat, ipse & ejus masculi hæredes post eum, omnes suas vires, vitam, fortunas & omnia necessaria cum Sueciæ Rege, ejusque fidis incolis, impendent, ad Regni detrimenta & perniciem prohibendam.

Similiter largimur & tradimus hoc ipso & vi hujus supremæ nostræ voluntatis, dilecto Nostro Filio, Celsissimo Principi ac Domino, Dn. Magno Dei gratia, Suecorum, Gothorum, Vandalorum &c. Principi hæreditario, & masculis ejus hæredibus Principibus & successoribus in sui & suorum Principalem sustentationem hæc subsequenda Feuda, primò Vadstenas urbem, inde Askensæ territorium, cum D. Petri, Strå, Olunda, Helgone, Fivvêlstada, Hageby, Steen, Kelfvvesteen, Huarff, Styre, Aske, VVinderstada, Motale, Nykirkie, & parochia Klåstade, unà cum Motalaby, prædiis & salmonis piscatu: item Dalensæ territorium, cum Nässe, Öreberge, Rogzlösa, VVeffuersunda, Kielstada, Härestada, Broby & Hoff parochiis, una cum prædio Hoff & horreo regio. item VViifolcka territorium cum Normelöse, VVe-the, VViiby, Syia, Harberge, Hargh, Tolffstada, VVesterlöse, Mölby & Söderby parochiis. Item Göstringensæ territorium cum Målesanders, Åsboo, Egby, Egbyrinne, Högby, Helgona, Skrukuby, Ierstada, Högstada, Bielboo, Apunda, VVäderstada, Harstada, & Hoffs parochiis. Item Lysningensæ territorium cum Svanshals, Kumbra, Röök, Håda, Åby & Ödesjö parochiis, cum prædio Alvastra & horreo regio. item Bobergensæ territorium cum Bruaneby, Klåckerrike, Flystada, Elstuestada, Ballerstada, VVallerstada; Skipsåhs, Förnåse, LÖ-

Lönſåſe, Ekbyborne, Crisberga, Tielmo, & Godegårdz parochiis, unà cum Godegårdz monte. item Guibergense territorium cum Biörckebergz, Ledebergz, Fliftade, Liungiz, VVrecta & Kagu parochiis, unà cum prædio Konungzbro, horreo regio & monasterio VVretenſi. item Meniugense territorium cum Kimſtada, Kullerſtada, Løth, Burgz & VVånge parochiis, unà cum Nārsholmenſi prædio & horreo regio, VVångenſi monte, Orge officina fabrilis mallearia & tugurio. item Broboenſe territorium cum Quillinge, Eneby, Riſinge, Regna, Skedvvy, Norcoponſi & Helleſtada parochiis, unà cum urbe Norcopia, prædiis & ſalmonis piſcatu; item Helleſtada monte; officina fabrilis mallearia & tugurio. item in Nericia Aſkerſundense territorium cum hiſce quatuor parochiis Aſkerſundia, Hammer, Snaſlunda & Leerbæk parochia. item in Smalandia australem & ſeptentrionalem Kindiam, cum VVårdenås, Kättelſtada, Härgerſtada, Horn, Eneby, Kiſa, Tierſtada, Vppeby, Hycklinge & Tydeſtrum parochiis. item Ydrenſe territorium cum Aſkeriidh, Åisby, VVii, Torpa, Rydh, Sundh, Malexander, Rumskulla & Svvinhultenſi parochiis. Item in VVæſtrogothia territorium VVasboenſe cum Hornia, Frøſvvädia, Sāthria, Belliſorſia, Querceto, Mølnetorpia, Hoffua, Fagerliida, Hundekulla, VVårångia, Lockeſtorpio, Flyſtada, Gørhelunda, Vndene, Halna, Kågerød, Tråſteena, Berga, Fårada, Ramsberga, Elgeråsio, Frøſbergo, Beckzbergo, Lerdala, Bierna, Tynneſdala, Lyreſtada, Odensåker, Bindebergh, Låſtåde, Tiåvvadh, Helleſtada, VVadz, Suenneby, Moo, Hammehäredz, Biörſåttre, Eekeberge, Eekia & Vbyenſi parochia. Item Vallå territorium, cum Steuoms, VVingz, Skerffz, Iltrøms, Øglunda, Egby, Skaricke, Bullom, Håggenås & Lundby parochiis, unà cum prædio Hågnetorp & horreo regio. Item Kåkindz territorium cum Skødvve, Kyrcketorps, VVåm, Rydh, Fårſby, Svventorp, Hugelberga, Madefal, VVålor, VVeriås, Kyrckiefal, Hio, Gredevviik & Grehebåcks parochiis, cum Skødvve & Hio oppidis. Item Daaliam cum ejus territoriis, ut ſunt Sundalenſe & Bullſtada, Grimſtada, Getſtada, Ireſtada, Frendeſørſa, Brolanda & Ryer parochiæ. Item Nordalenſe territorium, cum Oørs, Gunnerås, Skølerud, Dalkøgz & Holms parochiis. Item VVålboenſe territorium cum Ryr,

Torp,

Torp, Gdborg, Fergelanda, Hogfeter, Renland, Leerdal, Rugerd & Ierbo parochiis. Item VVebooenſe territorium, cum Greſhetter, Rdlandz, Toſtedaal, Eedz, Noſſemarcks, Hdgbele, VVårvvicks, Laxerby, Torskogh, Artemarck, Ste- neby, Eſkehult, Beck & Tiſleſkogh parochiis. Et Tdsbooenſe territorium, cum Eſkeſkogh, Moo, Amols, Frdſkog, Tdsd, Tiden & Ruſokz parochiis, cum ſubjacentibus tractibus, populo, nobilitate, clero, civibus, colonis, cenſu, penſione, redi- tibus, veſtigalibus, mulctis aliisq; proventibus. Item fundos, agros, prata, nemora, jura venationum, lacus, recentes & ſalsas undas, jus piſcandi, molédina, molas, aggeres, reperta vel non- dum reperta mineralia, & in ſumma, cū omnibus eò attinenti- bus & jure territorii, prorsus ut Nos nomine Coronę ipſi poſ- ſedimus, cum finibus & limitibus ſuis, nullo excepto. Omnem itidem apparatus armorum, munitionum, annonę, & quę alia eò pertinent, omniaque hujusmodi velut proprium Prin- cipale hæreditarium bonum, abſque omni taxatione, moleſtia aut detentione, poſſidebit, utetur, fructur, pro ſe, ſuis hæredi- bus maſculis, a linea ad lineam, in perpetuum, prout in Regiis Noſtris donationis literis, prænominato dilecto Noſtro Filio, Dn. Magno in hoc conceſſis prolixius deducitur & explicatur. Quum ergo proſpexerimus dilecto noſtro Filio Dn. Magno de tam Principali & luculenta ſuſtentatione ex Regia Corona, ut ante memoratum eſt, ipſe quoque viceverſa omnibus mo- dis, ut probum filium & Chriſtianum, fidum & ſincrum vi- rum Suecum ac civem decet, ut & ejus hæredes ac ſucceſſores tenebuntur ſe ſemper fidos ac promtos erga Deum, Nos ut & Suecię Coronam, & dilectum ſuum reſpectivè Dn. Fra- trem Ceſſiſſ. Principem Dn. Ericum, quando Deus ipſum re- gio imperio Suecię Regem & caput, à Noſtro exceſſu præ- fecerit, & pariter erga ceteros ſucceſſores, veros & legitimos Principes hæredes ac Reges, & dilectam patriam Sueciam gerere, prout ipſe & illi hoc Deo, cunctis Suecię fidis incolis & omni honeſto populo velint ac poſſint approbare. Ex ante dictis Feudis etiam quantum poteſt exercitum, equos & arma, pro virili & abſque ſuo detrimento expediet ad Regis Suecię & dilectę ſuę Patrię in neceſſitatis caſu ſubſidium, præſidium & auxilium terra marique, conſilio & facto, ad- verſus omnes qui Suecię regnum, aut quosdam ejus tra- ctus

Ætus & fidos incolas infestare & pessumdare conantur, quancumque ea re opus fuerit, & illud per Regem Sueciæ ejusque fidos incolas & ordines ab eo vel hæredibus ejus desiderabitur. Et cum extrema necessitas urserit (quam Deus benignè prohibeat) ipse ejusque hæredes Principes nullis facultatibus parcent cum Rege Sueciæ ejusque fidis incolis fideliter impendendis, ne quidem ipsi vitæ & corpori, si necesse fuerit, pro avertendo Regni detrimento.

Tradimus itidem & concedimus hocipso & hujus extreme Nostræ voluntatis vigore, dilecto Nostro minino natu Filio, Serenissimo Principi ac Domino, Dn. Carolo, Dei gratia, Succorum, Gothorum & Vandalorum &c. Principi hæreditario, Ejusque masculis hæredibus Principibus à linea ad lineam, in sui & illorum Principalem sustentationem, hæc subscripta castella & feuda: Primo Nicopiæ arcem, urbem & feudum, velut Rönense territorium cum Bålingh, Tyfteberga, Helgarna, Syvartta, Riißezstada, Liid, Säterstada, Lastringe, Runtuna, Speelvviick, Ludguda, Råbii, Tårståker & Bogestada parochiis, una cum Nävveberg. Item Iðnåkerense territorium, cum Stigetompta, Nykirkie, Bierckevviik, S. Nicolai, Tuna, Halla, Bergzhamner, Lunda, Kiila & Berboo parochiis. Item Oppunda territorium cum Årdala, Forfa, Huseby, Blackestada, VVasbroo, Lerboo, VVingåker, Iuleja, Skillinge, Flooda, Fleens, VVrena, Malma, Betna & Østeråkers parochiis. Item VVillottingen cum Duncker, Malma, Hålgestada, Medelåsa, Gryta & Hyltinge parochiis. Item Hålbocense territorium cum Mårckådd, Hålådd, Trosa, VVagnehåredz & VVesterlingz parochiis. Item Strengnesiæ oppidum & prædia. Item Tynnelsdøense prædium. Item Åkerense territorium cum Åkers, Lånne, Hårede, VVangsdø, Fougdødd, Helgerne & Strengnesiæ parochiis. Item Selboo territorium cum Aspåd, Öffuersela, Yttersela, Torsen, Kierne & Eric parochiis. Item Daga territorium cum Gåsinge, Dillendå, Fråstuna, Kattenås, Bårdlunda & Gryte parochiis. Item Ökneboense territorium cum Öffuergerne, Yttergerne, ÖffuerEenhårne, YtterEenhorna, Tålie, VVållinge, Tvvera & Turinge parochiis. Item Konungzberga prædium, Eskilstuna prædium, & Iuleta prædium. Item Orientalem Beckerna, cum Ieder, Kiula, Barvve, VValby, Sundby,

Sundby; Hamerby, Steenquist, Årla, Huseby & Näs hultz parochiis. Item Fors, Torfsilia & Gilberga, in orientali Reckerna, unà cum oppido Torfsilia. Item in VVestmannia in Ducentario territorio, Syvedvii; Saby, majori Rytterne & minori Rytterne parochiis. Item Snävvingense territorium cum Muncketorpii, Bergii, Kolbecki, Ramnäs & Suræ parochiis. Item Sixtinam fodinam in Arhosiæ argentario monte: item Örebroensem arcem, urbem & feudum: item Askerense territorium cum Mädelöfse, Lenne & Askere parochiis: item Skollerstadsense territorium cum Skollerstada, Syvinevadh, Eekeby, Gellerstada, & Norbæ parochiis: item Kumblense territorium cum Kumbla, Halsberga & Lerbeckia parochiis: item Hakevvadensem & VViibyensem parochiam in territorio Grimsteensem: item Hardemo & Kreklinge parochias in Hardemoensi territorio: item Edzbergensense territorium cum Kimffstada, Edzbergh, Tångersa, Quisbroo & Hidinge parochiis: item Örebroense territorium cum Almby, Ånestada, Lengebröo, Hosta, Eker, Grefua, Tyflinge, VVintrosa, Täby, Moses & Kiil parochiis: item in VVestrogothia, in territorio VVasboensi VVlfarvvet, Ledeberga, Haslöd & Törsöd parochiis: item in VVermelandia, in occidentali Syslet, Gilbergenfense territorium cum Gilberga, Longeriödh, Staffuena, Sillerut, Gladevvallia, VVermeskog & Svanskog parochiis: item Iussense territorium cum Arffvviika, Gunnerskog, Elgo, Bronskog, Nykiula & Ede parochiis: item Friisdaliam cum Sund, Emptervviik, Frycksene & Lyfsviik parochiis: item Elfuedaliam cum Eeke territorio, Nydalby & Roda parochiis: item Normarchiam cum Blomskog, Silbodal, Tranckhöl, Holmedal, Karlanda, Östervvaldskog, Tingzmarck, Foglevviik, Hierneskog & Skillingemarck parochiis: item Grumsense territorium cum Grums, Nors, Segerstada & Eedz parochiis: item VVifnumense territorium, Rundskog, Ruda & Kiils parochiis in orientali Syslet: item Näs territorium cum Brodsäter, Ny, Huggena, By, Ölesrud, Mällesvviik, Botilsäter, Eskilsäter, Tyvete & Kyle parochiis: item Kiilense territorium cum superiori VVleröd, & ulteriori VVleröd, Graffua, Kiils, Friikerudz, Tingzvalla & Hamneröd parochiis: item VVäfense territorium cum VVäse, Ful-

Fullevviik, Alster, Olmhæredz & VVarname parochiis, una cum VVermelandiæ collibus, & omni subiacente tractu, populo, nobilitate, clero, civibus, agricolis, censu, pensione, redditibus, vectigalibus, multis aliisque proventibus, item jacentibus fundis, agris, pratis, silvis, jure venationum, lacubus, recentibus & falsis aquis, jure piscandi, molis, aggeribus, molendinis inventis & nondum inventis metallis fodinis, & in summa cum omnibus attinentiis & fructibus, omnino ut Nos ipsi coronæ nomine possedimus, una cum limitibus eorum, nullo excepto. omnem item apparatus rei tormentariæ, munitionum, annonæ, aliaque eo pertinentia, ad fruendum, utendum & retinendum, omnibus modis, ut ante de duobus nostris dilectis Filliis Dn. Iohanne, & Dn. Magno in hoc articulo expressum & dictum est, & velut in Nostri Regiis Donationis literis prænominato dilecto Nostro Filio Dn. Carolo &c. super hoc concessis prolixius declaratur & commemoratur. Et quia nunc minimo natu Nostro Filio Dn. Carolo &c. de tam Principali & magnifica sustentatione prospeximus ex Coronæ Suevicæ bonis, ut ante dictum, ille vice versa omnimodo, velut probum Filium, Christianum, fidum & integrum Succum virum ac civem decet, una cum successoribus hæredibus Principalibus, obligatus erit se semper fidelem & promptum erga Deum, Nos & Sueciæ Coronam, & dilectum suum Dn. Fratrem Dn. Ericum &c. cum Deus ipsum Regio imperio Sueciæ Regem & caput, à fatali nostro excessu, præposuerit, ut & reliquos suos posteros ac successores, Sueciæ veros ac legitimos hæredes Principes & Reges, & dilectam suam Patriam gerere, ut Deo & omnibus fidelibus Sueciæ incolis & omni honesto populo approbare velit & possit. Ex antedictis Feudis etiam quantas potest absque gravi suo detrimento copias, equos & arma expedit, ad succurrendum Sueciæ regno & charissimæ Suæ patriæ in omni occurrente necessitate & infestatione, tam terra quam mari, contra omnes illos qui Sueciæ regnum aut quoscunque ejus tractus fidosque incolas adoriri, devastare & depopulari conantur, quandocunque eo opus fuerit, idque per Sueciæ Regem ejusque fidos incolas ab eo vel ejus hæredibus postulatum fuerit. Et quando summa necessitas urget (quam Deus diu clementer avertat) ipse ejusque legitimi hæredes nullis suis

suis facultatibus parcent fideliter cum Rege Succiae & fidis ejus incolis impendendis, nec ipsi vitae & corpori ad arcendum Regni mala & incommoda. Nostri praefecti & ministri post Nostrium beatum excessum, absque omni contradictione & obstaculo obligati & jurati erunt tradere & transferre in praenominatos Nostros dilectos Filios omnia quae Nos illis expresse & irrevocabiliter indulgimus & concessimus.

Præterea horum Nostrorum dilectorum Filiorum Principales sustentationes talibus conditionibus & legibus illis & eorum masculis Hæredibus donavimus & in æternam possessionem tradidimus, ut, si usuveniat, quod Deus clementer prohibeat, aliquem sæpe nominatorum dilectorum Nostrorum Filiorum absque masculis hæredibus decedere, eadem Feuda & bona libera & absque ullo impedimento Succiae Coronæ restituantur, non habita hîc ratione hæredum foeminei sexus. Si etiam omnipotens cuiquam eorum solummodò foeminei sexus hæredes concederet, eisque à vivis parentibus de matrimonio non prospiceretur, post eorum mortem honorifica & Principalis dos ex eorum bonis mobilibus & à Ducatum subditis decenter eis attribuetur, sive matrimonium intra, sive extra regnum ingressæ fuerint; sed bona hæreditaria, quæ tam jure paterno quam materno adire possint, inter Fratres superstites vel eorum hæredes, secundum rectam lineam, pro rata dividuntur, uti leges Sueciæ volunt. Si etiam quisquam praenominatorum dilectorum Nostrorum Filiorum absque hæredibus moreretur (quod Deus benignè avertat) omnis ejus legitima hæreditas & bona industriâ parta tam mobilia quam immobilia cedent dilectis ejus Fratribus aut eorum legitimis hæredibus proximis, non verò Coronæ, velut etiam Leges Sueciæ jubent.

Porro dilecti Nostri Filii omnes & singuli, tam qui hoc Regium solium & imperium ascendent, & ejus successores ac hæredes, quam reliqui dilecti Nostri Filii & eorum successores ac hæredes, pro se seorsim vel cum singulari suo Senatu, ministris & subditis non aggredientur, tractabunt aut decernent quidquam eorum negotiorum, à quibus communis Regni salus pendet, sive bellum, pacem, inducias, foedus, pacta publica, sive alias Regni ponderosas & magni momenti causas, sed hæc omnia cum omnium aut plurium, primariorum &

& sapientiorum Regni Ordinum ac membrorum unanimi consilio & consensu fient. Si tamen contingeret, ut cuiquam prænominatorum Nostrorum Filiorum, aut eorum Hæredum, in illis regni tractibus & oris, quas possessuri sunt, tale negotium occurreret, quod e re totius Sueciæ Regni futurum esset, & occasio ac facultas propter impeditam aut longam viam non tam citò quam opus esset, cum reliquis Fratribus aut eorum Successoribus ea de re consultandi daretur, ei, cui tam commoda opportunitas offertur, non præclusum aut interdictum erit, per hoc, Sueciæ Regni commune propriumque bonum quærere; nec reliqui ejus fratres aut Regni Ordines ei hîc remoræ & impedimento erunt. Ita tamen ut omnia prudenter aggrediantur, ne id Sueciæ regno fraudi aut detrimento sit. Ut verò nemo in hanc opinionem veniat, quasi Feuda à Sueciæ Regno divellere conemur, quæ dilectis nostris Filiis, Celsissimis Principibus ac Dominis, Dn. Iohanni, Dn. Magno & Dn. Carolo benignè ex Coronæ bonis concessimus, potius volumus, ut isthæc bona omnia, velut antiquitus fuerunt, inserta sint & unita toti Sueciæ regno, penitusque ei inhæreant, velut membra pendent à toto corpore, & à capite se regi patiuntur, ita prænominati dilecti nostri Filii, Dn. Iohannes, Dn. Magnus & Dn. Carolus una cum Successoribus suis, ut prædictum, semper obligati erunt consilio & facto amoliri & prævertere pro summis viribus, dilecti nostri Filii Dn. Erixi &c. post obitum Nostrum, velut legitimi eorum Domini & Regis, & Hæredum ejus masculorum, ut & Sueciæ Regni, omnium illorum charissimæ patriæ incommoda & exitium, nulloque modo se ab eo, ejus hæredibus & Sueciæ regno se separari patientur, sub pœna in Legibus Suecicis expressa. Parem in modum, quoties nova quædam mutatio in imperio fit, ita ut vel Nos vel futuri successores (quod Deus clementer & benignè diu avertat) decedant aliusque ex eadem Regia familia & sanguine regno succedat, velut Nos & universi Regni Ordines consenserunt & decreverunt, prænominati dilecti Nostri Filii & eorum masculi Hæredes eundem Dominum ac Regem debito cum honore ac reverentia adibunt, & horum Nostrorum paternorum Donorum ac Feudorum confirmationem desiderabunt.

Eidem fidem suam & obsequium obstringent omnimodo in totius Sueciæ regni commodum & bonum, idque tam constanter implebunt & præstabunt, velut omnes alii sinceri ac fideles regni Sueciæ Senatores & membra facere tenentur. Contra, qui ad regnum & regium solium pervenit, obligatus erit literis & sigillo confirmare ante dictas Paternas Nostras Donationes & beneficia: ita ut dilecti Nostri Filii, Dn. Iohannes, Dn. Magnus & Dn. Carolus eorumque hæredes masculi, præscriptas Donationes & Feuda, absque omni impedimento & lite quietè possideant ac fruantur, secundum Nostrarum Donationis literarum expressum tenorem & mentem.

Dilectus noster Filius Dn. Ericus una cum omnibus Regni Ordinibus & membris obligatus erit, pro summa virili operam dare, ut omnia præscripta firmiter & inviolabiliter, absque omni remora & obstaculo serventur. Peculiariter tamen & bono consulto, ad prævertendum multum infortunii & periculi, hoc ipso præcavere & protestari volumus, ut nulli dilectorum Nostrorum Filiorum licitum aut permissum sit, quidquam eorum bonorum quæ nunc ex Corona ipsis concessimus, in quemquam exoticorum aut indigenarum, titulo dominiæ, hæreditatis aliove modo transferre, alienare, vendere, oppignerare, aut donare, in huius regni, ipsorum, aut subditorum præjudicium & diminutionem, velut olim pro dolor! factum est de Gothlandia, Hallandia, Scania & aliis oris, ab hoc Regno & Corona hoc modo alienatis. Si verò quenkum dilectorum Nostrorum Filiorum talis necessitas circumveniret (quod Deus clementer prohibeat) ut vel carcere, gravi morbo vel intolerabili paupertate premeretur & cogeretur oppignerare partem suorum bonorum, permittetur ipsi ex facultatibus suis legitima hæreditate, sive soli sive mobilibus acquisitis capere, non verò ex Coronæ bonis. Nulla tamen portio pignori obligabitur alibi quam hîc in regno, & sub jure retrahendi ac cui illud legitimè competit, redimendi, pro auro, argento aut pecunia, per universi Regni vel Ducatum suorum subditorum auxilium, pro rei circumstantiis & conditione. Omnia illa, quæ hîc paternè ordinavimus, indivisa quoque & immota relinquent: ne ipsi aut eorum hæredes ac posteri, quoad possessiones, popu-
lum

lum & proventus enerventur, deperdantur aut jacturam patiantur; & inprimis ne Regni subditi, in quocunque necessitatis articulo, hoc impossibilibus contributionibus luant, & de eo conquerendi & expostulandi causas habeant.

Denique uti dilectum nostrum Filium Dn. Ericum &c. antea sigillatim admonuimus, ita tres reliquos nostros dilectos Filios conjunctim & paternè hoc ipso admonitos volumus, ut sanctam Dei voluntatem & quod ipsi placet, cum animi submissione & Christiana pietate semper ob oculos habeant, in eum ut verum ac vivum Deum, extra quem nulla prosperitas aut beatitudo esse potest, firmam suam spem ac fiduciam collocent, à pura ejus doctrina se abduci, absterri aut dimoveri non patiantur, sed ad vitæ usque finem in ea constanter perseverent. Hujus Regni salutem in omnibus quæ possunt, perpendant, procurent & tueantur. Fidem quam dilecto Nostro Filio Dn. Erico &c. post excessum Nostrum, Ejusque genuinis hæredibus masculis, ut & huic Regno, dilectissimæ suæ patriæ, præstare debent, omnimodis impleant, ab ea se nulla ratione diverti aut deflecti patiantur, multò minus aliquid violenter contra eam tentent; sed ut plura ac potiora unius corporis membra eique cognata, cohæreant & amicè conspirent. Dilectum Nostrum Filium Dn. Ericum &c. pro Rege & capite hujus regni agnoscant, ament & honorent, & se erga eum ut decet, fraternè & amicè gerant. Alter alterius commodum, ut proprium, quærat & promoveat, & ut dilecti fratres, unaq; caro & sanguis se mutua charitate & concordia complectantur. Nullam rem, quæ hoc fraterni amoris ac fidei vinculū quocunq; modo dissolvere, labefactare aut perdere queat, inter se ferant aut oboriri patiantur, sive per suorum ministrorum sive aliorum hominum male feriatorum rixas aut impulsus. In gravibus Regni aut suis negotiis nullos indigenarum aut extraneorū pro Senatoribus, Cancellario aut aliis superioribus dignitatibus usurpabunt aut adsciscient, qui hanc Nostram paternam Testamenti ordinationem quocunque modo impedire, aut inter Fratres dissidentiam aut discordiam excitare conantur. Nec per sua matrimonia aut aliàs nimium extraneorum huc illiciant, in Regni, bonorum virorum & alienorum subditorum oppressionem. sed potius omnem occasionem, causam & anam metyendi discriminis

summopere fugiant & vitent. Bonam & fraternā confidentiam colant & magis magisque inter se plantent ac propagent. Hanc Nostram paternam & benevolam curam ac providentiam altè animis suis inscribant, ut omnia hujusmodi & quę aliàs charos fratres facere & præstare sibi invicem decet, tam fideliter & absque omni elusione semper expleant, quam volunt sibi omnipotentem Deum in anima & corpore propitium, & ne Nos ab illis sub terra in beata nostra quiete propterea sollicitemur.

De Virginibus Principibus, dilectis nostris Filiabus hisce ordinamus & statuimus in hunc modum, ut quotquot ex illis post beatum nostrum excessum innuptæ supersunt, in dilecti Nostri Filii Dn. Erici &c. gynecæo; vel si ille regno absit, apud dilectam Nostram Conjugem, vel alium Nostrorum natu majorum Filiorum, qui in matrimonio degat, regiè, honorificè nec vilius quam apud Nos educatæ sunt, absque ullius earum dotis imminutione, ex Corona alantur & sustententur, donec juxta ordinem & lineam in Regium, Principale aut Principali par matrimonium elocentur. Singulis illarum in dotem damus ac dicimus vi supremæ hujus Nostræ voluntatis centum mille thaleros, quæ summæ, cum omnium Regni ordinum & subditorum subsidio, ex lege regni contribuentur & expenduntur. Ad hoc omnibus & singulis de regniis, principalibus & pretiosis vestibus, ornamentis, argentea suppellectile, arcarum & scriniorum instructione, ut Regias Filias decet, nullo excepto, in hoc casu prospicietur; & super hoc à prænominato dilecto Nostro Filio Dn. Erico &c. Sueciæ Regno, aut alio puoquā nullo modo contra hanc Nostrā voluntatē urgebuntur aut gravabuntur. Proinde jubemus hæredes Nostros masculos & dilectos Filios conjunctim, sed dilectum nostrum Filium Dn. Ericum seorsum tanquam caput & principem illorū, omnes dilectas Nostras Filias, & Sorores suas propriamque carnē ac sanguinē, in honore & observantia habere. Et quando à naturalibus suis Parētibus, Patre & Matre separatæ sunt, eas tamen vera ac fraterna charitate, fide, consilio, auxilio & solatio non destituere, sed de meliori nota sibi commendatas habere. Eas in miseriam non extrudere aut expellere, sed quoad ejus unquā fieri potest, cum Regni Senatu adlaborare, ut eadem dilectæ Nostræ Filię, in istis locis & regionibus, quę ipsis dignitati, honori & gaudio, & huic Regno pro

pro re nata subsidio & commodo esse possint, nuptui dentur. Omnes nostri dilecti Filii operam dabunt, ut prænominatis dilectis nostris Filiabus de donationibus propter nuptias, & aliis ex more satis caveatur ac provideatur. Et ut in hoc aliisq; casibus semper in earū rem consulimus & auxilio fuimus, parentis vicem, ut ipsa natura dicat, hīc subeant. Contra adhortamur dilectas nostras Filias omnes & singulas, ut fidus Pater & Matris loco, ut ante omnia omnipotentē Deum creatorē & redemptorem suum venerentur & diligant, sancta ejus præcepta & salutiferum verbum libenter audiant & discant, & quantum in homines cadit, divinum ejus auxilium implorēt, & ad divinę vocis normam omnes suas actiones & vitam dirigant. Deinde ut dilectis nostris Filiis in omnibus quę fraternē & bono animo illis suasuri aut consulturi sunt, obsequantur. Mutuum commodum & bonum, ubicunq; possunt, tanquam charę Sorores ac Fratres, quęrant ac procurent. Dominos suos & dilectos maritos, quos Deus ipsis rite invocatus daturus ac provisorus est, in honore & veneratione habeant: erga illos, ex Dei voluntate & instituto, amanter, obedienter & honestē se gerant. Simul etiam considerent, ex quo Regio stemmate & sanguine natę sint, & tam extra quam in matrimonio suo, Dominę Matris laudatissimę memorię exemplum imitentur, ut Principum scēmarum & laudabilem vitam omni ætate agant, & hęc supremę voluntatis nostrę decreta altē in animos demittant, & nunquam obliviscantur. Vbicunq; apud suos Dominos & dilectos maritos charę suę patrię emolumentum procurare possunt, nequaquam intermittant.

Qua ratione verò cum prænominatorum dilectorum nostrorū Filiorū & Regni Senatus maturo consilio & consensu, transegerimus & statuerimus, de dilectę nostrę præfētis conjugis, Reginę Catharinę dono matutinali vel sustentatione, à beato nostro excessu, literę & sigilla super his faciendę & erigendę, evidēter declarabunt. Cupimus ergo, ut prænominatus dilectus noster Filius Dn. Ericus ut & reliqui dilecti nostri Filii, dilectus noster Regni Senatus hujusmodi largitionem dilectam nostram Conjugem non solum absque omni impedimento, & objectione, ultrò capere & frui patiantur, sed etiam in ea illam tueantur ac defendant, & aliās omnimodis in rem ejus sint, eam diligant, honorent & observent.

Postea monemus etiam prænominatum dilectum Nostrium Filium Dn. Ericum &c. ut, quam Deus omnipotens illum à beato nostro excessu ad Regiam dignitatem evexerit, reliquos dilectos Nostros Filios omnes & singulos, bonos Viros dilectum Nostrium Regni Senatum, qui omni fide & animi promptitudine Nobis & Sueciæ Regno semper plus aliis se probavit, sigillatim, qui Nobis & dilectæ Nostre Conjugi cognati sunt, ob oculos habeant, & omni favore ac gratia sibi commendatos esse velint. Ceteris itidem Nostris ministris, qui se erga Nos & Sueciæ Regnum fidos & promptos præbuerunt, gratam vicem rependere & singulari favore ac gratia eos prosequi & promovere velint. Idem obligati erunt non minorem dilecto nostro Filio Dn. Erico Ejusque posteris fidem, obsequium & officium, quam Nobis, ut legitimo suo Domino ac Regi, à fatali & beato Nostro obitu, exhibere. Adhortamur insuper omnes & singulos Regni Nostri subditos, superioris & inferioris ordinis, ut sedulo perpendant, animisque volvant, sub quam crudeli exotica tyrannide, persecutionibus, calamitatibus & miseria illi eorumque parentes, ante imperii Nostri tempora fuerint, & quomodo Deus omnipotens mira via ac providentia, à talibus ærumnis & calamitatibus eos benignè liberarit, & jam per bene longum tempus, omni prosperitate corporis & animæ, largiter donarit ac benedixerit; ita ut pro tantis beneficiis & munificis donis Deo nunquam satis gratias agere, laudare, & celebrare possint. Caveant verò sibi, ne ingratitude aut impoenitentia sua iterum Dei gravem poenam ac virgam in se provocent. Vnde etiam absque intermissione ex omni corde & devote semper orabunt eum & desiderabunt, ut eos in posterum quoque in pace, quiete, & concordia diu conservare & custodire velit; & divinam suam gratiam largiri, ut tam erga ipsum quam erga se invicem ut pios & Christianos homines se gerant ejusque voluntati & beneplacito in omnibus, quantum humanitus licet, morem gerant. Quia verò hæc ultima tempora valde periculosa & ancipitia videntur, & mundi malitia, callidæ molitiones & doli proh dolor! indies, ut ante oculos est, crescunt, per quos potentes Principes, regna, regiones & populi non solum in persecutiones & angustias, sed sæpe etiam in irreparabilem perniciem & æternum exitium, ut quotidiana ex-

experientia & exempla satis docent, præcipitantur, atque idcirco regno ac provinciis nihil utilius esse possit, quam ut inter se concordiam alant, contra nihil perniciosius sit discordia & intestinis dissidiis, ulterius omnes & singulos Regni subditos, ut clemens & benignus Rex, fido & sincero animo, per amaram mortem, quam Dei filius in cruce pro omnibus illis & toto mundo passus est, obtestamur, monemus & jubemus, ut hujus Regni Sueciæ, charissimæ suæ patriæ, salutem & prosperitatem, pro summis viribus & debita fide semper sibi optimè commendatam esse velint, & ad præcavendum prædicta aliaque mala cum omni circumspectione, intellectu & ratione in id eniti, ut regni membra inter se pacifica, concordia, inseparabilia & sibi innoxia permaneant, & propterea non inter se, multò minus inter legitimum suum & naturalem Magistratum, nostros juvenes Principes hæredes & dilectos Filios aliquam suspensionem, dissensionem animiq; exacerbationem oriri, excitari aut succrescere patiantur, nec ad isthæc illos irritare aut ansam præbere velint, sed potius operam pro virili dent, ut, si tale malum (à quo Deus omnipotens eos clementer servet) inter illos enascatur, illud bono maturoque consilio in tempore, & benevolentia amicitiaque sanetur & tollatur, atque iterum firmus & tutus fraternus amor, concordia & confidentia à fundamentis erigatur, augeatur & conservetur. Si etiam tale incommodum contingeret (quod Deus benigne avertere dignetur) ut inter prænominatos dilectos Nostros Filios aut eorum successores similis discordia aut dissidiū oriretur, ut amice componi, velut paulò ante dictum non posset, sed ut lege agi necesse esset, quidam procerum regni, ab utraque parte approbati, commodo loco convenient, & caussa bene cognita, inter utrumque legitimè & ex optima conscientia jus dicent, aut rem conciliabunt. Et quicquid eo modo inter illos vel lege ac sententia, vel amica transactione pronunciabitur vel agetur, ei dilecti nostri Filii eorumve hæredes omninò adquiescent; ita ut nullum ulteriorem processum juris vel appellationem ad peregrinos Reges, Principes, Status aut Respublicas exoticas in his vel aliis negotiis desiderent aut requirant. Ut verò contra hanc postremam voluntatem non veniatur, sed omni parte impleatur & executioni mandetur: quod licet ipsis quorum interest &

subdiris gaudio, solatio & omnis prosperitatis tutelæ futurum sit, præterquam quod fides juramenti eorum hoc exigit; omnes tamen & singulos subditos monemus, quam chara est ipsis salus æterna & cœlestis hæreditas, & quam verè volunt, ut pretiosi & innocentis Christi sanguinis effusio ipsis in peccatorum ablutionem & remissionem cedat, & ut Dei maledictionem in se quoad corpus & animam non laceessant, hanc nostram supremam voluntatem omnimodis exsequantur & sanctè servent.

Ultimò etiam donamus in Dei honorem, juventutis educationem, & scholarum, in una summa marcas. Tum & omnibus xenodochiis & nosocomiis hujus regni, inter pauperes & debiles æqualiter distribuendas, donamus in una summa marcas.

His extremam Nostram voluntatem & memoriam claudimus, Deumque omnipotentem pro larga sua gratia & bonitate, quam Nobis ad hoc Christianum opus ordinandum & consummandum concessit, laudamus, gratias agimus & celebramus. In cujus manus hoc ipso animam nostram, in illustrem glorificationem & carnis nostræ resurrectionem ad æternam & immortalem vitam, gaudium & lætitiâ commendamus & tradimus, ubi cum dilectissimo filio suo Iesu Christo & Spiritu sancto, regit & gubernat verus & æternus Deus in perpetuum, Amen. Actum in Regia Nostra Arce Stocholmiæ Kalend. Iulii anno à nativitate Christi Redemptoris nostri millesimo quingentesimo sexagesimo.

LEGES

LEGES AULICÆ GUSTAVI I.

NOs Gustavus D. G. Sueconum, Gothorum & Vandalorum Rex notum facimus, ut inter aulicam nostram familiam, aulicos nobiles, venatores, prætores illorumq; ministros, inter illos itidem qui aulam nostram quotidie sequuntur, siue sint pueri, satellites, milites prætoriani, nautæ, aliique, timor Dei, bona & Christiana administratio, honestas, disciplina, pudor, pax & concordia conseruentur & defendantur, crescant & augeantur, Dei offensio, luxus, aliaque intemperantia evitentur & tollantur, breviter concipi iussimus quædam capita & articulos, secundum quos nostri ministri aulici qui quotidie nos sectantur, vel in metatis versantur, se gerere debent, prout hîc expressè conscripti sunt, observandi itidem in arcibus nostris & ædibus, & apud alios nostros præfectos & prætores in toto regno.

Præcipimus ergo vobis & monemus vos omnes nostros ministros quoscunque, nobiles & non nobiles, indigenas & alienigenas, divites & egenos, ut omniâ obsequamini his articulis, si nostram offensam vitare velitis, nec incidere in pœnam his articulis expressam, à qua sibi unusquisq; caveat.

I. Commeatus structores cum omni familia aulica, venatoribus aliisque, prætores item nostri, præfecti arcium aliique nostri ministri aulici timebunt Deum cumque ob oculos habebunt, ejusque divina præcepta, semper libenterque audient sacrum ejus verbum, præcipuè diebus Dominicis aliisque commodis temporibus anni, semperque se præbebunt, ut Christianos decet, sub pœna severæ nostræ vindictæ & iræ.

2. Omnes & singuli fugiant Dei offensam, imprimis gravia juramenta per Dei Filii mortem & duram passionem, usurpâri proh dolor! sueta. Cumque omnes oporteat laudare Deum, colere & celebrare sanctum ejus nomen nec contumelia afficere, quilibet honestè & verecundè versabitur in familiari sermone, ubicunque sit, & fugiet intemperantiam & ebrietatem sub pœna pro qualitate delicti, & duas vel plures noctes includatur arcæ robustæ vel turri, & solo pane & aqua vivat.

3. Porro omnes nostri ministri, nobiles & ignobiles Nobis, Nostri hæredibus Principibus & Regno nostro Succiae fidi, sinceri & obsequentes erunt, & semper ex fide promovebunt Nostrium & Regni commodum, incommodum verò in tempore avertent & amolientur, prout inramento, existimationi & honori suo satisfacere student, quibus nobis devincti & obligati sunt.

4. Omnes etiam Nostri prænominati ministri, pueri, satellites, qui nostram aulam indies frequentant, item familia nostra aulica, venatores, equisones & omnes alii nostri famuli, quicunque tandem sint, Nostri arcium præfectis nostro nomine dicto audientes erunt, præsentés vel absentes, & ubicunque illorum opera in Nostrium & Regni emolumentum, noctu, interdiu, terra marive uti aut quocunque mittere Nostri causa volunt, hoc vel illo modo, fidos & promptos se præbebunt, sub obligatione famæ & existimationis. Vbi illis hospitia designaverint ac metari fuerint, ibi permanebunt & contenti erunt parte quam nostri prætores aut rustici illis ex æqua æstimatione præstiterint. Quicunque verò superflue & inciviler cibo ac potu usus fuerit, ita ut salvo pudore iterum eructet ac evomat, vel strata honestorum hominum deformet aut perdat, aqua & pane in arca robustea vel turri plectetur.

5. Nulli etiam licebit mutare hospitium ipsi à metatore assignatum, melioris victus causa, sed quilibet sorte sua fruatur, & commoretur in hospitio semel ipsi designato, sub poena sex dierum carceris aut panis & aquæ, & nihilominus hospiti solvat victus expensas; nisi hospes ipsum seorsim ad epulas invitarit.

6. Quicunque in factionem coiverint, quatuor, sex aut plures, contra Nos, nostrum aule Marefcallum, alendis equis præfectum, equitum magistrum, stabuli magistrum, præfectos arcium & prætores, vel contra has nostras constitutiones, in quacunque re fieri possit, quæ Nobis aut regno nostro detrimento sit, vel ut per huiusmodi conspirationem vis quædam vel ipsis invicem, vel aliis subditorum nostrorum illegitimè fieret, idque juri nostro fraudi esset, vel rebellio quædam aut dolus eo confirmaretur; quicunque hoc ausus fuerit aut paritarit, pro proditore habebitur, & capite plectetur, nisi speciali

ciali nostra gratia fruatur. Si quis alium de re quapiam convenire velit, lege agat, non vi, sub pœna capitis.

7. Quicumque in expeditione adversus hostem signa deseruerit, aut latuerit, quando cum aliis in acie aut campo stare debet, & Nostros regnique hostes juncta opera profligare, damnetur ut perfidus, & absque gratia capitis reus sit.

8. Nemo negligat excubias, quarum vices noctu & interdiu subire tenetur, sub pœna capitis. Omnes quoque & singuli sedulam curam habebunt ignis & candelarum, ne inde damnum aliquod oriatur, sub pœna damni dati, aut si eam solvere nequeat, capitis.

9. Nullus egenorum aut divitum ausit conspirare vel in metatis vel alibi terra marive adversus nostros præfectos aut prætores, equites, dispensatores, subpræfectos, cellæ ministros aut alios, qui nostro nomine aliquid in mandatis habent, ad luxum aliquem aut intemperantiam in cibo aut potu fovendam.

10. Nemo etiam conetur Sacerdotibus, civibus aut rusticis extorquere veredos ad circumequitandum proprio nomine ac negotio, sub prætextu Nostri nominis, equitatus aut prætorum nostrorum vel quorumcunque aliorum, ad quos non pertinent, ut sibi per mendacium comparent victum & com meatum. Quisquis in hoc deprehensus fuerit, sive sit noster, sive nobilium præfectorum aut aliorum bonorum virorum minister, capitis pœnæ obnoxius sit.

11. Nullus nobilium aulicorum, puerorum, satellitum, equisonum, venatorum, nauticorum ministrorum vel alii ausint discedere à cætu Nos comitantium, vel diversorio ac hospitio ad convivium vel aliò propria sponte, nisi cum aulæ Marescalli, metatoris, annonæ structoris, vel illis substituti, vel aliorum qui nostro nomine negotium habent, venia & consensu, sub pœna octo dierum carceris, aquæ & panis. Nemo quoq; ausit decedere vel renunciare hospitio sibi designato, nisi cum venia metatoris aut alterius à Nobis mandatum habentis. Delinquens ut fur plectatur.

12. Nullus equos otiosos aut refractarios in hospitio secum habeat, scæno, hordeo aut avena pascat, quibus Nobis & Coronæ sufficiens servitium præstare nequeat. qui hoc fecerit, mulctetur equo & colono solvat pretium scæni aut hordei.

13. Quis-

13. Quisquis conatus fuerit auferre ex arce nostra vel aula cerevisiam, panem, aut alia cibaria, nisi fiat cum nostra venia aut illorum consensu qui in aula vel arce nostra rem familiarem curandam habent, si ea causa damnum patiatur, sibi imputent nec coram aliquo postulandi potestatem habeant. Si excedat dimidiæ marcæ pretium, furti poenâ plectatur.

14. Nemo sacerdotem, civem aut agricolam hospitio oneret, nisi pro ratione temporis satisfaciat ac solvat ei apud quem hospitatur, aut per metatorem aut commeatus structorem aliumve tale negotium à Nobis habentem ejus hospitium resignetur, aut ad convivium à colono invitetur, sub poena carceris ad octiduum, aquæ & panis; & nihilominus solvat pro victu.

15. Nemo alicui nostrorum subditorum in oppidis aut ruri, eorumve uxoribus, fœminis aut familiæ vim ac injuriam faciat, sub poena capitis.

16. Nemo conetur plus pecuniæ accipere ab ærario nostro, quam ipsi promissum est aut mandatum à Nobis, & ille sit instructus equis aut armis, sub poena capitis.

17. Nullus permutet equum, arma & instrumenta militaria, quibus & Coronæ servire tenetur, atque pro illis capiat vestes aut pecuniam. Nec in armorum lustratione commodatò sumat equos aut arma, sub poena capitis. Qui commodatò dederit, excedat nostra aula & infamis sit.

18. Si Nos aut Filii nostri in itinere vel expeditione versentur hîc in regno, mari vel terra, omnes qui Nos sectantur, & quicunq; sunt aulici ministri & regii pueri, satellites, milites, aut alii ex nostra familia aulica, nullo excepto, teneantur Nobiscum in nostra mansione commorari, nec inde discedant ad eligendum sibi hospitium apud sacerdotes, colonos aut alios, nisi nostro aut aulæ Marescalli jussu fiat. Quicunq; hoc patrarit, ad sex vel octo dies poena carceris, aquæ & panis afficiatur, si in terra constituti simus, si mari, ter subeat carinam, absq; gratia.

19. Omnes qui Nos aut Filios nostros Principes sectantur, bene armati erunt, sive in terra sive aqua versantes. Arma semper bene parata habeant, ut quocunque tempore aut necessitate illis opus fuerit, in procinctu sint, ad præstandam illis Domino & Regi suo debitam operam. Quicunque hoc neglexerit, octidui carcere & aqua ac pane puniatur.

20. Nul-

20. Nullus quicumque sit, egenus aut dives per noctem alea ludat aut bibat in arcis conclavi vel alibi clanculum, ut in tenebris fieri solet, postquam Nos, noster aulae praefectus, metator, stabularius, praetores vel alii officiales cubitum iverunt vel post horam octavam aut nonam, sub poena quatuordecim dierum carceris & aquae ac panis. Si inde rixae, turbae aut aliud quid noxium oriatur, hoc secundum causae qualitatem indeprecabili poena afficiatur.

21. Si quaedam lites inter aulicos nostros ministros in designato hospitio vel in nostra aula nascantur, in quacunque re, adsciscuntur sex, duodecim aut viginti quatuor ex prudentissimis aulicis, qui secundum optimam conscientiam & intellectum hujusmodi causas cognoscent, examinant & diiudicabunt, prout coram Deo & hominibus ejus rei rationem reddere volent. Qui iudices eliguntur, singuli prius jurabunt per Deum & sanctum ejus verbum, quod iuste iudicare velint causas ad ipsos devolvendas. Omnes vero causae secundum naturam facti, interveniente quatuor, sex aut plurium testium jurata assertione, cognoscentur, examinabuntur & terminabuntur. Qui vero tale testimonium perhibere volunt, pro se quisque jurabunt, ut infra scriptum est. 1. *Ita me Deus & sacrum ejus Verbum adjuvet, ut hoc juramentum quod nunc praesto, verum & non falsum est aut detortum.* 2. *Omnia bona quae Deus in caelo & terra creavit, & bona in V. & N. Testamento expressa, nunquam mihi prosint in corpore vel anima, si pejeravero.* 3. *Omnia bona facta vel facienda in omni mundo, & omnes facultates quas nunc possideo aut impofterum possessurus sum tam in rebus soli quam mobilibus, mihi meisque haeredibus non sint emolumento vel gaudio in corpore vel anima, si pejeravero.*

22. Qui falsum praestiterit juramentum, cujus legitime convincatur, perjurus, perfidus, improbus, intestabilis & omni judicio exclusus esto.

23. Aulae nostrae praefectus, commeatus structor, equitum magister, stabularius & alii praefecti arcis obligati erunt iudicium aulicum instituere cum nostris ministris, si ve in arce si ve metatis, quot binis aut ternis hebdomadibus, vel minimum quolibet mense, sub poena offensae nostrae.

24. Si

24. Si homicidium, violentus raptus vel aliud enorme delictum perpetretur, nullus tentet occultare vel subducere tales facinorosos, ut sæpe fieri solet. Quicumque hoc fecisse convictus fuerit, eandem cum reo pœnam subeat, nisi eum singulari gratia dignemur.

25. Si quis aulæ officialium conniveat aut sciens indulgeat contra has Nostras constitutiones delinquentibus, ut mandati & placiti Regii contemtor & infidus habeatur, & pro merito plectatur.

26. Ultimo omnes aliæ causæ & negotia inter prænominatos nostros officiales & ministros aulicos occurrentia, vel inter alios aulam nostram sectantes in diversoriis aut arce nostra, vel inter ministros & subditos nostros, sacerdotes, rusticos aut cives, & quæ in his articulis expressa sunt, decidentur secundum Leges aulicas, quæ verò hîc expressa non sunt, secundum jus regni Sueciæ scriptum & causæ conditionem. Hoc tamen nobis per expressum reservato, ut nullæ causæ capitales executioni mandentur, nisi prius nobis cum omnibus circumstantiis, scriptis testimoniis & probationibus insinuatæ sint; & noster aulæ præfectus, aliussve officialis nostram de illis sententiam decretoriam acceperit. Hoc omnes & singuli sibi dictum putent, eique obsequantur. Atque si de cetero in his constitutionibus quosdam articulos meliores reddere, renovare, mutare, quidquam detrahare vel addere velimus, hoc nobis semper integrum liberumque erit. In maiorem horum articulorum fidem & confirmationem, scientes nostrum sigillum affigi curavimus. Scriptum & datum in urbe nostra Upsalia. d. 16. Novemb. Anno 1546.

N O T A.

He Leges quidem ratione ordinis ad pag. 392. referendæ & ante annum 1555. ponendæ fuissent, sed quia primum in eas, ex Codice quodam MSto descriptas, incidimus, quum priores pagine jam excusæ essent; & tamen dignæ luce videbantur, hîc cum Legibus militaribus subsequentibus conjungere volumus.

LEGES

LEGES MILITARES GUSTAVI I.

Regis Sueciæ, &c.

In-
cer-
tum
quo

I. **P**otentissimus Princeps ac Dominus Dn. Gustavus D. G. Suecorum, Gothorum & Vandalorum Rex vult quemlibet militem, qui R. M. stipendia meret, masculè, fideliter & promptè partes suas obit adversus hostem vel alias, accipere stipendium pro ratione officii & experientiæ, unà cum gratuito victu, vestitu & hospitio. Tribunus militum prout experiens belli fuerit, ducentas aut centum marcas stipendii loco capiet, Signifer octoginta marcas, alius minoris officii pro ratione usus & operæ quam locat majorem aut minorem, sexaginta, quinquaginta aut quadraginta marcas, miles triginta marcas, balistarius viginti quatuor marcas. Quisque stipendium suum absque remora stato die accipiet, & quidem pro conditione officii. In expeditione adversus hostem quilibet ex indultu Regio unà cum annuo stipendio menstruū capiat quinq; marcas, quolibet mense in triginta dies computato.

II. Cum omnis nostra prosperitas & successus ab omnipotenti Deo proficiatur, quisq; se decenter ex divini mandati præscripto morigerum præbebit, ejus verbum devotè libenterque semper audiet, colet & celebrabit, ei convenienter, quantum in hominem cadit, vivet, sedulo cavens, ne contra illud faciat, sed semper ob oculos habeat. Si unus aut plures deprehendantur, qui superstitione, maledictis aut Dei offensione illud transgrediatur, nec ut Christianos decet, se gerant, illi ex veteri instituto militari pro natura facinoris plectentur.

III. Quilibet superfluo potu & ebrietate absteineat. Si qui convincantur per ebrietatem quid deliquisse, non minus punientur, atque si sobrii commisissent, pro ratione delicti.

IV. Quisque in acie, velitatione, excubiis terra marive, instativis, cum universo aut dimidio signo, aut per manipulos, aut turmatim absq; contumacia præsto sit, sub pœna capitis.

V. Nullus infamibus verbis suggillet famam & existimationem R. M. aut cognatorum ejus, sed eis dicto audiens, fidus & subiectus sit, ut honestos milites decet. Si quis comperiat, unū aut plures hoc tentare nec præverrat, si possit, impediatur ac denunciatur, ultimo supplicio pariter cum reo obnoxius esto.

VI. Nemo

VI. Nemo R. M. duces militum, tribunos, centuriones, signiferos, tesslerarios, quæsitores, aut alios aliquo officio fungentes verbis aut factis lædat, aut quocunque modo illis resistat, sed illis, ut decet morem gerat. Convictus pro cognitione juris capite plectitor.

VII. Nec quisquam ausit sacramentū, quo se obligavit, cum militiæ nomen daret, revocare aut irritum reddere, sive stipendii, sive victus alterius rei causa; sed contentus sit eo, in quod semel ipse consensit, sive in præsiidiis arcis Regiæ collocetur, sive alibi terra marive ejus operâ opus sit. Si unus aut plures hujusmodi factionis, tumultus aut conjurationis rei peragantur, absque gratia capitis pœnam subeant.

VIII. Omnes & singuli se justè erga R. M. subditos cujuscunq; loci gerant, illos aut illorum potestati subjectos non concutiant, nec verbis aut factis opprimant injuriave afficiant, sed quicquid ab illis emerint pro eo justum pretium solvant, omnique ratione tales se erga illos præbeant, ut nulli querelæ locus sit. Qui secus fecerint, unus aut plures absque venia capite puniuntur.

IX. Germani milites ne effundant contumeliosa & mala dicta in Suecos milites aut Regios ministros, unde inimicitia inter illos excitari possit. Si quis tale quid conetur aut patret, pro seditioso habebitur, velut inutile membrum ab aliis abscindetur, & capite absque omni venia plectetur. Ex adverso Sueci Finnoniciq; R. M. milites id pariter cavebunt, ut omnis inter eos discordia tollatur & exulet. Si quod verò dissidium inter Suecos & Germanos oriri posset, Sueci & Germani, qui non partes sequuntur, obligati erunt se interponere & hujusmodi litem ac rixam dirimere aut amicè inter illos transigere. cui compositioni partes adquiescant, nec petulanter contraveniant, sub pœna paulò ante dicta.

X. Nemo cum altero conspirabit aut conjurabit, ad obreptitiè vel fraudulenter exigendum aut capiendum majus stipendium, quàm à R. M. constitutum est. Si quis hanc conjurationem compertam Regiis Commissariis non detegat, pari cum regis pœna perjurii & capitis afficitor.

XI. Quilibet in lustratione exercitus nomē suū gētile aut patriæ profiteatur, nec aliō nomine per lustrationē eat, nec plus constituto stipendio capiat. Reus, ut perjurus capite plectitor.

XII. Nemo

XII. Nemo discedat castris absque literis commeatus; nec diverforio ipsi designato absque tribuni venia, sub pœna capitis.

XIII. Nemo sibi ipsi eligat diverforium alibi, quam ubi ipsi à metatore vel mensore designatur, eoque contentus sit. Reus pœna militari per quæsitorem afficitur.

XIV. Nemo arma sua, cum quibus lustratus & recensitus est, alea vel alio ludo prodigat, aut commutet absque tribuni militum consensu, sub pœna capitis.

XV. Nemo per iracundiæ calorem sobrius aut ebrius stringat ensen suum in alium. Sed si quid controversiæ inter illos sit, arbitris componendum committant, secus facienti capitali esto.

XVI. Nemo cõnetur intra vel extra castra tractare, literas dare aut mittere ad hostem clam vel palam, vel quocunque modo cum hoste agere inscio & inconsulto tribuno, sub pœna capitis.

XVII. Nulli permittatur in quolibet agmine plus impedimentorum aut prædæ in expeditione terrestri aut maritima secum ferre, quam ipsi à tribuno destinetur ac permittatur. Delinquentis sarcinæ aut spolia publicantur.

XVIII. Nullus explodat sclopetum periculoso loco, unde detrimentum nascatur, præsertim post ductas excubias, sive in stativis sive alibi, terra marive, sub pœna capitis.

XIX. Nemo absque ducis militum iussu castra metetur, in amico vel hostili solo, sub pœna capitis.

XX. Si quiprehendant, quancunque prodicionem instare, præfecto rerum capitalium & magistratui indicent, qui ulterius eam cognoscat & avertat, sub pœna capitali.

XXI. Nemo tentet vim aut injuriam facere mercatoribus aliisve annonam in castra advehentibus, vel intercipiendo, vel alia insolentia, sed cuilibet suum pro æquo pretio relinquat, sub pœna capitis.

XXII. Nemo excedat castris propolii exercendi vel aliquid commercandi causa, quod reliquis in castris desidentibus fraudi aut detrimento esse possit, si legis pœnam evitare velit.

XXIII. Nec quisquam contra fidei publicæ ac securitatis beneficium (vulgò Saluanguardiam vocant) delinquat, sive in hostili sive sociorum & amicorum solo, sed eâ fruente ex autoritate publica inviolatos relinquat.

XXIV. Si prætor rerum capitalium ejusve ministri aliquem admissi causa comprehendere & custodiæ tradere velint, illis

D d

nullum

nullum impedimentum afferatur, sed quilibet eis hic adiumento sit. Si unus aut plures contra faciant, eaq; occasione reus effugiat, par illis cū reo pœna esto. Si quis verò ex invidia vel odio à quæsitore in custodiam tradatur, detecta ejus innocentia, liberabitur.

XXV. Si contingat, ut hostis clade afficiatur in urbe, arce, castello, campo aut ubicunque: vel ut expugnatione, prælio, velitatione aut arte militari superetur, R. Mti; tormenta, pulvis nitratus, & omnia ad armaturam spectantia, item annona, Regalia, nullo excepto absque omni impedimento & excusatione cedent, & ad Regem quoad usum, fructum & dominium pertinebunt. Qui contra hæc quocunque modo deliquerit, ex lege in eum animadvertetur. Reliqua verò præda inter milites distribuetur, nisi propria sponte quædam ex ea magistratui donare velint.

XXVI. Quisque obligatus esto omnes hostium in acie, obsidione urbis aut pugna captos R. Mtis conquistatoribus tradere. Si quis captivorum absque tribuni militum venia militis culpa clabatur, capital esto.

XXVII. Si qui militum in acie vel prælio membris mutilentur, & bello inutiles reddantur, illis victum & alimenta R. M. promisit usque ad extremum vitæ diem ex publico præbenda.

XXVIII. Si quæ armenta vel alia ad annonam spectantia hostibus cripiantur, haud asportabuntur aut abducentur castris, sed in castris in usum militum pro æquo à superioribus æstimato pretio distrahentur.

XXIX. Si qui Regiorum ministrorum plures aut pauciores ab hoste capiantur, ad eos redimendos Rex propensus est, & stipendium, quo intèrim caruerunt, refundendum.

XXX. Si R. Mtas vel ab hoste, in obsidione, vel adversa tempestate impediatur, ut milites menstruum vel annuum stipendium dicto die accipere non possint, nullo tumultu aut factione seditionem excitent, nec vi aut minis æs suum vel alia necessaria extorquere conentur, sed desiderium suum magistratui exponant, ab eo responsum pro re nata laturo. Si quis secus faxit, ultimo supplicio afficitur.

XXXI. Nullus excubiis destinatus absque centurioni: venia, eas negligat, aut alium vice sua submittat. Si quis excubiis absit, aut in illis dormiens deprehendatur, pro natura delicti & cognitione tribunorum plectatur. Qui verò excubiis decesserit absque tribuni venia, capite punitur.

CHRO-



CHRONO- LOGIA.

L. S.

Chronologia antiquior in historia Sueconum valde lubrica & incerta est, priscis rerum quàm temporum observantioribus. Proinde, ne lectori studiosè imponerem, placuit nullam potius, quam incertam ad oram Annalium meorum attexere; donec ad ætatem S. Eriçi deveniretur: ubi certior & Chronologorum consensu comprobata temporum ratio se offert. Si tamen placet qualemcunque interea boni consulere, donec melior detur, si modò dari possit, hic habes ex Jacobi Gisslonis Chronologia anno MDXCII. Holmiæ edita excerptam, paucis à me additis. B. V.

CHRO-

C H R O N O L O G I A

Regum Sueciæ

J A C O B I G I S L O N I S

à

B I Ö R N O N E I I I.

usque ad sequentes.

cum Notis IOH. LOCCENII.

ANNO CHRISTI DCCC. BIÖRNO III.

A. C. XVI. BIÖRNONIS REGIS,

S. Anscharius Septentrionalis Apostolus in
Sueciam venit, & multos ad fidem convertit.

Nota: *Consentit huic tempori Eupoldus Bebenburgensis* (sic emendandum apud Ioh. Magnum lib. xvi. Hist. suæ cap. 2. ubi eundem ad testimonium vocat, pro *Lubenburgensis*) *in libro de zelo Principum Germaniæ erga religionem*, ubi sic scribit: *Destinavit idem Ludovicus Danis & aliis in circuitu positis gentibus ad prædicandum verbum Dei S. Ansgarium Hamaburgensem primum episcopum: qui & Suevos sub anno D. 816. ad fidem convertit.* Per Suevos cum hîc intelligere Suedos vel Suecos, non Suevos Germaniæ populum satis inde liquet, quod hîc de Danis & vicinis gentibus agit, ad quas missus est à Ludovico Imp. Caroli M. filio Anscharius. Ad Suevos verò nunquam ille missus est. Accedit, quod Suevi propriè ita dicti jam anno Christi DC. à S. Gallo conversi erant, ut notat Chytræus in præf. Metropol. p. m. 461. Annum DCCCXVI. primæ conversionis Sueconum agnoscit etiam hic Ionas Magni Vex. Episcopus quondam Scarenfis p. m. in Synopf. Histor. Neq. obstare videtur, quod Ludovicus Imp. Caroli M. filius Anscharium in Daniam & vicinas oras anno DCCCXXXIV. miserit; ut ex ejus literis apud Pontanum lib. iv. Histor. Danic. patet, quum altera vice tunc in Sueciam iverit Anscharius; non semel enim huc venit. Messenius in sua Chronologia Scandiana habet annum 829.

DCCCXXIV. BRVTAMVNDVS.

DCCCXXVII. SIVARDVS III. Fro dictus.

DCCCXLII.

- DCCCXLII. HEROTVS.
 DCCCLVI. CAROLVS VI.
 DCCCLXVIII. BIÖRNO IV.
 DCCCLXXXIII. INGEVALLVS aliàs INGELLVS incendio
 periit.
 DCCCXCI. OLAVVS Tretelia Ingelli filius, Rex prudens &
 bellicosus.
 DCCCC. INGO II. Olavi filius, Regneri filiam uxorem
 habuit. Bellum cum Russis gessit, Russiamque
 ferro & flamma usque ad Tanaim devastavit.
 DCCCCVII. ERICVS VI. à ventoso pileo nominatus. Nam
 quocunque pileum suum vertit, inde opatus
 ventus adspirabat.
 DCCCCXVII. ERICVS VII. Victoriosus dictus, Agnerum
 Danum hostem prostravit. Curetes quoque,
 Esthones & Prussos vicit.
 DCCCCXL. ERICVS VIII. aliàs Stenchillus dictus, vulgò
 Stenksåf.
 DCCCCXLV. Idem missis legatis prædicatores ab Archiepis-
 copo Bremensi petit, & sequenti anno impetrat.
 DCCCCLXXX. OLAVVS Skottkonung dictus, quia Regnis
 suis tributum imposuit, quod Romam ad Pa-
 pam misit: vulgò votum Olai dicitur.
 DCCCLXXXII. Idem missis legatis ad Angliæ Regem prædi-
 catores flagitat. Missus S. Sigfridus Archiep.
 Eboracensis, à quo ipse Rex baptizatus est.
 DCCCCXCV. Idem Suetiæ & Gothiæ Norvegiæ adjunxit.
 DCCCCXCVIII. S. Olaus Rex Norvegiæ floruit, & bellum gessit
 cum OLAVO Skottkonung. MXI. habet
 Messenius.
 DCCCCXCIX. S. Olavus filiam OLAVI Skottkonung uxorem
 duxit.
 MXVIII. Olavus Rex Sueciæ obiit. Sepultus Lincopiæ
 in Ecclesia cathedrali.
 MXIX. AMVNDVS annosus, vulgò Kåsbrenna/filius
 Olavi Skottkonungh, à S. Olavo educatus.
 MXXXV. AMVNDVS II. Vilis, Amundi annosi ex con-
 cubinâ filius. Annum 981. habet Mesenius in
 Chronologia Scandiana.

- MXLI. HAQVINVS Rufus, Rex clemens & pacificus, V Vestrogothus. Regnavit annos tredecim.
- MLIV. STENCHILLVS nepos Olavi Skottkonung: inter optimos quosque Reges connumerandus. Regnavit annos V.
- MLIX. INGO III. Regnavit annos V. ferè. *Mesfenius Tumbar. cap. XII. anno MLX. obiisse refert. Sed si annos quinque ferè regnavit, oportet anno MLXIV. vel MLXIII. obiisse.*
- MLXIV. HALSTANVS, Ingonis frater. Christianæ fidei amator & pacificus. Regnavit annos XVI.
- MLXXX. PHILIPPVS Halstani filius, Rex probus, qui piè, prudenter & pacificè regnavit annos XXX.
- MCX. INGO Philippi filius conjugem habuit S. Ragnildem matrem Christinæ uxoris S. Erici. Veneno mortuus est. *Quidam hic habent annum 1120. alii 1130. Alii aliter.*
- MCXXIX. RAGVALDVS Snaphosde. Semper novas, nunquam bonas leges invenit. Fuit tyrannus temerarius.
- MCXXXVIII. SVERCHERVS II. duo monasteria condidit Alvastra & Varnhem. In illo sepultus MCXLIX.

Reliquorum Regum Chronologia, ut certior, in ipso contextu ad oram librorum suo ordine scripta est,

AUTHORUM INDEX,

quorum ope usus sum in opere meo Historico.

Erici Vpsaliensis Historia Suecorum Gothorumque.

Iohannis Magni Historia Suecogothica. Eiusdem Historia Metropolitana.

Olai Magni Historia rerum Septentrionalium.

Acta MSC. ex Archivo Regni Sueciæ: quorum describendorum facultatem R.M. nomine Illustriss. Comes Dⁿ. AXELIVS OXENSTIERNA Regni Cancellarius mihi concessit.

Alberti Crantzii Historia Suetica.

Laurentii Petri Chronicon Sueciæ MSC.

Olai Petri Chronicon Sueciæ MSC.

Anonymi Chronicon MS. Sueticum.

Anonymi Chronicon Suecicum rhythmicum MS.

Anonymi Chronicon Regum Sueciæ Germanicum MS.

Iacobi Ziegleri Scondia & Excidium Holmiese.

Iohannis Messenii Scondia illustrata, sive Chronol. Scondica MS.

Chronicon vetus Suedicum à Messenio editum.

Ioh. Messenii varia opuscula rerum Sueticarum.

Erici Georgii Chronicon Gustavi I. Sueticè editum.

Erasmi Caroli (ut putatur) Chronicon MS. contractum Gustavi I. quod ab illustri Dn. Erico Sparre / nunc in Norlandia Gevaliensis districtus præfecto utendum habui.

Petri Petreii Chronicon Sueticum.

Laurentii Paulini Historia Arctoa.

Synopsis Historiæ Universalis Ionæ Magni Vex.

Descriptio Suediæ Michaelis Gyldenslöp.

Adami Bremensis Historia Ecclesiastica.

Iohannis Baazii Historia Ecclesiastica Suedica.

Iohannis Vastovii Vitis Aquilonaris, vel de Episcopis Sueciæ.

Chronicon vetus Norvegicum Snorronis Sturlesonii.

Chronicon S. Olai Regis Norveg. MS. ex Bibliotheca Regiæ Serenissimæ CHRISTINÆ Reginæ.

Saxonis Grammatici Historia Danica.

Arnoldi Huitfeldii Chronicon Danicum.

Ioh. Isaaci Pontani Historia Danica.

Iohannis Meursii Historia Danica.

Petri Tarvi Dani Hist. Iohannis Regis Daniæ & postea Sueciæ.

Iohan-

Iohannis Iani Suaningii Chronologia Danica.
 Ioh. Nicolai Streløvii Chronicon Gothlandiæ Danicè scriptum.
 Dav. Chytræi Chronicon Saxonicum.
 Vbbonis Emmii Historia Frisica.
 Gulielmi Camdeni Historia Anglica Elisabethæ.

ERRATA sic emendentur in Historia.

Pag. 1. v. 15. *saltem*. 3. in inscript. huius & seqq. pagg. dele CAP. 1.
 16. 3. *Biðrnoiem*. licet alii quoque *Biðrnum* appellent: unde & hoc
 retinui. 5, 15. conjugem. 23, 3. *Norvegiæ*. 24, 12. *anserem marem*. ib. 3
presertim apud. 25, 16. *forfan*. 39, 2. *vestra*. 40, in marg. 1160. 41, 11.
 pro *Fåle* scrib. *Fale*. 55, 25. *proferre*. ib. 35. *saltem*. 59, 20. *regni cura*.
 ib. 22. *expunge cura*. 68, 3. post verba *extra urbem*, appone *in monte*.
 80, 7. *oppignerat*. 90, 30. *semen*. 116. 18. *percontatus*. 131, 9. *abruptas*.
 ib. 18. *stragem nostri* f. 134, 6. *serventur*. 138, 21. *magno in*. 143, 29.
quam aliis. 146, 18. *succurrisset*. ib. 39. *astu delusis*. 149, 23. *percontanti-*
bis. 164, 1. *Danorum*. 178, 14. *citis itineribus*. 181, 39. *ere campano*.
 206, 16. *suscienda*. 212, 24. *Rex Gustavus*. 225, 31. *seorsum*. 234, 6.
væ salutis viam. ib. 16. *ferias*. 243, 1. *regis impensa*. 249, 38. *alloqui-*
tus. 265. *carbonariis cellis*. 271, 34. *Lubecensium*. 272, 16. *Hallandos*.
 275, 10. *menstrua æra*. ib. 25. *præstita*. 278, 37. *defendendi urbem*. 295,
 35. *innoxios*. 302, 30. *servitute*. 308, 39. *sejungerentur*. 317, 38. *calu-*
nniis. 351, 18. *Konung*. 352, 14. *diphthongo*. 360. 5. *regnorum*. 366. 9.
Georg. Iohannis in Empteriidh. dele. ib. 19. *Olai*. 371, 2. *subditi*. 375,
 24. *promoveatur*. ib. 28. *Principalibus*. ib. 38. *Orebroensi*. 375, 4. dele.
 fi. 378, 39. post *genere* adde *uatur*. 379, 22. **CONSTITUTIO**.
 393, 9. *incommodo*. ib. 15. *Dominicana*. 395, 4. *excogitare*. ib. 10. post-
genitis. 26. *Regiis*. 400, 9. *cura*. 16. *Kniifsstada*. 414, 17. *ex ærario*. 418,
 36. *cum reis pæna*.

In Antiquitatibus Sueco-Gothicis.

P. 7, 12. *Melpomene*. 8, 1. *Φιλαδελφωπ*. 15, 10. *circuitim*. 24. 19. *occi-*
dentum. 27, 18. *Jwlmānat*. 28, 10. *Thidberin*. 29, 23. *Etiamsi*. 40, 35.
 per *occisionem emigrationis* c. 59. 32. *Ladulås*. 60, 36. *Bremen*. 61,
 10. *regnozcertè*. 69, 32. *urbibus*. 70, 15. *impudenter*. 72, 6. *alter*. 73, 5.
ministras publicos. 76, 9. *multitudine armata*. 78, 22. *equa uti*. 83, 24. *li-*
beratur. 91, 13. *Extremis*. 105, 20. *quietis*. 109, 23. *conspiciori*. ib. 28.
species. 118, 25. *Item*. 129, 4. *credimus*. 135, 2. *conciinniora*. ib. 5. *ob-*
servamus. 136, 19. *est*. 137, 2. *istud*. ib. 8. *militia*. 161, 27. *numquam*.
Reliqua leviora emendabim ipse h. Elor.

IOHAN-

